

NI IS

1713







Y they 4



William Hanbury Esq of Kelmarsh
in Northampton Shire

C.P. April 7. 1759 (Z) Regemorterus!

0.1.0

G. Thel 4

78

80

Scholæ Rhetoricæ,

DE
CONTEXENDARVM
EPISTOLARVM
RATIONE

MELCHIORIS IVNII Vuitebergensis;
Eloquentia in Argentinensi A-
cademia Professoris



BASILEÆ
per CONRADVM VVALDKIRCH
CLD MD XXXVII.

1847

Scholarship

1847


CONSTITUTIONAL

OF THE

UNITED STATES

OF AMERICA

1847



LIBRARY

OF THE


CONSTITUTIONAL



Illustrissimis Principi-
pibus ac Dominis:
Domino

*JVLIO ERNESTO & Domi-
no FRANCISCO Ducib. Brun-
suicensibus & Luneburgensibus,
Dominis suis clemen-
tissimis*

MELCHIOR IVNIVS
S. P. D.

 Cholis ego aliquot Rhe-
toricis, Illustriss. Prin-
cipes, Domini clemen-
tissimi, contexendarum
Epistolarum rationem,
paucos ante annos, auditoribus meis, e-

P R A E F A T I O.

loquentiae studiosis, indicare conatus sum. Neque hoc me ab instituto deteruit: quod genus illud studij totum leue fortassis, atque minutulum quibusdam esse videtur: quod multi, sprete certa ratione, neglectis praeceptis, omni exemplorum, cum obseruatione, tum imitatione postposita, laudem tamen non in scribendo nullam consequuntur: quod puerile, cum ex tempore, & non quaesito, sed oblato saepe argumento, per literas cum aliis agendum, ad praecepta, vel exempla confugere: quod denique, si quae postuletur ars, ei qui à rhetoricis est probe praeceptis instructus, etiam Epistolas scribere minimè difficile sit. Vt enim latere alia nunc patiar, quae de epistolarum adferri vtilitate, & verè, & copiosè possent, quis, ut momenti, aut nullius, aut exigui illud contemnet: quod in omnes vitae humanae sese longè lateq; partes

P R A E F A T I O.

tes profert, atque efficit: vt qui locorum sunt interuallo disiuncti, inter se tamen colloquatur, eademq; ferè absentes, quæ si coràm essent, consequantur: commendent amicos: in viam quasi aberrantes reducant: aduersa pressos fortuna erigant ac solentur: præstent alia, quæ literis credi committiq; solent: atque ita præstent, vt rei ipsius, qua de agitur, ratio habeatur: spectetur tempus: personæ considerentur: non negligantur cætera, sine quibus, id quod difficile, decorum retineri nullo modo potest? Artem verò quis aspernabitur: parui aut nihili exempla faciet: nullo imitationem loco numerabit, nisi istud qui ignorauerit, quemadmodum omnibus in rebus aliis, ita epistolis quoque hoc illa præstare: vt facilius, rectius, felicius, quæ fieri necesse est, fiant: non nisi diuturna cum observatione, tū exercitatione habitum parari atque im

P R A E F A T I O.

petrari: vt, etsi tum, cùm in manum est
calamus sumendus, ad ea non confu-
giamus, non tamen malè ineptèque scri-
bamus: veluti concitato nauigio, etiam
remorum impetu atque pulsu remisso,
naui nihilominus suum retinere cur-
sum: propter contractum iam habitum
sine singulorum modorum obseruatio-
ne, scitè Musicos modulari: carmen con-
dere bonum Poetas videmus, qui pue-
rorum more in syllabis examinandis
non sunt occupati? Nam ad Rhetori-
ca praecepta quod attinet, licet illorum
in epistolis exarandis vsum esse ma-
gnum inficias nemo ire queat: tamen &
hoc haud, opinor, grauatè omnes conce-
dent ὁ ἑταίρος, obseruatione adhibi-
ta, non pauca reperiri, quæ Epistola-
rum sunt propria, & neque ad oratio-
nes referri possunt, neque à dicendi ma-
gistris in rhetoricis traduntur. Hisce er-

P R A E F A T I O.

go causis adductus, Ciceronis ex Epistolis familiaribus omnibus certas in classes distinctis eloquentiae studiosis ostendere conatus sum: primum quanam in singulis contexendis literis probantia, mouentia, conciliantia argumenta adhibenda. Deinde cuiusmodi horum collocatio & tractatio instituenda. Tum primis quasi lineis ductis, quo pacto, quae apud Ciceronem inueniuntur, hoc nostro tempore imitando sint exprimenda, atque effingenda, ita, ut testata, non aperta: non seruilis, sed libera fiat imitatio: in ipsa quoque similitudine dissimilitudo aliqua deprehendatur. Verum ostendere ista conatus sum tantum: praestare quae volui, non potui. Conatum tamen hunc quantulumcumque meum boni, uti spero, eloquentiae studiosi consulent. Sed & Vos illustrissimi atque serenissimi Principes,

P R A E F A T I O.

Domini clementissimi, ea qua par est
 obseruātia, rogo; illud clemēter accipere
 dignemini: quod vestro illustri inscriptas
 ac dicatas nomini, Scholas hasce meas
 apparere, inq̃ hominum venire manus
 volui. Scio equidem, dignas eas nō esse,
 quæ lucem aspiciant: neque aspiciere
 quoque passus fuissē, nisi amici non-
 nulli & studiosi quidam hoc à me ado-
 lescentes petiissent. Noui & illud: longē
 maiora atque præstantiora ea esse oport-
 ere, quæ tam celfo illustriq̃ natis loco
 inscribenda. Verumtamen quò minus
 istud quod facio, facere dubitarem, fue-
 runt, quæ me mouerunt, plurima. Vos e-
 nim singulari hætenus me complexi cle-
 mentia estis: vt meæ vicissim erga Vos
 obseruantie aliquod flagitari argumen-
 tum videatur. Vos vnicè literas amatis,
 iisdemq̃ & generis atq̃ familiae decus
 ornare magis: & parare ea studetis, sine
 quibus

P R A E F A T I O.

quibus rectè vtiliterq; imperij tractari gubernacula nequeunt. Vos ita cum reliquis studiis Ciceronis lectionem, styliq; coniungitis exercitationes sedulo ac feliciter: vt cum hoc nomine, tum multis alijs meritò sibi gaudeat, qui Vobis adiunctus D. BERNHARDVS RV-
LOVIVS: vir literatus: praeceptor fidus: moderator diligens: gratuler ego antiquissimæ atque illustrissimæ domui Lunæburgensi. CHRISTVM denique Optimum Maximum precer: lucis huius diuturna Vos vsura donare: ita quoque porrò studia Vestra Spiritu gubernare suo dignetur: vt egregium aliquando in Vobis, non subditi modò, verum etiam alij paratum praesidium habeant. Et munusculum ergo hoc leuidentense serena fronte accipietis, nec Celsitudine Vestra, sed donatis animo aestimabitis: Et, quod summissè peto, solita me clemen-

P R A E F A T I O.

*tia prosequemini. Valete Illustrissimi
Principes, Domini clementissimi. Ar-
gentinae decimosextimo Calendis Augu-
sti. Anno recuperatae per CHRISTVM
salutis M. D. LXXXVII.*



*Index Epistolarum, de quibus
huius in libelli agitur*

P A R T E I.

De Commendatitiis Epistolis.	pag.1.
De Ratione respondendi ad aliorum Episto- las commendatitias	15
De Modo gratias agendi iis, qui commenda- tos à nobis amicè humaniterq; tractarunt.	20
De Cohortatoriis Epistolis.	23
De Ratione respondendi ad literas aliorum cohortatorias.	36
De Suaforiis epistolis.	41
De Dissuaforiis epistolis.	44
De Ratione respondendi aliorum literis sua- foriis, aut dissuaforiis.	49
De Petitoriis epistolis.	53
De Ratione respondendi ad aliorum literas petitorias.	62
De Ratione agendi gratias iis, qui precibus nostris locum reliquerunt.	69
De Communicatoriis Epistolis.	71
De Ratione respondendi ad aliorum literas communicatorias.	78
De Consolatoriis Epistolis.	86
De Ratione respondendi ad literas aliorum consolatorias.	97
De Officiosiis Epistolis.	104

I N D E X.

De Ratione respondendi ad literas aliorum officiosas.	110
De Conciliatoriis epistolis.	113
De Mandatoriis Epistolis.	120
De Disputatoriis Epistolis.	125

P A R T E II.

De Gratulatoriis epistolis.	129
De Ratione respondendi ad aliorum gratulationes.	140
De Gratiarum actionibus.	145
Ratio respondendi ad aliorum gratiarum actiones.	151
De Nuncupatoriis epistolis , seu Dedicatoriis.	155
De Ratione respondendi aliorum dedicatoriis.	166
De Laudatoriis epistolis.	168
De Reprehensoriis epistolis.	199

P A R T E III.

De Accusatoriis epistolis , seu Expostulatoriis.	216
De Ratione respondendi aliorum literis Expostulatoriis, seu Accusatoriis.	224
De Ratione respondendi ad aliorum purgationes.	237
De Querulis & Indignatoriis Epistolis.	239
De Ratione respondendi ad aliorum querelas.	249
De	De

I N D E X.


De Comminatoriis epistolis.	261
De Ratione respondendi ad minaces epistolas.	265


P A R T E I I I I .


De Nunciatoriis epistolis.	268
De Ratione respondendi ad aliorum literas Nunciatorias.	285
De Denunciatoriis epistolis.	291
De Ænigmaticis epistolis.	298
De Iocosis & Facetis epistolis.	303
De Ratione respondendi ad aliorum iocosas & facetas Epistolas.	312
De Didascalicis epistolis.	315

F I N I S .









DE
R A T I O N E
C O N T E X E N -
D A R V M E P I -
S T O L A R V M

Pars I.

*Deliberatiui generis: & quidem primò
 Commendatitias Epistolas
 continens.*

PRINCEPS inter Episto- *De Delibera-*
 las iis maximè deberi lo- *tiui generis E-*
 cus videtur, quæ ad Deli- *pistolis cur pri-*
 beratium referuntur ge- *mo loco aga-*
 nus, propterea, quòd ni- *tur.*
 hil, vel honestius, vel vti-
 lius, vel necessarium ma-
 gis, quàm de nota, quod aiunt, meliore
 eos, quos charos habemus, commendare:
 à turpitudine ad honestatem flectere: ad
 vtilitatē traducere à damno: rogare: con-
 solari: suadere iisdem aliquid aut dissuade-

*Commendati-
tia Epistola.*

re: officia deferre: mandare atq; iniungere: consilia nostra exponere, ac vicissim eorundem exquirere. Itaque & nos contextendarum Epistolarum breuem indicaturi rationem, de iisdem priore loco agemus: & quidem initio ab illis facto, quæ *συγκατα* à græcis, à latinis commendati-
tiæ appellantur, quia *συγκατα* commendationem continent eorum, quorum nomine, vel officij, vel beneficij quid ab amicis petimus. Est enim hoc, & vtitur maxime, & simul periculosum epistolarum genus. Neque temerè poeta monet:

*Qualem cõmentes etiam atq; etiam aspice: ne mox
Incutiant aliena tibi peccata pudorem.*

*In Commenda-
titiu Epistola
sola qua cõ-
sideranda.*

Considerandæ ergo primum sunt iis, qui prudenter, eruditè, decorè, commendare alios volunt, personæ: quis scilicet, quem, cui commendare velit. Deinde res ipsæ perpendendæ, propter quas commendationes tales instituuntur: iustæ ne sint & honestæ: aut vtilis: aut faciles: an verò contrario sese modo habeant. Tum finis spectandus, qui est, ut is, qui cognitus ante commendatusq; non fuit amico, charus eidem acceptusque fiat, & quod vult ac petit, impetret. Postremò etiam de *ἐννοίας* sententiis & argumentis eorundemque collo-

COMMENDATITIIS.

3

collocatione artificiosa & varia est cogitandum. Sunt autem argumenta hic adhibenda primum *δεικνύει* docentia & probantia, eaque sumenda vel à rei ipsius, quae de agitur, honestate & æquitate: vel facili & *δυνατόν*: vel utili, & gratitudinis eorū quos cōmendamus pollicitatione: vel eiusdem antè nobis præstitis beneficiis: vel nostro aliorumque exemplo: vel testimonio, iudicio, autoritate magnorum virorum: vel intercessione atq; precib; amicorum. Deinde ad *παθόν* animorum motus quod attinet, reperiuntur hic spes, & metus, odium, & amor: maximè verò misericordia, quæ excitanda erga pauperes, exules, aduersa fortuna oppressos: ita quidem, ut ostendatur eandem quoq; aliis, maximè verò iis ad quos scribimus metuendam esse. Tum & illi qui commendationes institue re cupiunt, eorum ad quos scribunt sibi & amicis, quos commendant conciliare animos necesse habent: aut laude eorum quibus literas dant commendatitias: sine tamen *κολακασία* adulatione, & commendatione nimis aperta, aut exaggerata: aut modesta atq; verecunda excusatione, & expositione causarum institutæ commendationis: aut animi grati perpetuæque me-

Argumenta
commendatio-
num proban-
tia.

παθόντων mo-
ventia argu-
menta.

διδόν concili-
antia argu-
menta.

*Collocatio in-
ventorum ar-
gumentorum in
singulis episto-
la commenda-
titia parti-
bus.*

*Exordia com-
mendatitiarum
literarum.*

moræ pollicitatione: aut amica atq; blan-
darogatione: aut præteritione & præci-
sione: aut πεποιθήσεως fiducia & spei de ami-
co conceptæ significatione. Tribus porro
hisce sententiarum atque argumentorum
collectis inuentisque generibus, etiam δι-
νονομία dispositio erit consideranda, ac vi-
dendum, quæ quibusnam potissimum in
partibus, locum habeant. Sunt autē quin-
que potissimum commendatitiarum epi-
stolarum partes, quarū prima exordium,
vel ἀφηγήσει constat ἐπιδεικτικαῖς καὶ αἰτιώδεσι
narrationibus habentibus causas cōmen-
dationis & personarum exornationes, à
patria, parentibus, familia, pietate, doctri-
na, ingenio, virtutibus, familiaritate, ne-
cessitudine aliisque rebus desumtas: cu-
iusmodi in familiaribus Ciceronis episto-
lis exempla reperiuntur. lib. 1. epist. 3. lib. 2.
epist. 6. 14. libr. 6. epist. 9. libr. 11. epist. 16. 17.
22. lib. 12. epist. 21. 27. 29. lib. 13. epist. 2. 3. 4. 7.
11. 13. 14. 15. 16. 17. 18. 20. 21. 22. 26. 31. 33. 34. 51.
Vel ἐπαναλήψει ὑποχέσεως repetitione factæ
promissionis amici. lib. 13. epist. 6. 13. vel δι-
χαλειῶν gratiarum actione, cum petitione
coniuncta & commendatione noua. libr.
13. epist. 19. vel παραλήψει præteritione cau-
sarum institutæ commendationis. lib. 12.
epist.

epist. 6. lib. 13. epist. 7. 22. 35. vel *περίλει* occupatione & *περὶ ἀσπίδος* præmunitione
 atque mitigatione quadam, qua intempe-
 stiuam aut crebram nimis interpella-
 tionem modestè excusamus & suspicio-
 nem impudentiæ declinamus. lib. 2. epist.
 5. libr. 11. epist. 16. libr. 13. epist. 5. 10. 20. 23. 33.
 51. Pars altera Narratio est, quæ breuem rei
 ipsius ac negotij, cuius gratia commenda-
 tio instituitur, *ἐκθεσις* expositionem conti-
 net. lib. 7. epist. 5. lib. 11. epist. 16. lib. 13. epist.
 12. 15. 31. 35. 51. Pars tertia est *ὑπόθεσις* propo-
 sitio aut directa, facta partim *ἀξιῶσαι* peti-
 tione. lib. 1. epist. 3. lib. 2. epist. 14. li. 6. epist.
 9. lib. 11. epist. 19. 22. lib. 12. epist. 21. 26. lib. 13.
 epist. 2. 3. 6. 12. 15. 16. 18. 21. 23. 31. 33. 35. 51. 64.
 partim *παράθεσις καὶ συστάσις* commendatio-
 ne ipsa. lib. 12. epist. 27. lib. 13. epist. 13. 14. 22.
 26. 27. 34. 64. Aut obliqua & figurata insti-
 tuta præteritione. lib. 12. epist. 6. 29. lib. 13. 4.
 6. Vel *ἀποφάσις* negatione lib. 13. epist. 17. 19.
 Pars quarta. Confirmatio argumenta com-
 plectitur, quæ paulò indicata antè fuerunt,
 petita ab honesto. lib. 11. epist. 19. 22. lib. 13.
 epist. 4. 13. 15. vel facili & *δυνατῶ*. lib. 2. epist.
 6. lib. 11. epist. 16. 17. 22. lib. 13. epist. 10. 22. 31.
 vel utili. libr. 2. epist. 6. libr. 6. epist. 9. lib. 12.
 epist. 29. lib. 13. epist. 2. 3. 4. 6. 10. 13. 14. 15. 16.

*Narrationes
 commenda-
 titia.*

*Propositiones
 cōmendatitia.*

*Confirmatio-
 nes commen-
 datitia.*

Conclusio
commendati-
onis.

18. 19. 21. 23. 26. 29. 34. 51. 64. Vel beneficiis
antè nobis nostrisque præstitis. libr. 13. e-
pist. 6. 11. 12. 17. 51. Vel exemplo nostro, aut
aliorum. libr. 12. epist. 21. libr. 13. epist. 2. 4. Vel
iudicio & testimonio magnorū virorum.
libr. 13. epist. 4. 6. vel intercessione & preci-
bus amicorum. libr. 3. epist. 6. libr. 11. epist. 16.
19. libr. 12. epist. 21. 29. Pars quinta & postre-
ma. Conclusio absoluitur. Aut ὑποχρεῖται τῇ
ἀντιδωρεῖ ἢ ἀντὶ δεσμευτήματος animi grati & re-
munerationis pollicitatione, ratione ha-
bita tum commendantis, tum commen-
dati & verecundiæ atq; modestiæ in pro-
mittendo. libr. 2. epist. 6. libr. 6. epist. 9. 29. libr.
13. epist. 2. 3. 4. 6. 10. 13. 14. 15. 16. 17. 18. 19. 21. 23.
26. 33. 34. 51. 64. Aut ἀεὶ ἀπολογίῃ occupa-
tione, excusatione, correctione & signi-
ficatione causæ institutæ cōmendationis.
li. 13. epist. 11. 6. 17. Aut πεποιθήσεως fiduciæ &
spei p̄claræ de amico cōceptæ indicatione.
libr. 2. epist. 6. libr. 13. epist. 6. 11. Aut ἀνακεφα-
λαιώσει ἢ ἀναμνήσει repetitione præcipuorū.
libr. 2. epist. 14. Aut ἀνασιωπήσει τῆς ἀξιώσεως
petitionis præcisione. libr. 2. epist. 6. libr. 11.
epist. 16. libr. 13. epist. 2. 5. Aut ἀνακαινώσει καὶ
ἐπαναλήψει τὴν ἀξιώσεως petitionis ac commen-
dationis repetitione. libr. 11. epist. 17. 22. libr.
12. epist. 21. 26. 27. 29. libr. 13. epist. 1. 4. 5. 7. 10.
15. 16.

15.16.19.22.31.64. Vt verò hæc ipsa apertius, *Materia consolatium varia.*
 felicius, facilius ad vsum transferantur i-
 mitandoque exprimantur, res ipsas atque
 materias obseruare oportet, quæ in Cice-
 ron's epistolis familiaribus reperiuntur.
 Sunt enim in illis commédationes variæ.
 Amicorum generales, vt humanè illi exci-
 piantur & tractentur. lib. 13. epist. 3. 6. 14. 20.
 25. 31. 32. 34. 35. 39. 46. 48. 52. 60. 71. 74. In fi-
 dem, tutelam, patrociniũ recipiãtur. lib.
 2. epist. 14. lib. 7. epist. 5. lib. 12. epist. 26. 29.
 lib. 13. epist. 10. 19. 21. 23. 49. 50. 51. 56. 59. 60.
 67. 70. 78. Iuuentur atque promoueantur
 in muneris atque officij alicuius petitiõ-
 ne. lib. 2. epist. 6. lib. 11. epist. 16. 17. In famæ
 atque existimationis defensione. libr. 12.
 epist. 21. In fortunis & facultatibus, vel cõ-
 seruandis, vel recuperandis. lib. 6. epist. 9.
 lib. 13. epist. 37. 54. 70. In causa hæreditaria.
 lib. 7. epist. 21. libr. 13. epist. 26. 29. 30. In exi-
 genda pecunia. lib. 13. epist. 14. 56. 61. 72. In
 impetrando reditu. lib. 9. epist. 13. lib. 11. e-
 pist. 22. In comoda habitatione compa-
 randa. libr. 13. epist. 1. 2. In immunitate ac-
 quirenda. libr. 13. epist. 76. In ciuitatis iure
 consequendo. lib. 13. epist. 36. In restitutio-
 ne agrorum aut prædiorum. libr. 13. epist.
 4. 5. 7. 8. Legatorum. lib. 13. epist. 11. 12. Mer-

catorum: lib. 1. epist. 3. lib. 13. epist. 9. 17. 22. 33. 43. 44. 65. 66. Adolescētum: lib. 13. epist. 15. 16. 40. 64. 79. Sunt & in epistolis ad Atticum huius generis cū alia exempla, tum libr. 14. epist. 13. vbi admodum artificiosè Ciceroni Antonius, P. Clodij hostis filiū commendat, & inter cætera generosi esse animi scribit, susceptas inimicitias deponere, non posteris tradere: & humani atq; sapientis, afflictam hominum fortunam dignam misericordia iudicare: vt hæc usurpari epistola possit, cū commendandus is, qui propter parentes & familiam parum esse gratus acceptusque potest. Et lib. 16. epist. 17. vbi Butrociana causa prolixè, vt & in tribus illis quæ sequuntur Planco commédatur. Itaque ex iis videre licet, quonam pacto eiusdem vel rei, vel personæ, sit sepè, sine tamen molestia aliqua aut offensione, commendatio instituenda. Et in Epistolis ad Brutum epistol. 1. in qua L. Clodium Bruto Cicero commédatur: simul etiam excusat id, quod de Clodij nescio quibus sermonib. ad Brutū erat delatum: & ne plus gratiæ quàm veritati tribuere videatur, profiteretur non temerè sese aut facile alios commendare, eò quòd periculosum hoc sit cum primis propter naturas multi-

multiplices occultasq; hominum voluntates. Quæ sententia præclara est, & in cōmendationibus, fidei faciendæ gratia, sæpè vsurpanda. Et 7. vbi Brutus Ciceroni Bibulum commēdat, vt in honoris petitione suo illi suffragio adsit. Et 8. vbi Cicero Bruto Nasonium commendat strenuum militem. Et 11. in qua Brutus Antistichum quendam ducem Ciceroni commendat. Deinde & illud spectandum: testé ne, oblique, occultè: an directò & apertè sint commendationes factæ. Nos exemplo aliquo rationem & artis obseruandæ & instituendæ imitationes in huius generis epistolis ostendere conabimur: sed ita vt nudas tantum sententias, & primas quasi lineas ducamus: elocutionem atque ornatum eloquentiæ studiosis relinquamus. Sit ergo ad imitandum epistola nobis 2. lib. 13. famil. proposita, in qua Auianum Cicero Mémio commendat, & vt ei se de habitatione accommodet, petit. Partes epistolæ illius quatuor sunt. Prima, principiū causarum *ἐνδείξει* & *αὐτοδιδόξει* commendatione Auiani factum, quam à familiaritate Cicero & conuersatione sumit. Vnde & illud colligitur: virum Auianum bonum & virtute præditū esse: cū non nisi cum bonis bo-

*Simplicis &
aperta com-
mendationis
imitatio.*

ni qui sunt, versentur. Altera propositio est, quæ *ἀξιωματικὴ* petitionem admodum modestam ac verecundam continet. Tertia est cōfirmatio, argumentis constans, à necessitate & vtilitate petitis. Quarta & postrema conclusio grati animi *ὑποχρεωτική* pollicitatione absoluitur. Hanc ergo imitando effingere conati epistolam adolescentem studiorum gratia in Academia aliqua commorantem viro docto, aut amico nostro commendabimus: ut ei cum aliis rebus, tum commodò hospitio prospiciat. Sententiæ breues atque nudæ tales esse poterunt.

I. Iacobo, qui vestra in Academia studiorum nunc gratia commoratur, & ipso longo iam tempore sum usus familiariter, & parentibus eius atq; cognatis familiarissimè.

II. Itaq; etiam atq; etiam abs te peto, quod citra molestiam tuam fiat, eidem cum aliis in rebus auxilio consilioq; tuo adsis: tum verò habitatione comoda prospicias.

III. Nam propter studia, quæ pleno, ut audio, nunc est cursu ingressus, hospitium mutare, & viri alicuius docti mensa tectoq; uti cum deinceps vult Parens.

IIII. Non pluribus abs te hoc petere per verecundiam audeo.

V. Neq;

V. Neq; tamen dubium mihi est vllum, quin, cum præclare sis in omnes adolescentes studiosos animatus, eorundemq; pro virili prouehere conatus laudabiles cupias, huic quoq; præclaræ spei iuueni haud grauâtè sis adfuturus.

VI. Mihi certè rem longè facies gratissimam: si commendationi huic meæ locum reliqueris: & adolescentem ipsum bonorum amore ac beneuolentia dignum: bene memores atq; gratos semper eiusdem parentes & cognatos reperies. Vale.

Atq; hoc quidem puræ, apertæ, simplicis esse cômendationis apud Ciceronem exemplum potest: cuius tum vsus, cùm ad amicos & familiares de viris bonis, rebus, vel notis, vel honestis, vel non vsq; adeò magnis atq; difficilibus scribendum. Sunt quædam testè & obliquè institutæ, quæ vsurpâde, cùm ad viros est doctos magnaq; autoritate præditos, aut iis scribendum, qui non vsq; adeò grati sunt & accepti: aut petenda ea, quæ parum honesta, iucunda, facilia esse videntur. Vbi diligentia magna requiritur: nec brevis, sed copiosa flagitatur causarum institutæ cômendationis enumeratio: occupationes etiam necessariae sunt, & insinuationes, & verborû circuitiones: vt ita sensim & paulatim, quod petitur, impetretur. Huius generis

*Imitatio com-
mendationis
occulta &
recta.*

exempla præclara apud Ciceronem reperiuntur: vt lib. 2. epist. 6. lib. 9. epist. 13. li. 11. epist. 22. lib. 12. epist. 26. lib. 3. epist. 1. 4. 6. 10. 15. 16. 19. 20. 30. Nos exercitij causa epistolam 6. lib. 2. deligemus, quæ accuratè est & artificiosè ad Curionè nobilem, doctum, atque gratiosum adolescentem de re non parua, sed consulatus petitione perscripta. Partes illi⁹ epistolæ sunt quatuor. Exordium, in quo vt beneuolentiam sibi Curionis Cicero conciliet, primò illi de festinatione atq; celeritate obiectioni occurrat. Deinde ingeniosè admodum atq; callidè de suis & Ciceronis meritis ac beneficiis agit: & illa quidem extenuat: hæc verò exaggerat atq; amplificat.

Pars altera Narratio est, quæ rei quæ petitur, causarum itidem expositionem continet. Tertia est confirmatio: quæ ab utilitate & facultate desumpta argumenta habet. Quarta & postrema conclusio: longioris petitionis præcisione & ἀναγκαστικῇ grati animi & memoriæ renouatione absoluitur. Hanc nos imitari poterimus tum, cum amicus est noster commendandus, vt locum ille & conditionem aliquam honestam consequatur. Sententiæ hunc institui in modum poterunt.

I. Non-

I. Nondum erat auditum , de clarissimi doctissimiq; viri demortui successore deliberari , cum hasce ad te literas dedi.

II. Sed tamen cum tempus appropinquare , atq; aliquo cum periculo coniuncta esse mora videretur: non metui , ne aut festinatio hæc mea præproperea , aut grauis molestaq; petitio tibi videretur.

III. Facerem hoc verecundius , si quæ à me in te aut tuos essent profecta beneficia : ne id quod peto , meo quodam iure postulare , non rogare , inq; mercedis potius quam beneficij habere loco viderer.

IIII. Sed quia in te mea nulla prorsus , aut certè pauca eaq; tenuia : plurima contra maximaq; tua in me ac meos extant promerita , viriq; est boni & agnoscere , & celebrare accepta beneficia: non id à te sum petere veritus , quod mihi omnium gratissimum: amico vtile cum primis , summeq; necessarium esse potest.

V. Ego omnem meam curam , cogitationem , mentem in Timothei fixā locatamq; promotione habeo.

VI. Neq; cuiquam tam esse suas curæ res esse posse existimo quam eius mihi cordi est honos atq; incolunitas.

VII. Huic , si modò volueris , magno esse adiumento poteris in conditione ea , quæ per doctissimi clarissimiq; viri nunc mortem vacat: vt aliorū minime opus auxilio , aut intercessionem habere videamur.

VIII. Sunt in nos , vti spero , multisq; hætenus

sum in rebus expertus, animati præclare ij, qui principem apud vos in Senatu locum nunc tenent, eligendiq; potestatem habent.

IX. Non testimonia desunt clarissimorum doctissimorumq; virorum, qui singulari Timotheum benevolentia atq; amore prosequuntur: propter insignem pietatem, doctrinam eximiam: vitæ sanctimoniam singularem: rarum concordie amorem.

X. Monitor hic tantum & moderator totius negotij requiritur: ne, vt hominum esse mos hodiè solet, ab aliis locus ei honestus præripiatur.

XI. Qua quidem in re, quemnam tecum conferamus, scimus neminem.

XII. Itaq; si virum me bonum: si tua amicitia dignum: si acceptorum beneficiorum memorem gratumq; iudicas: tantum amico, vel potius mihi ipsi, studium dices dedasq;, etiam atq; etiam rogo.

XIII. De Timotheo hoc verè tibi sancteq; polliceri possum, te, si promouere hominem volueris, maioris pietatis, doctrinæ, grauitatis, diligentie, industrie vix quenquam habiturum.

XIIII. Mihi verò tam hoc est gratum acceptumq; futurum: vt in me ipsum hoc esse beneficium collatum, sim existimaturus.

XV. Scriberem hanc in sententiam ad te plura, nisi commendationi huius meæ atq; sollicitudinis causas tibi cognititas esse putarem.

XVI. Nunc totum tue fidei atq; diligentie negotium

gotium trado: utq; in eodem, non tam amici utilita-
tis: quam meæ pietatis rationem habeas, qua possum
diligentia oro. Vale.

Hoc ergo modo Ciceronia vestigia se-
cuti, vel apertè & directò vel obliquè atq; rectè, quos charos habemus, amicis com-
médare nostris poterimus. Videamus iam
quo pacto ad aliorum sit literas commen-
datitias respóndendum. Quemadmodum
igitur in instituendis commendationibus
tria potissimum obseruanda esse ostendi-
mus: personarum diuersitatem: rerum na-
turam & conditionem: sententias earun-
demq; tractationem: ita & illis qui erudi-
tè ad aliorum respondere commendatio-
nes cupiunt, habenda eorum primùm est
ratio, qui commendant alios, aut comen-
dantur, proq; personarum diuersitate di-
uersus quoq; respondendi est modus ad-
hibendus. Deinde & res ipsæ cuiusmodi
sint spectandum. Sunt enim quædam ho-
nestæ, vtilis, faciles, in quibus non gratifi-
cari amico turpe est. Sunt aliæ deinde peri-
culosæ, difficiles, parum honestæ, in qui-
bus sine aliqua reprehensione reiici inter-
cessio atq; commendatio potest. Tum e-
tiam de sententiis est & argumentis cogi-
tandum, eaq; ex causis & adiunctis peren-

*De ratione
respondendi
ad aliorum
litteras com-
mendatitias.*

*Sententiæ
responsionum
ad literas cõ-
mendatitias.*

*πολυπλάκτα ἀρ-
γументα.*

*ἡ δὲ ἀρ-
γύμνητα.*

da. Si enim locū aliorum relinquere com-
mendationibus voluerimus: ostendemus
nos, eum pro quo scribitur, habituros esse
nobis commendatissimum: quòd hone-
stum, vtile, necessarium, vt mos hac in re
amico geratur. Non posse nos commenda-
tionē hanc parui facere aut negligere. Es-
se eum qui commendat præclare de nobis
nostrisque meritum, vt denegare ei nihil
possimus: qui cõmendatur virum bonū,
doctum, nostri studiosum, amore, beneuo-
lentiā, promotione dignum: nos ita ani-
mātos, vt pro nostra tenuitate pròdesse cu-
piamus cū aliis omnibus, tū verò ijs
maximè, qui à viris bonis atq; amicis no-
bis commendantur. Quod si verò vel prò-
pter personam commendati, vel res ipsas
denegare aliquid amico necesse habueri-
mus: rationes itidem, cū hoc faciamus,
exponemus, eadēq; sumemus, vel à rei
difficultate, vel periculo, vel nostrarum vi-
rium tenuitate, vel attributis, loci, tempo-
ris, personarum modi. Motus qui locum
hīc habet spes est & confidentia, excitata
pollicitatione eorum, quæ grata cõmen-
danti amico: cõmendatō vtilia acceptaq;
esse possunt. Hī autem mores scribēdi
amabiles ostendunt: beneuolentię, studiij,
officiij

officij declarationes: laudationes eorum,
 qui amicos nobis suos cōmendarunt: mo-
 destę & verecundę virium nostrarum ex-
 tenuationes: aut etiā excusationes & de-
 precationes, cū aliorum satisfacere peti-
 tioni minimē possumus. Ad tractationem
 verò atq; collocationem horum quod at-
 tinet, diuersa illa erit eius qui locum com-
 mendationi relinquet: & illius qui dene-
 gabit aliquid amico. Qui admittet com-
 mendationem, in Exordio vteretur: aut lau-
 de amici. lib. 5. epist. 11. Aut literarum acce-
 ptarum & commendationis institutę re-
 petitione breui. li. 15. epist. 14. Aut pollici-
 tatione directā. lib. 9. epist. 24. Aut ἀφ' ἡγύσαι,
 modesta narratione atq; expositione eo-
 rum quę iam egerimus. li. 10. epist. 13. Pars
 altera propositio erit significatione animi
 prompti, & officij atq; studij ὑποχέσσει pro-
 missione facta. lib. 5. epist. 11. li. 15. epist. 14.
 Pars tertia confirmatio rationes contine-
 bit, cur gratificari aliis & commendatum
 nobis habere amicū velimus: desumptas à
 persona vel commendantis. lib. 5. epist. 11.
 lib. 9. epist. 24. vel commendati lib. 9. epist.
 24. lib. 15. epist. 14. In cōclusionē repetitio
 instituetur breuis & modesta antē factę
 promissionis lib. 5. epist. 11. Quod si dene-

*Collocatio ar-
 gumentorū.*

*Collocatio in
denegatione
& recusatio
ne ut insti-
tuenda.*

*Materiæ re-
sponſionum
ad aliorum
commenda-
tiones variæ
in epistolis
Ciceronis.*

*Imitationis
exemplum.*

gare aliquid amico cogimur: paucis in ex-
ordio lubenter nos gratificari amico vel
le: dolere etiam ex animo significabimus,
quòd facere illud nequeamus. li. 10. epi. 2.
In confirmatione cauſſæ recensendę erũt,
cur cõmendationi locum relinquere non
poſſimus, deſumptę: vel à cõditione tem-
porum & reipub. ſtatu miſerabili lib. 10. e-
piſt. 2. periculis quæ metuenda. ibid. cru-
delitate & tyrannide aduerſariorum. ibid.
Poſtrema pars. concluſio deprecatione ve-
niæ & noſtri offici; atq; ſtudi; aliis in reb;
pollicitatione abſoluerur. lib. 10. epiſt. 2.
Sunt autem res & materiæ eiufmodi re-
ſponſionum quæ in Ciceronis epiſtolis fa-
miliaribus reperiũtur. Reſponſio ad com-
mendationem honoris & dignitatis, li. 7.
epiſt. 24. lib. 10. epiſt. 2. 13. Ad commenda-
tionem amici generalem. lib. 15. epiſt. 14.
Ad commendationem vxoris. lib. 5. epiſt.
11. Quę ad imitandum propoſita nobis ef-
ſe exempla poterunt, quoties commenda-
titiis amicorum literis reſpondere neces-
ſe habebimus. Nos inſtitutã methodum
ſecuti lib. 5. epiſt. 11. effingere conabimur,
in qua Vatinij commendationi Cicero re-
ſponder: & laude poſita in exordio Vati-
nij, atq; breui commendationis repetitio-
ne, om-

ne, omnia sua studia, & officia eiusdem v-
xori commendatæ defert: ratione deniq;
à commendantis petita persona, & hone-
sta, & laboriosa min⁹ sibi fore pollicetur,
ea quæ in amici rebus acturus sit. Senten-
tiæ breues atq; nudæ tales esse possunt.

I. Grata tibi mea quantulacunq; esse officia atq;
studia, lætor, & ex animo lætor.

II. Quanquam nouum hoc in te, aut mirum vi-
deri minimè debeat.

III. Cum enim omnibus virtutibus aliis te præ-
ditum cognoui: tum verò animum maximè gratum
in te deprehendi, eundemq; prædicare hætenus non
destiti.

IIII. Neq; quod cum multis certe tibi commune
posset, gratias mihi modò egisti: verum etiam re ipsa
abundè atq; cumulatè retulisti.

V. Quo etiam nomine obstrictum me tibi hæte-
nus deuinctumq; semper habuisti pariq; studio ac vo-
luntate deinceps in te tuosq; deprehendes.

VI. Quod mihi adolescentem studiosum, cognat-
um tuum commendas, statim literis tuis lectis largè
mea illi officia obtuli: cum popularibus etiam eius-
dem sum locutus, meis verbis ei indicarent, vt cum in
studiis, tum aliis rebus audacter mea opera vteretur:
paratum me promptumq; semper futurum.

VII. Itaq; faciam: & si opus videbitur, ipse stu-
diorum illius inspector, moderator, gubernator ero.

VIII. Quia etiam plerunq; verecundia obstare adolescentulis solet, ei scribas velim, me sãpẽ vt conueniat: nec graue hoc mihi, aut molestum fore existimet.

IX. Ita enim de me es meritis preclarẽ: vt à te commendatis nulla in re deesse, vel velim, vel possim.

X. Negotia illa de quibus nuper ad te scripsi primo quoq; tempore expedias rogo: gratum me præstabo.

XI. Sin impedimentum obiectum aliquod fuerit: de eo certiozem me fieri velim.

XII. Dij illis malè faciãt, qui in re longè æquissima atq; honestissima impedire nos conantur.

XIII. Sed vt scribis, egoq; planè confido, breui improbitatis suæ pœnas dabunt.

*De ratione
agendi gra-
tias iis, qui
commenda-
tos à nobis a-
micè tracta-
runt.*

*Sententiæ
Ἰσακρικῆς.*

Ad hunc ergo modum respõdere iis poterit, q amicos nobis suos per literas commendarunt. Restat vt antequam ad epistolæ genus nouũ accedamus, exempla proferamus instituendæ gratiarum actionis apud eos, qui moti commendatione nostra bene amicis fecerunt: licet de εὐχαριστικῆς epistolis in secunda parte, & generis demonstratiui literis seorsim simus acturi. Sunt autem in eiusmodi gratiarum actionibus sententiæ adhibendę. εὐχαριστικῆς laudantes: ἀξιοῦντες amplificãtes: Ἰσακρικῆς gratias agentes: ἀξιῶντες petitorię. Nam & lau-
danda

danda sunt atque amplificanda amici in
 cōmendatum à nobis collata beneficia: &
 noua addenda petitio: vt & porro eūdem
 commendatum sibi habere dignetur: ani-
 mi deniq; grati memorię, studiij, officij pol-
 licitatio subiungenda. Collocatio autem *Collocatio*
 ita est instituenda: vt in Exordio sit: aut læ *gratiarum*
 titiæ declaratio, quam ex humanitate & *actionis.*
 beneuolentia amici percepimus. lib. 13. e-
 pist. 24. 55. 65. Aut excusatio, quod eodem
 sæpe apud amicum literarum exemplo v-
 tamur. lib. 13. epist. 27. Aut gratiarum actio
 pro præstita humanitate, hospitalitate, li-
 beralitate amico cōmendato. lib. 13. epist.
 42. 56. In parte altera beneficia exponan-
 tur, commendentur, amplificentur. lib. 13.
 epist. 27. 43. In tertia petitio ἀξίωσις & οὐσα-
 σις cōmēdatio noua instituatur: vt quem-
 admodum hætenus, ita deinceps quoq;
 sit amicus cōmendatus. lib. 13. epist. 25. 27.
 42. 43. 54. 55. 65. Pars quarta & postrema
 conclusis absoluat: vel ἀνανανῶται, reno-
 uatione cōmendationis & petitionis. lib.
 13. epist. 43. 55. 65. Vel ὑποχέσται animi grati
 promissione. lib. 13. epist. 42. 65. Vel ὑποσιω-
 πήσει precisionē vltioris commendatio-
 nis. lib. 13. epist. 24. Reperiuntur autem e- *Materia gra*
 iusmodi gratiarum actionum, quo ad res *tiarum actio*

*nis epistolis
Ciceronis.*

*Imitationis
in gratiarū
actione exem-
plum.*

& materias, illa Ciceronis in epist. exempla. Pro impetrata nostra commendatione, venia. lib. 13. epist. 25. Benignè, amāter, liberaliter, honorificè, tractato amico. lib. 13. epist. 28. 55. 65. Susceptis & promotis amici negotiis. li. 13. epist. 42. 43. Nos exercitij gratia cōtenti erimus epist. 42. lib. 13. in qua Culeolo gratias Cicer. agit. Partes illius epistolæ sunt quatuor. Prima, Exordium gratiarum actione constans. Altera, Narratio expositionem & commendationem præstiti officij cōtinens. Tertia, commendatio & petitio noua: vt & deinceps Luceio adesse Culeolus velit. Quarta, conclusio, quæ grati animi pollicitatione absoluitur. Hanc ergo imitati gratias agemus amico, qui motus nostra commendatione humaniter atq; beneuolè adolescentem studiosum tractauit.

I. Quæ fecisti adolescenti studioso, qui à me tibi commēdatus fuit, homini te grato fecisse scias velim.

II. Neq; enim satis per literas tuam mihi prædicare humanitatem atq; beneuolentiam potuit, eoq; nomine in ære sese meo futurum semper affirmauit, quòd tibi commendatus fuerit.

III. Neq; ipsi modò adolescenti grata hæc mea commendatio extitit: verum etiam parens illius, vir clarissimus, quoties me videt (videt autem fere quotidie)

tidie) & mihi, & tibi gratias immortales agit.

IIII. Addo illud quoq; , quod tibi minimè ingratum aut iniucundum esse planè statuo: me quoq; ex ista tua in adolescentem humanitate atq; beneuolentia, voluptatem incredibilem percepisse.

V. Quod reliquum est, etsi nō dubitem, quin pro tua prona propensaq; bene cum de omnibus aliis, tum verò studiosis maximè adolescentibus, merendi voluntate constans sis in re mansurus: tamen maiore in modum à te peto: vt quæ præstare hætenus cepisti, deinceps quoq; conserues, augeas, cumules.

VI. Tam hoc mihi gratum, quàm quod gratissimum fore: teq; cum apud parentem, tum filium positurum egregiè, sanctè polliceor.

VII. De rebus meis priuatis nuper ad te copiosè diligenterq; perscripsi, vt quod præterea iam scribam non reperiā.

VIII. Vnicum hoc abs te peto: vt, quod facis, me ames, meq; tuum, & esse iam, & fore perpetuò confidas. Vale.

De Cohortatoriis Epistolis.

Cohortatoriæ epistolæ, *μεγαλεικά, ὑπομεγαλεικά, παραμεγαλεικά* à Græcis appellatæ, sunt in quibus amicus monetur atq; excitatur, vt vel quod optimum esse factu videtur, cupidè amplectatur ac suscipiat: vel contrà, quod turpe, aut malum, auersetur

*Discrimen
suasionum &
adhortatio-
num.*

*Utilitas co-
hortatoria-
rum episto-
larum.*

*Adhortato-
riarum epi-
stolarum sen-
tentia de-
clinetur proba-
tes.*

ac fugiat. Differt autem hoc epistolarum genus à suasionibus, quòd in suasionibus aliqua esse dubitatio ac còtrouersia solet: in cohortationibus verò hæsitazione omni remota incitatio solùm aliqua atq; inflammatio requiritur. Et sunt epistolæ tales cum primis vtilēs ac necessariæ: neque meli⁹ de amicis mereri nostris possumus, quàm si ad illa quę honesta sunt & præclara eos hortemur: dehortemur ab iis quę turpitudinis aliquā iisdem maculam inurere, aut damnum dare possunt. Maximè verò hisce adolescentes opus epistolis habent, quorum, si hortatores desint fideles, vitiis animi corrumpuntur: corpora enervantur libidinibus: aut negligentia, aut luxu fortunæ pereunt. Sunt autem sententia in his & argumenta adhibenda primum *δεικνύειν* docentia & probantia, sumpta, vel ex causis impellentibus & finalibus: cuiusmodi sunt utilitas, sed honesta: necessitas, verùm talis, vt sit facilis inque effectum produci aliquem queat: vel adiunctis & circumstantiis, hoc est, laude cùm rei ipsius de qua agitur, tùm personæ eius ad quem scribitur. Excusandi enim atq; detrectandi omnis tum occasio præciditur, cùm patriæ, parentum, familiæ

miliæ honorifica mentio instituitur : res
 antè bene præclareq; gestæ commemoran-
 tur: vita antea facta laudatur, recensentur ho-
 nores ac præmia: ingenij præstantia: & id
 genus alia in medium proferuntur. Vel
 comparatis atq; exemplis, quibus multi
 magis quàm ullis moueri rationibus so-
 lent: maximè si nostræ illa ciuitatis, gen-
 tis, familiæ extiterint. Vel autoritate, te-
 stimoniis, sententiis, doctissimorū & gra-
 uissimorum hominum. Vel *αἰσχρολογία* ex-
 pectatione, spe, votis parentum, propin-
 quorum, aut aliorum bonorum & hone-
 storum ciuium. Vel studio, atq; sollicitu-
 dine nostra ac nostrorum. Deinde mouen-
 tia quoq; sunt argumenta in exhortatio-
 nibus necessaria: propterea q, veluti calca-
 ria illa sunt, quibus ad capeffendam virtu-
 tem resq; præclarè gerendas homines in-
 stigantur. Sunt autè sex potissimum mo-
 tus qui hoc in epistolarum genere requi-
 runtur. Primus spes est & expectatio egre-
 giorum præmiorum, gloriæ, honoris, di-
 gnitatis, opum, &c. Alter huic contrarius
 est, metus seu reformidatio periculorum,
 incōmodorum, turpitudinis, dedecoris,
 infamiæ. Tertius amor qui conciliatur si-
 gnificatione studij, beneuolentię necessi-

*παθητικὰ
 mouέτες sen-
 tentία.*

rudinis, propinquitatis, patrię, societatis, religionis, & aliorum, quę hominum vincire atque conglutinare animos solent. Quartus est odium aduersus eos qui insolentię, crudelitatis aut aliorum vitiorum nomine malę apud viros bonos audiunt. Quintus commiseratio est, denunciatio ne excitata illorum, quę in malis dignisq; misericordia numerare homines consueuerunt. Sextus & postremus est æmulationio. Nihil enim est quod generosum erectumq; animum magis inflammer, quàm certamen cum altero de laude atq; gloria institutum. Neq; quicquam turpe aut inhonestum magis ducitur, quàm ab æmulis vinci ac superari. Vt autem mouentes hisce in epistolis necessariò sunt sententię adhibendę: ita neq; illę commodè omitti possunt, quę ad conciliandum sunt aptę atq; accommodatę. Non enim omnes animo æquo exhortationes admittunt: Sed vel *φιλαυτία* quadam non opus admonitione sese habere existimant: vel cum diffidentia aliqua coniunctam illam esse opinantur: vel stultitia nescio qua bona atq; salutaria consilia respuunt. Itaq; usurpanda hęc erunt ea, quę ré per se ingrata atq; iniucunda mitigāt ac leniant.

*Sententię hę
duęq; conciliantes & delectantes.*

Fit

Fit autem hoc primū ἐπαινοῦ laude & commendatione eius ad quē scribimus, quæ, ut quodam in loco Cicero scribit, in excitando atq; acuendo plurimum valet: maximè cū principes, aut aliàs potentes ac diuites hortari volumus: qui ut laude delectantur, ita admonitiones grauitè nonnunquam molesteq; ferunt. Deinde *παραμύθησι* seu *παραμυθίζε* præmunitio & mitigatione quadam: cū vel spem nos præclaram cōceptam tenere ostendimus, amicum pro sua humanitate, aut prudentia, haud grauati liberam admonitionem admissurum: aut eundem rogamus: ut importunitati veniā dare nostræ velit. Tum significatione nostræ erga amicum beneuolentię, curę, sollicitudinis: sine tamen ostentatione, vel iactantia: adhibita etiam aut præcisione aut extenuatione modesta. Quartò *μετασίσει*, cū quod facimus facere nos ostendimus coactos, vel amici erroribus ac delictis: vel inopia, quod aliud scilicet scribendi argumentum non suppetat: vel casu quodam, cū de rebus aliis cum amico agere cōstituissemus: postremò *μεταλλαγῇ προσώπῳ*, personæ commutatione, cū, quid non nos, sed alij velint, optent, sentiant, loquantur, indicamus.

Collocatio Ad collocationem verò istarum sententia-
argumento- rum quod attinet, quinq; exhortatoriarū
rum in sin- epistolarū sunt partes. Prima exordium, q;
gulis exhor- sententiis maximè ἡδισταῖς conciliantibus
zationū par- tibus.

Exordia ex-
hortationū
varia.

constat: factis aut συστάσει laude & commen-
 datione eius ad quem adhortationē scri-
 bimus. lib. 2. epist. 1. 5. lib. 10. epist. 5. lib. 12.
 epist. 1. Aut αἰπολογία & benevolentiae, cu-
 rae, sollicitudinis, studij, officij declaratio-
 ne. lib. 2. epist. 1. 4. lib. 7. epist. 6. lib. 10. epist.
 3. 6. lib. 11. epist. 20. lib. 12. epist. 1. 24. 28. lib.
 14. epist. 21. lib. 16. epist. 4. 6. 7. 12. 13. 14. 16. 22.
 Aut ἀπολογία & literarum raritatis vel bre-
 vitatis excusatione. lib. 2. epist. 1. lib. 11. epi-
 5. lib. 14. epist. 17. Aut ὁδυρμῶ querela de
 reip. statu misero atq; perturbato. lib. 12. e-
 pist. 3. Aut πειραστική ᾠδή p̄munitio & prae-
 castigatione. lib. 10. epist. 5. Aut μετεσώπαι-
 μεταλλαγὴ personae commutatione. lib. 11.

Narratio-
nes exhorta-
torie.

epist. 5. 12. Pars altera ἀφήγησις narratio est
 brevis, rei ipsius expositionem & ἀφορμαῖς
 occasiones continens. lib. 10. epist. 3. 6. 20.
 lib. 16. epist. 5. Pars tertia est κατὰ μέρος ᾠδή
 παραυνετική ἢ πειραστική, eaq; vel ἐν εὐθείας
 directò, vel πλαγίως oblique, testè, occultè
 facta: directà adhortatione constat simpli-
 ci, vt lib. 7. epist. 9. 17. lib. 10. epist. 5. 6. 20. li-
 12. epist. 24. Aut petitione atq; obtestatio-
 ne;

ne. lib. 16. epist. 5. 7. Aut reprehensione, sed
 amica & beneuola. lib. 7. epist. 6. Obliqua
 atq; occulta instituitur: vel διαπορήσει dubi-
 tatione: lib. 2. epist. 5. Vel testificatione ve-
 teris amicitiae ac necessitudinis. lib. 10. e-
 pist. 3. Vel laude. lib. 12. epist. 1. Vel πεποιθήσει
 spe ac fiducia præclara de amico concepta:
 lib. 16. epist. 6. Quarta pars confirmatio est
 quæ argumēta probantia & mouentia ha-
 bet, desumpta vel ἀπὸ τῆς καλῆς ἢ ἐπαινετῆς ab ho-
 nesto & laudabili. lib. 10. epist. 3. 5. 6. lib. 11.
 epist. 5. lib. 12. epist. 24. Vel ἀπὸ τῆς περὶ σπουδῆς ab
 expectatione, partim sanguine iunctorū,
 partim aliorum bonorum virorum. lib. 2.
 epist. 1. 4. 5. lib. 10. epist. 5. 20. lib. 11. epist. 5.
 25. lib. 12. epist. 1. 8. Vel ἀπὸ τῆς δυνατῆς καὶ ῥαδίᾳ
 facultate & occasione præclara. lib. 2. e-
 pist. 1. 4. lib. 10. epist. 3. lib. 11. epist. 20. lib. 16.
 epist. 16. 18. Vel ἀπὸ τῆς συμφέροντος ab utili. lib. 7.
 epist. 6. lib. 10. epist. 5. 6. 20. Vel ab amore,
 curæ, sollicitudine nostra & nostrorum. li.
 16. epist. 1. 5. 7. 13. 14. 16. 18. 22. Vel superioris
 temporis actis præclaris. lib. 10. epist. 3. lib.
 11. epist. 5. lib. 12. epist. 1. Vel testimoniis &
 autoritate doctorum & prudentum. lib. 7.
 epist. 6. Pars postrema. conclusio absolui-
 tur, aut περὶ τροπῆς adhortatione, vt lib. 2. e-
 pist. 5. lib. 7. epist. 6. lib. 10. epist. 5. lib. 11. e-

Conclusio-
 nes adhorta-
 toria.

pist. 20. li. 12. epist. 1. lib. 14. epist. 8. 17. 21. lib. 16. epist. 1. 4. 5. 7. 12. 13. 16. 18. 22. Aut ἀξιώσει petitione. lib. 2. epist. 1. Aut ἀποθωπήσει præcisione longioris adhortationis, & verecunda atq; modesta expositione causarum: ne temerè, arroganter, vel inflammandi amici gratia potius, quàm testificandi nostri amoris ergò quod fecimus, fecisse videamur. lib. 2. epist. 4. lib. 7. epist. 6. lib. 10. epist. 3. 5. lib. 11. epist. 5. 20. 25. lib. 12. epist. 1. Aut ἐπιτρέψει mitigatione & excusatione παρρησίας libertatis & seueritatis in adhortando. lib. 10. epist. 6. Aut ἀποχέσει delatione atq; pollicitatione studij atque officij nostri. li. 10. epist. 3. 20. li. 11. epist. 5. li. 12. epist. 1. lib. 16. epist. 14. Aut ἀνὰ κενώσει breue præcipuorum argumentorum repetitione. li. 12. epist. 8. lib. 16. epist. 16. Vt autem horum omnium faciliior, atq; expedita magis fiat imitatio, res sunt & materiæ considerandæ, quæ huius generis in Ciceronis epistolis familiaribus reperiuntur. Sunt enim in illis cohortationes ad opem Reip. ferendam. lib. 2. epist. 5. lib. 7. epist. 17. lib. 9. epist. 14. lib. 10. epist. 3. 5. 6. 13. 20. lib. 11. epist. 5. 7. 9. 12. 25. lib. 12. epist. 1. 8. 24. Ad respondendum spei atque expectationi præclaræ. lib. 2. epist. 1. 4. lib. 7. epist. 9. Ad peregrinatione-

*Materiæ ad
hortatoria-
rum episto-
larum Cic.
variæ.*

nationes instituendas. lib. 6. epist. 8. lib. 7. epist. 6. Ad magnorum virorum & potentum offensionem declinandam. lib. 14. epist. 8. 10. 17. 21. lib. 16. epist. 1. 4. 5. 6. 11. 12. 13. 14. 18. 22. Sed pulcherrimum & perfectissimum huius generis epistolarum exemplum ea, quæ ad Quintum est fratrem perscripta epistola continet, etsi prolixa illa satis, & libri potius quàm epistolæ nomen mereatur. Pluribus enim in ea fratrem suum Cicero hortatur: ut rectè & laudabiliter prouinciam Asiam administret. Est deinde in his ipsis quoq; spectandum: directè ne illè sint, & apertè: aut rectè atq; obliquè institutæ. Et quidem, ut ad usum atq; imitationem aggrediamur, apertæ adhortationis exemplum epistolam 9. lib. 7. sumemus, in qua Trebatium Cicero hortatur, de rebus suis ut scribat, operamq; det, ne occasiones optimas negligat, aut præproperè domum redeat. Partes epistolæ istius quatuor sunt. Exordiū in quo Cicero captandæ beneuolentiæ ergo, & scribendi sese desiderare in Trebatio officium ostendit: & suum simul silentium excusat. Propositio *προποσition* hortatoria, ne sibi ipsi Trebatiis desit. Confirmatio, quæ *προσφορ* *πης* adhortationis rationes complectitur

*Imitatio ad
hortationis
apertæ, &c.*

à fine institutæ profectionis & turpi desumptas. Conclusio narratiuncula breui de Octauio quodâ Trebatij amico absoluitur, qui Ciceronem crebrò, sed parum decorè, ideòq; frustra ad cœnam inuitare solebat. Hanc nos imitari adolescentem studiosum hortari conabimur, vt tempus atq; ocium suum bene in Academiis collocet, operamq; det ne vacuus aliquando & inanis domum redeat. Sententiæ breues atq; nudæ esse tales poterunt.

I. Iamdiu ignoro quid agas: quomodo studia tua instituas: qua fortuna aut valetudine vtaris.

II. Abes procul: scribis rarò: & ea ipsa quæ scribis eiusmodi sunt, vt me aliosq; tui amantes non parum anxios, sollicitosq; reddant.

III. Neq; ego ad te aliquot iam mensibus literas dederam: quia in Gallia amplius non eras: quo mitterem: aut cui eas traderem, ignorabam: negotiis etiam non paruis districtus distentusq; tenebar.

IIII. Perquàm scire aueo, quos viros nunc doctos audias: quæ studia tua sint atq; exercitia priuata: quorum amicitia & familiaritate vtaris: vbi futura mansurus æstate sis.

V. Velim operam des, vt quoad licuerit, doctissimorum quorumq; iureconsultorum institutione vtaris: & diligenter, assiduò, constanter vtaris: nec, quod multi magno suo cum malo atq; damno faciūt,
crebrò

crebrò aut locum, aut doctorem mutes.

VI. In illam etiam mente tota curam incumbas: ne cum ad continuanda studia necessaria omnia tibi suppetant: tibi ipsi defuisse: occasionibus indormiisse præclaris: parentum spem, expectationem cognatorum atq; amicorum fefellisse videaris.

VII. Serius potius ad nos, dum à doctrina magis instructus: paratus à linguis: moribus præditus politis redeas.

VIII. Quod enim domum nunc properes, nihil est: præsertim cum ad sumptus necessarios suppediandos prompti sint parentes: quæ adhuc discenda restent nō pauca: conditio in patria nulla iam vacet.

IX. Verum hisce de rebus plura, opinor, ad te, parens tuus perscribet.

X. Philippus, familiaris, ut audio, & amicus olim tuus, quia tui me esse amantem intellexit, aliquoties ad cœnam me inuitauit.

XI. Sed adhuc certis de causis, morem ei gerere nolui.

XII. Interim tamen non ingratum hoc eius mihi est officium.

XIII. Idq; occasione data scribere ad eum te velim, ne fortè contemni à me sese suspicetur. Vale.

Obliquè autem & rectè institutarū cohortationum, quarum vsus, cū scribendum est ad viros magnos, & potentes, aut etiam alios homines, qui naturæ quodam

Obliquæ &
rectæ cohortationes.

*Imitatio co-
hortationis
rectæ & ob-
liquæ.*

vitio exhortationes ægrè molesteq; ferūt, exempla suppeditant. lib. 2. epist. 3. lib. 7. epist. 6. 17. lib. 9. epist. 14. lib. 10. epist. 3. 13. 20. lib. 11. epist. 5. 12. 25. lib. 12. epist. 8. Nos exercitij gratia sumemus epist. 3. lib. 10. in qua artificiosè admodum Plancum Cicerō hortatur, vt cōtra Antonium Rempub. rueatur ac defendat. Absolvitur illa quatuor partibus: quarum prima, Exordium occasionis expositione, laude Planci, veteris amicitiae atq; necessitudinis commemoratione constat. Altera propositio est, quæ ipsam *μεγέθυς* adhortationem continet, non nudè, sed amoris & necessitudinis testificatione factam. Tertia confirmatio argumenta habet adhortationis: ab opinione & iudicio hominum: à facultate & occasionibus præclaris: ab utilitate desumpta. Quarta & postrema conclusio verecunda & modesta expositione causarū institutæ adhortationis: & studij atq; officij *ποσέσει* delatione absoluit. Hanc nos imitari epistolam conabimur, & hortabimur amicū, vt in officio, quod ei contigit, & diligentem sese & fortem præbeat. Sententiæ esse tales poterunt.

I. Cum amicum tuum veterem per se vidi libentissimè: tum hoc longè mihi extitit gratissimū, quod
illum

illum audiens tecum mihi cōferre sermones videbar.

II. Nam & in consiliis de repub. capiendis diligentiam, & in sustinendis laboribus industriam, & bene de singulis merendi studium mihi tuum exposuit: adiecit & illud (quod tamen antè notum mihi erat) tuam humanitatem atq; liberalitatem ab omnibus amari summisq; in cælum vsq; laudibus euehi.

III. Quæ quàm mihi auditu iucunda extiterint omnia, dici non potest.

IIII. Antè enim quàm lucem tu hanc primò aspexisti, necessitudo mihi tuis cum parentibus totaq; domo vestra constituta fuit.

V. Te autem ab ineunte tua pueritia, amore sum & benevolentia complexus: pòst etiam confirmatam iam ætate iudicaui eum, de cuius ego mihi amicitia atq; familiaritate gratularer.

VI. Et adhuc hodie ex animo honoribus tuis faueo, qui limos, quod aiunt, oculos multos efficiunt.

VII. Amici etiam cum sit candidi & sinceri munere: etiam atq; etiam te hortor: vt (quod facis) in munere gerendo omnia ea adhibeas, quæ bonorum satisfacere expectationi ac voluntati: maleuolorum atq; inuidorum, quantum his quidem fieri temporibus potest, subterfugere reprehensiones & calumnias possunt.

VIII. Nosti profectò (neque enim fieri potuit, quin ad te ista deferrentur) fuisse quosdam qui parum de te commodè loquerentur: quasi ad opes, ad

gratiam, ad honores atq; dignitates viam tibi muni-
res, ideoq; tuis actionibus offendere neminem velles.

IX. Quod sanè & ipse credidissem, nisi ea te præ-
ditum esse prudentia putassem : tulisse tum te, at non
probasse multa : quid posses, non quid velles consi-
derasse.

X. At aliter nunc res sese habent.

XI. Liberum tuum est & solutum iudicium, cum
& autoritate & potentia, apud omnes valeas plu-
rimum.

XII. In eam igitur curam incumbes, quæ tua est
familia digna: personæ conueniens: quæq; sola ab o-
bliuione atq; interitu memoria tua vindicata magna
cum laude ad posteritatem vsq; transmittetur.

XIII. Scriberem hanc in sententiam plura, nisi
tua te sponte in Rempub. animatū esse egregiè scirẽ.

XIIII. Et hæc quæ attigi, non profectò attigi:
quòd meis te monitis opus habere putarem; aut ne-
scio quam ostentare prudentiam vellem: sed vt amo-
rem in te meum singularem testatum facerem.

XV. Itaq; & æque boniq; ista consules : & me
omnia illa, quæ ad dignitatem, aliaq; pertinere com-
moda videbuntur, curaturum diligenter, persuasum
habebis. Vale.

De ratione
respondendi
ad aliorum
cohortato-
rias.

Iam verò, vt utilis cum primis est ac ne-
cessaria, per literas instituendarum cohor-
tationum via & ratio : ita & quomodo ad
easde sit respondendum, adolescentes ob-
serua-

seruare maximè oportet: qui grato animo
 aliorum agnoscere adhortationes debēt.
 Sumendæ igitur hîc sententiæ erunt ex tri- *Sententiæ re-*
 bus locis: causis, adiunctis, effectis: & o- *sponsonum*
 stendendum: pondus apud nos magnum *ad literas ex-*
 exhortationem amici habuisse: effecisse *hortatorias.*
 illud: vt nihil in votis habeamus magis,
 quàm eidem satis nos facere posse. Propo-
 sita habere illam cōmoda, & multa, & ma-
 gna: laudem, honorem, opes, &c. esse ho-
 nestam quoq; æquam, iustam: prudentiæ
 & fidei plenam. Tum coluisse nos & ob-
 seruasse ab ineunte ætate amicum: pro-
 pter paternam necessitudinem, amorem
 nostri singularem: prudentiam, autorita-
 tem, promerita deniq; & plurima & ma-
 xima: ideoq; neq; iam sine reprehensione
 graui ab eius nos discrepare monitis pos-
 se. Motus hîc duo locum habent: αἰσχύνη *παθητικὰ ἀρ-*
 pudor seu verecundia, & ἐλπίς *gumenta.*
 spes, quæ ex citatur *προχέσει*, cū scilicet promittimus
 nos studiosè diligenterq; facturos ea, quæ
 à nobis amicus requirit. Conciliantes ve- *ἰδικὰ ἀρ-*
 rò sententiæ sunt, quæ laudem & commen- *gumenta.*
 dationem, gratiarum actionem, grati ani-
 mi pollicitationem, petitionem habent.
 Fauemus enim iis, qui adhortationibus
 locum relinquunt: qui earūdem & fidem,

*Collocatio ar-
gumentorum
in singulis
partibus.*

& prudentiam agnoscunt : qui gratias agunt : qui in amicorum sese potestate futuros pollicentur. Ad tractationem autem & collocationem harum sententiarum q̄ attinet, quatuor in respondendo observandæ partes erunt. Exordium, quod constabit, aut ἐπαναλήψει breui repetitione & commendatione institutæ ab amico exhortationis. lib. 2. epist. 15. lib. 10. epist. 4. lib. 11. epist. 11. Aut reprehensione & insectatione maleuolorum. lib. 11. epist. 21. Aut excusatione neglecti in scribendo officij. lib. 10. epist. 4. Deinde Propositio, approbatione facta adhortationis, & pollicitatione eorum quæ à nobis requiruntur. lib. 2. epist. 15. lib. 10. epist. 4. li. 11. epist. 11. Tum confirmatio, quæ rationes continebit & argumenta, quibus scilicet impellamur ut exhortationi amici locum relinquamus, eaq; sumentur vel ab honestate & utilitate ipsius adhortationis. lib. 10. epist. 4. Vel rerum & temporum conditione. lib. 2. epist. 15. Vel ingenio, moribus, consuetudine nostra. lib. 2. epist. 15. Vel eius qui ad nos scripsit, amore, fide, prudentia, auctoritate. lib. 10. epist. 4. lib. 11. epist. 21. Postremò conclusio quæ absoluetur περιχέσει, & ἀξιῶσει promissione & petitione. Nam & pollice-

licebimur monitis nos amici obtempera-
 turos:& eundem simul rogabimus, vt de-
 inceptis quoq; nos sibi commendatos ha-
 bere dignetur.lib.2.epist.15.lib.11. epist.11.
 21. Interdum & refutatione est atq; excu-
 satione opus:cum vel suspecti sumus ami-
 cis facti: vel maleuolorum onerati men-
 daciis & calumniis.lib.2.epist.15. lib.11.e-
 pist.21. Sunt autem res & materiæ eiusce-
 modi responsionū quæ in epist.Cic.famil.
 reperiuntur. Responsio ad adhortationem
 de Rep.defendenda.lib.10.epist.4.7.21. Ad
 adhortationem de vitanda offensione po-
 tentum.lib.2.epist.15.lib.11.epist.21. Ad ad-
 hortationem de insidiis declinandis, ani-
 miq;ue adhibenda magnitudine. lib.10. e-
 pist.21. Ad adhortationem de opprimen-
 dis patriæ hostibus.lib.11.epistol.11. Nos
 exercitationis gratia imitari conabimur
 epistolam 4.libro decimo, in qua Plancus
 Ciceroni pro adhortatione gratias agit,
 eidemq;ue obtemperaturum sese pro-
 mittit. Partes illius sunt quatuor. Exor-
 dium repetitione & commendatione fa-
 ctum institutæ adhortationis. Propositio,
 quæ approbationem habet admonitio-
 nis & pollicitationem obedientiæ. Con-
 firmatio, quæ rationes ac causas com-

*Materia re-
 sponsum
 ad ep. stolas
 adhortato-
 rias.*

*Imitationis
 exemplum.*

plectitur, quibus nimirum adductus Plan-
cus obtemperare Ciceroni velit: desum-
ptas ab utili, & autoritate Ciceronis. Con-
clusio officij promissione absoluitur. Has
ergo secuti partes ad superiores literas
exhortatorias respôdebimus hoc modo.

I. Perquàm grata mihi tuæ acceptæq; extiterunt
literæ.

II. Nam & animum in me beneuolum prom-
ptumq; declararunt: & verò adhortationem conti-
nuerunt longè saluberrimam.

III. Respondissem ad eas citius, nisi te nescio quo
profectum esse audiuissem.

IIII. Neque enim officium in te vllum sine ma-
gna à xæstias reprehensione intermittere me posse
intelligo.

V. Et quidem rei huius causas habeo plurimas &
maximas: vel paternæ amicitie: vel meæ in te obser-
uantie: vel deniq; beneficiorum, quæ in me hætenus
contulisti, & adhuc confers quotidie.

VI. Itaq; etiam atq; etiam rogo, hoc tibi persua-
deas, vnum te esse, quem parentis ego loco colam:
& in quo spem meam omnem fixam locatamq; ha-
beam.

VII. Operam me quoq; daturum: vt tua apud
me monita, & prudentie, & fidelitatis plena, eum
quem debent locum inueniant: nec in capeffenda
Rep. officio defuisse meo cuiq; videar.

VIII. Per-

VIII. Pertinet hoc scilicet vt grauiter mones ad famam præclaram colligendam, & comparandam gloriam, quæ egregiis, vel in ciues, vel in patriam, vel in omne genus hominum meritis acquiritur.

IX. Accedit deinde autoritas tua, quæ vt modò scripsi, apud me est tanta, vt à tuis discrepare consiliis, religioni habeam.

X. Quantum ergo consequi studio: viribus entit: autoritate qualicunq; efficere mea potero, in id vnicum incumbam, vt Reip. me verè fuisse amanti ac studiosum, & qui nunc viuunt, intelligant: & grata aliquando posteritas testetur.

XI. Neq; in cæteris etiam rebus committam, vt vllum meum factum abste aut aliis viris bonis reprehendi queat. Vale.

De Suasoriis Epistolis.

Suasoriæ Epistolæ, συμβουλιαὶ appellatæ à Græcis sunt, quibus in rebus dubiis atq; incertis consilium amico damus, eidemq; vt aliquid suscipiat vel agat suademus. Sunt autem sententiæ in his sumendæ ex causis impellentibus & finalibus: ab honesto, vtili, facili, iucundo, necessario. Deinde ex adiunctis: personarum, loci, temporis, aliorumq; notatis circumstantiis ostendendum, faciendum, nō intermittendum esse id, quo de agimus. Tum

*Sententiæ in
suasionibus
adhibendæ.*

aliorum quoque bonorum virorum, simili in negotio cum iudicia, tum facta in medium proferenda. Postremò etiam damna atq; pericula recedenda, quæ, si contrà quid fiat, metuenda. Nonnunquam & rationes refellendæ sunt, quæ obstare videtur, quo minus nostra locum inuenire consilia possint, eademq; aut negandæ: aut eleuandæ atq; extenuandæ: aut aliæ contrariam in partem adferendæ, quæ æquè graues, vel etiam grauiores esse videntur. Est verò hîc quoq; opera danda: ne, quæ ad conciliandum sunt accommodata, omittantur: sed & ἐπαινεῖς collaudationes instituatur ingenij, prudentiæ, doctrinæ, eorum quibus dare consilium volumus: & modesta atq; verecunda nostrarum virium extenuatione arrogantiae omnis suspicio vitetur: & causæ proponantur breuiter, quib. adducti ad dandum amico consilium impulsî fuerimus. Ad collocatîonem autem quod attinet, quinque potissimum partib. Suasorię epistolæ absoluuntur, quarum prima Exordium sententiis maximè ἡδυνῶς & conciliantib. constat, desumptis, vel à συστοιχίῃ laude & cõmendatione eius ad quẽ literas damus. lib. 2. epist. 18. lib. 4. epist. 7. 8. Vel verecunda & modesta nostra extenuatione. lib. 4. epist. 7.

Collocatio
sententiarũ in
singulis suaso-
rium par-
tibus.

pist.7. Vel institutæ scriptionis causis. libr. 4. epist.8.9.10. Vel declaratione promptæ, bene de amico merendi voluntatis. lib.2. epist.18. Pars altera propositio ἐκδεσιν ἡ συμ-βελῆς consilij expositionem habet. lib.2. epist.18. lib.4. epist.9.10. Aut πύσασι τῶν κεφαλαίων capitum commendationem. lib.4. epist.7. Tertia confirmatio, suasionis rationes atque argumenta complectitur, sumpta, vel ab honesto. libr.2. epist.18. lib.4. epist.9. Vel vrili. lib.4. epist.7.10. Vel necessario. libr.4. epist.8. Vel iucundo. libr.4. epist.7.8. Vel circumstantiis personarum. lib.2. epist.18. lib.4. epist.8. Loci. lib.4. epist.8. Temporis. lib.2. epist.18. Vel exemplis aliorum. libr.4. epistol.7.8. Vel studio, desiderio, & voluntate cognatorum atq; amicorum. li.4. epist.7.10. Vel metu damni alicuius aut periculi. lib.2. epist.18. libr.4. epistol.7. Quarta refutatio λύσις continet illorum, quæ nostra impedire consilia posse videntur factam iis modis, qui paulò sunt antè indicati. lib.4. epist.10. lib.7. epist.9. Postrema conclusio absolvitur, aut ἀξιώσει petitione. li.4. epist.10. li.9. epist.2. Aut ὑποσωπήσει præcisione. lib.4. epist.8.10. Aut ὑποχέσει, consiliorum, studiorū, officiorū nostrorū pollicitatione. lib.4. epist.7.8.

Aut ἐπαναλήψει ἢ ἀνακαινώσει suasionis repetitione seu renouatione. libr. 2. epistol. 18. libr. 4. epistol. 9. Aut αἰτιολογία, causis institutæ scriptionis. libr. 2. epist. 18. Aut δὲ χῆν voto, vt dij approbent ac fortunent,

Materiae suasionum in Epistolis Cic. fam.

quod amicus egerit. libr. 2. epist. 18. Sunt autem res & materiae variae, quæ in Ciceronis Epistolis suasoriis reperiuntur. Suasiones demandationis officij. libr. 2. epist. 18. Reditus in patriam maturadi. libr. 4. epist. 7. 8. 9. 10. libr. 7. epist. 32. operæ principi alicui nauandæ. libr. 7. epist. 8. 17. Vitandæ hominum frequentiae quærendæque solitudinis. libr. 9. epist. 2. Neque de Dissuasoriis epistolis seorsim, & copiosè vt agamus, necesse habemus: cùm contrariorum eadem sit disciplina & ratio: nec labore magno dissuadere soleant ij, qui quomodo suadendum sit, cognitum perspectumque habent. Sumuntur enim hoc in genere Epistolarum sententiæ, vel à damno & periculo: vel inani & superuacaneo: vel difficili: vel turpi: vel temporis, loci, personarum conditione: vel cura, sollicitudine, obtestatione liberorum, cognatorū, amicorum: vel aliorum iudicio & exemplis. Est etiam collocatio in his ita instituenda, vt primò Exordium ponatur: constans, aut nostræ

De Epistolis dissuasoriis.

Sententiæ dissuasoria.

Collocatio in dissuasione obseruanda.

pro

pro amico curæ atq; sollicitudinis declaratione. lib. 8. epist. 16. li. 16. epist. 8. Aut excusatione tarditatis, breuitatis, raritatis litterarum. lib. 6. epist. 20. 22 li. 16. epist. 2. Aut laude & commendatione. libr 7. epist. 21. Aut ἀφορμῇ occasione scribēdi. lib. 10. epist. 26. Aut reprehensione & obiurgatione molli. libr. 10. epist. 27. Pars altera propositio ipsam dissuasionem & obtestationem contineat. lib. 6. epist. 19. lib. 7. epist. 20. lib. 8. epist. 16. lib. 10. epist. 25. lib. 16. epist. 8. In parte tertia confirmatione, argumenta dissuadentia adhibeantur, petita vel à damno & incommodo. lib. 6. epist. 20. li. 8. epist. 5. 16. lib. 10. epist. 26. 27 lib. 16. epist. 8. Vel inani & supernuacaneo. lib. 6. epist. 19. 20. li. 14. epist. 12. Vel turpi & indigno. lib. 6. epist. 22. libr. 10. epist. 25. 26. Vel circumstātiis temporis. lib. 10. epist. 25. 26. lib. 16. epist. 8. Loci. lib. 7. epist. 20. Personæ. lib. 6. epist. 22. li. 10. epist. 25. 26. Vel cura ac sollicitudine propinquorum aut amicorum. lib. 6. epist. 22. lib. 8. epist. 16. Vel iudicio aliorum. li. 10. epist. 25. 26. 27. Vel exemplis lib. 10. epist. 25. In conclusione denique sit, aut admonitio & obtestatio amici. lib. 6. epist. 20. lib. 8. epist. 16. lib. 10. epist. 26. lib. 16. epist. 8. Aut sententię & argumētorum præcipuorum repetitio.

lib.6.epist.19. lib.8.epist.16. lib.10.epist.25
 Aut modesta studij atq; officij ^{πολιτικῆς} pol-
 licitatio. lib.6.epist.22. Aut causæ institua-
 tæ dissuasionis indicatio. lib.8.epist.5. Aut
 longioris dissuasionis præcisio. li.7. epist.

*Materia dis-
 suasionum in
 epistolis Cice-
 ronis.*

22. lib.10.epist.25.27. Sunt autem dissuasio-
 nes Ciceronis in Epistolis variæ. Petitio-
 nis honorum, dignitatis, officij. libr.10. e-
 pist.25.26. pacificationis instituendæ libr.
 10.epist.27. Defensionis. lib.8.epist.16. Am-
 biendi principis aut alterius alicuius po-
 tentis gratiam. lib.6.epist.19. continuatio
 nis belli. lib.6.epist.22. Vêditionis ædium
 & possessionum paternarum. lib.7. epist.

*Imitatio epi-
 stolæ suaso-
 riæ.*

20. Dimicationis & prælij. libr.8. epist.5.
 Protectionis. libr.16. epist.8. Nos exercitij
 gratia imitabimur li.2.epi.18. in qua Ther-
 mo suadet Cicero, vt prouincia Bithynia
 decedens, eidem quæstorem suum præfi-
 ciat. Partes epistolæ illius quatuor sunt.
 Exordium constans laude atque commē-
 datione Thermi, significatione, etiā prom-
 tē paratæque bene de eodem merendi vo-
 luntatis. Propositio, quæ ipsam ^{συμβουλή} su-
 asionem & expostionem consilij con-
 tinet. Confirmatio quæ eiusdem rationes
 atque argumenta complectitur, ab vtili &
 honesto desumpta. Cōclusio institutæ sua-
 sionis

sionis causis: volo: & ἀνακρινώσῃ καὶ ἐπαναλή-
ψῃ renouatione atque repetitione ratio-
num absoluitur. Sententiæ esse tales po-
terunt.

I. Grata tibi mea quantulacunq; esse officia ex a-
nimo letor: etsi nouum in te hoc non sit: quem gra-
tum, qui noruit, deprehenderunt semper.

II. Itaq; deinceps quoq; tui magis mihi cordi ho-
nores erunt: licet tanti illi sint, vt vel mea, vel alte-
rius opus opera non habeant.

III. Ad successorem verò eius quod attinet, qui
nuper apud vos est mortuus, in eadem adhuc sum
sententia, quam nuper ad te perscripsi, coràm etiam
communi nostro amico exposui; plurimorum te o-
dia magnamq; tibi inuidiam constaturum, si repul-
sam adolescens passus, atq; ignominia affectus ali-
qua fuerit.

IIII. Vt enim eruditionem & doctrinam silen-
tio præteream, hoc ipso alios vincere competitores
viros optimos & doctissimos, videtur, quod vestra
ille in schola ab ineunte ætate educatus, & te aliisq;
præceptoribus est usus.

V. Equidem eò res esse tuas Dei beneficio perdu-
ctas video: vt aliorum tibi nocere ira atq; maleuo-
lentia facile nequeat.

VI. Veruntamen fratres aliosq; eius propinquos,
non nulla præditos autoritate offendere te nolim,
præsertim iure: quos ad dignitates adhuc magnas
venturos existimo.

VII. Vides autem cuiusmodi sint tempora: quàm facile lædantur homines: sæpè etiam illatas vlcisci iniurias conentur tum, cum euulsas eas è memoria sepultasq; obliuione esse arbitramur.

VIII. Cur ergo periculum tibi ipsi aut tuis creares? præsertim cum sine reprehensione cuiusquam aliis præponere eum possis.

IX. Quod enim ætas obiicitur, tanti esse ponderis momentiq; non existimo: vt egregium impetire adolescentem debeat.

X. Fuerunt maiorum & parentum nostrorum imò nostra quoq; memoria non pauci, qui admodum adolescentes ad officia adhibiti præclara, præclare sese gesserunt.

XI. Et verum est, quod quodam in loco Cicero affirmat: ab excellenti eximiaq; virtute ætatis expectari progressum non oportere: eiusdemq; celeriorrem quàm huius cursum esse.

XII. Ac licet (vt labi atque errare facile possumus) fortè quid ille offenderit: tamen vt adolescenti venia ei dari poterit citius; & hac ipsa de causa correctionem atque emendationem idem facilius admittet.

XIII. Atq; hæc necessario ad te hoc scribenda esse tempore duxi: quicquid hac in re egeris, id Deus Opt. Max. fortunet, rogo.

XIIII. Verum si me audies: plurimorum hominum offensiones declinabis: excitabis ad studium, ac dili-

diligentiam adolescentes bonos: bene deniq; tibi col-
legisq; tuis consules.

Ad hunc ergo modum Ciceroniana ve
ftigia secuti suafiones atque diffuafiones
inftituere poterimus. Reftat vt quænā ad
eiusmodi amicorum literas respondendi
fit ratio tenenda, oftendamus. Eft autem
ea duplex. Vel enim amici cōfilio acqvie-
fcimus: vel illud ipfum reiicimus atq; im-
probamus. Cum obtemperare volumus:
fententiæ erunt adhibendæ laudatoriæ,
gratias agentes, promittentes tum obedi-
entiam, tum grati animi beneuolentiam
& memoriā perpetuam. Quod fi verò da-
tum improbare necesse confilium habue-
rimus: laudabimus ftudium, fidem, & be-
neuolentiam amici: rogabimus eundem,
vt in partem optimam improbationē no-
ftam accipiat: rationes, ex caufis, & adiun-
ctis modeste adferemus, quibus adducti a-
mici obtemperare confilio nō poffimus:
quod fcilicet illud, vel parum honeftum,
vel detrimentofum, vel difficile & pericu-
lofum: vel graue ac moleftum: obftent tē-
pora: impediānt perfonæ: fint loci, & cir-
cumftantię quæ diuerfum fuadeant. In cē-
teris denique rebus noftam obedientiam
pollicebimur. Tractatio verò ita eft infti-

*Deratione re-
fpondendi a-
liorum lite-
ris fuaforiis,
aut diffuafio-
riis.*

*Sententiæ in
refpondendo
obferuandæ.*

*Tractatio
sententiarū.*

tuenda: vt in approbatione consilij. Exordium sit ἐπαινετικὸν καὶ συστατικὸν, laudem habeat & commendationem amici. libro 4. epistol. 11. libr. 11. epistol. 29. Vel significationem doloris percepti ex literis, & suspicionibus amici. libr. 2. epist. 16. Propositio sententię expositione & promissione cōstet. li. 2. epist. 16. Confirmatio rationes atque causas complectatur, cur amici obtemperare consilio velimus, sumptas ab vtili. libr. 2. epistol. 16. Amici admonitione & voluntate. libr. 4. epist. 11. libr. 11. epistol. 29. studiis & vita nostra antea. libr. 2. epist. 16. Temporis, loci, personarum circumstantiis. libr. 2. epist. 16. Exemplis aliorum. libr. 2. epist. 16. libr. 4. epist. 11. Conclusio absoluat vel ἀχαισία gratiarum actione, & εὐχαῖαι pollicitatione memorię, grati animi, beneuolentię. libr. 4. epist. 11. libr. 11. epist. 29. Vel declaratione sententię & voluntatis. libr. 11. epist. 16. Vel ἀξιώσει petitione, vt & porro nos nostraque sibi commendata habere amicus dignetur. libro secundo, epistol. 16. libr. 11. epistol. 29.

*Collocatio v.
surpanda in
improbatione
consilij.*

In improbatione verò consilij primū in Exordio συστασις erit commendatio & laus officij, beneuolentię, fidei, curę, diligentię amici. libro quinto, epistola decimaquinta.

quinta. Deinde in propositione modestè ostendetur, nos amici acquiescere consiliis non posse. *ibid.* Tum in confirmatione, ex causis & adiunctis rationes adferuntur, cur illud facere nequeamus. *ibid.* Postremò in conclusione cum consilij & sententiæ repetitione pollicitatio adhibebitur. *ibid.* Sunt autem huius generis epistolarum res atque materiæ variæ apud Ciceronē in familiaribus Epistolis. Responsiones ad dissuasionem defensionis in bello. lib. 2. epistol. 16. Suasionem reditus maturandi. libro quarto, epistola vndecima. libro quinto, epistol. 15. Suscipiendæ profectionis. libro vndecimo, epistol. 29. Nos exercitij causa hanc postremam imitari conabimur, quia præ cæteris elegans est & erudita. Partes illius tres sunt: Exordium laude & commendatione Oppij factum. Confirmatio, commemoratione & amplificatione officiorum constans. Conclusio petitione atq; pollicitatione absoluta. Nam & benevolentiam illam erga sese ut conferuet rogat Cicero: & gratum sese fore pollicetur. Hanc igitur imitati gratias amico agemus, qui vel profectionis instituendæ, vel studiorū ineundæ rationis auctor nobis & suasor extitit, hoc modo.

Materiæ responsionis ad epistolas sup. βελδωνας.

Imitatio responsionis.

I. Dubitanti mihi, quod multi adhuc meorum familiarium norunt, de instituenda ratione studiorum, quòd vtramq; in partem multa erant, quæ dubium incertumq; me reddebant, ad dubitationem omnem excutiendam, tua mihi plurimum prudentia & auctoritas profuit.

II. Neq; enim literis modò tuam mihi mentem aperuisti: verùm etiam eandem latiùs ab illo explicari voluisti, cui eas tradidisti.

III. Semper ego in te tria illa, quæ in consulendo maximè requiruntur, deprehendi: prudentiam, fidem, beneuolentiam.

IIII. Cum initio paterna schola relictà, quò mihi proficiscendum existimares, te consuluissem, ad hanc potissimum Academiam me vt conferrem, auctor mihi suasorq; extitisti.

V. Ex quo, quàm esses in me mea; studia animatus præclare intellexi: vt & eo, quod cum nescio quibus rationibus moti de me reuocando parentes cogitarent, tu solus restitisti, mea; commoda antiquiora, quàm illorum voluntates habuisti.

VI. Grauiissimũ verò de me iudicium fecisti tum, cum nonnulli delatione falsa animum à me tuum abalienare conarentur, tu eadem neglecta, mea promouere studia non desisti.

VII. Quod ego nisi debita obseruantia memoria; perpetua agnouero: ipse me non bonorum tantum amore atq; patrocínio, verùm etiam communi
hac

hac luce indignum iudicabo.

VIII. Interim te etiam atq; etiam rogo: amorem istum in me tuum conserues: studia etiam mea resq; alias commendatas tibi habeas: quæ quonam sint in loco, ex eo, qui hæc tibi literas tradit, cognosces. Vale.

De Petitoriis Epistolis.

Usitatissimum est epistolarum genus quod Petitoria-
 ἀξιολογὸν Græci & παρακλητικὸν, Latini peti-
 torium appellant: neq; quisquam reperi-
 tur, qui non petere interdum aliquid ab a-
 mico necesse habeat. Itaq; eius quoq; dili-
 genter est ratio cognoscenda: & conside-
 randa ante omnia cùm res ipsa, quam pe-
 tere volumus: tùm persona, à qua impetra-
 re aliquid nostris precibus cupimus. Sunt
 enim res quædam honestæ, vtilis, iucun-
 dæ, faciles, quas apertè, directè, sine circui-
 tione vlla petere possumus. Sunt deinde
 aliæ molestæ, difficiles, turpiculæ, quæ in-
 sinuatione, excusatione, veniæ deprecac-
 tione opus habent. Ita personæ, à quibus
 aliquid petendum, aut superiores sunt: aut
 pares, ætate, doctrina, potentia, dignitate:
 vbi decori ratio habenda, ne & spe atq; ex-
 pectatione nostra frustremur, & simul in
 grauem bonorum atq; prudentum repre-

*rum episto-
larum vtili-
tas.*

*Personarū
et rerū in
petendo dili-
gens ratio
habenda.*

*Petitoriariū
ep̄olar m
sententiæ do
cētes & pro-
bantes.*

*Senten. iā
παθητικαί
mouentes.*

*Sententi-
ἡδισταί con-
liantes.*

hensionem incurramus. Sumūtur autem in his epistolis sententię docentes & probantes: vel ab honesto, vel vtili, vel necessario: vel iucundo: vel facili: & ostenditur, rem eam, quam petimus, nō esse turpem, sed honestam: prodesse nobis: conducere illi à quo petitur: vel etiam toti reip. commodare: esse talem vt intermitteri nequeat: præstari faciliē ab amico possit. Vel promissis ante factis, aut etiā collatis in nos beneficiis, quæ celebranda atque amplificanda, vt eius à quo petimus aliquid, gratiam aucupemur. Mouentes hīc locū sententiæ habent quę aut misericordiam, aut spem excitant. Tum enim maximē aliorum admittere preces homines solent: cū vel commiseratione quadam afficiuntur: vel emolumentum sese inde quid percepturos sperant. Conciliantibus verō maximē hīc est sententiis opus, propterea quod necessario eius nobis est gratia atq; beneuolentia colligenda, à quo petere aliquid volumus. Sunt autem sententiæ tales, primū ἐπαινετικαί καὶ συστατικαί laudem & prædicationem continentes, probitatis, integritatis, liberalitatis, humanitatis ceterarumq; virtutum eius ad quem scribimus. Deinde ἀπονητικαί καὶ ἀποθεραπευτικαί occupatione & præmu-

præmunitione factæ, qua petitionis à nobis impudentiâ remouemus: vt vel *πεποισθησεται* fiducia prompta certaq; indicata: cum affirmamus scilicet, non rogare nos velle amicum, neq; illud pati nostram amicitia, mutuis officiis atq; studiis iadudum confirmatam: vel *εὐδαιμονία* significatione lætitiæ & voluptatis, quâ percipiamus ex beneuolentia aut iudicio amici: vel *ἄλλοτρίῳ* voto, vt officiis atq; studiis nostrum erga eum à quo aliquid petimus animum declarare gratum queamus: vel querela & reprehensione, sed admodum breui, recta, modesta. Ad collocationem verò istarum sententiarum quod attinet, quinq; plerunq; petitoriarum epistolarum apud Ciceronē partes reperiuntur: quarum prima Exordium est, quod conciliantes sententias habet, factas: aut laude eius quem rogamus, vt li. 7. epist. 30. lib. 15. epist. 4. Aut significatione spei ac fiduciæ præclaræ de fide, beneuolentia, liberalitate, humanitate amici conceptæ. lib. 5. epist. 9. 12. lib. 11. epist. 2. 4. lib. 15. epist. 1. 4. 13. Aut excusatione modesta. lib. 5. epist. 12. Aut lætitiæ & voluptatis declaratione. lib. 10. epist. 9. lib. 13. epist. 68. Aut voto. lib. 15. epist. 13. Aut querela & reprehensione breui atq; modesta. lib. 11. c.

*Collocatio
argumento-
rum & sen-
tentiarum
in singulis
petitoriari
epistolarum
partibus.*

*Exordia pe-
titionum.*

*Narratio-
nes petit.*

pist. 26. lib. 16. epist. 26. Pars altera Narratio breuem eius quod rogare volumus expositionem complectitur. lib. 10. epist. 9. lib.

*Propositio-
nes petit.*

11. epist. 2. 4. lib. 15. epist. 1. 4. Pars tertia est κατὰ τὰς αἰτίας propositio ἀξιῶσαι petitione breui atq; simplici constans. lib. 5. epist. 12. lib. 7. epist. 19. lib. 11. epist. 2. lib. 12. epist. 14. lib. 13.

*Confirmatio-
nes petit.*

epist. 68. 73. lib. 15. epist. 1. 4. 20. Pars quarta confirmatio argumenta continet, quæ mouere amicum posse videtur, vt locum nostris precibus relinquat. Huius generis sunt, quæ modò indicata, petita ab honesto. lib. 5. epist. 12. lib. 11. epist. 2. lib. 12. epist. 14. lib. 13. epist. 74. lib. 15. epist. 4. 13. Vtili. li. 7. epist. 30. lib. 12. epist. 14. Necessario. lib. 11. epist. 2. 26. lib. 15. epist. 1. Iucundo. lib. 5. epist. 12. Facili. lib. 15. epist. 13. 20. Promissis factis. lib. 12. epist. 14. Præstitis antè beneficiis. lib. 5. epist. 12. lib. 11. epist. 2. lib. 13. epist.

*Conclusio-
nes petit.*

73. lib. 15. epist. 4. 13. Pars quinta & postrema Conclusio absoluitur, aut υποχέσει pollicitatione animi grati, & studiorum atq; officiorum modesta delatione. lib. 5. epist. 12. lib. 12. epist. 14. lib. 13. epist. 68. li. 15. epist. 1. 8. Aut excusatione aut indicatione causæ: cur denuò, vel pluribus verbis ab amico aliquid petamus. lib. 5. epist. 12. lib. 11. epist. 2. Aut ἀναγκυνώσαι καὶ ἐπαναλήψει τῆς ἀξιῶ-
σαι

oras renouatione atq; repetitione petiti-
 nis. lib. 7. epist. 30. lib. 10. epist. 9. li. 11. epist.
 2. 4. lib. 13. epist. 14. lib. 15. epist. 4. 13. 20. lib.
 16. epist. 25. 26. Sunt autem res & materiæ
 quæ in petitoriis epistolis apud Cicero-
 nem reperiuntur variæ. Petitiones auxi-
 lij & subsidij cōtra hostes. lib. 10. epist. 24.
 lib. 11. epist. 9. 26. lib. 15. epist. 1. Præmij, lau-
 dis, honoris. lib. 5. epist. 12. lib. 10. epist. 9.
 lib. 11. epist. 4. lib. 12. epist. 14. lib. 15. epist. 4.
 10. 13. Liberę atq; solutæ relinquendę pro-
 uinciæ. lib. 3. epist. 2. commendationis lib.
 7. epist. 30. Literarum. lib. 2. epist. 11. lib. 13.
 epist. 26. 68. lib. 15. epist. 20. lib. 16. epist. 25.
 26. Declarandæ voluntatis. lib. 11. epist. 2.
 Liberationis captiuorum. lib. 13. epist. 73.
 Defensionis & patrociniij. lib. 2. epist. 9. lib.
 6. epist. 16. lib. 11. epist. 4. 19. lib. 15. epist. 6. 7.
 10. 12. Successionis in prouincia. lib. 15. e-
 pist. 7. Est eiusdem generis & illa in epist. Imitatio pe-
 ad Atticum, lib. 4. epist. 13. quam quia ma- titionū aper-
 ximè instituto nostro accommodata vi- ta.
 deretur, imitari conabimur. Rogat enim in
 ea Atticum Cicero, vt libros quosdam Va-
 nonis sibi concedat, & de omnibus rebus
 ad se perscribat. Partes quatuor sunt. Exor-
 dium occasione & causa constans institu-
 ta scriptionis. Propositio, ἀξιώσει petiti-

Materia pe-
 tit. in Cicer.
 epistolis va-
 riæ

Imitatio pe-
 titionū aper-
 ta.

ne facta. Confirmatio, rationes continens petitionis ab utili & necessario sumptas. Conclusio petitione absoluta. Hanc ergo secuti amicum rogabimus, ut, dum abest & peregrinatur, parentis sui nobis patere bibliothecam patriatur, & cum de suis, cum aliorum ad nos rebus scribat.

I. Scripsit ad me communis noster amicus Philippus, te iter in Italiam opinione suscepisse tardius: quod valetudine minus commoda uteris.

II. Si melius iam vales, ex animo lator: Deum etiam oro, peregrinationes istas tuas ut fortunet.

III. Interim te rogo, ad cognatos tuos perscribas, ut mihi non secus, ac si ipse adesses, parentis tui, pie memoriae, bibliotheca pateat.

IIII. Opus enim mihi est historicis quibusdam, ad ea quae in manibus nunc habeo & tibi aliisq; hominibus doctis non, opinor, ingrata erunt.

V. Quod si apud alios reperire eos possem: hac mea petitione molestus tibi esse nollem.

VI. Si quid etiam noui forte habes de rebus bellicis, aut aliis, quas admodum festiue odorari te scio, ad me scribas velim.

VII. Quod si nihil occurrat: vel hoc scribas, te quod scribas non habere.

VIII. Nunquam enim tuae mihi literae aut intempestiuae aut ingratae erunt, siue cum argumento illae, siue sine argumento conscriptae fuerint.

IX. Quan-

IX. *Quamquam quomodo scribendi destitui argumento possis non video, cum in peregrinatione ista multa te videre: audire multa: multis multorum interesse colloquiis necesse sit.*

X. *Interim tamen, ut verum fatear, illa ipsa tua peregrinatio sollicitum tui in me desiderium parit.*

XI. *Amici etiam & cognati tui, quam te expectent auidè, ex ipsorum ad te datis literis cognosces.*

XII. *Itaq; operam dabis: ut absoluto studiorum cursu totoq; itinere è sententia confecto, primo quoque tempore ad nos redeas.*

XIII. *Neq; committas, ut idem tibi quod Ulyssi accidat, qui ex longa atq; diuturna peregrinatione domum reuersus à suis agnosci amplius non potuit. Vale.*

Ad hunc ergo modum apertè & directò ab amico petere aliquid poterimus. Quod si verò obliquè sunt recteq; petitiones instituedæ: vel quia res ipsa quā petimus parum honesta, vtilis, facilis esse videtur: vel quia is ad quem scribimus, non vsq; ad nos nobis fauet: vel nos minus verecundè atq; modestè rogare illud iudicari possumus, quod ad nostram laudem ac gloriam facit: ad imitandum maximè proponi poterūt epist. 12. lib. 15. 2. lib. 11. 4. lib. 15. Et. 8. lib. 10. ad Atticum in qua Antonius admodum artificiosè Ciceronem rogat; ne cum Pom

Obliqua & recta petitiones.

*Imitatio ob-
liquæ peti-
tionis.*

peio sese coniungat, sed in Italia maneat. Et quæ sequitur 9. in qua ab eodem Cæsar petit, vt inclinata iam re à ciuilibus abesse controuerfis velit. Nos in manus sumemus epist. 2. lib. 11. fam. in qua obliquè Brutus & Cassius Antonium rogant: vt sibi significet, cur milites conuocarit, & an per eosdem tuti in vrbe esse possint. Partes illius quinq; sunt. Prima Exordium, in quo optima quæq; de Antonio pollicere sese sibi Brut^o & Cassius simulant: Altera Narratio est, breuem rei ipsius, & veteranorū ad urbem frequentia, expositionem continens. Tertia propositio ἀξιώσιμ petitionē habet. Quarta argumenta petitionis complectitur, ab officio Antonij: Bruti & Cassij voluntate: amicorum cura atq; solitudine desumpta. Quinta & postrema Conclusio petitionis repetitione & occupatione absoluitur, qua metus atq; formidinis à sese suspicionē viri fortes remouent. quæ imitando effingi & ad vsum transferri poterunt, quoties suspectos aliquos habemus, ideoque eosdem rogamus, vt sui consilij atq; instituti nobis rationes aperiant, hoc modo.

I. Nisi tua mihi cognita fides atque beneuolentia esset, hæc ad te iam literas non darem.

II. Itaq;

II. Itaq; in partem eas bonam accipies: & respondere mihi minime grauaberis.

III. Plurimorum, & literis, & nunciis ad me perfertur, magnam militum multitudinem tuo in agro iam conuenisse, multoq; maiorem adhuc expectari quotidie.

IIII. Te suspectum si haberem, contra amicitiam facere viderer.

V. Sed certe, cum de tuis tuorumq; commodis non minus atq; meis sollicitus haecenus semper fuerim: de periculis etiam, quæ tibi impendebant, te vt decet amicum, fideliter monuerim, non indignum me iudicabis, quem consilij tui participem facias, ea maxime in re, quæ me quoq; attingit.

VI. Itaq; etiam atq; etiam à te peto: quam primum certiore me reddas: existimes ne in tanta militum licentia tuta nostra futura.

VII. Equidem minari mihi aperte eos audio.

VIII. Quod tamen tuo fieri mandato nemo credet, nisi forte leuitatis & inconstantiae, addo etiam perfidia te insimulare velit.

IX. Me nihil aliud vnquam, quam religionis puritatem, pacem, & libertatem spectasse, tu ipse testis mihi esse potes, quo cum mea sum communicare consilia solitus.

X. Itaq; neq; quisquam aut fallere me magis: aut damno afficere maiori potest, quam tu, cui vni maxime ego credidi.

XI. Longè abesse illud à tua fide & constantia scio.

XII. Sed tamen hæc ad te vt scribam, amicorum crebrae literæ faciunt, qui de me anxij atque solliciti esse videntur.

XIII. Occurrunt & illa: facile honestas rei causas posse obduci, sæpè, vel inuitos ac repugnantes ad bellum à pacis osoribus inflammari: retineri in officio difficulter milites.

XIIII. Rescribas ad hæc mihi primo quoq; tempore rogo.

XV. Nam illud leue admodum est, quod præten-
ditur, propterea militem conscriptum esse, vt contra aliorum vim & iniurias agrum ille tuum defendat.

XVI. Quem enim damnum dare tibi posse censes, cum de nostra aliorumq; vicinorum tibi fide ac beneuolentia constet?

XVII. Ego sanè, vt nullius rei male mihi sum cō-
scius, ita minimè quoq; mihi metuo.

XVIII. Neq; accidere quicquam mihi posse vi-
deo sine aliorum pernicie atque adeò Germaniæ to-
tius perturbatione.

De ratione
respondendi
ad aliorum
literas peti-
torias.

Atque hæc de petendi ratione breuiter
sint dicta: sequitur de respondendi modo
vt agamus, qui duplex est. Aut enim locū
amici petitioni relinquimus: si scilicet ho-
nesta illa: si utilis: si talis extiterit, vt nō
dubios esse videatur. Aut eādem reiicimus:
quia,

quia, vel turpis, vel *adversus*, aut saltē difficilis: vel deniq; detrimētosa ei qui ad nos scribit. vbi satisfacere amici petitioni placuerit, pollicitatio adhibenda erit studij & officij nostri, eiuldemq; rationes atq; causæ adferendæ: quod nimirum res illa, quæ petitur, cum honestate sit, vel vtilitate cōiuncta: neque vsque aded ardua & difficilis: is qui petit, de nobis aut nostris meritis præclare: ea præditus pietate, doctrina, virtute, vt denegare ei nihil possimus.

Quod si verò id quod petit amicus improbare, aut non posse nos facere, ostendere voluerimus: iisdem ex locis rationes adferendæ erunt contrariæ: & indicandum gratificari ea in re amico nos non posse: *Sententiæ usurpandæ cum improbanda aut deneganda petitio.*

quod sit, aut turpis illa, aut perniciosa, aut minus necessaria: aut difficilis, & impedimenta multa magnaque obiciantur, quæ à personis, locis, temporibus sumenda. Refellenda quoque argumenta hîc erunt in petitione ab amico adhibita, vel negando, vel exrenuando, vel compensando, & docendum, commodum, verbi gratia, nullum hîc esse: aut non esse tantum, quantum existimetur: aut plura, altera ex parte, damna secum atque incommoda adferre. Quemadmodum verò sententiæ

*Sententia-
rum in re-
spondendo
tractatio &
collocatio ut
instituenda.*

diuersæ adhibendæ, cum admittere, aut repudiare aliorum petitiones volumus: ita quoque tractatio & collocatio dissimilis esse debet. Et quidem qui annuit, ab ἐπαναλήψει breui repetitione acceptarum literarum, & scribendi occasione ordietur. lib. 11. epist. 6. 14. Deinde propositionem subiunget ὑποχέσει pollicitatione factam eorum quæ petit amicus. lib. 11. epist. 6. 14. Tum ostendet, quæ aut iam egerit: aut acturus sit: & huius causas atq; rationes adferet. lib. 1. epist. 9. lib. 11. epist. 6. 14. Postremò concludet vel δὲ χῆν voto, ut prosperè feliciterq; omnia amico succedant. lib. 11. epist. 14. vel ὑποχέσει pollicitatione noua, summo semper studio, suscepturum ea se esse, quæ ad amici augendam dignitatem, aliaq; prouehenda commodà pertinere videntur. lib. 1. epist. 8. lib. 11. epist. 6. Qui verò id quod petitur recusat, cautè admodum hoc accurateq; ut faciat, necesse habet: propterea quod amico petenti aliquid denegare graue admodum, interdum etià periculosum est. Tractatio ergo ita hinc erit instituenda: ut Exordium, vel significationem habeat nostri doloris & studij erga amicum. lib. 15. epist. 5. vel ἀφηγήσεις narrationes scribendi occasiones & ad rem ipsam

ipsam aditus continentes. lib. 2. epist. 17. lib. 6. epist. 10. 20. lib. 10. epist. 22. Pars altera propositio, aut reprehensione amici atq; exoptulatione fiat. lib. 2. epist. 17. lib. 5. epist. 10. aut petitione, vel adhortatione ἀπολογία, ne quid idem curet amplius, aut petat. lib. 6. epist. 19. Tertia confirmatio causas & rationes contineat, cur effici atq; impetrari non possit id quod petitur, desumptas: vel à personis & offensione, aut malevolentia eorum à quibus aliquid impetrandum. lib. 2. epist. 17. lib. 5. epist. 10. lib. 6. epist. 19. Vel sceleribus & flagitiis illorum pro quibus deprecationes atq; intercessionis fiunt. lib. 5. epist. 10. Vel temporum conditione. lib. 2. epist. 4. Vel agendi modo & difficultate. lib. 10. epist. 22. Vel testimonio ac iudicio bonorum virorum. lib. 5. epist. 10. lib. 15. epist. 5. Vel inutili & superuacaneo. li. 6. epist. 19. Postrema deniq; pars conclusio absoluat, aut petitione. lib. 2. epi. 4. li. 6. epi. 19. li. 15. epi. 5. aut expositione causarum institutę descriptionis. lib. 15. epist. 5. Aut ἀπολογία officij atq; studij pollicitatione. lib. 5. epist. 10. lib. 6. epist. 19. lib. 10. epist. 22. Sunt autem eiusmodi responsio-
 num varię in Ciceronis epistolis materię. *Materia re-
 sponsonum
 ac aliorum*

*petitiones in
Ciceronis e
pistolis.*

honoris & dignitatis. lib. 11. epist. 6. lib. 12. epi. 7. Impetrandę supplicationis. li. 15. epi. 5. Commédationis. li. 2. epi. 17. Subsidij, & pecunię. lib. 11. epi. 14. Curationis ludorũ. lib. 6. epi. 19. literarum. lib. 2. epi. 4. Orationis. l. 19. epist. 12. Liberationis & dimissionis captiui. lib. 5. epist. 10. Est eiusdę generis & illa ad Atticum. lib. 3. epist. 7. in qua Attico Cicero respondet, & cur eius petitioni satisfacere nequeat, ostendit. Et lib. 9. epist. 13. vbi Cæsari respondetur, qui à Cicerone contenderat, vt ad vrbẽ sibi præstò esset. Hanc nos postremam imitari conabimur: cuius partes sunt quatuor. Exordium ἐπαναλήψεται repetitione argumenti literarum Cæsaris, & studij atque voluntatis promptę significatione constans. Propositio modesta ac verecunda recusatione eius quod petebatur facta. Confirmatio denegationis atque recusationis argumenta continens, ab vtili & honesto desumpta. Conclusio, gratiarum habens actionem, & nouam petitionem. Ad huius igitur imitationem Magistratui alicui, ad docendi, vel in ecclesia, vel schola nos munus vocanti respondebimus, & denegationis atque recusationis causas modestè exponemus hoc modo.

I. Ut literas ego vestras legi, Viri amplissimi, Domini observantia perpetua colendi, quibus honestissimo liberalissimoq; stipendio oblato mecum agebatis, meam vobis operam ut addicerem, incredibili profectò sum letitia affectus.

II. Etenim, si Demosthenem illum Atheniensem aquam ferentis mulierculæ delectatum susurro fuisse legimus, quid mihi, homini, nec ab ingenio, nec doctrina magna instructo animi esse putatis, qui tot ac tantorum virorum egregiam in me voluntatem, præclarum de studiis factum iudicium intelligo.

III. Equidem iam ante inaudieram, uos pro vestra singulari pietate ac sapientia de literarum ludis restaurandis eandemq; ad rem viris accersendis doctis consilia tractare.

IIII. Eam verò ad rem me aptum atq; idoneum iudicatum iri, nunquam credidissem.

V. Itaque quò magis præter spem hoc meam et expectationem accidit, eò plus vestro me debere amoris agnosco, qui scilicet ad me vocandum vos impulit.

VI. Atq; utinam is ego essem, qui vestram aliorumq; de me, concitatam existimationem sustinere possem.

VII. Sed noui ego meo me pede metiri: quàm angusta mihi sit accisaq; eruditionis supellex, scio.

VII. Voluntatem fortè et conatum quantulumcumq; bene de adolescentū studiis merendi profiteri

audeo: præter verè eundè quod polliceor non habeo.

IX. Verum ut ut hæc sint nullam me Christe Rem pub. noui, in qua, ab hac vrbe vbi recessero, rerum mearum sedem collocare fixam malim quàm vestra: utpote clara, nobili: piis, doctis, prudentibus viris affluente: ab iis omnibus egregiè parata, quæ in bene constituta Repub. requiri, & solent, & debent.

X. At non libera hic solutaq; mea est voluntas.

XI. Aliquot enim iam sunt anni, cum hanc ego in urbem veni: tot etiam tantaq; ab eadem beneficia accepi, & adhuc accipio quotidie, ut sine summa æ-xæsis reprehensione deferere eam nequeam.

XII. Quamobrem vos ergo viri amplissimi rogo & oro: vitio hoc mihi minimè detis: quod de referenda gratia bene de meritis magis, quàm vel honoribus. vel opibus sollicitus sum.

XIII. Neq; dubito quin, quæ vestra est cum prudentia, tum humanitas, impetraturus hoc sim à vobis facile, præsertim si amicos apud vos meos audire volueritis, ad quos de rerum mearum statu atq; causis quæ me impediunt, quo minus gratificari vobis possim, copiosè scripsi.

XIIII. Interim ut pro hoc tam honorifico de me meisq; studiis facto iudicio gratias quas possum vobis, & ago, & habeo maximas, ita illud quoque submissey peto: in clientū vestrorū me album ascribere, hocq; persuasum habere dignemini, operam me daturum sedulò: ut mea, licet exigua atq; tenuia offi-

cia vo-

cia vobis liberisq; vestris prompta semper parataq;
fuisse intelligatis.

Iam verò & rationem atque viam nosse
oportet instituendę gratiarum actionis a-
pud eos qui locum precib. nostris relinqui-
runt. Quanquam ex iis quę in commenda-
titiis sunt epistolis indicata haud difficul-
ter intelligi illa posse videatur. Nam & hęc
sententię sunt adhibendę ἐπιδειλναι lau-
dantes, αὐξηνναι amplificantes, δχαρισναι
gratias agentes: & pręstitum oportet be-
neficium, vt pręclarum, vt vtile, vt necessa-
rium laudare: amplificare, vel cōparatio-
ne, vel notatione facta circumstantiarum,
loci, temporis, persone, modi: & grati ani-
mi memoriam perpetuam, & studia atque
officia polliceri. Collocatio ita est institu-
endā: vt Exordium ἐνδειξιν indicationem
habeat eorum, ex quibus amici studium
& voluntatem cognouimus. lib. 10. epist.
11. lib. 15. epistol. 11. Pars altera propositio
δχαρισται gratiarum actionem perpetuā-
que memorię pollicitationem contineat.
ibid. Tertia ἀπαριθμησιν καὶ αὐξησησιν enumera-
tionem atq; amplificationem accepti be-
neficii complectatur. ibid. Conclusio, aut
gratitudinis pollicitatione. lib. 10. epist. 11.
aut δήσει petitione atq; commendatione

De ratione
agendi gra-
tias iis, qui
precibus no-
stris locum
reliquerūt.

Sententię
δχαρισναι.

Collocatio
sententiarū.

*imitationis
epistola iu-
xactis
exemplum.*

noua. li. 10. epist. 11. aut & x̄ voto ac pre-
catione absoluitur. lib. 15. epist. 11. Nos. lib.
15. epist. 11. imitari conabimur: cuius exor-
diū beneficij indicatione: propositio gra-
tiarum actione & pollicitatione memo-
riæ: confirmatio enumeratione atq; ampli-
ficatione à personę conditione petita: con-
clusio voto & precatione constat: & ex-
primi à nobis effingi; imitando potest,
quoties gratiæ amico agendæ, qui causam
nostram apud alios diligenter fideliterq;
egit.

I. Quàm curæ tibi cordiq; res meæ extiterint, etsi
iam antè cognitum atq; exploratum satis habebam,
tamē ex fratris aliorumq; cognatorū literis cognoui.

II. Itaq; dum lucis huius mihi frui vsura conti-
gerit, gratum me ac memorem præstabo.

III. Neq; quicquā tam erit difficile, aut molestū,
quod ego non tua causa, & suscepturus sim libenter,
& expediturus sedulò.

IIII. Et, si non parum refert, cui debeas: nemo
profecto est, quē tibi hac in re antepone velim, vi-
ro scilicet multis nominibus de me optimè merito.

V. Nihil ego iam de studiorum communione scri-
bo, quæ quantā ad conglutinandos hominum animos
viam habeat, notum est.

VI. Parentis tui nostram in familiam promerita,
& plurima & maxima latere patior.

VII. Si-

VII. Silentio Remp. prætereo, quã, dum fide atq; diligentia singulari administras, merito obstrictos deuinctosq; tibi omnes bonos tenes.

VIII. Vel hoc quod iam in me contulisti beneficium, quanti obsecro facere me existimas?

IX. Neq; enim parum profecto est, hisce potissimum moribus atq; temporibus, absentis famã & existimationem defendere: aut in competitorũ copia magna locum in Repub. honestum impetrare.

X. Quamobrẽ cum referre nunc tibi gratias mea me tenuitas non sinat: operã dabo sedulo, enitar, perficiã deniq;, vt memoriã & voluntatem promptam mihi non defuisse intelligas.

XI. Deum interim Opt. Max. rogo: surgenti tuæ gloriæ vt faueat: ita quoq; consilia actionesq; tuas cunctas Spiritu suo Sancto regat & gubernet, vt, & summa hætenus cū laude fecisti, diu Reipub. & adiumento & ornamento esse possis.

XII. Ego, nisi quæ impedimenta inciderint, breui te, vt spero, videbo: coram etiam tibi & gratias agam, & quæ literis credi committiq; tutò nequeunt, exponam. Vale.

De Communicatoriis Epistolis.

Ad petitorias epistolas, de quib. modò est actũ, quàm proximè illę accedere videtur, quæ *ἀνὰ δικαίαν* à Græcis, à Latinis cõmunicatoriæ appellantur; propterea q̃ in iis

*Utilitas cō-
municato-
riarum epi-
stolarum.*

*Sententia
communica-
toriarum e-
pistolarum.*

nostra cum amico consilia communica-
mus, eundemque rogamus, ut quid facien-
dum ille nobis, aut omittendum censeat,
significet. Est autem hoc epistolarum genus,
cum omnibus omnium ætatum atque or-
dinum hominibus, tum verò adoleſcētibus
utile & necessarium. Neque enim quisquam
tā est perspicax, ut omnia videat: non alio-
rum opus aliquando consiliis habeat. Et
adoleſcētia maximè, quia temeritate atque
ignorantia laborat, aliorum regēda inque offi-
cio continēda prudentia est. Sumuntur au-
tem in communicatoriis epistolis, senten-
tiæ, à causis, adiunctis, cōparatis: & causæ
primum in medium adferuntur quæ mo-
uere, atque impellere nos posse videntur, ut
aliquid faciamus & suscipiamus: cuiusmo-
di sunt, honestum, utile, iucundum, necessa-
rium: aut impedire ac detertere: ut sunt con-
traria; turpe, detrimentosum, iniucundum.
Deinde locorum, temporum, personarum, &c.
circumstantiæ proponuntur, quæ facilita-
tem, aut difficultatē indicant. Tum ἀντεξέ-
τασις ἢ ἀντιπαρεβολή cōtentio & comparatio
bonorum vel malorum instituitur: & con-
sideratur utrum honestius, facilius, necessa-
rium magis: aut minus turpe, detrimentosum,
difficile, ingratum. Mouentes verò hic va-
lent

lent sententiæ, quæ vel misericordiæ, vel *Sententiæ mouentes.*
 spei inseruiunt: quarū illa curæ, sollicitudi-
 nis, perturbationis angustiarū declaratio-
 ne: hæc tū obedientiæ, tū grati atq; memo-
 ris animi pollicitatione excitatur. Ad con- *Sententiæ conciliantes.*
 ciliandum quoq; aptæ sunt & accōmoda-
 tæ ἐπιεικῆαι quæ laudē continent & com-
 mendationē, beneuolentiæ, doctrinæ, fi-
 dei, prudentiæ, experientiæ, eius quo cum
 de rebus cōmunicare nostris cupimus. Ad *Collocatio*
 διορθωτικῆν porro, tractationē & collocatio- *sententiarū*
 nē q; attinet, quatuor cōmunicatoriarum *in singulis*
 epistolarum esse partes solent, quarū *communica-*
 prima Exordium sumitur, vel à causa scribē- *toriarum e-*
 di, & ἐνδεῖξαι significatione magnitudinis *pistolarum*
 illius rei de qua cōsultatio instituenda & *partibus.*
 consiliū perendum. li. 4. epi. 1. li. 9. epi. 3. 7.
 18. Vel extenuatione modesta ac verecūda.
 li. 7. epi. 34. Vel declaratione singularis stu-
 dij & cupiditatis cōmunicandi cum ami-
 co. lib. 15. epist. 15. Vel laude & commenda-
 tione eius quē consulere volumus. lib. 4.
 epist. 1. Pars altera *ἡ ἀπάντησις* propositio est, *Propositio.*
 eius quod in consultationem venit. Quo-
 niā enim in cōmunicatoriis eiusmodi
 epistolis vtrinq; adferri plerunq; rationes
 solent, vtile cū primis est ré qua de agitur
 proponere, & quid in cōsultationē veniat

*Confirma-
tiones.*

paucis ostēdere. l. 14. e. 18. l. 15. e. 15. Pars ter-
tia est cōfirmatio, quæ ἀπαριθμήσειν enumera-
tionē & ἀνάδειξις expositionē cōtinet ratio-
nū illarū, q̄ dubios nos atq; incertos redde-
re possunt, & sumūtur, vel ab honesto. l. 14.
e. 14. l. 15. e. 15. Vel vtili. l. 9. e. 3. 7. 18. l. 14. e. 14.
18. l. 15. e. 15. Vel exēplis aliorū. li. 14. e. 14. 18.
Vel iucundo. l. 7. e. 34. l. 9. epi. 18. Vel contra
dāno & periculo. l. 4. e. 1. l. 14. e. 14. Vel diffi-

*Conclusio-
nes.*

cili. l. 4. e. 1. l. 2. e. 15. Quarta & postrema pars
conclusio absoluitur, aut ἐπαίνῳ laude, pru-
dentia, integritatis, fidei, beneuolentia,
eius quē consulimus. l. 4. e. 1. Aut παρακλήσει
& ἀξιώσει petitione, vt pro sua erga nos be-
neuolentia nos cōueniat, vel saltē scribat
quid sentiat, videat, expectādū agēdū me
nobis existimet. l. 4. e. 1. l. 7. e. 34. l. 9. e. 7. lib.
14. e. 14. l. 15. e. 15. Aut πρᾶξις actione
li. 9. e. 3. l. 14. e. 18. Aut ὑποσχέσει pollicitatio-
ne: accōmodaturos nos nostrū esse cōsiliū
ad amici rationes, si modò quid ille cōsti-

*Materiae va-
riae commu-
nicatoriarū
epistol. Cic.*

tuerit, sciuerimus. li. 9. e. 7. Sunt autē res &
materiae quæ in cōmunicatoriis epistolis
Cic. reperiūtur variæ. Cōmunicationes de
instituédis rebus belli tēpore. l. 4. e. 1. l. 9. e.
7. l. 14. e. 14. l. 15. e. 15. De ratione vitæ, & stu-
diis atq; exercitationib. priuatis. l. 7. e. 34. l.
9. e. 3. 18. In Epi. ad Att. hui⁹ generis exēpla
pluri-

plurima 10. li. suppeditat, in quo Att. cōsiliū Cic. exquirat: vtrū in bello ciuili Pomp. an Cēs. sequi: in Italia manere, aut aliò sese cōferre debeat. Nos 3. lib. 8. imitabimur: in qua eadē de re cū Att. cōsilia Cic. cōmunicat. Partes illi⁹ sunt: Exordiū, attētionis & *Imitatio cō-*
 beneuolētię habēs captationē, rei magnę: *municato-*
 & studij cū amico cōmunicandi *ria.*
 & significatiōe cōciliatur. Propositio *περὶ τῆς*
 cōstās futuræ deliberationis: nō tñ nudē, verū causa addita finali instituta: vt eò
 scil. cōsiliū facili⁹ dare Attic⁹ possit. Cōfirmatio, q̄ dubiā, ancipitē, difficilē reddētia
 cōsultationē argumēta cōplecti. Conclusio *ἐν τῇ*
 cōsiliij petitionē cōtinens. Hisce nos vestigiis insistentēs cū amico de institu
 enda studiorū & peregrinationis ratione
 nostra cōsilia cōmunicabimus, hoc modo.

I. Magna & necessaria de re consultatio est mihi
 suspicienda: quam hisce tibi nunc literis exponere
 volui: cū corā tecū agēdi facultas nō concedatur.

II. Est autē hęc omnis deliberatio: cum studiorum
 meorū cursum ad finē propē hac in schola perduxerim,
 ideoq; de alia iam sit mihi cogitandū, quid mihi
 agendum existimes: manendum ne in Germania diu
 tius, an verò in Galliam, aut Italiam eundum.

III. Et, quo facilius tuo mihi adesse cōsilio queas,
 quid vtramq; in partem occurrat, paucis indicabo.

IIII. Cum, & clarissimorum virorum exēpla in-

tueor, & studiorum meorum considero finem, omnino necessariam mihi esse peregrinationem video.

V. Etenim cum ad Reipub. tractanda gubernacula sapientia sit magna opus, eaq; non tam ex libris, quam usu & experientia paretur, utile omnino, imo necessarium videtur, exterarum nationes lustrare: earundem, non linguas modo addiscere, aut viros audire doctissimos, verum etiam leges, instituta, mores cognoscere.

VI. Mouet deinde me & illud, quod negligi passim contemniq; eos animaduerto, qui limine paterno pedem nunquam extulerunt, licet ab eruditione illi fuerint atq; doctrina præclare instructi.

VII. Huc accedit, quod si maneo diutius, & comilitonum meorum optimorum adolescentum comitatum desero, soli alio tempore, aut forte cum ignotis mihi sit profectio suscipienda, qui licet amicos sese interdum simulant, tamē fidere illis tutū satis non videtur.

VIII. Et si maximè exploratum sit fideles eos fore: longe tamen utilius est ac iucundius cum doctis, & iis quibus aliquandiu usus fueris familiariter, quam cum mercatoribus, aut aliis non literatis iter facere.

IX. Habes in hac parte quæ ad profectionem hoc instituendam tempore me potissimum hortantur: nunc quæ sint in altera parte accipe.

X. Omnia molestiarum atq; difficultatum plena in peregrinationibus esse longinquis solent.

XI. Mitto sumptus, quos maximos facere eos audio,

audio, qui in Gallia, Italia, aliisque locis studiorum nunc gratia viuunt.

XII. Quot & quam præclarorum adolescentum corrumpi ingenia atque mores istis peregrinationibus videmus?

XIII. Quàm multa itineribus magnis, molestiis infinitis, cum vitæ etiam periculo, ab improvidis adolescentibus addiscuntur, quæ maiorum nostrorum verè germana detestata simplicitas, integritas, probitas fuisse?

XIIII. Ut enim in sole qui ambulant, etsi non propterea ambulent ut colorentur: nihilo tamen minus colorari solent: & qui in vnguentaria aliquandiu commorantur taberna, illius secum odorem ferunt: ita & qui peregrinantur, vel multi peregrinos induere mores, vitia imitari consueuerunt.

XV. Aetatem deinde meam cum considero, talis ea est, ut nondum peregrinationibus longinquis maxime apta videatur.

XVI. Mouent præterea me non parum tempora in quibus viuimus: bella quæ ferè omnibus nunc in locis, aut geruntur, aut metuuntur: insidiæ quæ bonorum adolescentum & vitæ & fortunis struuntur: annonæ caritas summa: morbi varij iidemque periculosi: exempla multorum, qui paucos intra annos cum spe atque expectatione sui magna parentes & cognatos compleuissent, miserè, procul à patriæ finibus remoti: auulsi à parentibus dulcissimus: à cognatis

et amicis, abstracti ex hominibus abierunt.

XVII. Tandem et parentū me ancipitē atq; dubiū voluntas reddit, qui tantū me viā capeſſere nolunt.

XVIII. Ac ne me putaris ad manēdū proniorē eſſe, q; plura de peregrinationū incommodis ſcripſerim.

XIX. Poſeſt fieri, vt quemadmodum in aliis, ita hac quoq; conſultatione plus verborum poſterior, veritatis prior pars habuerit.

XX. Itaq; à te, quem ſecundum patrem meum omnium hominum maximè colo, etiam atq; etiam peto, vt de re vtili cum nimis ac neceſſaria deliberanti tuo mihi adeſſe conſilio velis.

XXI. Quicquid ſuaſeris, fixū apud me ratumq; erit: neq; vllō vnquam tempore committam: vt vel fruſtra conſilium mihi dediſſe: vel malè apud me tua poſuiſſe beneficia conqueri poſſis. Vale.

De ratione
reſpondendi
ad aliorum
litteras com-
municato-
rias.

Quēadmodū verò vtilēs & neceſſarię, cū amicis aut aliis viris doctis & prudentib. inſtitutę eſſe cōmunicationes ſolēt: ita vidēdū quoq; eſt, quonā pacto iis qui noſtrū iudiciū atq; cōſiliū exquirūt, ſit reſpōdendū. Qua quidē in re conſiderandum eſt primū cuiuſmodi ſit id q; in conſultationem cadit: deinde iudiciū ne & ſententiā noſtrā exponere, an ſuſpēdere velimus. Vel enim quæritur ab amico ſimpliciter, placeat ne hoc vel illud fieri, aut nō fieri: vel ppoſitis duob. & contentione atq; comparatione facta,

Duo qua-
ſtionum ge-
nera ἀπλῶν
& συγχετι-
νῶν ſimplex

facta, utrū horū placeat fieri, & q̄ ἀρετῆς ele- & compara
ctio atq; ἀρετῆς optio instituenda. Sim- tione factū.
plex in cōsultatione q̄stio si extiterit, argu Sententia
mēta ex causis erūt atq; adiūctis sumenda, adhibendæ
& ostēdendū vel faciēdū aliquid esse: quia in respōden
honestū, quia vtile, q̄a iucundū, quia neces do aliorum
sariū, q̄a facile & sine labore atq; molestia communica
fieri possit: cū persona sufficiat: conueniat toriis.
locus: tēp⁹ sit accōmodatū: modus sese of-
ferat agēdi facilis atq; expedit⁹. Vel inter-
mittēdū, q̄ contraria omnia deprehēdan-
tur: obiciat magna difficultas: metuatur
detrimētū & damnū: sit reformidanda tur-
pitudine: nulla illud ipsum suscipere neces-
sitas cogat. Quod si verò συγκρίσει cōpara- Sententia
tione & contentione facta quæstio fuerit: in bonorum
vtile est nosse q̄ quib. in cōsultatione præ- ἀρετῆς κ̄
ferri debeant: & tenere ea, q̄ à dicendi sunt ἀρετῆς.
magistris de bonorū cōtētione atq; cōpa-
ratione tradita. Monēt. n. illi in cōsultatio Electiones
ne dubia spectandū numerū esse: & semp observandæ
plura bona pauciorib. pauciora mala ma-
lis plurib. esse antepōnēda. Deinde habē-
dā esse rationē cōsequentiū & cāusarū, id-
eoq; in cōparatione eligēda ea, q̄ plura at-
que p̄stantiora cōsequuntur: quorū causæ
sunt efficiētes excellētiores: q̄ per se expe-
runtur, non aliò referuntur: q̄ se ipsis con-
tenta, nec aliena ope egent: q̄ in nostra, nō

aliorum sunt potestate: quæ certa atq; stabilia nō incerta. Tum rei considerandam qualitatem: atq; inde præferenda rara vulgaribus: natiua assumptis atq; aduētitiis: iucunda minus iucundis: honesta vtilibus: necessaria non necessariis: propria alienis: perfecta inchoatis: artificiosa non artificiosis. Postremò respiciendum quoque ad affectionem: ac propterea in consultatione atq; hæsitatione pluris faciēda illa, quorū desideria honestiora: artes atq; artifices præstantiores: effecta maiorem laudem, gloriam, commendationem mereantur: quæ iucundiora: quæ ab optimo quoq; probata & laudata. Verū hęc persequi omnia, non huius est loci: & legi illa possunt ac cognosci priuato studio, quæ à Cicerone & Aristotele hac sunt de re in Topicis & Rhetoricis libris tradita. Ad moratas porrò & conciliantes sententias quod attinet: adhibendæ in eiusmodi epistolis sunt *ειρηνικαί*, quæ amorem & beneuolentiam nostram testatam faciunt: *συγκατασκευαστικαί*, cōmendantes & laudantes eum qui nos consulit: *μετασθετικαί* verecundè atq; modestè extenuantes ea, quæ amicus nobis tribuit. Ostendemus ergo fauere ex animo nos studiis aut commodis eius qui ad nos

*Morate &
conciliantes
sententia in
respondendo
obseruande.*

*Propositio-
nes.*

quarto, epistol. 4. libro quinto, epistol. 19. Altera *περὶ τῶν* propositio: quæ vel *βελήν* cō-
siliū & *ἐπιμήσιον* electionem continebit.
lib. 6. epistol. 8. 20. Vel approbationem, aut
improbationem eius sententiæ, in quam
inclinare magis amicus noster videtur. li.

*Confirmatio
nes.*

5. epist. 19. li. 7. epist. 28. Tertia confirmatio
argumenta complectetur, quæ nos moue-
re videntur, vt probandum, aut improban-
dum: faciendum, aut omittendum: eligen-
dum, aut fugiendum esse aliquid statua-
mus sumpta: Ab honesto, iusto, recto. libr.
4. epist. 4. lib. 5. epist. 19. Vtili. lib. 5. epist. 19.
lib. 6. epist. 8. 20. Facili. lib. 6. epist. 8. 20. lib.
6. epist. 28. Exemplis nostris vel aliorum.

*Conclusio-
nes.*

lib. 7. epist. 28. Quarta & postrema conclu-
sio absoluetur; aut commendatione, vel
nostræ beneuolentiæ, vel instituti & con-
siliij. lib. 4. epist. 4. lib. 7. epist. 28. Aut *ἀξιῶσαι*
petitione. lib. 5. epist. 19. Aut *ἐπαγγέλλει* dela-
tione operæ, officij: ac studij nostri. libro
quinto, epistola decimanona. libro sexto,
epistola octaua. Aut nudæ sententiæ repe-

*Iudicium vt
suspenden-
dum in re-
spondendo.*

titutione. libro sexto, epist. 20. Si *ἐπιχειρῶν* sus-
pendere iudicium, & liberam eligendi po-
testatem relinquere amico placuerit: or-
diemur, vel à scribendi occasione & causis.
lib. 4. epist. 2. Vel *περὶ προπῆ* adhortatione, vt
ipse

ipse amicus quid è re sit sua futurum cogi-
 tet. lib. 4. epist. 14. 18. Vel laude & commen-
 datione amici: nostra extenuatione. libr.
 4. epist. 2. In propositione, aut aditum ad
 ea, quæ in mentem nobis veniunt facie-
 mus. lib. 14. epist. 14. 18. aut διαπορήσει dubi-
 tatione vtemur, & deliberationem esse dif-
 ficilem, arduam, perplexā affirmabimus,
 vt quid sit faciendum hæsitemus. li. 4. epi.
 2. In Confirmatione argumentorum, quæ
 vtrinq; sese offerunt ἀντιθέσει contentio-
 nem atq; comparisonem instituemus. li.
 4. epi. 2. lib. 14. epi. 14. 18. In parte postrema
 cōcludemus, vel dubitatione διαπορήσει &
 ἐπιδοσει permissione, vt cū nōdum nobis
 constet, vtrum sit melius, ipse statuatur ami-
 cus, quod profuturū sibi maximè existima-
 rit: aut in consilium alios adhibeat. l. 14. e.
 14. 18. Vel ὁδὸν querela de deliberationis
 difficultate. lib. 4. epi. 2. Sunt autem huius
 generis apud Ciceronem, quæ in Episto-
 lis tractantur familiaribus res & materiæ
 variæ. Responsiones ad consultationem *Materiæ re-*
 de instituendis rebus tempore belli fugi- *sponsorum*
 endū ne an manendum. lib. 4. epistol. *ad Epistolas*
 2. lib. 14. epistol. 14. 18. De defendendis a- *aliorum cō-*
 licuius partibus. lib. 5. epistol. 19. De exilij *municato-*
 loco deligendo. libro sexto, epistol. 8. 20. *rias.*

*Imitatio re-
sponsionis
ad commu-
nicatoriam
epistolam.*

De prouincia & administratione aliqua suscipienda. libro quarto, epistola quarta. Nos exercitij gratia sumemus epistolam 2. libri quarti familiar. in qua Sulpitio Cicero respondet, qui de instituendis suis rebus eum consuluerat: & sententias doctas, prudentes, ex media philosophia petitas adfert. Partes illius sunt quatuor. Exordium occasionis expositione; & laude atque commendatione prudentiæ Sulpitij: ingenij & doctrinæ suæ extenuatione constans. Propositio διαπορήσει dubitatione facta. Cōfirmatio, in qua eruditè utilitatem inter se & honestatem Cicero confert. Conclusio, quæ querelâ & petitione absoluitur: vt vel ad se quamprimum Sulpitius veniat, si quid secum communicare velit: vel itineris labore omni super sedeat, si statutum aliquid iam habeat. Quas nos imitando effingere partes, & respondere ei conabimur, qui tempore aliquo periculoso, aut bello vel tumultu exorto nostram de instituendis rebus suis sententiam exquirat, hoc modo.

I. Accepi literas tuas, quibus lectis malè amicum fecisse tuum intellexi: qui cum rogatus abs te esset, me ipse vt conueniret, deq; rebus omnibus certiores faceret, per alios missis tuis literis discessit.

II. Sed

II. Sed tamen paulò pòst quidam ad me amici tui venerunt, quibus placuit, vt certo aliquo in loco conueniremus: aut saltem ad te primo quoque tempore scriberem.

III. Quod meum consilium exquiris: quid faciendum tibi esse existimem: equidem is ego sum, qui vix mihi ipsi, nedum aliis consulere possum.

IIII. Tibi præsertim, homini ea, & doctrina, & prudentia, & experientia prædito: vt neq; meo, neq; cuiusquam alterius opus consilio habeas.

V. Quod si tamen hæc animo stat sententia: sic habeto.

VI. Si pietatem spectamus, aut propositam honestatem habemus: res iam est explicata: si quid conducatur maxime querimus: obscura, intricata, difficilis.

VII. Sin tales sumus, quales esse merito debemus: vt nihil nisi quòd piū rectumq; fuerit, vtile esse statuamus: quid faciendum, aut omittendum sit, dubitare minime possumus.

VIII. Religionis, libertatis, iustitiæ defensione gratiam & fauorem sese hominum conciliaturum vterq; nostrum sperauit.

IX. Sed quàm spes ista longè nos sefellerit: quem res sint in locum deductæ: quis earundem cursus: facile intelligis.

X. Interesse negotiis si cupis: ea quæ fiunt gerunturq; aut probes aut improbes necesse est: quorum

illud turpe, hoc periculosum: vtrumq; à verè prudentis alienum officio est.

XI. Restat igitur, vt aliorum cura abiecta, de nobis tantum nostrisq; solliciti simus.

XII. Verùm & hæc ipsa deliberatio difficultatis non parum habet.

XIII. Neque enim boni cordatiq; est viri in tanta rerum perturbatione atque confusione sua solum spectare: trahantur nec ne pedibus cætera, minus elaborare.

XIIII. Et fieri plerunque videmus, vt qui medijs esse & quiescere cupiunt, vtrinque premantur, idemq; illis accidat, quod in media domus parte habitantibus euenire solet.

XV. Planè aqua, quod aiunt, hac mihi in re hæret: nec deliberatio vnquam oblata fuit difficilior.

XVI. Tu si fortè ceram communicare mecum toto illo de negotio volueris, locum mihi atq; tempus, quo conueniamus, designabis.

XVII. Quod si verò certi iam quid constituisti, labore hoc supersedere facile poterimus. Vale.

De Consolatorijs Epistolis.

Consolatoriæ Epistolæ à latinis, à græcis παρηγορητικαὶ, appellatæ, sunt, in quibus aduersa laborantem fortuna consolamur amicis, eiusdemque leuare mœrorem:

rem: sedare luctum: desiderium lenire: sanare dolorem: lacrymas abstergere literis nostris conamur. Est autem Epistolarum hoc genus maximè, & necessarium: quòd cum primum hanc aspicit lucem homo, omnibus illicò miseriis, ærumnis, calamitatibus est obnoxius: & honestum, quia officium laudabile atque pium amicorum ægritudines, aut tollere funditùs, aut sedare saltem, neque pati manare eas longiùs: & vtile, propterea quòd tristitiæ remedium vnicum consolatio est: & vt verus ille poeta ait:

Τῷ μὲν τὸ σῶμα διατεθειμένῳ καλῶς
 Χρεὶ ἐστὶν ἰατρῆς: τῷ δὲ τῆς ψυχῆς, φίλτε.
 Λύπη γὰρ οὐκ ἔστιν ἰατρῆς: ἀλλὰ δὲ πένειν λόγος.

Finis ergo consolatoriarum epistolarum est: vt ob calamitates & misérias, aut non doleat prorsus amicus: aut non nimis doleat. Itaque adhibenda ea híc argumenta erunt, quæ mederi ægritudini: iacentem erigere amicum: confirmare fractum posse videntur. Sumuntur autem illa, vel à causa calamitatum efficiente, Deo Opt. Max. vel necessitate, & cõmuni omniũ hominũ lege atq; conditione, quam Cic. peruulgatã quidẽ maximè, sed tamẽ talem esse consolationẽ affirmat, vt semper in animo eam

Consolatoriarum epistolarum utilitas.

Consolationum argumenta depicta & probantia.

atque ore habere debeamus: & meminisse homines nos esse, ea lege natos, ut omnibus fortunæ telis proposita sit vita nostra: neque recusandum, quò minus ea, qua nati sumus conditione viuiamus. Vel conscientia bene innocenterque vitæ transactæ: consiliorum, & factorum honestorum. Vacare enim culpa magnum, ut ille ait, solatium est: & boni qui sunt atque sapientes turpitudine, non casu: non aliorum iniuriis, sed suis delictis mouentur. Vel *κοινωνία* communione & societate malorum, & exemplis aliorum bonorum virorum, qui iisdem in miseriis, atque calamitatibus sunt versati. Et si enim, ut ad Aulum Torquatum Cicero scribit, misera hæc sit consolatio, præclaro præsertim magnoque ciui ac viro: tamen necessaria est: ut cogitemus, nihil esse præcipuè cuique dolendum in eo, quod accidat vniuersis. Vel temporibus tristibus ac calamitosis, Rei que publicæ statu misero & perturbato, quam Cicero plus proficere consolationem testatur, quam omnes consolationes alias, quæ à sapientissimis viris usurpatæ, memoriæque ac literis sunt prodite. Vel antea acta vita laudabili, dignitate, doctrina, virtute: ut
is qui

is qui dolet intelligat sibi turpe fore, dolore frāgi. Vel testimonio, iudicio, sermone hominum, de pietate, integritate, innocentia amici. Vel mitigatione & clemētia eorum qui offensi antē fuerant. Vel studiis, officiis, intercessionibus propinquorum aut amicorum. Vel conditione malorum atq; incōmodorum, quæ ostendemus esse aut nulla: aut non vsq; adeò magna, si cum iis quæ adsunt adhuc conferantur: aut non diuturna: aut cum cōmodo aliquo cōiuncta. Vel deniq; malis atque periculis illis, quæ impendere, tristesq; minari ruinas videntur. Παῖσι δὲ verò mouentia à spe sunt & confidentia: deinde æmulatione: tum pudore ac verecundia ducenda. Quoniam enim in eo, cuius ægritudini medicinam facere conamur, metus esse atq; timor sollet, qui aut propriis, aut cōmunibus malis excitatur: contrario ille motu, spe scilicet ac confidentia tollendus est. Æmulatio quoq;, quæ maximè apud doctos atq; generosi spiritus homines locū habet, oritur, cū certi quidam laudantur, qui non turbulenter, sed sapiēter pertulerūt ea quæ acciderunt. Pudor deniq; incutitur, cū a nimi effœminati mœrētibus imbecillitas obiiicitur. Quamquam & impendentium

*Consolatio-
num argu-
menta παῖσι
δὲ mouen-
tia.*

*Consolatio
nem argu-
menta dixit
morata &
conciliantia.*

*Collocatio
argumētorū
in singulis
consolatoria-
rum epistol.
partibus.*

*Exordia con-
solatoria.*

calamitatum & miseriarum metus ac denuntiatio mœrorē lenit: & idem misericordia præstat, demortuorum cognatorū, vel aliorū qui cari fuerunt, *μεγιστοπονοία* & obtestatione adhibita. Ad *ἡδυνά* porro morata & conciliantia argumēta quod attinet, à persona illa partim nostra, partim eorū ad quos scribimus petūtur. In nostra amoris ac beneuolentię significatio: cōmemoratio officiorū: societas ægritudinis: literarū, vel infrequentię, vel breuitatis excusatio: extenuatio viriū in consolando modesta: metus etiā nonnunquam professio prodest: ne temerē, vel cōfidere ipsi, vel in alios iniicere spē videamur. In aliena laus utilis est ac cōmendatio pietatis, doctrine, prudentię, magnitudinis animi: amoris itidem, studij, officij illius quē consolari cupimus: & hac ipsa quasi languentes excitari solent. Sunt aut, vt de argumētorum istorū collocatione atq; tractatione agamus, quatuor consolatoriarū epistol. partes: Exordium, propositio, confirmatio & conclusio. Exordia constant, vel *ἐνδεΐξις* *ἢ* *ἡ* *συμπάθεια* significatione doloris, mœroris, luctus ex amici casu aduerso percepti, & modesta virium atq; ingenij nostri in consolando extenuatione, lib. 1. epistol. 5.

pist. 5. lib. 3. epist. 10. lib. 4. epist. 3. 5. 13. lib. 5. epist. 16. 18. lib. 6. epist. 1. 4. 22. Vel amoris, beneuolentię, studiij, officij cōmemoratio ne. lib. 6. epist. 2. 5. 10. 14. Vel ἀφ' ἡγέσεως narratione occasionis qua ipsa susce-
pta scriptaq; sit consolatio. l. e. 6. l. 4. e. 15. l. 6. e. 4. Vel laude & prædicatione sapientię atq; animi magnitudinis amici. l. 4. e. 3. 5. lib. 6. e. 5. vel ἀξιώσει petitione & deprec-
atione: ne propter literarū, aut raritatē, aut tarditatem, atq; intermissam ad tēpus con-
solationem, neglexisse in miseriis amicū videamur. l. 4. e. 5. 13. l. 5. e. 16. 17. l. 6. e. 2. 3. 6. 13. Vel timoris confessione. lib. 4. epist. 13. l. 6. e. 14. Propositiones, aut ἐπεὶ adhor-
tationē habent: ne ægrē nimis molesteq; aduersam amicus fortunā ferat. l. 4. e. 5. l. 5. epist. 18. lib. 6. epist. 2. 17. Aut ἐκείθεν & βε-
βαιώσιν indicationem & certam melioris fortunæ ac liberationis pollicitationem. lib. 4. epist. 13. lib. 6. epist. 5. 13. 14. Aut ἐλπί-
ν occupationem atq; expositionem cau-
sæ, cur denuò consolationem adhibea-
mus apud eum, quē antè consolati sum⁹. lib. 4. e. 10. 15. l. 6. e. 4. 21. In cōfirmatione ar-
gumenta adhibentur, quibus illi q merēt adduci posse videntur, vt sese colligant,
atq; erecto infractoq; animo mala & in-

*Propositio-
nes consola-
torię.*

*Confirmatio-
nes consola-
toriarum e-
pistolarum.*

commoda omnia ferant, ac sumuntur: vel
à causa efficiente & authore calamitarum
Deo. lib. 5. epist. 16. Vel necessitate & com-
muni omnium fortuna ac conditione. li-
bro 4. epist. 5. lib. 5. epist. 16. 17. 19. lib. 6. e-
pistol. 1. 6. Vel conscientiae bonitate &
culpæ vacatione. libro 4. epist. 3. lib. 5. e-
pist. 17. lib. 6. epist. 1. 2. 3. 4. 6. 10. 17. 21. Vel
societate malorum, atque aliorum exem-
plis, qui easdem sunt miseras ac calami-
tates experti. lib. 4. epist. 3. 5. 15. lib. 5. epist.
16. 17. 19. lib. 6. epist. 1. 2. 3. 4. 6. 21. Vel tem-
porum conditione tristi miseroque statu
Reipub. lib. 5. epist. 5. lib. 5. epist. 16. 17. 19.
lib. 6. epist. 1. 3. 4. 6. 10. Vel anteacta vita,
studiis, moribus. lib. 4. epist. 3. 5. 13. lib. 5. e-
pist. 16. 17. lib. 6. epist. 1. 4. Vel testimonio &
iudicio bonorum virorum. lib. 4. epist. 3.
lib. 5. epist. 17. 19. lib. 6. epist. 13. Vel mitiga-
tione & clementia eorum qui offensi antè
fuerant. lib. 4. epist. 13. lib. 6. epist. 4. 5. 6. 10.
14. Vel studiis, officiis, auxiliis amicorum
& propinquorum. lib. 1. epist. 6. lib. 3. epist.
10. lib. 4. epist. 13. lib. 6. epist. 1. 2. 5. 10. 13. Vel
aduersæ fortunæ & malorum conditione.
lib. 3. epist. 10. lib. 5. epist. 16. 19. Vel malis
atq; periculis impendentibus. lib. 4. epist.
5. lib. 5. epist. 16. 19. Vel contentione, & col-
latio-

latione eorum quæ amissa & retenta sunt. lib. 4. epist. 3. 5. lib. 5. epist. 19. Conclusiones consolationū absoluūtur: aut *ἐπιχέσει* pollicitatione & delatione voluntatis promptæ, operæ, studij, officij. lib. 1. epist. 6. lib. 4. epist. 5. 13. lib. 5. epist. 17. 19. lib. 6. epist. 1. 3. 4. 5. 10. 13. 14. 21. Aut *ἀξιώσει* petitione. lib. 4. epist. 13. 15. lib. 5. epist. 6. Aut *παρακλήσει* adhortatione ad animi magnitudinem. lib. 1. epist. 6. lib. 4. epist. 5. lib. 6. epist. 2. 4. 5. 10. 13. 14. Aut *ἀναμνήσει* & *ἀνακεφαλαιώσει* ante allatorum argumentorum breui repetitione. lib. 6. epist. 2. 5. 13. Aut *ἐποσίω τήσει* præcisione & *ἐπιθεραπεία* mitigatione eorum quæ in consolatione adhibita. lib. 4. epist. 3. 5. lib. 6. epist. 1. 3. 4. Aut *αἰτιολογία* causarum institutæ consolationis expositione. lib. 5. epist. 16. lib. 6. epist. 4. Sunt autem varia Ciceronis in Epistolis consolationum genera. Consolationes in communibus miseriis & interitu Reipub. lib. 4. epist. 3. 4. 15. In repulsa. lib. 1. epist. 6. In damnatione. lib. 5. epist. 19. In valetudine aduersa. lib. 16. epist. 14. In obitu liberorum. lib. 4. epist. 5. lib. 5. epist. 14. 16. In exilio. lib. 4. epist. 31. lib. 5. epist. 17. 19. lib. 6. epist. 1. 2. 3. 4. 5. 6. 10. 13. 14. 21. li. 7. epist. 3. 29. Nos exercitij gratia hoc tempore, 5. lib. 4. fam. imitari conabi-

*Conclusio-
nes consola-
tionum.*

*Materia cō-
sol. epist. Cic.
varia.*

*Imitatio epi-
stole conso-
latoriæ.*

*Imitatio e-
pist. consolæ
seriæ.*

mur, in qua Ciceronem Sulpitius conso-
latur, & rogat, vt filiæ erecto infractoque ani-
mo obitum ferat. Partes Epistolæ illius qua-
tuor sunt. Exordium, doloris communis
declaratione: significatione studij atque of-
ficij: modesta excusatione constans. Pro-
positio, *καὶ οὕτως* ad animi magnitudinem
adhortatione facta. Confirmatio, quæ ar-
gumenta complectitur sumpta à conten-
tione bonorum: viri fortis officio: demor-
tuæ filiæ conditione: statu Reipub. pertur-
bato: clarissimorum virorum exemplis: com-
muni omnium hominum fortuna: Ciceronis
denique prudentia & vita antea acta. Quæ qui-
dem omnia ad dolorem, si non tollendum
prorsus, saltim leniendum atque mitigandum
ponderis momenti que plurimum adferunt.
Conclusio præcisione atque adhortatione
absoluitur. Hanc nos secuti viam amicū filij
lugentem obitum consolabimur hoc modo.

I. Posteaquam filium tuum hanc cum morte com-
mutasse vitam intellexi: mœrore sane sum ac tristitia
incredibili affectus, eandemque ad me quoque pertinere
calamitatem sum arbitratus.

II. Quod si et tum per loci longinquitatem: tum
occupationes illas, quibus districtus teneor quotidie,
ad te proficisci potuissem: coram profecto meum ti-
bi testatum dolorem fecissem.

III. Ac

III. Ac licet miserum omnino hoc sit consolandi genus, quod apud afflictum ab afflictis adhibere propinquis, amicis, necessariis solet: propterea quod ipsi opus aliorum habere consolatione videntur.

IIII. Tamen breuiter per literas consolari te conabor: idq; officium in partem optimam accepturum te planè confido.

V. Neq; enim iccirco illud facio, quasi tuæ hac in parte prudētiae diffidā: verū q; ita comparatū esse perunq; sciā, ut in rebus nostris nimio, aut gaudio, aut dolore præpediti, quid sit faciendum non videamus.

VI. Sed cur tam grauitè filij tui ferendam esse mortem censes?

VII. Considera obsecro, etiam atq; etiam considera, qua hætenus fortuna simus vsi: quàm multa amiserimus, quæ si non magis, æquè profectò atq; liberi iucunda nobis acceptaq; esse debent.

VIII. Filij fortè causa doles. At mentis oculorumq; ad ea quæ nunc fiunt & geruntur, aciem conuertere: bene cum eo aliisq; actum esse fateberis, qui miseris hisce ac verè conclamatis temporib. ex hac vita placidè migrârūt, & quasi fuga, ceruicibus nostris imminentes calamitates, declinarunt.

IX. Quid verò illum ad diuturniorem huius lucis expetendam vsuram impellere posset?

X. Ut cum virgine aliqua, honesta orta familia & locuplete coniunctus vitam traduceret: ut liberos procrearet, quibus delectareris: ut relicta à te bona teneret: ut ad honores atq; dignitates eueheretur?

XI. Quid horum omnium est: quod non suas quoque molestias atq; difficultates habeat?

XII. At verò malum est filium amittere. Vnde quaeso filium habuisti? nonne precario quasi nomine usurarius tibi datus à Deo, ideoq; eundem repenti reddendus fuit?

XIII. Quid porro in tota rerum est vniuersitate, firmum, stabile, perpetuum, omnisq; interitus expers?

XIIII. Quot obsecro regna delata: quot mutata imperia: quot vrbes euersae: quot viri extincti clarissimi?

XV. An hominem fuisse filium tuum es oblitus, ea scilicet lege natum, vt cum aliis calamitatibus omnibus, tum verò morti obnoxius esset?

XVI. Etiam illa considera, quae tua cum primis digna persona videntur: pietate & virtute, non annorum numero vitae aestimandam longitudinem esse.

XVII. Filiam tuam inter peregrinos quidem: at in Repub. Christiana praeclareq; constituta diem suum obiisse: vbi neq; ad corpus, neq; animam curandam necessariis destitutus fuit.

XVIII. Domini quoq; (vt cum scriptura loquamur) esse terram omnemq; plenitudinem eius: vndiq; coelestem in patriam hac è vita migrantibus tantundem via restare.

XIX. Christianum te esse cogita: cuius est gratias Deo agere pro concessis aliquandiu liberis, non de iis

de iis abreptis cum eodem expostulare: & quasi præmissum, non amissum lugere.

XX. Veniant tibi in mentem ea quæ mihi aliisq; simili in luctu præcipere es solitus: neq; committe, vt illud tibi obiiciatur: ἄλλωρ ἢ ἐγὼ αὐτὸς ἔλασι βρῶν.

XXI. Aut temporis expectasse medicinam videaris in iis, quibus pietate, animi magnitudine, sapientia occurrendum erat.

XXII. Scriberem hanc in sententiam plura: nisi vererem, ne cui de tua dubitare prudentia viderem.

XXIII. Prosperam & ad voluntatem fluentem fortunam ferre semper moderatè es solitus: non ergo minus in aduersis rebus infractum, erectum, excelsumq; te præbebis.

XXIII. Quod si, vt i spero, audiero, mihi gaudebo, tibi gratulabor.

XXV. Sin minus, atq; ita altè radices tuo in animo mœror atq; ægritudo egerit, vt euelli nullo modo queat: tamen officium hoc qualecunq; meum grato animo accipies: meq; ad omnia tua promptum paratumq; fore semper persuasum habebis.

Atq; hæc de ratione instituendarum consolationum sint dicta. Restat vt quonam pacto aliorum sit respondendum consolationibus ostendamus. Est autem duplex hîc via atq; methodus obseruanda. Aut enim amicorū acquiescimus consolationi: aut tantum esse luctum nostrum ostendi-

*De ratione
respondendi
ad literas a-
liorum con-
solatorias.*

*Sententia
in consolatio-
nis approba-
tione adhi-
benda.*

*Sententia
adhibenda,
cum cōsola-
tione tolli
aut mitiga-
ri dolor ne-
quit.*

*inducā mora-
ta & concili-
antes sen-
tentia in re-
spondendo &
surpanda,*

mus : vt leuari atque minui nullo modo
posse videatur. Cum amici consolationē
admittimus : ex effectorum desumpta lo-
co adhibenda argumenta erunt, & osten-
dendum ab amico allatas rationes pluri-
mum profuisse: dolorē & tristitiam omnē
absterfisse: recreasse nos mirificè. Deinde
inducā moratæ quoq; sunt & conciliantes
sententiæ adhibendæ: cuiusmodi sunt: qui-
bus gratitudinem nostrā declaramus: qui-
bus gratias pro humanitate & officio præ-
stito agimus: quib. deniq; remunerationē
ac memoriam pollicemur. Quod si verò
dolor atque tristitia maior extiterit, quàm
vt amici consolatione aut tollatur pror-
sus, aut saltem mitigetur ac leniatur: mo-
destè ea refellemus, quæ extenuandi ab eo-
dem sunt gratia adducta : & vel ex causis,
vel adiunctis, vel comparatione petitis ar-
gumentis ostendemus, tantas nostras mi-
serias atque calamitates esse : vt omnes
omnium longo post se interuallo relin-
quant: neque vllius mitigari consolatio-
ne possint. Sed hîc maximè moratis est
& conciliantibus sententiis opus. Im-
probi enim atque agrestis est hominis,
humanitatis officia non agnoscere : par-
ui amicorum consilia facere: respuere con-
sola-

solationes. Itaque & hîc laus est atq; commendatio instituenda prudentiæ, doctrinæ, humanitatis, benevolentiae, sedulitatis ac diligentiae amici, omniaq; colligenda ea, quæ fractum ac prostratum erigere atque confirmare animum possunt. In querelis etiã & exaggerationibus malorum modº adhibendus: ne muliebriter nostram deslere fortunam videamur. Ad tractationem denique & collocationem quod attinet: diuersa quoque illa erit. Qui enim amici consolationem admittet, in exordio *πράσι καὶ ἐπαίνῳ* laude & commendatione amici utetur, & cuiusmodi eius sit beneficium, ac quo loco habendum ostendet. libro 5. epist. 13. In propositione allatam consolationem approbabit, & obtemperaturum sese promittet. ibidem. In confirmatione *ἐπανάληψιν* repetitionem argumentorum illorum instituet, quibus lenire nostrum dolorem amicus est conatus, & quantum sibi profuerint ista ostendet. ibidem.

In conclusione pollicebitur, se operam daturum, ut, quantum quidem fieri possit, ab omnibus molestiis atque angoribus sese abducat. ibidem. Quod si verò acquiescere consolationi omnino

*Collocatio
& tractatio
diuersa in
respondendo
obseruanda.*

non poterimus : prima pars Exordium *αἰ-
σῶσαι* cōmendatione atq; laude constabit
humanitatis atq; officij ab amico præstiti.
lib.4. epist.6. Propositio ægritudinis atq;
doloris, nostri *ἐνδεξι* significationem con-
tinebit. ibidem. Confirmatio, correctionē
atq; inuersionem complectetur argumen-
torum ab amico allatorū: & rationes, qui-
bus ad mœrendum compellamur: nec a-
mici locum relinquere consolationi pos-
simus, petitas vel à loci, temporis, perso-
næ circumstantiis : vel exemplorum dis-
similitudine: vel remotione causarū, quæ
tollere, aut saltem mitigare dolores posse
videbantur & positione illarum, quæ con-
firmare aut augere eosdem queant. ibid.
Conclusio *ἀξιώσαι* petitione absoluetur: vt
quam primū ad nos veniat amicus suaq;
conuersatione aliquam in luctu leuatio-
nem adferat. ibidem.

*Materia re-
sponsum
ad consola-
tiones.*

Huius generis exempla sunt in familia-
ribus Epistolis modò indicatis. lib. 4. epi-
6. in qua ad consolationem in liberorum
obitu respondetur. lib. 5. epist. 13. vbi ad
consolationem in Reipub. simul & libe-
rorum obitu responsum datur. Et in Epi-
stolis ad Atticum. lib. 3. epist. 11. 13. 16. 18. in
quibus Cicero Attico amico intimo re-
spon-

sponder, & quo eius loco habeat consolationes indicat. Nos 6. lib. 4. fam. in manus sumemus, in qua Cicero Seruij consolatoria epistolæ respondet: atq; ita respondet: ut eam, non quidem inanem fuisse prorsus, sed nec dolorem sustulisse penitus ostēdat. Epistola illa egregia est, & quatuor partes habet. Exordium, præstiti officij laude constans. Propositionem, quæ consolationis remotionem: significationem doloris complectitur. Confirmationem, quæ paulò antè indicatis argumentis absoluitur. Cōclusionem petitione factam: ut primo quoq; tempore ad se veniat: quò eius frui consuetudine & colloquiis possit. Hanc nos epistolam secuti amico, qui in filij obitu consolationem adhibuerat, respondere hoc modo conabimur.

Imitatio epistolæ respondentis ad aliorum consolationes.

I. Mihi verò, Timothee, nihil tua præsentia gratiùs fuisset aut optatiùs.

II. Etenim cum absens tantopere tuis me literis recrearis; facile quid coràm, & consolando, & dolendo æquè, præstare potueris intelligo.

III. Fuerunt profectò humanitatis illæ & benevolentiae in me tuæ plenæ: prudentia atque doctrina tinctæ singulari: omnia deniq; continuerunt ea, quæ aduersa fractum fortuna erigere atque confirmare possunt.

IIII. Propinqui etiam tui atq; amici plurimis officiis simul & suum in me declarare amorem: & tibi gratum facere voluerunt.

V. Itaque meritò, vt grata, ita quoque iucunda ea fuisse mihi scriberem: si hoc vti verbo meis in miseriis liceret.

VI. Quæ quidem tantæ sunt: vt vix me colligere: resistere dolori: tuam vel aliorum admittere consolationem queam.

VII. Sunt, fateor, amissa multa, eaq; chara.

VIII. At eò magis illorum conditio deploranda, qui aliis spoliati rebus, etiam liberis suis dulcissimis orbantur.

IX. Mortui sunt & aliis parentibus filij.

X. At vel plures habuerunt alios: vel instructi paratiq; probè à propinquis, affinibus, amicis fuerunt: vt vnus iacturam facile aliorum compensare copia potuerit.

XI. Mihi autem nudo à propinquis: nulla munito cognatione: liberis destituto alius, filius abreptus vnicus est: & filius pius, frugi, obediens, in cuius robur senilem me inclinaturum imbecillitatem speraueram.

XII. Sunt, vt nosti, eiusmodi nunc tempora: ij hominum mores: vt non excitare atque alere: sed debilitare bonorum virorum studia possint.

XIII. Sed cum nihil hinc mihi separatim ab aliis accidere sum arbitratus: me ipsum fregi, deq; filio

lio quoties cogitavi: toties curas doloresq; meos deposui.

XIIII. Iam verò tam alto atq; profundo vulnere accepto, etiam reliqua, quæ sanata & cicatrices obduxisse videbantur, recrudescunt.

XV. Et publicis à negotiis reuersus, domum cum aspicio: intueor alia, quæ, vel laboribus sunt meis multis magnisq; parta: vel relictà à parentibus: lachrymas continere nequeo: quia eum cui destinata ista erant omnia, subtractum mihi esse cogito.

XVI. Quò magis tuas literas vel potius teipsum expecto: vt ex conuersatione atque colloquiis tuis aliquam in luctu percipere leuationem queam.

XVII. Vt enim pluuia semper est bona: magis tamen siccitatis tempore grata: ita amicorum conuersatio cum omnibus temporibus aliis: tum verò miseris maximè atque turbulentis esse accepta solet.

XVIII. Itaque peto, quod commodo tuo fiat, aut primo quoque ad me tempore venias: aut, si fieri illud per occupationes tuas non potest, literas, quæ absentis tui vices compleant, & crebras, & bene longas ad me mittas. Vale.



De Officiosīs Epistolis.

*Utilitas offi-
ciosarum e-
pistolarum.*

*Sententiæ
officiosarū
epistolarū.*

Officiosæ Epistolæ δεξιπαικται appellatæ à Græcis sunt, in quibus amorem, operam atq; officia nostra amico deferim⁹ ac pollicemur. Et est hoc quoq; literarum genus vtile cum primis ac necessarium: tum quia bene de nobis nostrisq; meritis gratia est meritò referenda: tū quia hæc ipsa scribendi ratio ad aliorum conciliandū amorem cum primis apta & accōmodata. Sumuntur aut̃ in officiosis epistolis sententiæ ex causarum maximè & adiunctorū locis: propterea quod animi in his promittitudo declaranda: simul etiam rationes atq; causæ adferendæ, quib. scilicet adducti, ad amici promouēda prouehendaq; cōmoda parati simus. Sunt verò duæ principes causæ, quæ ad bene de aliis merendū impellere homines solent: virtus & utilitas. Itaq; ostendendū hīc erit: egregiè in amicum animatos nos esse propter pietatē, iustitiā, liberalitatem, morū amabilitatem, suauitatem, humanitatem, aut etiam Rempub. Deinde ad vtilitatem quoq; accedendum, & beneficia, vel in nos, vel nostros collata, non nudè saltem simpliciterq; exponēda: verū ornanda & amplificanda: quod sint non

non vulgaria aut leuia, sed magna, præclara, vtilia: data à viro insigni: data tempore necessario: data loco opportuno: & huius generis proferenda alia, quæ sua natura parua cõmendare beneficia solent. Ex adiunctis etiam nonnulla promenda: cuiusmodi sunt: studiorum & vitæ coniunctio: morum similitudo: doctrina: autoritas, virtute, aut alia ratione parata. Motus hîc locum habet spei & fiduciæ, eoq; omnia dirigenda: vt bene speret amicus: vt nobis confidat: vt nostra sibi studia atq; officia parata fore semper, persuasum habeat. Maximè verò ἡ δὴ καὶ moratę & conciliantes hisce in epistolis sententiæ requiruntur, operaq; dāda: vt nec in eorum ad quos scribimus, simus nimij laude, atq; ita in adulationis suspicionem incurramus: nec officiorum nostrorum delatione verecundiæ ac modestiæ fines transgrediamur. Ad tractationem porrò atq; collocationem harum sententiarum quod attinet: quatuor officiosarum epistolarum sunt partes: quarũ prima Exordium constat: vel οὐδὲν ἡ δὴ καὶ morata expositione & commendatione amoris, necessitudinis, beneuolentiæ, meritorum. libro 5. epistol. 8. libro decimo, epist. 9. 13. 29. Vel excusatione superioris tem-

*Sententiæ
mouentes.*

*Sententiæ
conciliantes.*

*Collocatio
sententiarũ
in singulis
officiosarũ
epistolarum,
partibus.
Officiosarũ
epistolarum
Exordia.*

poris simultatum. lib. 5. epist. 8. aut in scribendo breuitatis. lib. 3. epist. 1. Vel scribendi occasione, & ἐπιταγή, literarum acceptarum. lib. 3. epist. 4. Vel significatione letitiæ ac voluptatis ex amici beneuolentia perceptæ. lib. 10. epist. 9. lib. 11. epist. 8. Pars altera propositio amoris, beneuolentiæ, officij atque studij pollicitationem continet. libro tertio, epist. 1. 4. libro quinto, epistol. 8. lib. 10. epist. 9. Pars tertia Confirmatio rationes & causas complectitur eas, quæ quasi vincula sunt quædam ad hominum voluntates copulandas, & sumuntur vel à commemoratione atque exornatione ingenij, doctrinæ, humanitatis, beneficiorum eius, cui nostra officia deferimus. lib. 3. epist. 1. 4. lib. 5. epist. 8. lib. 10. epist. 9. 29. Vel nostra beneuolentia, p̄seruantia, constantia, integritate. lib. 5. epist. 8. Vel coniunctione liberorum, fratrum, propinquorum, necessariorum, summorum virorum. lib. 3. epist. 4. lib. 5. epist. 8. Vel studiorum & officiorum communione ac societate. lib. 3. epist. 4. Vel iudicio amici de nobis præclaro. lib. 3. c. 4. Vel Reipub. amore. lib. 5. epist. 8. lib. 10. epist. 9. Pars quarta & postrema conclusio absoluitur: aut testificatione fidei ac beneuolentiæ noua & studiorum

rum atq; officiorum *πρόχει* pollicitatione. lib. 3. epist. 1. lib. 5. epi. 8. lib. 10. epist. 29. l. 11. epi. 8. Aut *αἰτιώσαι* petitione, vt ad nos sæpè scribat amicus & tātum quid fieri velit significet. lib. 5. epist. 8. libr. 10. epist. 13. li. 11. epist. 8. vel etiam in mutuo amore respondeat. libr. 10. epist. 9. Sunt autem huius generis Epistolarum apud Ciceronem *Materia officiosarum epistolarum apud Ciceronem.* materiæ variæ. Delationes officiorum in impetrando exulanti reditu. li. 10. epist. 29. In hoste persequendo & opprimendo. l. 10. e. 15. In honore & dignitate prouehenda. l. 5. e. 8. l. 10. e. 13. li. 11. e. 6. In Repub. defendēda. l. 10. e. 7. 9. Generales & cōmunes. l. 3. e. 1. 4. *Imitatio officiosæ epistolæ.* Nos exercitij gratia epi. 8. l. 5. imitari conabimur, in qua Crasso Cic. scribit, quænam absenti præstet, omniaq; studia atq; officia sua defert: partes illius Epistolæ sunt quatuor. Prima, Exordiū, cōmendatione partim modesta officiorū, partim superiorū tēporū excusatione cōstans, facta *μεταστάσει* remotione & trāslatione culpæ in tēporis iniquitatē & homines maleuolos. Altera propositio, q̄ officiorū & studiorū *πρόχει* pollicitationē habet. Tertia cōfirmatio, in qua causæ & rationes adferūtur, quib. scilicet adductus Cic. non possit non bene, & velle, & facere, Crasso. Quarta & postrema

Conclusio ἀξιώσεται petitione absoluitur. Rogat enim Crassum Cicero, ut audacter omnibus in negotiis, cum publicis, tum priuatis sua opera utatur. Sententiæ tales esse poterunt.

I. Quanto ego studio negotia promouere tua conatus fuerim: ex amicorum tuorum literis intellexisse te arbitror.

II. Neque enim illud, aut ita est leue atque exiguum, ut negligi: aut obscurum, ut ignorari queat.

III. Tanta profecto contentione cum aduersariis tuis adhuc decerto quotidie: quanta nunquam antea, vel in meis, vel propinquorum meorum rebus decertare sum solitus.

IIII. Faciam etiam illud in posterum, operamque dabo, ut si quid forte neglectum à me superioribus temporibus fuerit, compensem ac sarciam.

V. Quanquam tui iuuandi, aut ornandi non mihi studium, sed facultas defuerit: quam tempora partim, partim homines quidam maleuoli ademerunt.

VI. Lator ergo, et ex animo lator, tempus aliquando extitisse, quo meam erga te promptam voluntatem, et amicitiae perspicere fidem posses.

VII. Me etiam consecutum, ut et ij, qui tuam hinc causam agunt, meis consiliis atque studiis nitantur, et ceteri, qui tibi fauent, tui me amantiſſimum ac studiosiſſimum: prompta officia, operam, curam, diligentiam, paratam intelligant.

VIII. Neque

VIII. Neq; dubito, quin de iis quæ hætenus sunt acta, & adhuc aguntur tuorum iam sis literis factus certior.

IX. De me sic tibi persuasum habeas rogo: non casu aut temeritate quadam amare me te atq; colere cepisse: sed illud multis iam annis propositum habuisse: vt coniunctus esse tibi possem.

X. Recordor etiam nunquam tuam mihi humanitatem atq; beneuolentiam defuisse.

XI. Si quæ interim simultates interuenerunt, vel potius suspiciones leuiculæ ex rumusculis incertis aut maleuolorum sermūculis ortæ sint obliuione illæ perpetua sepultæ omniq; è memoria nostra euulsæ.

XII. Ea enim tu pietate, doctrina, virtute, auctoritate, præditus vir es: eum quoq; me esse cupio: vt amicitiam atq; cōiunctionem istam nostram: & voluptati nobis: & nostris ornamento: & reipub. vsui e-molumentoq; fore confidam.

XIII. Itaq; quo me deinceps habere loco velis ipse statues, & vt spero, meo ex commodo & honore statues.

XIIII. Ad me quod attinet: studium meum eximium in omni genere officij, sine vlla vllius, vel laboris, vel occupationis, vel periculi exceptione defero.

XV. Neq; hac in re amicis tuis aut propinquis cedam: quos ego, & quia sanguinis te communione attingunt: & quia viri sunt boni, vnicè diligo.

XVI. Quæ quidem ad te perscribere nunc pla-

cuit: vt scias primum in suscepta semel tui defensione constantem me permansurum.

XVII. Deinde in cæteris quoq; rebus, si quæ ad tuam, vel dignitatem, vel vtilitatem, vel voluntatem pertinere intellexero, vtrò me seduloq; facturum.

XVIII. Tum admonitum à te vel per literas, vel amicos, in eo totum futurum, vt nihil à me frustra fuisse postulatum intelligas.

XIX. Itaq; velim audacter tua mihi credas committasq; omnia: tuis etiam præcipias: vt mea quantalacumq; opera, gratia, autoritate, in negotiis cum publicis, tum priuatis, quotiescūq; placuerit, vtatur.

De ratione
respondendi
ad literas a-
liorum offi-
ciosas.

Sententia
respōsionib.
officiosarū
epistolarum
accommoda-
te.

Quod si verò ad aliorum officiosas respondere epistolas placuerit: sententiæ hîc adhibendæ erunt: ἐπαινεῖν laudantes: ἀν-
ξινῶν amplificantes, ἀπαρτίζειν, agētes gra-
tias: ἀπομνησθῆναι memoriam promittentes
perpetuam: ἀντιποινεῖν, similem etiā deinceps
beneuolentiam requirentes. Non enim
perceptam modò amici voluntatem, stu-
diorumq; collaudare delationem, & quæ
ad eam ipsam augendam videntur accom-
modata adhibere: verum & cum gratiarū
actione rogare amicum oportet, vt deinceps
quoq; in nos esse animatus bene di-
gneretur: omnia deniq; adhibenda ea, quæ
iis in epistolis vsurpanda esse monuimus,
quibus respondere illis volumus, q com-
men-

mendationibus aut petitionibus nostris locum reliquerunt. Est aut horum ita collocatio instituenda: vt in parte prima Exordio, vel sit ἐπανάληψις repetitio literarum breuis: & ἑπαινος laus ac p̄dicatio, amoris, studij, beneuolentiæ amici. l. 6. e. 17. l. 7. e. 31. l. 10. e. 19. l. 12. e. 12. Vel δὲ χάρις gratiarum actio. l. 10. e. 11. Altera, Propositio cū comprobatione voluntatis, petitionem complectatur, vt in nobis amandis atq; promo- uendis adhibere constantiam amicus velit. l. 6. e. 17. l. 7. e. 31. l. 10. e. 11. Tertia Confirmatio laudantibus atq; amplificantibus constet sententiis. lib. 6. epist. 17. li. 10. e. 11. Quarta Conclusio absoluator: vel lætitiæ significatione & voto. e. 17. l. 6. Vel petitione, vt & deinceps nostrę consulere dignitati ac salutis amicus velit. lib. 10. epist. 9. li. 11. epist. 12. Vel animi grati & memorię perpetuę pollicitatione. lib. 10. e. 11. Sunt verò huius generis aliquot Ciceronis in Epistolis familiaribus exempla. Respon- siones ad delationem officij in conuersatione. lib. 6. epist. 12. lib. 7. epist. 31. In defensione dignitatis. lib. 10. epist. 11. lib. 12. epist. 12. Et Reipub. contra hostes & tyrannos. lib. decimo, epistola decimanona. Nos exerci- tij causa epistolam 11. libr. decimi imitari

*Sententiarū
collocatio &
tractatio.*

*Materiæ re-
sponsonum
ad Epistolas
officiosas.*

*Imitatio offi-
ciosæ epist.*

conabimur: in qua Ciceroni primum gratias Plancus agit: deinde in se collata beneficia recenset atq; amplificat. Tum eundem rogat, ut & porro in Senatu sese defendere velit. Postremò suam in Repub. defendenda fidem: in amicitia memoriã atq; gratitudinem defert ac pollicetur: simul etiam quæ in bello contra Antonium gerendo proposita habeat consilia, indicat. Sententiæ erunt tales.

I. Magnas tibi nunc, uti debeo, ago gratias: maiores habeo, & habiturus sum dum anima spirabo mea: relaturum me affirmare mea me non sinit tenuitas.

II. Tot enim tantaq; tua in me extant promerita: ut vix illa percensere numerando, nedum remuneratione explere aliqua possim.

III. Nisi fortè, quæ tua est humanitas, retulisse me gratiam existimaueris, si memoria ea tenuero.

IIII. Si de propinquorum, aut etiam liberorum agendum tibi rebus esset: maiorem profectò curam, fidem, diligentiam adhibere nõ posses, quã in hac mea molesta sanè ac difficili satis adhibere te intelligo.

V. Quot enim quantosq; mei causa labores sustineas: quorum hominum odium tibi atq; inuidiam concilies: quibus cum iurgiis propter me contendas, cognitum iam dudum exploratumq; habeo.

VI. Itaq; hæc nunc cura animo erit meo infixæ perpe-

perpetuo : vt & publicè dignum tua me laude atque commendatione geram : & verò priuatim minimè committam : vt tuorum officiorum memoria meo ex animo effluxisse videatur.

VII. Vale , & quem semel tua beneuolentia atque defensione dignum iudicasti, eundem & deinceps amare, fouere, tueri perge.

De Conciliatoriis Epistolis.

Conciliatoriæ Epistolæ , ἐπαρρησιαὶ καὶ
 ἀποστολαὶ appellatæ à græcis sunt, in quibus fauorem ac beneuolentiam conciliare nobis eorum studemus , qui propter pietatem , doctrinam , virtutem res gestas sunt in authoritate, ab iisdemque verecundè petimus , vt nos in amicorum, aut clientum suorum numerum recipere : & , vel in studiis, vel rebus aliis iuuare atque promouere dignentur. Genus hoc *utilitas conciliatoriæ epistolæ.* epistolarum longè pulcherrimum & utilissimum est , cum aliis , tum literatis maximè hominibus , qui nihil in votis optatisque habent magis, quàm vt doctorum clarorumque virorum sibi amorem concilient , eundemque semel adepti literarum crebritate atque aliis officiis retineant . In primis verò adolescentibus hæ sunt literæ necessariae, quibus nihil esse vel utilius, vel

laudabilius, vel necessariū magis potest, quā si à doctis & claris viris amētur, eorundemq; in studiis cæterisq; rebus vti consilio & auxilio queant. Sunt autē sententiæ in his potissimū ex adiunctis, causis & effectis sumendæ: & quidē ostendendum primò, moueri atq; impelli nos eius, ad quē scribimus, & in cuius insinuare nos amorē ac beneuolentiā cupimus, pietate, eruditione, humanitatē, bene de omnib. merendi prona propensāq; voluntate: consuetudine laudabili cū ipsius, tum maiorum; studiorum deniq; similitudine. Quò enim quisq; est doctior: eò & humanior esse, ac letari magis solet occasionem sibi benefaciendi aliis offerri. Eos quoq; diligimus, qui illarū artiū amore atq; cupiditate flagrant, in quib. excellimus, & nomen consecuti aliquod sumus. Quod si verò ad indoctū aliquem scribendum: diligēter eius vitæ cōsideranda ratio erit: & obseruandū, quib. ille maximè delectetur, & quorū nomine charus apud alios atq; honorat⁹ esse cupiat. Ita ducis alicuius conciliaturi beneuolentiā, eius fortitudinē, rei militaris peritiā, præclarè gesta in bello cōmendabimus. Insinuare nos in senatoris alicui⁹ volentes amicitia commédationem adhibebimus

bimus prudētiæ, grauitatis, cōstātię. Omnes tñ ferè humanitatis delectari laude videtur: neq; quisquā liberali erectoq; est p̃dit⁹ ingenio, qui nō inde cōmēdari cupiat. Deinde subindicādū & illud erit: neq; nos planè clarorū doctorūq; virorū indignos amorī esse: reperiri in nobis, si non multa, nō tñ nulla prorsus, q̃ in sui amorē homines pelliceāt: cuiusmodi sunt: amor, obseruantia, admiratio doctorū & magnorū virorū: studiū & diligētia in capessendis artibus ac disciplinis: honesta laudis atq; glorię cupiditas, q̃ clarorū hominū cōparari amore ac beneuolētia solet. Tum & q̃ hoc sit nobis honestū ac necessariū: ei verò ad quē scribim⁹ laudabile vel etiā vtile futurū demōstrabimus. In eo deniq; totos nos fore pollicebimur: vt magnorū clarorūq; virorū nō indigni fauore videamur: obseruatia in nobis & gratitudo debita nunquā desideretur. Sed nec τὸ ἡδὺ iucūdū omittēdū erit: propterea q̃ quēadmodū agricolę lætari solēt, cū quas ipsi plantarūt arbores fructus p̃ferre vident: ita senes & viri clari voluptate atq; lætitia pfundūtur: cū in cathedra, in suggestu, in foro, in curia, in cancellis, in aulis principū florere eos cernūt, quos amore sunt & beneuolentia cōplexi:

*Sententia
ἡ δὲ καὶ μο-
rata & con-
ciliantes.*

& quorum studia ac conatus præclaros
promouere non fuerant dedignati. Iam
verò ad moratos & conciliantes senten-
tias quod attinet, maximè illis hoc in epi-
stolarum genere est opus: propterea quod
& nimis euehere laudibus eum cuius cõ-
ciliare nobis beneuolentiam volumus,
molestum est ac ingratum: & vel nos com-
mendare, vel multa magnaque polliceri,
stultum atq; inuidiosum. Itaque extenua-
tione hîc est verecunda ac modesta opus:
& ostendendum non eos nos quidem es-
se, qui tanti viri amorem atq; beneuolen-
tiam ambire meritò queamus: non tamen
commissuros, vt eadem indigni prorsus
videamur. Deinde adulationis quoq; su-
spicio est, aut bonorum & prudentum of-
fensio declinabitur, si in laude ac prædica-
tione non nimij fuerimus: addiderimus
etiam: proprium hoc viros doctos, aut a-
liàs magnos atq; claros habere: vt esse quã
videri tales malint: nimia etiã sui laude of-
fendãtur, nō delectentur. Sed & mouēdus
erit animus eius ad quem scribimus, ma-
ximè spe ac fiducia: & promittēda, literatis
ac prudentib. laus, iucūditas honesta, præ-
dicatio perpetua: indoctis vtilitas & com-
moda quib. magis illi quã honestate, aut
laude

*Sententia
πρὸς τὴν καὶ
mouentes.*

laude atq; gloria moueri solent. Ad tractationem porro, atq; collocationē quod attinet, quatuor potissimum partib. Conciliatoriæ epistolæ constant: quarum prima Exordium ita est instituendum, vt non vel pudenter, vel prudenter parum aliorū nobis conciliare amorē atq; beneuolentiam velle videamur. Itaq; aut sc̄riptionis causas indicabimus: petitas à prædicatione, vel spe egregia humanitatis, beneuolētiae, auxiliij eius ad quē literas damus. li. 5. e. 4. 9. l. 15. e. 10. Aut eiusdem intermissæ hactenus rationes exponemus. l. 5. e. 4. Aut longioris causarū enumerationis *ἡτοιμασμένη* reiectione vtēmur. libr. 6. epist. 16. Pars altera *ὑποθέσις* erit petitoria, vt, quātū quidem amici fert volūtas, nos in suorum album ascribat. libr. 5. epist. 4. 9. libr. 6. epist. 16. libr. 15. epist. 10. Pars tertia confirmatio argumenta continebit, quæ ad nos amandos atq; promouendos impellere amicum possunt: vt sunt petita ab eius cōsuetudine, studio, amore, beneuolentia, lib. 15. epist. 10. laude & commendatione doctrinæ, virtutum, aut cæterarum rerum. lib. 5. epist. 4. 9. libr. 15. epist. 10. Nostra gratitudine & memoria. lib. 5. epist. 4. Necesfario. lib. 5. epist. 4. Facili. lib. 15. epistol. 10.

*Collocatio
& tractatio
sententiarū
in singulis
epistola par
tibus.
Exordia.*

*Propositio-
nes.*

*Confirma-
tiones.*

*Materia cō-
ciliatoriā
epistolarū.*

*Imitatio cō-
ciliatoriā e-
pistolæ.*

Pars quarta & postrema conclusio constabit, vel *deīōē* petitione, vt flagranti nostro amori ignoscere, commendatosque sibi nos habere amicus dignetur. lib. 15. epist. 10. Vel *εὐχαρίστησι* pollicitatione memoriæ, fidei, obseruantię, gratitudinis perpetuæ. lib. 5. epist. 4. 7. lib. 6. epist. 16. Sunt autem, quæ in Ciceronis reperiuntur epistolis familiaribus, amoris ac beneuolentiæ conciliationes. lib. 5. epist. 4. 9. lib. 6. epistol. 16. libro decimoquinto, epistol. 10. Nos ad imitandum, 9. libr. 5. nobis proponemus, in qua Ciceroni sese de nota, quod aiunt, meliori Vatinius commēdat. Partes illius Epistolæ sunt: Principium, in quo causas Vatinius recenset, quibus adductus Ciceronis sibi conciliare beneuolentiam conetur. Propositio, in qua Ciceronem idem rogat, vt sese cōmendatum sibi habere velit. Confirmatio, petitionis causas & rationes cōtinens. Conclusio quæ gratitudinis pollicitatione absoluitur. Hæc ergo secuti epistolā à docto aliquo clarōq; viro petemus, vt in suorū nos amicorū aut cliētum numero habeat. Sētētiæ tales esse poterūt.

I. Si pristinam adhuc consuetudinem in amandis atque promouendis bonarum artium studiosis seruā: nunc ad te venio: & vt tuo dignum me amore
ac pa-

ac patrocinio iudices, etiam atque etiam rogo.

II. Non opinor me aspernaberis & reiicies, qui alios plurimos singulari es humanitate ac beneuolentia complexus.

III. Cuius verò ego potius amorem & patrocinium expetam, quam illius qui cum propter ingenij monumenta præclara, tum egregias virtutes plena, quod aiunt, manu collaudatur ab omnibus?

IIII. An verear, ne, qui nemini vnquam suam beneuolentiam denegarit: illiteratos quoque amicitia dignos suo iudicarit, is me repudiet?

V. Cum illud fieri plerunque videamus: ut quisque in arte maximè excellit, eos qui eiusdem sunt amantes & studiosi, amore persequatur.

VI. Neque ad hominū animos cōglutinādos studiorū quicquam sit similitudine aptius atque accommodatius.

VII. Quare, si, ut soles, adolescētes studiosos amas: me quaeso, nō doctū quidem, sed tamē doctorū obseruantē discēdiq; cupidū suscipe ac cōmendatum habe.

VIII. Nota tibi ætatis est nostræ imbecillitas, inscitia, temeritas.

IX. Scis quā in studiis instituendis erret sæpè: quā crebrò institutum mutet: quā multa iis obiiciantur, ex quib. sine prudentum ac doctorum virorum expedire sese consilio auxilioq; nequeant.

X. Idem ego quoque expertus hætenus sum sæpè: & adhuc experior quotidie.

XI. Quocirca tua primis prudentia mihi est

opus: quæ fluctuantem regat: & uti spero, prompta mihi parataq; erit.

XII. Fateor sanè, & ingenue libèterq; fateor: me à tua insigni pietate: nominis celebritate præclara: doctrina eximia: autoritate summa lōgissimè abesse.

XIII. Neq; quot quantisq; distentus ac districtus negotiis tenearis ignorant ij, quibus tua iuuandi alios cū voluntas, tum facultas est cognita.

XIIII. Veruntamen si ad eos, de quibus bene mereris quotidie, me quoq; vnum minus quàm mediocre aggregaueris: dies noctesq; in illud incumbam: ut gratum me fuisse, teq; alterum quasi parentem coluisse atq; obseruasse intelligas.

XV. Bene vale vir doctissime, & literis hisce meis parum literatis ignosce, nec quam in iisdem exarandis sim infans, sed tui amans considera. Vale.

De Mandatoriis Epistolis.

*Utilitas mā-
datoriarum
epistolarū.*

Mandatorię Epistolę *μεταλαμναί* appellantur, in quibus inferioribus & potestati nostræ subiectis iniungimus, ut, quæ volumus, primo quoq; tēpore expediant. Est autem epistolarum hoc gen^o utilissimum, cū iis, qui in alios imperium obtinent: ut sunt parētes, præceptores, magistratus: tum qui principum, aut rerūpublicarum in cancellis versantur, & dominorum suorū nomine ad alios scribere literas necesse habent.

habent. Itaq; & de hoc paucis agemus. π
ἐπλάσσειν, inquit Demetrius, σύντομον καὶ βρα-
χύ: καὶ πᾶς δευότης δέλεα μονοσύλλαβος. Itaq; bre-
uitati hīc est maximè studendum, & præci-
denda, atq; reiicienda multa: neq; de ratio-
nibus atq; argumētis multis cogitādum,
cum illorum herilis voluntas locum sup-
pleat. Neq; etiam beneuolentiæ hīc est cā-
pratione opus, quæ apud superiores non
inferiores adhiberi potissimū solet. Sunt
tamen & hīc interdum rationes ac senten-
tiæ desumptæ, vel à necessitate. lib. 16. e-
pist. 29. lib. 14. epist. 20. Vel vtilitate. lib. 16.
epist. 24. Vel facultate, quæ ex adiunctis &
rerum, personarum, locorum, tēporis, mo-
di, circumstantiis ostenditur. lib. 14. epist.
5. li. 16. epist. 20. Et quia imperiosi qui sunt
nimis ingrati esse solent, aut commutatio-
ne odium declinatur: cum imperandi lo-
co indicandi modus vsurpatur: aut præci-
sione facta, non necesse esse ostenditur, vt
adhortatio hīc vlla adhibeatur: cū ante
curæ sint negotia ei, ad quem scribimus:
aut causa exponitur, cur iisdem de rebus
scribatur sæpius: quod rei scilicet nos ma-
gnitudine moueamur, non diligentię vel
fidei alterius diffidamus. Sed & mouentia
hīc locum habere argumenta possunt, quæ

Sententia
προσπαινη
μαδatoria.

Sententia
ἰδικαί.

Sententia
παθητικαί.

*Collocatio
argumento-
rum & sen-
sentiariū in
singulis mā-
datoriarum
epistolarum
partibus.
Exordia.*

*Propositio-
nes.*

*Confirma-
tiones.*

partim à metu, partim spe & confidentia
sumuntur. Sæpe enim ignaui qui sunt, aut
timidi, ad capeſſenda negotia pœnæ inie-
cto metu excitantur. Non etiam rarò qui
erectis sunt præditi ingeniis spe propoſi-
ta gratiæ, amoris, promotionis, excitantur,
ut quæ in mandatis habent, & alacriter, &
celeriter, expediant. Ad tractationem verò
atque collocationem quod attinet, qua-
tuor illa partibus conſtat: Primum Exor-
dio, quod ſumitur, vel à ſcribendi occaſio-
ne negotij quod expediri volumus expo-
ſitione. lib. 14. epist. 5. 6. Vel excuſatione li-
terarum breuitatis. lib. 14. epist. 10. aut ra-
ritatis. lib. 14. epist. 6. vel expectatione &
deſiderio earundem. lib. 16. epist. 19. 20. vel
directo mandato. lib. 16. epist. 23. vel occu-
patione qua diffidentiæ ſuſpicioni occur-
ritur. lib. 16. epist. 24. Pars altera propoſi-
tio eſt *περίστασις ἢ ἐπιταγή* ipſum mandatum
continens, propoſitum aut directò. lib. 14.
epist. 5. 6. 20. lib. 16. epist. 20. 14. aut oblique
& *παρελπίει* præteritione. lib. 16. epist. 19.
23. Pars tertia Confirmatio argumenta ha-
bet petita: aut à circumſtantiis quæ facul-
tatem indicant. lib. 14. epist. 5. lib. 14. epist.
20. Aut utilitate. lib. 16. epist. 24. Aut neces-
ſitate. lib. 14. epist. 20. lib. 16. epist. 29. Pars
quarta

quarta Conclusio repetitione *negotiorum* Conclusio-
mādati & adhortationis absoluitur : vt si-
nes.

ne mora ac diligenter negotiū curetur. li.

14. e. 5. 6. 10. l. 16. e. 9. 20. 24. Sunt autē res q̄ *Materia mā-
datoriarum
literarū in
Ciceronis e-
pist. faml.
varia.*

in mandatoriis Epistolis apud Cicerone

reperiuntur istæ. Mandatū de bonorū au-
ctōne. l. 14. e. 5. De ære alieno dissoluēdo.

l. 14. e. 6. De exigendo debito. l. 16. e. 19. 23.

24. De literis crebrò mittēdis. l. 14. e. 10. De

libris componēdis & reditu maturando.

l. 16. e. 20. De parandis ad hospites excipiē-

dos necessariis. l. 14. e. 20. Sunt huius gene-

ris plurimæ eaq; elegantes Bembi epist.

Leonis decimi nomine scriptæ: quæ pro-

pter cū sententiarū acumen atq; breui-

tatem, tū styli puritatē, elegantiam, ve-

nuſtatem verē Ciceroniā legendæ diligen-

ter sunt ab iis, qui vel regibus atq; princi-

pib. vel Rebuspub. aliquādo in cancellis

inseruire cupiūt. Nos 24. l. 16. imitati able-

gato à nobis famulo mandabimus, vt cō-

missa negotia diligēter & primo quoq; tē-

pore expediat: sentētiæ esse tales poterūt.

I. Etsi paucos ante dies de omnib. reb. prolixè ad

te scripseram: tamē cum certū hominē ad vos euntem

nactus essem: denuò de iisdem ad te dare literas volui.

II. Non quod de tua diligentia dubitem, quam ha-

ctenus ego probavi semper: sed quia rei me ita anxū

*Bembi epist.
Leonis X.
nomine scri-
ptæ.*

*Imitatio mā-
datoriæ e-
pistolæ Cic.*

solicitemq; magnitudo reddit : vt nisi ea expedita, tranquillo pacatoq; esse animo nequeam.

III. Quo ego consilio, quantisque te sumptibus ablegarim, non ignoras.

IIII. Prora, quod aiunt, & puppis mihi fuit te ablegandi: vt & priuatas res meas expedires, & de publicis me certiore faceres.

V. Creditoribus, vt primo quoq; tempore, satis fiat, operam dabis.

VI. Ab iis quorum nostris in tabulis nomen extat, si non omnem, saltem aliquam partem extorquebis: neq; committes, vt tua nobis fraudi lenitas esse queat.

VII. In primis autem curabis: vt in nundinis nostris proximis expedita sit pensio.

VIII. De rebus aliis priuatis videbis.

IX. De publicis omnia mihi certa: quid ex Italia, Gallia, Anglia scribatur: quæ hominum de bellis opinio.

X. Apud nos varia, sine tamen capite & autore certo, sparguntur.

XI. Ego nisi negotiis impedirer, ipse ad vos excurrerem.

XII. Sed nosti rerum mearum statum & conditionem.

XIII. Itaq; totus in eo eris: vt & de omnibus, prima quaq; oblata occasione, certiore me facias: & debitores vel per procuratores nostros admoneas, vel ipse appelles.

*De Disputatoriis e-
pistolis,*

VSitatissimum hoc est inter doctos E-
pistolarum genus, qui sæpe per lite-
ras, vel serio, vel ioco de quæstione & con-
trouersia aliqua disputant. Et prodest il-
lud ipsum quoq; plurimum: cum sine di-
sputatione infrugifera atque inutilis esse
præceptio soleat: & omnibus in artibus di-
uersæ diuersorum opiniones atq; senten-
tiæ deprehendantur: coràm autem cum
viris literatis de iisdem differere non om-
nibus liceat. Est verò duplex hoc epistolæ
genus: vel enim proposita aliqua quæstio-
ne viri docti sententiam exquirimus: vel
aliorū expositis opinionib. quid nos sen-
tiamus, ostendimus. In primo illo genere,
iisdem vtendum sententiis atq; argumen-
tis erit, quæ in petitoriis & communica-
toriis epistolis adhibenda esse diximus.
Tractatio quoque ita instituenda: vt in Ex-
ordio beneuolentia concilietur, vel lau-
de eruditionis & humanitatis illius ad
quem scribimus: vel veniæ deprecatione
atq; excusatione modesta. In *con-*
trouersia & quæstio ipsa breuissimè pro-
ponatur. In confirmatione *ἀπακρίβυναι* e-

*Disputato-
riarum epi-
stolarum v-
tilitas.*

*Disputato-
riæ epistola
duplices.*

*Sententiæ
in disputa-
toriis epist.
adhibendæ.*

*Collocatio
in disputa-
toriis epist.
obseruanda.*

numeratio instituatür diuersarum opinio-
num & rationum quæ vtrinq; adferun-
tur, & dubios nos reddunt. Conclusio pe-
titione & promissione absoluatür: ita vt
rogemus virum doctum, ne suam nobis
de quæstione & controuersia proposita ex-
plicare sententiam grauetur: & eidem vi-
cissim debitam obseruantiam gratiq; ani-
mi memoriam deferamus. In posteriore,
præter modestiæ significationē nulla be-
neuolentiæ est conciliatione opus: sen-
tentiæ tantum atque argumentorum
requiritur expositio. Quam ad rem neces-
saria Dialecticorum est in disputando me-
thodus: & ratio instituendæ ἀντιθέσεως,
qua id quod verum, certum, firmum elici-
tur. Partes præcipuè duæ sunt: narratio &
conclusio: quarum illa ἀντίθεσις variarum o-
pinionum ac sententiæ recitatione:
hæc ἐπιμνηστικὴ nostræ sententiæ expositione
absoluitur. Nonnunquam tamē quatuor
Ciceronis in epistolis reperiuntur. Exor-
dium, sumptum, vel à circumstantiis & oc-
casiōe agitæ controuersiæ. libro septi-
mo, epistola vigesima tertia, vigesima sex-
ta. Vel commendatione rei. libro septimo
epistola vigesima secunda. Vel ἀποθρηνησις
seu ἀπογεννησις præmunitione & præcasti-
gatione

gatione sententiæ de qua disputari sumus.
 lib. 9. epist. 22. propositio ipsius *περοβλήμα-*
τος quæstionis & disceptationis. libro se-
 ptimo, epist. 22. 23. lib. 7. epist. 22. *ἐκθεσις* ex-
 positio & enumeratio opinionum ac sen-
 tentiarum variarum quæ in proposita quæ-
 stione reperiuntur. libro septimo epist. 22.
 23. 26. lib. 9. epist. 4. 22. Conclusio facta *ἐπι-*
χειρίσει iudicij & sententiæ nostræ exposi-
 tione. libro septimo epistola vigesima ter-
 tia, libro nono, epistola vigesima secunda,
 Sunt autem quæstiones quæ in disputato- *Materia di-*
 riis epistolis Ciceronis reperiuntur: de te- *stusar. epist.*
 stamento & causa hæreditaria. lib. 7. epist.
 22. De actione hæredis contra furtum an-
 te hereditatem commissum. lib. 7. epistola
 vigesima secunda. De vesicæ & viscerum
 morbo, eiusdemq; cum causis, tum reme-
 diis. li. 7. epi. 26. De futurorum necessitate
 & contingentia. li. 9. epist. 4. De loquendi
 licentia. lib. 9. epist. 22. Nos exercitij cau- *Imitatio di-*
 sa 22. libr. 7. imitari conabimur, quod licet *stusar. epist.*
 brevis illa sit, tamen puram atque sim-
 plicem *διὰλεξιμ* disputationem atque dis-
 quisitionem continet. Constat autem pri-
 mō *ἀφηγήσει* & notatione circumstantia-
 rum: deinde *κατατάσει* propositione quæ-
 stionis; tum *ἀπαιθήσει* authorum vario-

rum enumeratione : postremo conclusionem , quæ Ciceronis ἐπίκρισις iudicium & sententiam complectitur . Quas nos hunc in modum exprimere partes poterimus.

I. Illuſeras proximo in colloquio, quod dixeram, inter ipsos Philosophos controuersiam esse, posset nec ne hac in vita certo aliquid sciri, aut cognosci.

II. Itaque etsi domum reuersus alia negotia inueneram : tamen locos quosdam notavi, & descriptos tibi misi : ut scires Herillos, Pyrrhonios, & Academicos maximè recentiores scientiam omnem è medio sustulisse.

III. Ego tamen Platoni & Aristoteli assentior, qui ut sciri posse omnia, minimè asserunt : ita sciri quoque nihil verè negant : cum, ut alia nunc mitam, discendi ardorem restingui : artes & disciplinas cunctas corrucere : legum atque honestatis omnis

ruinam sequi necesse sit, si sciri à nobis

nihil hac posse in vita sta-

tuatur. Vale.



DE
R A T I O N E
C O N T E X E N -
D A R V M E P I -
S T O L A R V M

Pars II.

*Demonstratiui generis: & quidem primò
 Gratulatorias Epistolas con-
 tinens.*

ABSOLVTIS Deliberatiui ge- *Demonstra-*
 neris Epistolis, reliquum est, *tiui generis*
 de iis vt agatur, quæ ad De- *Epistola.*
 monstratiuum referendæ esse
 videntur: quales sunt lauda-
 toriæ, reprehensoriæ, gratiarum continen-
 tes actiones, dedicatoriæ, gratulatoriæ, à
 quibus initium nunc faciemus, propterea
 quòd præ cæteris vsurpari crebrò illæ so-
 lent. Sunt autem gratulatoriæ *Gratulato-*
 Epistolæ, in quibus amico de rerum suc- *rie Epistolæ.*
 cessu prospero, & ad voluntatem fluente

*In gratula-
torius Episto-
lis quæ con-
sideranda.*

*Argumenta
gratulatio-
num.*

fortuna: de rebus bene præclareq; gestis: de honore & dignitate, de affinitate, hisq; similibus aliis gratulamur: & eidem, aut vsum illorum diuturnum, aut similem in cæteris quoque successum precamur. Id quod veri est amici officium: sæpe etiam necessarium, propter homines autoritate & potentia magna præditos: quibus de aucta dignitate: nominis amplificata gloria: rebus laudabiliter fortiterque administratis, gratulari nos oportet. Est autem diligens in his & accurata primò, cum rerum, tum personarum ratio habenda videndumque sint ne ea, propter quæ gratulatio instituenda, magna, & apud viros vsurpanda magnos, ideoque amplam, ornatam, splendidam tractationem requirant: an verò exigua ac minutula, ut qui splendore in iis, aut ornatu magno utatur, in lente, quod aiunt, vnguentum adhibere videatur. Deinde de argumentis est cogitandum, eademque eo dirigenda: ut lætitiæ nos & gratulationis causas habere iustas appareat. Sumuntur autem illa ex causis, effectis, adiunctis, comparatis: & ostenditur esse ea, quorum gratia amico gratulamur, virtute, consilio, laboribus, meritis præclaris: non casu, gratia, pre-
fatio-

fatione, largitionibus parta. Deinde esse
 præclara; parere honores: adferre dignita-
 tes: ab obliuione atq; interitu amici vin-
 dicatum nomen summa cum laude ad po-
 steritatem vsq; transmittere: esse ad virtu-
 tem declarandam apta: ad plurimorum
 prouehenda commoda accommodata:
 expetita à multis: impetrata à paucis: con-
 rigisse citò: & contigisse temporibus dif-
 ficillimis: & contigisse consentientibus,
 vel omnibus, vel saltem bonis ac pruden-
 tibus. Comparatio quoque est instituen-
 da, qua sæpe numero id quod sua natura
 vsque adeò magnum dignumque gratu-
 latione non est: aliorum facta collatione
 maius redditur. Postremò docendum: es-
 se eum, cui gratulamur, amicitia, necessi-
 tudine, sanguinis communione, affinita-
 te, aut aliis modis, ita nobis iunctum, vt
 eius non secus atque nostræ curæ nobis
 cordique res esse debeant. Ad *παῖν* verò, *αὐτῶν* *παθὲν καὶ τὸ*
 nimorum motus, quod attinet, locū hic *uentia argu*
 maximè habent: *χαρὰ* gaudium & lætitia, *menta.*
 quæ ex præsentibus bonis percipitur: *χα-*
ρις gratia: *ζῆλος* æmulatio, quæ in cohorta-
 tionibus cum primis prodest, cum eos, sci-
 licet, quibus de fortuna gratulamur secū-
 da, hortamur: vt iam non cum aliis tan-

*ἡθελὲ conciliantia argu-
menta.*

*Collocatio in
uentorū ar-
gumentorū.*

*Exordia gra-
tulatoriarū
Epistolarū.*

tum sed secum ipsi certent, operamquē
dent, ne quam collectam bonorum habēt
laudem & gratiam effundant. Ad beneuo-
lentiam porro conciliandam, & ἡθελὲ mores
declārāndos amabiles faciunt: ἐπαινέσεις
collaudationes eius ad quem scribimus,
fine tamē κολακείας assentationis suspicio-
ne: κοινῶν δὲ communicationes, cum osten-
dimus existimare nos ea quæ amico obti-
gerunt, nobis ipsis contigisse: propter a-
micitiā, propinquitatem, necessitudi-
nem, aut alias causas: ὁχαὶ vota & preca-
tiones, cum bene ominamur amico, ac ᾤ-
camur ut quod est affecutus faustum ei-
dem, felix, fortunatum, diuturnum sit: πα-
ραίνέσεις denique adhortationes aut aper-
tæ, aut rectæ & occultæ. Quod verò ad ho-
rum omnium tractationem & διορθώσεσιν
quasi coædificationem attinet: quatuor
gratulatoriarū Epistolarum sunt partes:
quarum prima exordium constat: aut ἀφη-
γήσει narratione πειστικῇ, & occasione in-
stitutæ gratulationis libr. 3. epist. 11. libr. 12.
epist. 16. 19. Aut συγχαεῖς, gratulatione &
significatione lætitiæ, ex amici rebus se-
cundis perceptæ, libr. 2. epist. 9. 19. li. 3. epi-
12. libr. 6. epist. 12. libr. 8. epist. 13. libr. 12. epist.
13. libr. 15. epist. 7. 8. 12. Aut ὁχαὶ voto. libr. 2.
epist.

epistol. 7. Aut seræ & dilatæ gratulationis
excusatione. lib. 2. epist. 7. 9. Pars altera κα- *Propositio-*
τάσεως propositio est, quæ vel nudam συ- *nes gratula-*
χαρίαν gratulationem continet. lib. 2. epi.
9. lib. 3. epist. 11. lib. 6. epist. 11. lib. 10. epist.
8. lib. 12. epist. 6. Vel δὲ χὼν vorum habet &
precationem, vt ea res bene feliciterque
amico eueniat. libr. 12. epist. 19. Vel ἀεὶ ἔτι
adhortatione fit: vt prudēter amicus om-
nia gubernet ac moderetur. lib. 2. epist. 7.
Pars tertia confirmatio est, quæ gratula- *Confirmatio*
tionis institutæ argumēta complectitur, *nes gratula-*
perita: vel à causâ efficiente rei, qua de gra- *toriæ.*
tulamur amico. lib. 3. epist. 11. li. 6. epist. 11.
lib. 15. epist. 7. 12. Vel rei ipsius conditione.
lib. 8. epist. 13. lib. 12. epist. 13. libr. 15. epist. 7.
Vel temporis ratione. lib. 12. epist. 2. Vel
personæ, cui gratulamur, ingenio, doctri-
na, moribus. lib. 2. epist. 19. lib. 13. epist. 12.
coniunctione & amicitia. libr. 12. epist. 16.
lib. 15. epist. 7. 8. 12. beneficiis. lib. 15. epist. 8.
Vel iudicio optimorum & prudentissi-
morum virorum. lib. 15. epist. 7. Pars quar- *Conclusiones*
ta & postrema Conclusio absoluitur: aut *gratulato-*
ὑποχρεῖ delatione atq; pollicitatione no- *riæ.*
stræ beneuolentiæ, operæ, studij, officij.
lib. 2. epist. 19. lib. 3. epist. 11. 12. libr. 12. epist.
16. Aut ἀεὶ ἔτι adhortatione ad partorū,

*Materiae gratulationum
variae in epistolis
Cicer.*

*Imitationis
exemplum.*

vel custodiam & conseruationem, vel vsum rectum & laudabilem, vel amplificationem. lib. 7. epist. 15. lib. 12. epist. 19. Aut ἀξιώσει petitione: vt commendatos nos, aut alios sibi amicus habeat. lib. 2. epist. 7. lib. 12. epist. 13. lib. 15. epist. 7. 8. 12. Sunt autem gratulatoriae apud Ciceronem epistolae variae. Gratulationes de restitutione & reuocatione ab exilio. lib. 6. epist. 11. 12. obtenta in iudicio victoria, & absolutione. lib. 3. epist. 11. 12. Affinitate. lib. 8. epist. 13. Honoribus, & munere aut officio aliquo præclaro. lib. 2. epist. 7. 9. 19. lib. 12. epist. 9. 12. 19. lib. 15. epist. 5. 7. 8. 9. 12. Victoria reportata. lib. 5. epist. 7. lib. 12. epist. 13. Liberorum ingenio, studiis, moribus. lib. 12. epist. 16. Amicitia & familiaritate magni alicuius viri. lib. 7. epist. 15. Valetudine recuperata. lib. 19. epist. 12. 14. Reditu in patriam. lib. 13. epist. 73. Nos ex his 7. lib. 2. imitari conabimur, in qua de tribunatu Cicero Curioni gratulatur. Partes epistolae illius sunt quatuor. Exordium in quo feram gratulationem Cicero excusat, eiusdemque causam, cum in loci interualum, tum raritatem tabellariorum transfert. Propositio, quæ συγχαερισία gratulationem, cum ἀπολογία adhortatione coniunctam,

etiam, habet. Confirmatio argumentis constat, quibus ad diligentiam & constantiam Cicero Curionem hortatur. Conclusio ἀξίως petitione absoluitur. Hasce imitando exprimemus partes tum, cum amico, cui conditio honesta atque splendida, vel in principis alicuius aula: vel republ. vel ecclesia, vel schola contigit, gratulari, eundemque hortari volumus, ut rectè in illa laudabiliterque suo munere fungatur. Sententiæ tales esse possunt.

I. Sera, modò vera, nec negligentia quadam fuerit prætermissa gratulatio bonorum virorum effugere reprehensionem solet.

II. Itaque & mihi post festum, quod aiunt, venienti ignoscas, idque tabellariorum partim penuriæ, partim itineris longinquitati tribues.

III. Gratulor autem tibi, & ex animo gratulor de loco quem Illustriss. principis in aula consecutum te esse audio: & ut tibi tuisque laudi, emolumento aliis honos sit iste, precor.

IIII. Simul etiam, etsi, nec mea, nec cuiusquam alterius opus cohortatione habeas, pro singulari meo in te amore etiam atque etiam, te hortor: ut quem sis in locum euectus, & quid abs te requiratur, consideres.

V. Magnus est honos à consiliis esse principi: ad negotia ardua, deliberationes adhiberi gravissimas.

VI. Sed habet honos iste, crede mihi, onus non paruum.

VII. Multa hic requiruntur, quæ, si absint, cum turpitudine atque dedecore, honorem commutant: prudentia in consiliis: in sustinendis laboribus industria: pietas, religio, fides in sententia dicenda, in cōtemnendis hominum offensionibus, vel etiam periculis, animi magnitudo, & constantia singularis.

VIII. Non temerè scribo, quæ scribo, ad quem etiam scribam scio: est perspectus tuus mihi animus, ingenium cognitum: explorata morum probitas.

IX. Sed ipse profectò intelligis, cuiusmodi in tempora, non incideris, sed veneris: rerum vis quanta: quanta negotiorum multitudo & varietas: quam inconstantes ac flexibiles hominum sint voluntates, quod bonis insidiæ struantur in aulis, non ignoras.

X. Itaque amabo te, unicum hoc vide, ne cui nimium fidas, neq; quid ab aliis fiat, sed quàm illud fiat rectè & honestè, consideres.

XI. Te, non alios audi, tecum loquere: nec aliorum te, vel consiliis, vel exemplis, à pietate, honestate, iustitia auferri sine.

XII. Vtinam res ita meæ ferrent: ut coràm tibi gratulari dignitatis tuæ esse spectator: de multis iisdemq; necessariis rebus tecum colloqui possem.

XIII. Sed quoniam, hoc quidem tempore, fieri illud nequit: hæc, ex amoris vi atq; magnitudine profectas literas, boni cōsules.

XIII.

XIIII. Deinde pro tuo singulari in me amore, res tibi meas commendatas habedis: de quibus & præsens tecum: & post per literas sæpius egi.

XV. Sed tum, vt cum adolescente docto & valde gratiofo: nunc vt cum consiliario principis potentissimi.

XVI. Neque quod esse difficilius solet, nouum hic aliquid, aut singulare & præcipuum, sed illud peto, quod iam ante multis aliis, cōcessum: à legibus etiam permissum est.

XVII. Tu modo caue, ne illud, honores mutant mores, de te quoq; vsurpari queat: & dignitates illæ aulicæ aliam, quasi in scena, te personam induere faciant.

Ad hunc ergo modum, Ciceroniana secuti vestigia, amico de conditione aliqua gratulari honesta poterimus. Quòd si verò de filij ad virtutem indole gratulari parenti alicui placeat: 16. libri 12. exemplo erit: in qua C. Trebonius Ciceroni de filij studiis ac virtutibus egregiis gratulatur. Partib⁹ illa quatuor absoluitur: Exordio, ἀφ' ἧς constantē & occasione institutæ gratulationis. Propositione quæ ipsam gratulationem, & letitię significationem continet. Confirmatione, in qua eiusdem aliquot Trebonius rationes adfert: &, ne quid auribus dare Ciceronis videatur, oc-

Aliud imitationis exemplum.

cupationem præmittit. Studiorum denique & officiorum delatione. Quod enim ad scriptū quoddam: deinde petitionem Trebonij attinet, vt in Cic. dialogos includatur, ea ab ipsa gratulatione remota sunt. Poterunt ergo imitando ista effingi hoc modo.

I. Argentoratum veni ad 16. Cal. Iulij: atq; ibi, quod in votis ego optatisq; maximè habebam, filiū tuum inueni bonarum artium studiis deditum: summæ pietatis, modestiæ, diligentiae, fama: charum Academicæ professoribus: iucundum condiscipulis: acceptum iis, quorum tecto ille mensaq; vtitur: gratum omnibus: inuisum nemini.

II. Quæ sanè res quantam mihi lætitiā atq; voluptatem pepererit, vel tacete me, intelligere potes.

III. Amore enim te singulari complector: fero in oculis, obseruo, facio plurimi, quodq; verorum est amicorum proprium, etiam minimis tuis cōmodis, ne dum tanta felicitate gaudeo.

IIII. Nosti meum ingenium: scis me non auribus cuiusquam seruire, aut ad gratiam loqui.

V. Quare mihi affirmanti hoc crede: nihil adolescente tuo atq; adeò nostro (sunt enim amicorū omnia cōmunia) aut amabilius iis, qui Argentine nunc studiorū gratia commorantur: aut studiosius earum artium atq; disciplinarum, sine quibus solida parari eruditio nullo modo potest.

VI. Itaq; quod facere verè possum, & facio libenter, de dono præclaro & raro, filio scilicet bene cùm literato, tum morato tibi gratulor.

VII. Nec minus etiam mihi: quod eum, quem, quia tuus, viri clarissimi deq; me meriti præclare, filius, necesse erat amare, talem nunc esse video: vt non solum mea, verum etiam omnium bonorum doctorūq; virorum dignus beneuolentia sit.

VIII. Cum etiam à me conuiuio exceptus, in sermone inieciisset, Galliam se visere cupere: monitus à me est: vt, si pace hoc tua bonaq; fieri gratia posset, id eo tempore potissimùm, quo eandem ego lustrarem, faceret.

IX. Neq; dubitare te velim: omnia amoris, beneuolentiæ, humanitatis officia me ei præstiturū: illud quoq; curaturum: vt præceptor illi doctus & fidelis adiungatur, ne, quod fieri non rarò solet, remoto custode, aut à prauis sodalitiis corrumpatur: aut aliorum iis à studiis abducatur, in quæ tuis cohortationibus incitatur, iam etiā pleno est gradu ingressus.

X. Quod reliquum est, Deum Opt. Max. rogo: vt, quoniam plerunque ingenia præcocia nimis, antè, quàm ad fructus perueniant, & in ipso quasi ætatis flore extingui solent, lucis ei huius vsuram diuturnam concedere dignetur.

XI. Hoc si erit: dubium non est vllum: quin singulari aliquādo, tibi gaudio: ornamento familiæ, rectè vcrò publicæ vsui atq; emolumento futurus sit.

XII. Quo res essent vestrae in loco, cum hasce exarabam literas, ignorabam.

XIII. Rumores quidem hic de vobis spargebantur tristes, sed ἀδελφοί, & iam rauci sunt facti.

XIII. Itaque falsos & fuisse existimo: & esse cupio.

XV. Tu tamen, si cura me & solitudine liberare magna volueris, de omnibus ad me primo quoque tempore scribes, & quod facis, me meaqué studia commendata tibi habebis.

*De ratione
respondendi
ad aliorum
gratulationes.*

Quemadmodum verò amicorum, hoc est, munus, ut de fortuna prospera successuque rerum prospero amicis gratulentur: ita vicissim hoc à doctis & bonis viris requiritur: ut gratis animis eiusmodi officium agnoscant, idque missis ad amicos literis testatum faciant. Neque verò difficile hoc erit iis, qui quonam pacto respondendum, & gratiæ sint agendæ illis, qui commendationibus, aut aliis nobis officiis adfuerunt, cognitum iam perspetumque habent. Plerunque enim tales epistolæ sententiis constant διχαριστικαῖς gratias agentibus: ἐπιδεικτικαῖς, amici studium atque officium laudantibus & amplificantibus, petitis: à causis, effectis, adiunctis, & persona eorum qui gratulantur: cōparatione & collatione: πολεμικαῖς, grati

*Sententiæ
in respondē-
do observan-
dæ.*

grati animi memoriam promittentibus. Sed sunt hoc ipso in genere etiam μειωτικαὶ extenuantes sententiæ adhibendæ. Quoniam enim gratulationes laudem atque commendationem continent eorum, quibus de honore, dignitate, fortuna secunda gratulamur: ne, quod stultorum est proprium, nobis ipsis placere videamur: sententiis vtendum est refellentibus, aut extenuantibus & corrigentibus id, quod honorificè nimis de nobis ab amico est perscriptum: &, vel εὐχὴ vortum, vel ἀγνῶσις inficiatio, vel δεικνύσις voluntaris atque facultatis distinctio adhibenda. Artificiosum enim hoc cum primis, & ad mores indicandos amabiles accommodatum: cū quis aut optat, vt talis sit, qualis esse dicitur: aut simpliciter agnoscere sese ea negat, quæ sibi tribuuntur: aut, vt, voluntatem, studium, conatum qualemcunque profitetur, ita facultatem contra à sese remouet. Interdum etiam rationes sunt & causæ reddendæ, cur factum aliquid, &, aut petatum, aut oblatum ab aliis non neglectum à nobis fuerit. Ad tractationem verò atq; collocationem horum quod attinet, quatuor eiusmodi responsiones partibus absoluuntur: Primum ex-

Collocatio in
respondendo
vt insinuen-
da.

ordio, quod, vel ἐπαναλήψει repetitione constat breui gratulationis ab amico institutione. lib. 4. epist. 14. vel significatione lætitiæ ex eadem perceptæ. lib. 15. epist. 6. Pars altera est Propositio, quæ gratulationis prædicationem & gratiarum actionem habet. l. 4. e. 14. l. 15. e. 6. Pars tertia Confirmatio, in qua rationes & argumenta adferuntur: quare, aut gratæ nobis acceptæq; amicorum sint gratulationes, eademq; à causis, adiunctis, comparatis sumuntur. l. 15. e. 6. aut admitti gratulationes non possint. l. 4. epist. 14. aut factum admissumue sit id, de quo amicus nobis gratulatur. lib. 4. epi. 14. Pars quarta Conclusio, absoluitur: vel προχέσει officij pollicitatione. lib. 4. epist. 14. vel ἀξιώσει petitione. lib. 15. epist. 6. Nam & amicus rogatur, ut perpetuò animatus in nos esse bene velit: & vicissim omnia humanitatis, beneuolentiæ, gratitudinis eidem officia deferuntur. Sūt autem huius generis epistolę modò indicatæ. Responsi. ad gratulationem de recuperata in vrbe dignitate, & nouis nuptiis. l. 4. epist. 14. & honoribus. libr. 15. epistol. 6. Quam hoc imitati tempore respondebimus ei qui de officio nobis est ac conditione gratulatus: & quatuor illas exprimere

Materie responsionum ad epistolas gratulatorias.

Imitationis exemplum.

mère partes conabimur: Exordium lætitiæ, ex gratulatione perceptæ, significationem continens: propositionem, gratulationis prædicationem habentem: Confirmationem rationibus, partim ipsam gratulationem, partim institutum probantibus. constantem: Conclusionē αἰώσετ petitione confectā. Sententiæ tales esse possunt.

I. Accepi literas tuas perquam, & amanter, & humaniter ad me perscriptas: in quibus de munere, quod mihi contigit, gratularis.

II. Quod quidem quanta me lætitia voluptateque affecerit, hisce explicare literis satis nequeo.

III. Etenim si à laudato sese laudari viro Nævianus ille Hector gloriatur, recteque ex obscuri hominis ore profectas laudes sordidas fieri aliud affirmat, quanti obsecro tuum, viri longè prudentissimi doctissimi que, facere iudicium me existimas?

IIII. Equidem, vel gratulationem hanc tuam, vel cuiuscunque tandem instituti mei approbationem omnibus omnium laudibus atque ornamentis antepono: illa etiam quæ in votis iam dudum optatisque habui, consecutum me iam arbitror.

V. Illud verò gratum cum primis iucundumque mihi extitit: quod, dum ea mihi tribuis, quæ si agnoscerem, me profectò ipsum nosse non viderer, quanto me complectaris amore, haud obscure indicas.

VI. De eo igitur mihi gratulor: tibi gratias, quas possum ago maximas: & ut ita in me sis animatus perpetuo, consiliis quoque me iuues tuis, etiam atq; etiam rogo.

VII. Cum enim ingenij mei viriumq; imbecillitatem considero, & quæ temporum iam sit conditio, paulò, uti debeo, perpendo diligentius, non possum non metuere, ne onere illo, quod humeris est meis impositum, opprimar.

VIII. Sed voluntatis ego meæ causas nuper tibi exposui, quæ, etsi fortè minus probantur omnibus, hanc tamen rationem habent, ut non quidem vendendam meam operam aliis, aut munus aliquod & officium ambiendum: sed tamen, si deferatur, non negligendum esse existimem.

IX. Quia etiam semel iugo ceruices submittere meas coepi, in eo totus ero, ut non indignus loco illo iudicer, & si nihil aliud, saltè fidem, integritatem, diligentiam meam viris bonis probem.

X. Tu, si (quod vnicè peto) ut honores meos summo tibi gaudio voluptatiq; esse ostendisti, ita commendatos eosdem deinceps habueris, & me iam ante multis nominibus tibi obligatum, deuinctum magis obstrictumq; reddes: & simul præclare de meis omnibus, atq; adeò Repub. tota mereberis.

De gra-

De Gratiarum actionibus.

AD causæ genus Demonstratiuum ^{ἐνδείκνυται} gratiarum actiones referri posse videntur propterea, quod institui illa non possunt sine laude atque amplificatione beneficii eius, quod ab amico est prestitum. Est autem huius generis epistolarum tractatio diligenter ab eloquentiæ studiosis ^{ὡς ἐπὶ τῶν ἐπιστολῶν} observanda: quia alterum qui non laudat, excusari potest: & qui non vituperat ea, quæ cum turpitudine sunt atque dedecore coniuncta, facilius aliorum effugere reprehensiones solet, quam qui bene de se meritis gratias, neque agere, neque referre cupit. Et præclare ille apud Plautum, si, inquit, bonis quid sit boni, idem, & gratum, & graue esse consuevit, eò quod animum illi gratum habent semperque seruos se esse arbitrantur, donec gratias, aut egerint, aut retulerint. Ut autem recte hic inueni- ^{Ἀργυμέντα} tio instituatur, considerandum est primò: ^{gratiarum actionum} sit ne beneficium ab aliquo collatum eiusmodi, ut laudem & gratiarum actionem mereatur. Deinde argumenta ^{ἐν ταῖς} laudantia quærenda, eademque ex causis & effectis sumenda. Laudamus enim ^{ἐν τοῖς αἰτίαις} beneficium, & gratiarum dignum actio- ^{laudantia}

*δοξία ἀμ-
πλificantia.*

ne iudicamus: quia honestum: quia lau-
dabile: quia cum virtute coniunctum: &
ad eandem merita atq; beneficia accepta
traducenda sunt omnia: vt illa quoq; ex-
ornari solent, quæ nobis vel summè ne-
cessaria: vel commoda plurima maximâ-
que adferunt: vel iucunditatem atque vo-
luptatem aliquam pariunt: aut prædican-
tur ab iis, in quos collata: quæ ad effectus
referuntur. Amplificantia etiam hîc adhi-
benda, quæ comparatorum potissimùm,
& adiunctorû loci suppeditant. Magnum
enim tum beneficium videtur, cùm com-
paratur cum aliis: aut ostēditur: amicum,
vel primum, vel solum, vel inter non pau-
cos præcipuum extitisse, qui beneficium
contulerit. Circumstantiæ itidem rei, per-
sonæ, modi, temporis, loci, sua natura exi-
gua beneficia commendant, augent, am-
plificāt: atq; efficiunt, vt grata sint ea: quæ
data vltro, non precibus atq; intercessio-
ne impetrata: quæ data non temerè, sed
consilio certo: quæ data cum aliquo peri-
culo, aut offensione aliorum: quæ data à
viro magno, summaque authoritate præ-
dito: quæ data indignis, neq; eiusmodi
aliqua promeritis: quæ data citò, tempe-
stiuè, sæpe: quæ deniq; diuturna, stabilia,
&

& perpetua esse videntur. Verùm hîc poë-
 ticæ atq; nimix amplificationes vitandę:
 præsertim apud viros bonos, doctos, pru-
 dentes, qui laudationes eas, quæ veritatē
 excedunt, & adulationes oderunt: assu-
 menda quoq; ἡθικά, quæ mores indicant
 amabiles, & ad benevolentiam sunt con-
 ciliandam accōmodata: cuiusmodi sunt
 μειώσεις extenuationes virium atq; facul-
 tatum in referenda gratia: & εὐχαι vœta ac
 preces, vt Deus largē exoluat, quod
 nos compensare non possumus: & παρρη-
 σιας præmunitiones, ne, vel adulatoriē
 accepta beneficia amplificares, vel in peti-
 tione noua verecundiæ transgredi fines:
 aut de amici in nobis nostrisq; amandis
 & promouendis dubitare fide ac constan-
 tia videamur. Postremò etiam mouētium
 argumentorum est ratio habenda. Neque
 enim satis est laudare, celebrare, ampli-
 ficare beneficium acceptum: verùm etiam
 mouere eos, ad quos scribimus, oportet:
 vt de sua in nos nostrisq; prona propen-
 saque voluntate nihil remittant: & adhi-
 bere ea, quæ excitant: ζήλον æmulationem:
 ἡδονήν voluptatem & lætitiā, φιλίαν
 amorem & benevolentiam: ἐλπίδα
 spem animi grati & remunerationis. Ad

ἡθικά conciliantia argu-
 menta

αὐξήματα τοῦ
 uentia argu-
 menta.

- Collocatio inuentorum argumento- rum.* collocacionem verò atque tractationem horum argumētorum quod attinet: quatuor epistolarum *ἐν χαριστικῶν* sunt partes: quarum prima Exordium constat: aut significatione lætitiæ & voluptatis ex amici beneficio & studio perceptæ. lib. 13. epist. 24. 54. 55. l. 15. epist. 11. Aut gratiarum actione *τῇ ἐν χάριστι*. lib. 10. epist. 11. lib. 13. epist. 28. 41. 42. 64. Aut coniunctionis & necessitudinis declaratione. lib. 13. epist. 62. Aut institutæ scriptionis excusatione. libr. 13. epist. 27. Aut occasionis expositione. libr. 3. epist. 5. Pars altera *Propositio*, vel *ἐν χαριστικῶν* gratiarum actionem continent. libr. 3. epist. 5. l. 13. epist. 24. 62. lib. 15. epist. 11. vel *ἀξιωματικῶν* petitionem habet, vt quod iam fecit amicus, deinceps quoque facere minimè grauetur. lib. 10. epist. 11. lib. 13. epist. 54. 62. 66. Pars tertia *Confirmatio* est, quæ accepti beneficij commendationem atq; amplificationem complectitur, desumptam, vel à causis. lib. 3. epist. 5. vel effectis. lib. 13. epist. 28. 41. 42. 64. vel comparatis. l. 10. epist. 11. lib. 13. epist. 27. 42. vel adiunctis & circumstantiis: modi. li. 10. epist. 11. temporis. lib. 11. epist. 29. personarum. lib. 13. epist. 27. 54. 64. lib. 15. epist. 11. Pars quarta & postrema *Conclusio* absoluitur: aut *καὶ οὐχ ὅτι* polli-

pollicitatione memoris gratiq; animi. li. 3. epist. 5. lib. 10. epist. 11. lib. 11. epist. 29. lib. 13. epist. 27. 28. 41. 62. 64. Aut præcisione & reiectione. lib. 3. epist. 5. li. 13. epist. 24. Aut petitione & commendatione noua, vt quæ initio, & ostendit, & fecit amicus: ad exitum augere atq; cumulare; nos etiam, aut nostros, benignè complecti velit. lib. 10. epistol. 11. lib. 11. epist. 29. lib. 25. 27. 28. 41. 42. 55. 64. Aut ἐὺχῆ voto pio. lib. 15. epist. 11. Sunt autem, quæ Ciceronis in epistolis *Materia ἐὺχῆς ἐπὶ ἐπιστολῶν* reperiuntur, gratiarum actiones variæ: pro liberaliter, benignè, honorificè tractato *pistolarum variæ in ἐπιστολῶν Cicer.* amico. lib. 13. epist. 27. 41. 54. 64. pro com- probato & aucto honore. lib. 3. epist. 13. li. 15. epist. 11. pro dignitate defenfa. lib. 10. epist. 11. pro adhortatione amica & fidei. li. 11. epist. 21. pro consilio in rebus dubiis dato. lib. 11. epist. 29. pro offensione depofita. lib. 13. epist. 24. pro expedita fucceffio ne facta. libr. 3. epist. 5. pro hæreditaria re promota. lib. 13. epistol. 28. pro æris alieni diffolutione. lib. 12. epist. 42. pro impetra- to in patriam reditu atque reftitutione. l. 13. epist. 62. Nos exercitij gratia. 28. libr. 13. *Imitationis exemplum.* imitari conabimur, in qua pro humani- ter benigneque tractato Mefcinio Cicero gratias Sulpicio agit. Partes illius sunt:

Exordium, & *ἡ αἰσία* gratiarū actione constans. Confirmatio beneficiorum Sulpitij, laudatione atq; amplificatione facta. Conclusio petitione & animi grati pollicitatione absoluta. Has secuti amico, qui adolescentem à nobis commendatum benignè est, humaniterque complexus, gratias agemus hoc modo.

I. Etsi libenter petere soleo, si qua in re tuo mei auxilio egent: tamen multò libentius gratias tibi ago, cum meis literis adductus tua in alios contulisti beneficia: quod profectò fecisti haëtenus, & crebrò, & liberaliter.

II. Dici enim non potest, quantas mihi gratias agant ij, quibus meis est literis ad te aditus factus: quàm tuam in se humanitatem liberalitatemq; prædicent: quàm hoc nomine sese non tibi modò, verùm etiam mihi obstrictos deuictosq; sese & esse iam fateantur, & fore polliceantur perpetuò.

III. Quæ, me CHRISTE, mihi grata sunt, acceptaq; omnia: sed de Philippo nobili doctòq; adolescente gratissimum.

IIII. Ita enim ad me scribit, te, vt meas literas legeris, largè liberaliterq; promississe omnia: longè verò plura, maioraq; præstitisse.

V. Id ergo (repetendum enim hoc est sæpe) tam mihi gratum est, quàm quòd gratissimum.

VI. Sed & propterea maiori me letitia afficit: quòd

quòd illud ipsum etiam tibi haud parũ profuturum confido.

VII. Est enim in adolescente eo, præter familiæ splendorem & antiquitatem generis, singularis pietas: probitas summa: eximia, cum erga superiores obseruantia: tum benè meritos gratitudo: discendi ardor incredibilis.

VIII. Itaque quando bono gratoq; homini nauare te operam intelligis: quibus tandem cunque in rebus poteris, tua in eum beneficia augebis.

IX. Deinde, si fortè rei nummariæ difficultate laborauerit, mea illi fide aderis.

X. Neq; enim propter itineris longinquitatem, & verò hominũ perfidiam, aut citò, aut tutò transmitti ad vos semper nummi possunt.

XI. Et in his ergo optimo nobilissimoq; adolescenti succurres: & persuasum planè habebis: huic quæ feceris non mihi solum, qui multis magnisq; de causis eundem amo: verum etiam familiæ nobilissimæ atq; laudatissimæ grata acceptaq; fore.

Hunc igitur ad modum Ciceroniana vestigia secuti, benè de nobis nostrisque meritis gratias agere poterimus. Iam verò quemadmodum honestas illud à nobis exigere videtur, vt iis, qui beneficiis nos multis magnisq; affecerunt, gratias, si non referamus, saltem agamus: ita quoque necesse nonnunquã habemus, vt qui

Ratio respon-
dendi ad a-
liorum gra-
tiarum actio-
nes.

*Sententia in
respondendo
adhibenda.*

*Conciliantes
& morate
sententia.*

*Tractatio
& collocatio
inuentarum
sententiarum.*

gratis animis nostra agnoscunt promerita, proque iis per literas gratias agunt, humaniter beneuoleq; respondeamus: & quæ illi amplificanti & exaggeranti, aut modestè verbis extenuemus: aut intermitteri non potuisse ostendamus: aut collaudato amici facto, plura ei maioraq; deferamus. Sūt enim, quod ad inuentionem attinet, sententiæ hīc adhibendæ: μειωτικαὶ extenuantes beneficium in amicū collatum: & ἰπαινετικαὶ laudantes atq; commendantes amici, cū alias virtutes, tum verò gratam animi beneuolentiam ac pietatem: & πορευτικαὶ officia atque studia, plura ac maiora promittentes. Neque verò extenuantes inuenire sententias difficile est iis, qui amplificationū locos paulò indicatos antè considerauerit: cū contrariorum eadem esse doctrina atque perceptio soleat. Illud in his videndū: ne nimis aut nostra beneficia extenuemus, aut collaudemus amicū: aut eidem deferamus officia, atq; studia: sed verecundè, parcè, moderatè hæc omnia faciamus. Collocatio autē ita instituitur, vt primum habeat locum ἑπαινος laus testificationis animi grati: & significatio lætitiæ atq; voluptatis inde perceptæ: lib. 2. epist. 18. lib. 5. epist. 11. lib.

11. lib. 10. epist. 19. Hanc sequitur propositio: *ποχέειν* officij ac studij noui, & voluntatis promptæ delationem continēs. lib. 2. epist. 18. lib. 5. epist. 11. Eandem excipiant: aut rationes, quibus adducti gratificari amicis velimus. lib. 5. epist. 11. Aut approbationes illorum, quæ ab iisdem dicta & facta. lib. 10. epist. 19. Aut consiliorum communicationes. lib. 2. epist. 18. Conclusiones absoluantur: *ποχέσεως ἀναγκινώσκει* promissionis renouatione. lib. 5. epist. 11. lib. 11. epist. 20. Vel *παρακλήσις* cohortatione. lib. 10. epist. 19. Huius generis apud Cicero- nem Familiaribus in epistolis non vsque adeò multa, sed egregia interim exempla reperiuntur. Respōsiones ad *ἐυχαιστικά* gra- *Materia re-*
 tiarum actionem pro præstitis, aut com- *sponsionum*
 mendato ab amicis officiis. lib. 2. epist. 18. *ad epistolas*
 Aut illis ipsis. lib. 5. epist. 11. lib. 10. epist. 19. *εὐχαιστικάς*
 Quam nos postremā imitati ei, qui pro- *gratias agen-*
 motus à nobis, gratias per literas egit, re- *tes.*
 spondebimus ita: vt iisdem retentis par-
 ribus: & quàm nobis iucunda animi gra-
 ti atque memoris extiterit significatio o-
 stendamus: &, ne de eadem dubitasse vi-
 deamur, comparatione facta, iucundam
 quidem illam semper, at illustriorē nun-
 quam fuisse contendamus: & quæ ab a-

mico, vel scripta, vel facta commendemus: & denique adhortatione fideli atque amica finem epistolæ imponamus. Sententiæ esse tales poterunt.

I. Etsi gratiarum à te actionem neq; expectabam, neq; desiderabam, cum esse te gratissimum iam antè cognitum perspectumq; haberem: tamen (dicam enim quod res est) perquam ea grata acceptaq; mihi extitit.

II. Inde enim amari me abs te, & minimè amari leuiter ac vulgariter intellexi.

III. Quid, inquires, amorem in te meum hactenus nunquamprehendisti?

IIII. Deprehendi semper: sed nullo vnquam, quàm hoc tempore illustrius.

V. Ex amoris enim abundantia illam esse profectam laudem, atque commendationem beneficij video, quod in te est à me nuperrimè collatum.

VI. Simul etiam dicendi artem, cui operam hactenus dedisti, egregiè tenere te intelligo, dum, quæ parua sunt & minutula beneficia, summis in cælum vsq; laudibus euehis.

VII. Atque vt vtrunque mihi longè est gratissimum: & quod amori hic in me tuo plusculum tribuis: & amplificatoriè magis, quàm verè scribis: ita operam daturus sum sedulo, vt & deinceps ad tua me procuranda prouehendaq; commoda promptum semper paratumq; fuisse sentias.

VIII. Literæ tuæ domū missæ, mirabiliter gratae acceptæq; nō mihi solum, tuisq; parentibus & amicis: verum etiam aliis viris doctis & prudentibus fuerunt, propter, & verborum elegantiam ac puritatem & sentētiarū pias, graues, eruditæ, quibus condita illæ fuerunt.

IX. Itaq; iam nihil reliquum esse videtur aliud, nisi in id sedulò incumbas: vt quam Deus Optimus Maximus parandæ gloriæ est & bonorum virorum colligendæ gratiæ facultatem tibi largitus, eam è manibus effluere tibi patiaris, sed complectaris constanterq; retineas.

X. Erit hoc parentibus tuis & familie toti gratum: mihi, quem huius tu fortunæ extitisse vis autorem, iucundum: tibi verò cum primis necessarium, cum alias ob causas, tum propter hominum maxime inuidiam atq; obreſtationes, quas pterunq; hoc experiri tempore ij solent, quos mitior paulò leniorq; afflare aura videtur.

De Epistolis Nuncupatoriis seu Dedicatoriis.

Nuncupatoriæ, seu, vt nunc loquuntur, Dedicatoriæ Epistolæ appellantur, quas *μεροπωννικας* Græci nominant, cum scilicet opus aliquod sub magni cuiusdam clarique viri nomine lucem hanc aspicere volumus: ideoque &

illud cōmendamus: & προσφωνήσεως compellationis causas reddimus: & ut grato hæc eadem animo accipiatur rogamus.

*Dedicatoria
epist. ad ge-
nus demonstra-
tium cur
referantur.*

Ad genus autem causæ Demonstratiuum eiuscemodi propterea referri posse epistolæ videtur: quia laudatione illæ atq; commendatione, tum operis ipsius, tum eius ad quem illud mittitur, cōstant. Qua quidem in re diligentia est & prudentia magna opus: ne aut labores nostros, veluti filiolas ex nobis natas, exosculemur atq; commendemus nimium: aut adulatoriæ eorum laudes persequamur, sub quorum nomine in hominum venire manus nostra scripta cupimus. Simul etiam illud considerandum: duo eiuscemodi dedicationum seu nuncupationum apud Ciceronem reperiri genera. Sunt enim quædam, quæ sine προσφωνήσεως dedicatione, scriptorum ἀφ' ἑνὸς expositionem atq; missionem continent, & quasi, non veræ dedicatoriæ appellari epistolæ possunt. Sūt deinde aliæ, quæ certæ cuiusdam personæ προσφωνήσεως compellationem aliq; continent, quæ in nuncupationibus atq; dedicationibus adhibenda sunt. De utroq; genere seorsim agemus: & quidem ad missionem operum quod attinet, sententias illæ

*Dedicatio-
num duo a-
pud Cicero-
nem genera.*

illæ habent: vel αἰπολογικὰς, quibus susce-
 pti laboris causæ indicantur: & aut ab a-
 micorum voluntate & petitionibus cre-
 bris: aut ocio concessio: aut temporum
 conditione Reipublicæ statu: aut mate-
 riæ vtilitate petuntur: vel πορρητικὰς, ad le-
 ctionem hortantes assiduam: vel ἀπολογη-
 τικὰς ἢ πορρητικὰς, excusationes continen-
 tes difficultatis, obscuritatis, tarditatis, li-
 bertatis aut acerbitatis in scribēdo, sum-
 ptas à rei indignitate: aut personæ impro-
 bitate: aut aliorum exemplis: vel deniq;
 διατυπωτικὰς, quibus ordo atq; methodus
 significatur. Ad tractationem verò atque
 collocationem quod attinet, etsi eius in-
 dicari certa via atq; ratio commodè ne-
 queat, propterea quod non solitariæ eius-
 cemodi missiones, sed cum aliis plerunq;
 materiis coniunctæ in epistolis reperian-
 tur: tamen ita ferè institui ea solet: vt pri-
 mum teneat locum, ἐκθεσις αἰτίων causarum
 expositio, missi ad amicum operis. lib. 7.
 Epist. 19. lib. 9. Epist. 8. 12. lib. 12. Epist. 19.
 lib. 15. Epist. 20. Sequatur deinde: vel ἐνδει-
 ξίς significatio methodi. lib. 7. Epist. 19. lib.
 9. Epist. 8. vel occupatio, quæ excusationē
 habeat aut difficultatis & obscuritatis li-
 bro 7. Epist. 19. lib. 9. Epist. 8. aut παρρησίας li

*Sententiæ in
 mittēdis scri-
 ptis & ope-
 ribus à Cic.
 usurpata.*

*Tractatio
 & collocatio
 sententiariū.*

bertatis & acerbitalis lib.12. Epist. 16. aut tarditalis. lib.9. Epist.12. Tum subiungatur *ἀπογοπή* adhortatio ad operis lectionē. lib.7. Epist. 19. lib. 12. Epist. 17. vel similia studia colenda tractanda, absoluēda. lib. 9. Epist. 8. aut *ἐπαγγελίαις* pollicitatio aliorū operum, sed brevis ac verecūda. ibidem. Nam & hīc *ἡθὺς* seruandum: studendum modestiæ: adhibendæ *ἐλαττώσεις* extenuationes: ne nostra amare: aut arroganter nimis multa polliceri videamur. Sunt autem eiusmodi operum missiones Ciceronis in Epistolis familiaribus variæ. lib. Rhet. lib.6. Epist.19. lib.12. Epist. 17. lib. 15. Epist.20. Topicorum lib.7. Epist.19. Academicarum quæst. lib. 9. Epist. 8. Orationis Deiotaranę lib.9. Epist.12. libelli editi cōtra Cæsarem lib.12. Epist.16. Sunt & in Epistolis ad Atticū huius generis aliquot, & quidē egregiæ Epistolæ: vt lib.1. Epist. 16. in qua consulatus sui commentarios Attico Cicero mittit lib.2. Epist. 1. vbi de orationibus consularibus ac Philippicis agit lib.4. Epist. 15. in qua de libris oratoriis, & maximè procœmiis, & interlocutoribus scribit lib.13. Epist. 13. in qua libros suos Academicos Attico commendat: & 21. eiusdem in qua lib. de finibus fit men-

Materia missionum operum varia in epistolis Ciceronis familiaribus.

tio lib. 15. Epist. 13. in qua cur de officiis libros filio inscripserit, ostēdit lib. 16. Epist. 6. in qua libri de gloria meminit: & 11. eiusdem in qua inscriptionis officiorum causas reddit. Nos exercitij gratia 8. lib. 9. famil. imitari conabimur, in quales lib. 9. *Imitationis exemplum.* suos Academicos Varroni Cicero mittit, eundemq; monet, ut de Latina lingua inchoatos libros absolueret & ad se mittere velit. Partes sunt quatuor: quarum prima causarum expositionem cōtinet, cur Academicos ad Varronem libros mittat. Altera methodi institutæ, & personarum, quibus sermo in dialogo tribuitur, rationes complectitur. Tertia *μετρησι* partim cohortatione ad excolenda studia, & vel similia vel alia tractanda: partim pollicitatione aliorum scriptorum constat. Postrema *ἐὺ χαῖ* voto absoluitur: ut benè feliciterq; emptio & migratio eueniat. Hæc ergo secuti partes orationes à nobis confectas amico mittemus, eundemq; ut pari par referat hortabimur hoc modo.

I. Etsi munus postulare, quamuis quis promiserit, hominis parum prudentis atq; verecundi esse videatur, tamē scriptorū tuorū desiderio moueor, amicos tibi hosce ut mittā, qui te non flagitent: sed mo-
neant ac rogent, ut promissis te exoluas atq; liberes.

I I. Expectaui sanè iam diu aliquid, & quidem Sophocleum teq; omnino dignum: neq; ante ad te mittere aliquid volui: quàm à te aliquid accepissem: vt scilicet ἀντίδωρον à me aliquod haberes.

III. Quia verò illud tardius, hoc est, vt ego interpretor, diligentius facis: & priusquam in hominum venire manus tua sinas: incudi sæpe reddis atque expolis: initium facere, atq; illud: manum de tabula, in memoriam tibi reuocare volui.

IV. Scripsi igitur aliquot orationes contrarias, inq; iis quæ pleriq; laudant omnes improbaui.

V. Arbitror fore, vt, eas vbi legeris, institutum hoc meum mirere.

VI. Sed nosti morem ac consuetudinem scholarum rhetoricarum, in quibus exercitationis gratia pro falsis & iniustis aliquando dicere minimè inutile iudicatur.

VII. Neq; Carneadem, nisi ab vnico reprehensum Catone existimo: cum iisdem viribus iustitiam, & oppugnauit, & defendit.

VIII. Posthac autem plura à me accipies: modò per temporis iniquitatem aut imbecillitatem ingenij, facere id mihi licuerit.

IX. Tu operam interim dabis: par pari vt referas, inq; debitum (quod aiunt,) promissum cadere omne statues.

X. Profectionem valetudinis causa susceptam feliciter euenire tibi cupio, tuumq; ea in re institutum laudo ac probo.

Atq;

Atq; hæc de primo nuncupationum & dedicationū sint genere dicta. Reliquum est, de altero ut agatur: quod & certæ cuiusdam personæ *προσφωνήσις* compellationem, & alia continet, quæ in eiusmodi dedicationibus obseruanda sunt. Suppe-
 ditant verò generis huius exempla egregia *προθέσεις* principia atque vestibula librorum ad amicos à Cicerone missorum: quæ sunt aut *αἰτιολογικά*, & causas continent, vel *προσφωνήσεως* dedicationis atque compellationis eorum, sub quorum nomine in lucem scripta prodeunt. 1. de oratore. 3. de finibus. 1. offic. de senectute, in paradoxis: vel suscepti in manus operis easque petitas: à voluntate & petitione eius cui illud inscribimus. libro 1. ad Herennium primo de oratore: in oratore perfecto: Topicis: à materia & argumenti vtilitate. libro 1. ad Heren. 1. de inuentione. 1. de oratore: in oratore perfecto: in topicis. 3. & 5. Tuscul. 1. de natura. 1. de diuinatione. ab eiusdem difficultate. 1. de oratore: in oratore perfecto. 1. de natura: de fato: à persona auctoris. 1. Acad. quæst. 1. 2. 5. Tusculan. de diuinatione. 3. officiorum. Ab exemplis aliorum. secundo de inuentione. 1. Acad. quæst. 4. Tusc. 1.

De altero genere dedicationum.

Sententiæ quæ in librorum principia apud Cicero- nem reperiuntur.

2. Genus ἀπολογητικόν καὶ ἀνασκευαστικόν. de Diuinatione. Aut ἀπολογητικὰ καὶ ἀνασκευαστικὰ, defensionem habet, & refutationem eorum, quæ obiici atque reprehendi posse videntur. libro 4. ad Herennium: libro 2. Academic. quæstion. libro 1. & 4. de Finibus: libro 1. de Natura deorum: libro 2. Officiorum. Aut μεταπρατικὰ, quæ constant tractatorum ἀναγκανώσει renouatione, & καταστάσει propositione eorum quæ tractanda restant. libro 3. ad Herennium: libro 1. & 2. de Inuentione: libro 1. de Oratore: libro 2. de Diuinatione: libro 2. Officiorum. Aut διατυπωτικὰ, futuræ tractationis rationem & methodum indicantia. libro 1. de Oratore: libro 2. & 3. de Finibus: libro 1. & 2. de Natura deorum: de Fato: libro 1. Officiorum: de Senectute: de Amicitia. Aut περὶ σαπτικὰ, personarum, loci, temporis, aliarumq; circumstantiarum notatione facta: libro 1. & 2. Academicarum quæstionum: libro 5. de Finibus: libro 1. de Natura deorum: de Fato: in Somnio Scipionis: libro 1. & 2. de Legibus: de Amicitia. Aut προτρεπτικὰ, ad lectionem assiduam incitantia: libro 1. & 3. ad Herennium: libro 1. & 3. Officiorum. Sed & ἠθικὰ, moratæ atque conciliantes sententia in declarationibus obseruandæ. liantes in his ipsis sunt sententiæ considerandæ, operaque danda: ne aut

ξίας avaritiæ: aut κολακείας: adulationis: aut φιλοπίας amoris nimij aliqua in dedicationibus suspicio oriatur. Fit autē illud si in περισφώνησει, præter eius, qui appellatur, virtutes, merita, postulata nobis propositum nihil fuisse aliud ostendatur. Addatur deinde: in os laudare amicum nos nolle: quod ita animatum eum esse sciamus: ut, quod ille ait, esse, quàm videri vir bonus malit. Tum vitandæ arrogantiae & φιλαυτίας gratia ἐλαττώσεις καὶ ὑποκορισμοί immissiones adhibeantur: labor concedatur & studium, & voluntas bene de aliis merendi: sed interim facultas negetur: vsurpetur id quod de Deiotarana Cicero scribit, causam esse, vel materiam tenuem, inopem, nec scriptione magnopere dignam: munusculum leuidentse, &c. promittatur, nos, si quid temerè prætermisum, aut non satis eleganter expressum fuerit, ab aliis melius edoctos, libenter sententiam nostram commutatuos: proferatur & illud, quod in perfecto oratore Cicero vsurpat: aggressos nos esse aliquid, non tam perficiundi spe: quàm experiundi voluntate: malle nos cum studio obsequamur amicorum, desiderari à nobis prudentiam nostram, quàm si id

non fecerimus, beneuolentiam.

παθητικῇ
μουεντες
sententia.

Ad morum verò quod attinet, in illud incumbendum est vt in nuncupationibus, exciterur primum χαρῆ, gaudium, letitia, & ἡδονὴ voluptas, oblato munere amicus delectetur. Deinde ἐλπίς spes ac confidentia: vt idem opus illud vtile: προσφώνησιν verò compellationem honorificam sibi fore confidat. Postremo φιλία amor, vt cum eiusdem causas intelligat impellentes: à nobis quoq; laudari sese cognoscat, amore nos ac beneuolentia complectatur.

Imitationis
exemplum.

Nos exercitationis gratia προσφώνησιν appellationem Herennij, quæ primo est libro Rhetoric. imitari conabimur. Etsi enim breuis sit illa: tamen elegans atque erudita imitationeque digna est. Partibus illa tribus absoluitur: quarum prima αἰτιολογικὴ est, in qua causas author, tum κωλυτικὰς scriptionem impediētes, tum προσεπικινδύνας ad eandem impellentes, indicat: Altera σύγκρισιν commendationem operis continet, comparatione Græcorum, sed modestè institutam. Postremo παρατρυστικὴ adhortatione, ad ἀσκησιν exercitationem diligentem constat. Has ergo secuti partes morum atque vitæ præcepta amico inscribemus, hoc modo.

I. Etsi

I. Etsi publicis negotiis districtus vix satis otij ad meas curandas res habeam: & idipsum, quod conceditur otij, in oratoriis consumere studiis malim: tui tamen parentis, viri clarissimi, & de me req; publica tota optimè meriti voluntas me impulit: vt de morum vitæq; doctrina quædam conscriberem: ne aut declinasse laborem: aut parenti gratificari tuo: tiini commodare noluisse viderer.

II. Id quoq; eò feci, & libentius, & studiosius: quod non sine causa parentem tuum, hæc quoq; te cognoscere velle intelligebam.

III. Neque enim parum vtilitatis hæc adferre doctrina solet: Cum & de hominis hac in vita felicitate agat: & quonam pacto animi sint cohibendæ perturbationes ostendat: & virtutum atq; vitiorum vim ac naturam explicet: & deniq; constanter honesteq; viuendi rationem præscribat.

IIII. Itaq; sit aliarum artium cognitio vtilis: sit iucunda & suavis: sit laudabilis atq; honorifica: huius profectò ita est necessaria: vt carere ea nemo possit: modò moderatio in illa aliqua adhibeatur.

V. Quamobrem ea, quæ à nostris temporibus non sunt accommodata: aut allata à philosophis disputandi gratia, reliqui: persecutus autem sum illa, quæ honestè, & secundum virtutem viuendi rationi sunt apta atq; idonea.

VI. Non enim, aut lucelli alicuius spe illectus, aut gloriolæ adductus cupiditate ad scribendum ac-

ceſſi: ſed induſtria quantulumcunq; mea, & parentis tui morem voluntati gerere: & tua promouere ſtudia volui.

VII. Boni ergo labores hoſce meos conſules: ſimul etiam illud cogitabis: cum in virtutis non cognitione, ſed actione laus ſit omnis poſita, quæ hîc traduntur, non animo modò excipienda & cognoscenda, verum etiam vita atq; moribus exprimenda eſſe.

*De ratione
reſpondendi
aliorum de-
dicat.*

*Sententiæ in
reſponſigni-
bus dedicat.
obſeruandæ.*

Ad hunc igitur modum nuncupationes atq; dedicationes inſtitui poterunt. Quod ſi verò ad illas reſpòdere alicui placuerit: ſententiæ primum adferendæ erunt ἐπαινεῖν αὐτὸν laudantes & commendantes opus inſtitutum: ab argumenti dignitate, vtilitate, neceſſitate: methodi facilitate ac perſpicuitate: orationis genere puro, latinoq; elegâti. Deinde εὐχαρις αὐτῷ gratiarum actionem continentes. Gratias enim agemus amico, quod ſua nobis aut mittere, aut inſcribere opera voluerit: & oftendemus pertinere hoc plurimum ad noſtrum honorem: reſtatum etiam facere amorem ſingularem, quo ille nos complectatur: grati quoq; animi memoriam perpetuam pollicebimur. Poſtremò ἀξιομαρτυρεῖν αὐτῷ petitoria. Rogabimus enim amicum: vt & huius generis alia in lucem deinceps

deinceps emittere, atque ita cū bonorum adolescentum studiis, tū suæ famę atque existimationi consulere velit. *Collocatio* *sententiarū.* *Tratatio* verò & collocatio harum sententiarum ita est instit uenda: vt primum habeat locum ἀφύψις narratio, qua exponamus: accepisse nos & legisse ea, quæ ad nos amicus miserit. Hanc deinde sequatur propositio ἐγκωμιαστικὴ καὶ ἐπαινετικὴ laudatoria. Eandem tertio excipiat confirmatio, quæ institutæ laudationis rationes contineat. Postrema pars conclusio gratiarum actione & petitione absoluitur. Hanc ergo methodum secuti, epistolæ respondebimus paulò ante in primo dedicationum genere exercitij causa propositæ, hoc modo.

Imitationis
in respondē-
do exēplum.

I. Accepi literas tuas, vñdā cum orationibus ad me missas, quarum ego lectione mirificè sum delectatus, tuamq; illam admirabilem, cū ingenij vim, tum dicendi copiam in iis deprehendi.

II. Quid quæris? eruditæ, artificiosæ, verè Ciceronianæ sunt.

III. Neque enim in iis verborum tantum, aut ornamentorum Ciceronianorum est imitatio: sed & sententiarum, & structuræ, & aliorum est expressio, quæ à prudenti literatoq; obseruari imitatore & solent & debent.

IIII. Itaque, ut maximè eas laudo proboq; : ita quod mittere mihi volueris tibi gratias, quas possum ago maximas: relaturus cum primum aliqua sese obtulerit occasio.

V. Quod enim mirari me arbitraris, cur in contrariis te orationibus exerceas, liberare omnino te sollicitudine volo.

VI. Nota mihi veterum hac in re est consuetudo: quid Aristoteles, Cicero, Quintilianus, aliiq; dicendi magistri hoc de exercitationis genere scribant, scio: perspecta eiusdem insignis mihi utilitas est.

VII. A me autem quod exigis: pari par ut referam: plus amoris in me tuo, quàm vero iudicio tribuis.

VIII. Veruntamen, quia omnino à me hoc postulas, tentabo sanè aliquid: Sed ἔρως αὐτὸς καὶ λυγρὸς: & Diomedis atq; Glauci permutatio erit.

IX. Veruntamen hunc ipsum, ut spero, æqui boniq; conatum consules: simul etiam pluribus in lucem scriptis tuis emittendis: & benè de bonorū adolescentum studijs mereri: & surgenti tuæ consulere gloriæ conaberis.

De Laudatorijs Epistolis.

Utilitas laudatoriarum epistolarum.

Laudatoriæ epistolæ, à Græcis ἐπαινετικαὶ appellatæ, sunt quæ, vel personarum, vel factorum, vel rerum laudem, atq; commendationem continent: & utiliter, sæpè

sæpè etiam necessariò adhibentur. Nam & ad virtutes atque actiones præclaras illæ alios inflammant, cum, ut quisque erecto est excelsoque præditus ingenio, ita laude maximè ducitur: & sunt hæ veluti præmia, quæ virtuti debentur: & ad hominum colligendam gratiam atque benevolentiam plurimùm conducunt: & in adhortationibus plurimùm possunt, cum qui apertè moneri nolunt, obliquè & laude quadam ad excolendas virtutes sunt extimulandi: & necessariò interdum in persona, vel nostra, vel amici, tū commendanda, tum excusanda requiruntur: & sæpe à parētibus, præceptoribus, amicis flagitantur ab iis, qui peregrinantur: & hominum observare mores: Rerum publ. leges atque instituta notare: non ædificia solum, aut situm videre locorum, deq; iis domum ad suos perscribere debent. Sumuntur autè sententiæ in laudatoriis epistolis vel à causis, hoc est, virtutibus, quæ & per se sunt laudabiles, & laudabiles atque gratiosos reddunt eos, in quibus deprehenduntur: vel effectis, actionibus scilicet, cum honestate, vtilitate, iucunditate coniunctis: vel adiunctis, & circumstantiis personarum, temporis, loci, modi: vel

Sententiæ laudationum præbantes.

*παρρησια
mouētes sen-
tentia.*

*ἡδονὴν mora-
ta & concili-
antes sen-
tentia.*

*Collocatio
sententiarū
in epistolis
laudatoriis.*

comparatis, & exemplis nostris, aut aliorum: vel testimoniis, iudicio, sermone, & approbatione omnium, aut saltem bonorum virorum. Ad *παρρη* verò animorū motus quod attinet, quoniam laudationis finis præcipuus voluptas est & delectatio: motus quoque hīc adhibendi erunt, non vehementes, sed lenes, & voluptati atque delectationi accommodati; cuiusmodi sunt *χαρὰ* gaudium, & lætitia: *ἡδονή* voluptas: *χάρις* gratia, honorifica beneuolentia: *ζήλος* æmulatio, & *ἐλπίς* spes: vt amplissimis præmiis propositis strenuè atq; constanter amicus pergat. Sed neque moratæ hīc sunt atque conciliantes sententiæ negligendæ: verū opera primū danda, vt viri esse boni videamur, & quæ in aliis laudamus, in nobis quoque esse ostendamus. Deinde laudationis sunt causæ falsæ parumq; honestæ remouendæ: cuiusmodi sunt: adulatio, gratiæ captatio, spes lucri & commodi. Tum & amplificatio-nes vitandæ nimix atque hyperbolicæ: ac veritati, modestiæ, grauitati studendū. Sunt autem, quo ad sententiarum harum tractationem atque collocationem, tres potissimū laudatoriæ epistolarum partes: quarum prima Exordium constat:
vel

vel ἀφ' ἧς narratione, quæ scriptionis ac
 laudationis institutæ ἀφορμὴν occasionem *Exordia lau-*
 continet. lib. 9. epist. 6. lib. 12. epist. 16. Vel *dationum.*
 ἀποδοχὴν laude & approbatione facti alicu-
 ius. lib. 7. epist. 28. lib. 9. epist. 14. lib. 10. epi-
 10. & 14. Vel συγχαίσις καὶ δ' χαίσις gratula-
 tione simul & gratiarum actione. lib. 16.
 epist. 16. Pars altera Confirmatio est, quæ *Confirmatio*
 laudationū rationes complectitur, sum- *nes laudatio-*
 ptas: aut à Causis, virtutibus scilicet. lib. *num.*
 12. epist. 16. Aut Effectis, actionibus cū ho-
 nestate coniunctis. lib. 9. epist. 14. utilita-
 re. lib. 9. epist. 6. 14. lib. 10. epist. 10. 14. volu-
 ptate. lib. 19. epist. 6. Aut adiunctis & cir-
 cumstantiis causarum. lib. 7. epist. 28. lib. 9.
 epist. 14. Personarum. lib. 16. epist. 16. Lo-
 ci. lib. 7. epist. 28. Modi. lib. 10. epist. 14. Aut
 Comparatis & exemplis. lib. 7. epistol. 28.
 Aut testimonio & iudicio bonorum viro-
 rum. lib. 9. epist. 14. Pars tertia & postre- *Conclusio-*
 ma Conclusio absoluitur: vel gratulatio- *nes laudatio-*
 ne. lib. 12. epist. 16. Vel ἐπαινήσει, καὶ ἀναγγελώ- *num.*
 σαι repetitione ac renouatione laudatio-
 nis & comprobationis. lib. 7. epist. 28. Vel
 παρατρῆν adhortatione, vt pergat amicus, &
 quam collectam habet laudem, retineat,
 atq; amplificet. lib. 9. epist. 14. lib. 10. epist.
 10. 14. Vel δ' χαίσις gratiarum actione. lib.

16. epist. 16. Vel *ὑποχρησίων* delatione studij atque officij. lib. 10. epist. 10. Vel præcisione *ὑποστροφῶν* & excusatione prolixitatis in scribendo. lib. 9. epist. 6. 14. Sunt autem res & materiae, quæ in laudatoriis reperiuntur epistolis variæ. Laudationes liberorum. lib. 12. epist. 16. Libertorum. lib. 3. ep. 1. Instituti & consilij. lib. 7. epist. 28. lib. 9. epist. 6. Voluntatis præclaræ ac studij iuvandæ & defendendæ Reipublicæ. lib. 10. epist. 10. Rei præclare fortiterque contra hostes gestæ. lib. 10. epist. 14. Animadversionis ac pænæ. lib. 9. epist. 14. Manumissionis. lib. 16. epist. 16. Plures etiam cum aliis mixtæ materiis, nimirum commendationibus, gratulationibus, gratiarum actionibus, adhortationibus inveniuntur. Qui enim commendare & promovere alios cupiunt, eosdem laudare necesse habent: & gratulationes atque gratiarum actiones, non nisi ob res laude dignas instituuntur: laudationibus denique, vti paulò antè ostendimus, ad virtutes capeffendas, & liberalia erectaq; ingenia excitantur, & mouentur, quæ directè atque apertè moneri sese grauiter molesteq; ferunt. Nos exercitij gratia 14. libri 10. imitabimur, in qua Planci contra hostes præclare felici-

Materiae laudationis variae.

Imitatio laudat. epistola.

feliciterque res gestas Cicero laudat. Par-
res illius tres sunt. Principium *ὑποδοχὴ* ap-
probatione & laudatione constans facti
Planci: Confirmatio laudationis rationes
continēs: à modo agendi: & effectis præ-
claris desumptas. Conclusio *ἐπεὶ* ad-
hortatione facta, eademque, argumen-
to sumpto à commodis, cū publicis,
tum priuatis, munita. Sententiæ esse ta-
les poterunt.

I. O lætum nuncium, & cui meritò *δωρεῖται*
debentur: de singulari tuo in communem patriam,
Germaniam, amore ac studio: de celeritate incredi-
li conscribendi exercitum, pressisq; succurrendi: de
virtute militum egregia: de victoria nobili atque
præclara reportata.

II. Cæsi enim hostili in exercitu militum pluri-
mi: duces ex prælio fugisse: desiderari ex nostris pau-
cissimi dicuntur.

III. Itaque & summis in cælum vsq; te exerci-
tumq; tuū laudibus euehunt omnes, & faustis omi-
nibus prosequuntur.

IIII. Sed interim eam in curam omni tibi incum-
bendum esse studio cogitabis: vt quæ inchoata sunt
feliciter, ad finem vsque perducantur, & depulsis
iam primis, etiam extrema deleantur: atq; ita sacri-
legijs templa: oppida direptionibus: vastationibus
agri: cæde corpora: tecta incendijs: rapinis fortunæ
liberentur.

V. Equidem tuas nunc literas expecto quotidie, idq; cum multis alijs, quibus communis patriæ salus cordi est.

VI. Spero etiam plures, periculi imminentis magnitudine motos, tecum contra communes hostes arma sumpturos.

VII. Da igitur operam, enitere, perfice deniq;, ut finis bello imponatur, neque illis scintillule vllæ relinquantur, quæ non benè restinctæ, nouum aliquod & æquè perniciosum, aut etiam perniciosius incendium suscitent.

VIII. Quod si, uti ego confido, mecum plurimi alij sperant viri boni, feceris: & praeclare de nostra Republ. atq; adeò Germania tota mereberis, & nomen tuum ab obliuione atq; interitu vindicatum magna cum laude atq; gloria ad posteritatem usq; transmittes.

τῶν ἐπιδεικνύ-
μενων
laudabilium
genera.

Atque hæc apud Ciceronem familiaribus in Epistolis laudationum exempla reperiuntur. Verum ut eloquentiæ studiosis hoc in genere literarum exercere sese volentibus consulamus: seorsim, sed nudè atq; breuiter aliquot laudationum exempla proponemus. Et quia, quæ laudantur, potissimum sunt aut res tum *von τῷ*, animo atque mente comprehensæ, tum *αἰδῶν τῷ* subiectæ sensibus: aut personæ: aut rationis expertia animalia: aut *περὶ* actiones: aut *ἡγεῖαι καὶ νόμοι* dicta & sententiae

tentiæ præclaræ: à rerum initium com-
 mendatione faciemus: & quidem *αιδντορ: ταν εις εντ*
 cuiusmodi sunt, vrbes, arces, domus, hor- *rerum sensi-*
 ti, villæ, regiones: propterea quòd horum *bus subiecta*
 præ cæteris, magnus in scribendo vsus ef- *rum lauda-*
 fe solet. Commendaturus ergo per literas *tiones.*
 urbem, aut regionem aliquam, argumen- *Urbis aut re-*
 ta sumet ex causis, quæ eius conditorem, *gionis alicu-*
 inhabitatores quoque primos atque an- *ius laus &*
 tiquissimos ostendunt. Deinde ex nota- *commenda-*
 tione appellationes, partim veteres, par- *tio.*
 tim recentes petet. Tum ex adiunctis cõ-
 sideratis diligẽter singulis attributis, seu
 circumstantiis, cuiusmodi soli sit quali-
 tas, quis situs, quæ flumina vicina, quæ
 Reipubl. forma, quæ in Ecclesia religio,
 quæ in scholis artium cultura, quæ in Se-
 natu leges atq; instituta, quæ inter ciues
 vitæ atque morum conditio, planum fa-
 ciet. Postremò ex effectibus res gestas &
 præclara facinora commemorabit: profe-
 ret viros insignes, qui in ea floruerint, aut
 adhuc floreant: commemorabit illa quæ
 importari & exportari solent. Magnum
 etiam hîc pondus comparationes habet:
 si scilicet cum alia aliqua vrbe, aut regio-
 ne clara, nobili, illustri ea conferatur: &
 similitudo aut dissimilitudo common-

stretur. Ad tractationem deinde quod at-
tinet, institui illa ita poterit: vt Exordium
sit αἰπολογικόν, scriptionis institutæ cau-
sas contineat, vel à nostra pollicitatione
vel petitione amici, eiusdemque cura at-
que sollicitudine desumptas. Sequatur il-
lud πρῶτος propositio ἐπαινετικὴ καὶ συγπι-
κὴ, laude & commendatione facta. Hanc
excipiant tertio rationes & argumēta ex
adiunctis, causis, effectibus petita. Con-
clusio absoluatür ἐπαναλήψει repetitione ac
renouatione causarum institutę scriptio-
nis & ἀξιώσει petitione, vt hæc paucula
quæ à nobis sunt scripta æqui boniq; con-
sulere amicus dignetur. Nos exercitij gra-
tia breuem atque nudam Argentinæ lau-
dationem instituemus: in qua sententiæ
esse tales poterunt.

*Argentinæ
laus & com-
mendatio.*

I. Cum primum scribendi ad te mihi data fuit oc-
casio: & tuæ sollicitudinis, & meæ pollicitationis
memor, negligere eam nolui.

II. Veni autem Argentinam, aliquot ante hebdo-
madas, itinere non vsq; adeo commodo, cū pro-
pter pluuias continuas, tum latronum metum: addo
etiam diuersoria, in quibus si à morositate quis atq;
auaritia recesserit, quæ commendet, pauca reperit.

III. Sed omnem mihi molestiam vrbs ipsius a-
spectus absterfit: quæ in Alsatia loco plano sita om-
nibus

hibus ijs à rebus præclarè instructa paratâque videtur, quibus benè constitutæ florentisque alicuius Reipublicæ estimari felicitas solet.

IIII. Ad eius originē atq; primordia, q; attinet vnâ cū Treueri, aut nō multò post ædificari illam cœptam fuisse audio, quā quidem vetustissimā Germaniæ ciuitatem Historici esse volunt: indicat elogium circa annū Domini M. CC. in marmore repertum:

Ante Romā Treueris stetit annis mille trecētis.

V. Nomen verò illi Argentinæ Iulij & Augusti Caesarum tempore impositum creditur, ab argento scilicet, quod ad belli vsus necessarios, & stipendiorum solutionem hoc asseruatum in loco fuit.

VI. Quod tamen mutatum fuisse postea legitur, cū Hunnorū tyrannus Attila hāc cū alijs Rhenum tangentibus, vrbem destruxit, & peruiam reddidit: vt Strasburgū post, quasi viæ appellata arx fuerit.

VII. Licet sint, qui ab Othone primo Imperatore, auxilium Gallorum Regi Ludouico ferente, vrbemq; occupante, hoc illi inditum fuisse nomen contendunt, cū antè Silberthal nominaretur.

VIII. Solum circa vrbem bonum cumprimis ac fertile est, tantâq; fruges & fructus vbertate atq; copia profert: vt etiam sine ciuium aliquo detrimento ad alios exportari: & meritò vrbs hæc vicinorum cella penaria atq; horreum appellari queat.

IX. Flumina habet Rhenū, Kintzingam, Ellum, Bruscam, quæ pisces, ligna, vinū aliâq; necessaria suppeditant.

X. Nihil ego hîc de edificijs scribo priuatis, in quibus parsimoniam & frugalitatē, non tamen munitiē atq; elegantia carentē ciues adhibent: mitto armamentarium, omni armorū genere refertissimū: silentio muros, fossas, vallum, alia prætereo, quibus ita vrbs hæc est munita, vt non malè Germaniæ hac in parte propugnaculum & quasi clauis nominari posse videatur.

XI. Vel templum illud magnificum: inq; eo horologium arte mira paucos ante annos confectum: & turris, caput inter nubila condens: annularijs scalis, vndiq; visui peruijs, Deum immortalem, quàm hominum in sese oculos conuertunt?

XII. Verū hæc cuius, etiam imperito, obuia dices. Itaq; ne urbem modò vidisse: verū Homericum secutus præceptum, & vòop inspexisse videar, ad alia accedam.

XIII. Vestigalem hanc primò alijs, pòst verò propter singularem fidem atq; fortitudinem libertate & αὐτονομία donatam fuisse audio: qua & nunc summa illa cum laude vtitur: dum ad publica capefenda munera gerendosq; magistratus eos deligit, qui pietate, virtute, prudentia, experientia antecellere alijs videntur: & legibus atq; statutis munita est longè pulcherrimis: & ordine cuncta optimo instituit atq; peragit.

XIIII. Vt multis in rebus, cū ab aliarū laudatissimarum Rerumpubl. tum verò Atheniensis atq; Romanæ

manæ quàm proximè abesse exemplo videatur.

XV. Quæ ego persequerer copiosius, nisi metuerem, ne in volumen epistola excurrat: & ad alia, non minus æξιοῦμαι ποῦδ' τε properarem.

XVI. Est, quod summū Reipub. beneficium atq; ornamentum numinis diuini hac in vrbe cultus verus Dei; verbo conueniens, ab erroribus atque superstitutionibus omnibus repurgatus.

XVII. Est Academia, in qua, præter curias decem, in quibus cum pietate, linguæ atq; artes logicæ traduntur, Oratores, Poetæ, Historici explicantur, styli habentur exercitationes assidue: sæpe Græcæ & Latine aguntur Comædiæ ac Tragædiæ, etiam publicæ sunt Scholæ Theologiæ, Iurisprudentiæ, Medicinæ, Philosophiæ, artium atq; linguarū professores: q; nō solum exipsis fontibus, perspicua faciliq; methodo res tradunt pulcherrimas & vtilissimas: verum etiam quo illæ pacto ad vsum sint transferendæ commonstrant: disputationes atq; declamationes crebras instituunt.

XVIII. Est prona Magistratus misericordia atque benignitas: qua tenuioris conditionis ciues sustentantur: fouetur peregrini, ægroti curantur: omnium, quoad fieri potest, egestati, inopiæ, miserijs succurritur.

XIX. Est Xenodochium & hospitium publicū in quo peregrini pauperes excipiuntur: est Orphanotrophium, in quo infantes expositi educantur: est

Nosocomium, in quo vndiq; confluētes egroti: sunt ad D. Vuilhelmum & Marcum collegia, in quibus egeni studiosi aluntur: sunt loca multa alia, in quibus diligens vereq; paterna miserorū cura geritur.

XX. Utinam verò tam esses ab occupationibus liber ac solutus, vt excurrere ad nos, & hæc omnia multoq; plura, quæ breuitatis nunc causa latere patior, coram intueri posses: non te, crede mihi, timoris suscepti peniteret.

XXI. Sed ad priuata iam venio.

XXII. Hospitium nactus sum satis ad studia cōmodum: humanitatem atq; beneuolentiam ciuium singularem experior: largē omnia mihi pollicentur ij, quibus commendatus à te fui.

XXIII. Præceptorum fide ac diligentia eximia erudior: studia ita instituo, vt nullum effluere diem patiar, in quo non præter lectiones, quas (quod citra arrogātiā scripserim) assiduò constanterq; audio, aut legam aliquid, aut scribam, aut commentor.

XXIIII. Reliqua etiam ad voluntatem fluunt omnia: vt gratias tibi agam, qui me domi ad focum delitescentem aliquando extruseris.

XXV. Ad te autē scribere hæc nunc volui, tū vt solitudine ea, qua mei te causa vrgeri noui, te liberarem: tum vt voluntati tuæ satisfacerem: qui discedenti mihi hæc inter alia seriò iniunxisti: vt & de profectioe & vitæ studiorūque ratione mea tota primo te tempore certiolem facerem.

XVI.

XXVI. Præceptores & patronos meos omnes,
si modò quid iubere possum, saluere iubeo.

Ad *von τὰ* verò animo menteq; comprehensa, quod attinet: laudaturus per literas artes, virtutes, magistratum, & id genus alia: argumenta ex causis, effectis, adiunctis, contrariis promer, & laude atque celebratione digna ea esse ostender: quia honesta: quia vtilia ac eiusmodi, vt care illis, aut nò omnino, aut ægrè admodum genus humanum possit: quia magna cum voluptate atque delectatione coniuncta: quia mediocri adhibito studio comparari queant: aut si difficilia, vel hoc maxime nomine & laudanda, & excolenda, quod, Græcorum habet prouerbium, *δυσκολὰ τὰ καλὰ*, quæ pulchra & difficilia esse soleant. Tractatio ita instituitur: vt Exordium scribendi occasiones atq; causas contineat: propositio *ἐπιδείξειν* laudationem habeat: confirmatio eiusdem rationes & argumenta complectatur: conclusio breui præcipuorum repetitione, atq; *παρακλήσει* adhortatione absoluator. Nos exercitij gratia coniugij in manus laudationem sumemus.

I. Audio ita studijs te incubere muneriq; imposito vacare, vt de contrahendo matrimonio curam atq; cogitationem nullam suscipias: imò odio quoq; eos

prosequaris, qui de ducenda vxore nonnunquam te compellunt.

II. Quod mirari profectò satis nequeo.

III. Illa fortè tibi placet: ἀλλ' οὐκ ἔστιν ἡ βίος χα-
εὶς νόμος: ἔστι γὰρ βίος ζῆς αὖ γυναικὶ μὴ τρέφῃς.

IIII. At sunt alia, & quidem benè multa, quæ in contrariam te sententiam pertrahere, atq; eò impellere debent: vt matrimonio nihil honestius: vtilius nihil: nihil iucundius: cùm omnibus alijs hominibus, tum verò literatis nihil necessarium magis statuas.

V. Nolo recensere nunc ea, quæ tibi, vt homini, nō solum docto, verùm etiā pio, iam antè sunt nota: matrimonij nō virum aliquem insignem, sed Deum ipsum authorem esse: idem summa adhuc in naturæ moderatione homini commendare: sanctissimæ parentum necessitudini anteponi velle.

VI. Non profero, quæ de Romanis sunt & Lacedæmonijs historiæ monumentis tradita: illos ærarios fecisse eos, qui ad senectutē vsq; cœlibes mansissent: hos à τρυφῇ eosdem & ludis atque spectaculis arcuisse.

VII. Scis non ad solitudinem, sed societatem, cuius pars prima coniugium, natum hominem esse: esse iusti, non de se solum, verùm etiam alijs, atq; adeò Republ. tota cogitare.

VIII. Illud legisti, quod Plato quodam in loco scribit: operam dandam hominibus esse: vt suum in locum liberos substituant, qui iuxta leges Deum colant;

lant: & vitam, veluti lampadem, posteris tradant.

IX. Ad studia verò capeffenda & diligenter fideliterq; officij obeundas partes ecquid vel vtilius, vel necessarium magis vxore esse potest?

X. Opus hîc est otio: diligētia requiritur: animus solutus à curis, liber, tranquillus postulatur. Præstò vxor est sedula, q̄ dū vel cū libris negotia habet, vel suo in ecclesia, schola alijsq; locis munere fungitur maritus, domi interim rei familiaris in sese curā deriuat: & ne quā illa iacturā faciat, diligēter prouidet.

XI. Infirma plerunq; atq; ægra sunt valetudine literati: commoda victus egent ratione. Mirū quanta hîc vxorum diligentia. Lectulis quasi affixæ mandata expectent: oculorum nutus obseruant: ad digituli, quod aiunt, crepitū iussa capeffunt: melius quæ nobis obsint, aut prosint sæpius quàm ipsi Medici norunt.

XII. Cū non rarò ancillæ aut famuli, dum doloribus ægri excruciantur: aut vtramq; suauiter in aurem dormiant: aut lagenas exiccent: aut etiam cistas & armaria expilent.

XIII. De iucunditate porrò scribere si vellem, Deum immortalem, q̄ latus hîc sese mihi campus offerret. Quæris quo cum liberè colloquaris: cuius in sinū curas cogitationesq; tuas effundas? vxor adest. Quæris, qui laboribus fractū te & attritū reficiat? vxor adest. Quæris qui tuis rebus æquè atq; ipse, aut doleat aduersis, aut letetur secundis? vxor adest.

XIIII. Quid liberi, nullane in voluptatis ac delectationis reponendi tibi parte videntur?

XV. Ah quam suaves illorum sunt in nos ocelli defixi: quam mellitum balbutientium nomen parentis: quam dulcis complexus: quam grati etiam titubantes gressus: quam lusus iucundi.

XVI. Ut nihil de eo iam dicam, quod liberos qui habent, non fortunarum modò & facultatum magnis partarum laboribus, verum etiam nominis atq; famæ heredes habent.

XVII. At improbam ac morosam Xantippen metuis? precibus tuis Dominum compellabis eum, à quo solo pia, prudens, morata benè vxor datur.

XVIII. Si secus atq; expectaras, res eueniat: in id incūbes, vt vitia in vxore aut tollendo, ipsam, aut tolerando te meliorem reddas, & secutus Socratem domi patientiam discas, quam foris exerceas.

XIX. Verum & hæc, & plura alia à cognatis atq; amicis tuis audis quotidie.

XX. Quibus obtemperare te, atq; operam dare oportet: vt primo quoque tempore sponsum te factum audire possim.

XXI. Quod si erit: ad nuptias, etiam non inuitatus, haud inuitus veniam: & γαμήλια, si non alia, saltem chartacea mecum adferam.

Ad personas verò laudandas atq; extenuandas sumēda argumēta ex causis, effectibus, consequētibus, adiunctis erunt. Et
quidem

quidē in causis considerāda virtus ipsa, q̄
& per se est laudabilis, & laudabiles alios
reddit : deinde naturæ bonitas, ingenij
præstantia, educatio parentum, præcepto
rum institutio. In effectibus spectandæ a-
ctiones, munera, & officia ipsarum virtu-
rum, quæ sententias laudantes egregias
suppeditant : modo ex doctrina Ethica
propria singulis virtutibus officia tri-
buantur, nec illis vicina nobis vitia impo-
nant. In consequentibus videnda, quæ ex
honestis & præclaris actionibus sequun-
tur prima: honores, dignitates, opes, pri-
uilegia, & quæ huius sunt generis alia. In
adiunctis ratio habenda, nationis, patriæ,
familiæ, pulcritudinis, diuitiarum, &c. &
vt ad laudem illa aliquid faciant, μελαγχ-
ματισμῶ quodam ἠθικὰ reddenda, vsu scili-
cet eorūdem moderato ac laudabili mon-
strato. Comparatorum etiam locus adhi-
bendus, conferendaq; persona, quæ lau-
danda cum aliis claris, nobilibus, illustri-
bus: ob virtutem & cætera, cū corporis,
tū fortunæ bona: ita tamen vt omnis a-
dulationis atq; assentationis suspicio re-
moueatur: & ostendatur: nihil nos gratiæ
hīc cuiusquam dare: non auribus aliorum
inseruire: sed vnicam propositam verita-

tem habere. In tractatione atq; collocatio-
ne, prima pars exordium institutæ lauda-
tionis occasionem & causas continebit.
Altera sententias & argumenta cōplecte-
tur, quæ in personarū adhibenda esse lau-
datione modò ostendimus. Quia etiam
nihil omni ex parte perfectum: nec tam
felix quisquā, qui nō aliquādo labatur &
erret, aut maleuolos atq; calumniatores
habeat: excusanda nonnunquam ac refu-
tanda diligenter, quæ vituperari ab aliis
posse videntur. Postrema pars conclusio
absoluetur, aut συγχαῖντα gratulatione, si
ad superiorem scribēdum: aut μετ' ἑπὶ ad-
hortatione, si cum paribus, vel etiam in-
ferioribus agendum: aut ἀξιώσει, si com-
mendatione nostra impetrare aliquid a-
liis volumus: aut deniq; præcisione & re-
iectione. Nos exercitij gratia exemplum
tale proponemus.

*Personarum
laudationis
exemplum.*

I. Intellexi vehementer te mirari quid sit, quod
cum aduersas res. omnes alias infracto semper ere-
ctoq; animo tulerim: nunc vnius amici tantopere
obitum lugeam, vt consolationi apud me nullus re-
lictus esse locus videatur.

II. Verū mirari, vti mea quidē fert opinio, desines:
vbi doloris huius mei atq; luctus causas cognoueris.

III. Etenim si quisquā omnium lucis huius dignus
vsura

usura longa fuisset : hic profecto fuisset, quem præpropera atq; intempestiua morte abreptū ordo luget equestris : senatus deplorat : deflent propinqui : moerent amici ac familiares : ciues omnes lamentis prosequuntur. Neq; id sanè immeritò.

IIII. Vt enim latere illa nunc patiar, quæ ad laudandum materiam quidem amplam atque copiosam suppeditant : nostra verò ab industria minimè proficiuntur : sed vel accepta naturæ feruntur, vel tribuuntur fortunæ : ita corporis venustatem, quæ in eo fuit eximia, animi pulchritudine à literis ac virtutibus exornauit : vt non æqualibus modò suis antecelleret : verum etiam natu grandiores quosdam longo post se interuallo relinqueret : familiam iam ante nobilem satis, claram magis illustremq; redderet : urbem eam in qua lucem hanc primò aspexerat, beneficiis afficeret ampliis.

V. Cum enim loco se minimè obscuro ortum sciret : & partim ex præceptoribus suis audiret : partim ipse intelligeret, nobilitatem veram non in parentum maiorumq; aut imaginibus fumosis : aut auri argentive aceruis : aut armorum atq; togæ præclare fortiterq; factis, sed sua cuiusq; pietate, doctrina, virtute, industria consistere, pueritiæ & adolescentiæ tempus lubricum admodum ac periculosum in virtutis bonarumq; artium et linguarum studiis ; non otio ignavi : non turpibus voluptatibus : non nescio quibus oblectatiunculis aliis, consumpsit.

VI. Exteras deinde lustrare terras: varias variarum nationum discere linguas: urbium non situm solum videre, sed & leges, instituta, mores cognoscere voluit. Longe me Chris̃te aliam viam secutus, quā nonnulli ingredi hodie solent qui peregrinātur.

VII. Non sanè μαμνὸς περὶ placet: magis placet Medea, quæ apud poetam, multos quod domi agerent etatem improbatos fuisse affirmat.

VIII. Sed & Socratis mihi sententia probatur, qui querenti cuidam quod sine fructu vlllo longè lateq; esset peregrinatus, mirum hoc esse minimè respondit, cum secum ipse, & corpore tantum non etiam animo peregrinatus fuerit.

IX. Itaq; vel hoc maximè nomine noster laudandus amicus fuit, qui in perēgrinatione non operam dedit, vt domum aliquando reuersus vestes polymittas & versicolores, curta pallia, mores peregrinos, contemptū & fastidium rerum patriarum adferret illustriores ciuitates videre: nominis ac celebritatis alicuius viros & adire, & audire: quæ notatu digna obseruare inq; ephemerides referre est solitus.

X. Neq; vt exoptatum studiorum finem cōsequeretur suæq; prodesse patriæ posset, vel sumptibus, vel laboribus & molestiis vllis pepercit.

XI. Et quidem quod propositum habuerat, egregiè atq; subito est adeptus.

XII. Etenim cum post longam ac diuturnam peregrinationem domum rediisset, & pietate, eruditio-

ditione, morum suauitate sui in amorem bonos omnes pellexisset, non expectato legitimo tempore in senatorium est ordinem cooptatus.

XIII. Vbi quidem ita suam & ingenij vim atq; præstantiam, & fidem, & prudentiam, & animi magnitudinem, & innocentiam omnibus probauit: vt natu quoq; maiores eum mirarentur, nec inuiti pleriq; in rebus sequerentur: dignum etiam iudicarent, cui grauissimis in negotiis deliberationes & legationes committerent.

XIII. Neq; in suis illis vel consiliis, vel actionibus quicquam ad honorem & commodum retulit priuatum: illud spectauit, vt cum religione atq; vero Dei veri cultu sarta, quod aiunt, tecta q; libertas maneret.

XV. Neq; etiam in maxima rerum agendarum, cum multitudine tum varietate: autoritate summa: laboribus atq; molestiis prope infinitis, vllum de se vnquam, vel superbiæ, vel morositatis signum dedit.

XVI. Sed nimirum ea vitæ humanæ est conditio vt quod rarum: præstans, eximium, minimè sit diuturnum, leuiq; momento euertatur, quod firmissimis nixum radicibus videbatur.

XVII. Cum enim egregiam ille patriæ operam nauaret: cum eius in dies fama cresceret: cum de literis literatisq; prouehendis præclara atq; utilia animo agitare: ecce ardens eum febris inuasit, quæ primo contempta, ita post vires assumpsit, vt illi

mortem attulerit: mihi & aliis dolore pepererit maximum: Reipub. vulnus inflixerit grande atq; altum & quod multis sanari annis non poterit.

XVIII. Scriberem hac de re plura, nisi temporis partim angustia excluderer: partim mœrore atq; luctu impedirer.

XIX. Nosti enim animum à curis vacuum: liberum à tristitia: omnium expertem molestiarum styli requirere: præclari nihil effici posse: ubi vel animus mœret: vel ægritudine aliqua sensus laborât.

XX. Valebis igitur: & quos apud vos Poetas habes eximios rogabis: ut suis scriptis demortui prosequi laudes, eiusdemq; ab obliuione atq; interitu vindicare memoriam velint.

*Animalium
laudationes.*

In animalibus laudandis duplex obseruari ratio solet. Vel enim sigillatim illa atque seorsim laudantur: vel coniunctim cum aliis materiis tractantur. Cum separatim eorum laus atq; commendatio instituitur, ut fit, cum rara ea sunt & inusitata, genus indicatur: locus, in quo degunt notatur: partium fit consignatio: mores describuntur: adhibentur alia, quæ ab Aristotele, Plinio atq; cæteris naturæ speculatoribus obseruantur. Quod si verò coniunctim cum aliis materiis de animali aliquo in epistola agendum: ab utilitate potissimum atq; voluptate seu delectatione

com.

cōmendationes fumendę. In pretio enim habere animalia solemus: vel quia vsum nobis magnū & propè necessarium sup-
peditant: vel quia voluptatem ac delecta-
tionē haud exiguam adferūt: propter for-
mā, pulchritudinē, magnitudinē, & q̄ hu-
ius sunt generis alia. Nos exercitij gratia
dono ab amico missum canē laudabim9.

I. Accepi literas tuas vnā cum dono ad me missas *Canis lauda-
tio.*
atq; inde voluptatem percepi maximam.

II. Vidi enim mei te amantiſſimum eſſe, inq; ipſo munere, quo donare me voluiſti, eorum diligentem rationem habuiſſe, quæ præ cæteris grata mihi eſſe & iucunda noſti.

III. Non enim turpe mihi duco in amore atque delitiis canes habere: aut etiam venationes amare: quarum à natura cū omnibus aliis tum verò gene-
roſis maximè excelsisq; præditis ingeniis amor eſt inſitus: quæq; ſiue honeſtas ſpectetur, ſiue vtilitas cōſideretur, ſiue voluptas proponatur et delectatio, omnibus aliis anteponendæ exercitationib. videtur.

IIII. Ad donum verò ipſum quod attinet: prolixè illud diligenterq; commendarem: niſi metuerē, ne nimium præſens laudando, nouum aliquod emen-
dicare velle iudicer.

V. Canes vidi multos: multos etiam domi alo: at cum eo, quem tu dono mihi miſiſti, conferri compa-
rariq; nullo modo poſſunt.

VI. Etenim non è catellorum melitæorum ille est numero, qui non nisi in puluillis & culcitris custodiendis sunt occupati: aut eorum, in quibus, si ab ignaua corporis mole discesseris, quod commendes nihil reperies.

VII. Sed & venustam corporis speciem: & ad feras cum persequendas, tum prosternendas roboris atq; agilitatis plurimum habet.

VIII. Fide autem ac vigilantia tanta est: ut cum equè libenter atq; hominem mecum in cubiculo esse velim.

IX. Et pro munere ergo isto gratias, uti debeo, maximas tibi ago: & quo illud remunerari queam modo, sedulò diligenterq; cogitabo.

Sequuntur actiones & facta in quibus laudandis ex causis, effectis, adiunctis argumenta ducenda. Commendare enim atq; laudare factū aliquod solemus: quia honestum, & à virtute profectum: quia commoda ex eo multa magnaq; manant atq; profluunt tum ad priuatos homines, tum verò totam Rempubl. quia difficile deniq; illud atq; arduum, propter attributa varia. Attributa autem & circumstancias adiunctorum locus suppeditat: vtilitatē effecta monstrant: honestū ex causa pendet. Sed & contentione atq; comparatione cum aliis facta ostendendum: esse id, quod

quod laudatur factum, eiusmodi, ut si cum aliorum rebus gestis cōferatur, longè eas superet. Tractatio porrò ita plerumque instituitur: ut primum habeat locum exordium, facti ipsius expositionem continens: sequatur secundo propositio, quæ eiusdem laudem atq; *ἔπαινον* approbationem complectitur: subiungatur tertio *ἔκθεσις* confirmatio iis constans argumentis, de quibus modò diximus: conclusio deniq; cohortatione ad constantiam absoluat. Licet nōnunquam & refutatione hīc est opus cum refellēda scilicet sunt ea quæ rectè honesteq; facta aut improbare, aut extenuare posse videntur. Vbi Aristotelis vtile præceptum, qui monet: ut in laudatione, quæ affirmātur ab aduersario vitiorum propria *ἐργα* officia esse: nos virtutum esse munera ostēdamus. Nos exercitij gratia adolescentē studiosū declamando sese exercentē laudabimus hoc modo.

I. Posteaquam mihi nunciatū est, te non liberaliū solum artium studiis sedulò diligenterq; incumbere: verū etiā declamando exercere assiduò, dici nō potest, quantā inde letitiā atq; voluptatē perceperim.

II. Sic enim arbitratus sum: singulari hoc Dei Opt. Max. prouidentia, præceptorūq; tuorū cū publicorum tū priuatorum adhortatione factum

esse, ut ad id animum adiceres, quò nihil, hac quidē in ætate, qua nunc es præditus, esse tibi; aut fructuosius, aut necessarium magis potest.

III. Plena, quod aiunt, manu collaudare eloquentiam: primas eidem tribuere homines solent. Et est reuera nihil illa, vel præclarius, vel utilius: utpote quæ præstat, ut qui ab ea instructi sunt ac parati, non rationis modò expertibus animantibus antecellant: sed et homines alios superent, et, quò tandem cunq; placuerit, deducant.

IIII. Quin, ut alia nunc silètio inuoluam, et rerū cognitio omnis quæ ex artibus ac disciplinis paratur, inanis, vana, infrugifera est, nisi eloquentia accedat.

V. Tantum enim quisq; profecisse in literis videtur, quantum dicendo scribendoq; exprimit: et sine dicendi vi atq; facultate, quæ cognita sunt maximè et perspecta, ignorari videntur.

VI. Quis ergo ut leuiculam, puerilem, honestam parum declamandi rationem reprehendet, siue qua parari eloquentia nullo modo potest?

VII. Ut enim reliquis in artibus atq; disciplinis, nisi exercitatio accedat assidua laude dignum nihil efficitur: ita eloquentiam non ars et præceptorum cognitio sola efficit: sed dicendi usus atq; consuetudo assidua requiritur.

VIII. Hæc enim est, quæ in rebus inueniendis ingenium acuit: iudicium format: memoriā excitat: verborum copiam adfert: actionem reddit promptā: duo deniq;

vitia

vitia illa quæ pernicioſa ideoq; reprehendi maximè ſolent, negligentiam ſuiq; amorem nimium tollit.

IX. Hinc ſummos clariſſimosq; viros ab ea minime abhoruiſſe legimus:

X. Cæſar aram Lugduni extruxit, ad quam eloquætiæ certamina quotidie fierent: ita quidẽ, vt victor munerib. ampliſſimis afficeretur: victus, vel lingua ſua orationẽ deleſet, vel in Arari ter demerge-

XI. Id q; Iuuenal. opinor, illud indicat: (retur:

Palleat vt nudis qui preſſit calcibus anguem:

Aut Lugdunenſem Rhetor dicturus ad aram.

XII. Auguſtus Cæſar, Portius Latro, Demotheſenes, aliiq; plurimi declamitare ſunt ſoliti: ipſe Cicerone, cuius merito apud omnes valere debet authoritas, nõ Romæ ſolũ, verũ et Athenis, & in Aſia, declamando ſeſe exercuit: quodã etiã in loco fatetur, aridam atq; ieiunam orationis ſuæ futuram facultatẽ fuiſſe, niſi ad declamãdi ſe exercitationes cõtuliſſet.

XIII. Itaq; tuum inſtitutum vehementer laudo proboq;: imprimis verò quod modo bono difficultatem illam ſuperaffe te intelligo, quæ ab hoc exercitationis genere auocare plurimos conſuevit.

XIIII. Nam & materiã te uſui quotidiano accommodatam virib; parem deligere, eandemq; cognoscere penitus: & ad cogitandum aliud, aliud ad ſcribendum tempus ſumere: & cum iudicio locos omnes inueſtigare, non temerẽ quæ ſeſe offerunt infarcire: & ad probatorum authorum exempla ſty-

lum conformare: & non tam sententiarum multitudine, aut copia verborum, quam bonitate orationē aestimare intelligo.

XV. Hortor quoq; constanter negotium ut urgeas: neq; ineptis quorundam iudiciis te auocari ab illo abduciq; sinas.

XVI. Ita ad exoptatā illā eloquentiā peruenies: magnoq; oblectamento parentibus: amicis vsui: emolumento Reipubl. tibi verò ipsi honori futurus es.

*Dictorū &
sententiarū
laudationes.*

Ad dictorum verò & sententiarum laudationem quod attinet, diligēter illa obseruanda est, propterea quod nobilium, doctorum, prudentum, clarorumq; virorum dicta atq; sententiæ in scribendo adhiberi sæpe, & vel seiunctè ac separatim ab aliis materiis, vel cum iisdem coniunctè tractari solent. Sumendæ autē eiuscemodi in laude sententiæ ex quinque; potissimum locis erunt: causis, contrariis, similibus, cōparatis & testimoniis. Cū enim magni alicuius viri dictum laudādum: ex causis primū eius honestas, vtilitas, necessitas ostendēda. Deinde hæc omnia declaranda atq; cōfirmanda tū aliorū magnorū virorū testimoniis, qui idē affirmant: tum verò contrariis, q̄ & ad illustrandā, & confirmandā rem ipsam pōderis momentiq; plurimū habent. Postremò exempla producen-

ducenda eorum, qui reapse atq; factis approbarunt id, q, alij dixerūt. Tractationis ea plerunq; est ratio: vt in exordio cum dicto illo, quo de agendum, authoris ponatur laus & cōmendatio: parte altera eiusdem adferatur explicatio: tertia rationes atq; argumenta paulò ante indicata subiungantur: postrema & cōclusionē, sit, aut dicti approbatio, aut *μετ' ἑμὶ* cohortatio. Nos exercitationis causa Pindari de vitæ humanæ cōditione sententiā laudabim9.

I. Semper Pindari apud veteres authoritas magna: eiusdem dicta oraculorum habita loco fuerunt.

II. Verum inter alia omnia illud memoria cum primis laudeq; dignum videtur, quod de humanæ ille vitæ conditione protulit.

III. Deus, inq̃t, semper iuxta vnū bonū mala duo ponit, q̃ ferre rectè prudentes, nō itidē stulti possunt.

IIII. Præclare enim vir ille longè prudētissimus vidit id q, videre multi nō possunt: nullam, hac quidem in vita, suis omnibus numeris absolutam felicitatē reperiri, sed mali semper quid admixtū habere, q, vt fractos consternatosq; homines reddit imprudentes, ita de gradu, quod aiunt, deicere non potest eos quorum prudentia pectus munitum est.

V. Neq; verò in re p se manifesta multis opus esse rationib. existimo: quisq; secū habitet: & verū illud esse dictū Poetæ deprehendet.

VI. Res est præclara omniq; auro atq; argento præferenda scientia : eam qui inuenit : digito quasi cælum sese attingere existimat. At hæc ipsa cum magnis est multisq; laboribus coniuncta.

VII. Iucunda multis in alios imperia esse videntur : propter hæc eadem ius violare non verentur. Verum non Damoclæum illi ceruicibus impendentē gladium cernunt : non vigilias, curas, molestias, pericula perpendunt, q̄ secū adferre magistratus solēt.

VIII. In felicitatē summa pecunia ponitur. Atqui verum est illud Poetæ :

— sollicitæ tu causa pecunia vitæ es.

Per te immaturum mortis adimus iter.

Tu vitiis hominum crudelia pabula præbes :

Semina curarum de capite orta tuo.

IX. Euripidis istud de coniugio multi probant.

Οὐ χρυσὸς, οὐ τιμὴν, οὐ πλεῖστα χιλιὰ

Τὸς ἄνθρωπον εἶπεν Ἀμφότρως πρὸς ἡδονᾶς

Ὡς ἄνδρὸς ἐθλοῦ ἔγωγε γυναικὸς ἀσμεγῶς

Γνώμη δίκαια καὶ φρονόουσα τ' ἀνδρική.

X. Ast & hîc dulce atq; amarum misceri sæpe, coniuges qui sunt, experiuntur.

XI. Vitæ diuturnitatem ac senectutem exoptant omnes : omnes illud in ore habent :

Da spatium vitæ, multos da Iuppiter annos.

XII. Vbi verò hæc eadem obrepserit, grauior Aethna esse monte solet : omnis generis & morbos, & molestias secum adducit.

XIII. Vnde non malè Plato eius, quod iucundū hac in vita atq; suauē iudicatur hanc esse conditionē affirmat :

affirmat: vt cū cōtrario suo amicitia quasi perpetuā colat, nihilq; coniunctione illa reperiatur stabilius.

XIIII. Verè etiam patrū quidam spinæ similem hominis esse vitam scribit, quæ vbi tādē cūq; tangatur, tangentem pungere consuevit.

XV. Sed non hoc modò rectè est prudenterq; à Poeta dictum: verū & illud longè pulcherrimū, q; quomodo sint vitæ humanæ ferēdæ mala ostendit.

XVI. Dolore frangūtur: exanimātur metu: euiatu atq; lamētis cōplent omnia imprudentes, cū miseria ac calamitates tales aspiciunt vel experiūtur.

XVII. At qui à prudentia sunt doctrinaq; instructi, non solum in mala eiusmodi mentis atque oculorū suorū aciem conuertunt: verū etiam bona illa intuetur, quæ adhuc Dei beneficio sunt reliqua, & recreare atq; oblectare homines solent.

XVIII. Itaq; hanc tibi optimi Poetæ sententiā optimam commendatam semper habebis, maximè eo in munere, quo nunc fingeris: in quo γλυκασ-
κας proculdubio multa deprehendis.

De Reprehensoriis Epistolis.

CVM contrariorum eadem esse doctrina atque perceptio soleat: ex iis quæ de laudandi sunt ratione dicta, etiam unde, & quibus ex locis reprehēdendi ac viruperandi sint argumenta petenda intelligetur, vt seorsim de his agere necesse minime habeamus. Quoniam verò reprehē-

*Sententiæ h-
anc conciliantes &
morata.*

sio omnis ingrata esse atq; odium conciliare solet, ante omnia opera danda, ut q, per se asperum & ingratum, mitigetur ac leniatur. Id autem quinq; potissimum fit modis. primo *προσποιήσει ανάγκης*, necessitatis simulatione: cum ostendimus, per quam inuitos nos extremaq; coactos necessitate ad reprehendendum accedere. Deinde *ἐπαινῶ* laude & commendatione præmissa. Tum enim verè, non ex odio, aut malevolentia quadam reprehendere alios videmur, cum debitam eis laudem non adimimus. Tertio *προσώπῃ μεταλλαγῇ* personæ commutatione, cum non nos, sed alios quosdam esse dicimus, qui hoc vel illud in amico desiderent. Quarto, *κοινῷ τόπῳ* loco communi: quando personæ loco ipsum vitiū reprehenditur, & locus de eo tractatur communis: aut de officio veri amici agitur & ostenditur: similem medico amicum esse, qui ut ægrotum sanet, morbum odisse solet: non vitia amicorum iis amanda, qui amicos amant: nō omnem qui parcit, amicum: nec inimicum omnem esse qui reprehendit: satius esse cum seueritate diligere, quā cum leuitate decipere: & quæ huius generis alia de vera adferri amicitia solent. postremò etiam morata fit oratio

ἐνδείξει

ἐνδείξει τῆς ἔργου significatione modi: cū sci-
 licet promittimus nos reprehensuros a-
 micos, sed sine contumelia, conuitiis, ca-
 lumniis. Et hæ in reprehendendo tū sunt
 potissimum sententiæ adhibendæ, cū
 eos vituperare necesse habemus, quos ali-
 qua ex parte metuimus, aut hactenus be-
 ne vixisse constat. Apud inferiores enim
 vel sceleratos atq; improbos simplex vsur
 pari reprehensio potest. Ad motus verò
 quod attinet, in vituperando animi eò
 sunt maximè perducendi, vt odio profe-
 quantur, execrentur, abiiciant illa vitia,
 quibus infecti videntur: pœnam etiam &
 pericula reformidare discant. Collocatio
 ac tractatio ita instituitur: vt prima pars
 Exordium, constet, vel ἐπιμύσει reprehē-
 sione. lib. 8. epist. 15. lib. 11. epist. 18. vel ὁδὸς
 μὴ querela. lib. 10. epist. 1. Vel expositione
 causæ & occasionis institutæ scriptionis.
 lib. 7. epist. 12. lib. 16. epist. 17. pars altera ar-
 gumenta cōtineat reprehensionis, desum
 pra à causis. lib. 7. epist. 12. lib. 10. epist. 25.
 lib. 11. epist. 18. Adiunctis & circumstātiis.
 lib. 11. epist. 18. Testimoniis & iudicio a-
 liorum. lib. 11. epistol. 18. lib. 16. epistol. 17.
 Pars tertia & postrema conclusio absolua-
 tur: aut ἀποτῆναι adhortatione. lib. 7. epist.

Sententiæ πρὸς
 ἡλικίας μο-
 νentes.

Collocatio
 sententiarū.

Materie re-
 prehensoria-
 rum episto-
 larum.

12.lib.10.epist.1.lib.11.epist.18. Aut ἐπανελη-
 γη repetitione eorum quæ scripta. lib.10.
 epist.25. Aut præcisione & reiectione.lib.
 16.epist.17. Sunt autem reprehensiones in
 Ciceronis Epistolis familiaribus: Repre-
 hensio dogmatis & doctrine alicuius.lib.
 7 epist.12. Imperitiæ in bello gerendo.lib.
 8.epist.15. Crudelitatis.lib.10.epist.1. Am-
 bitionis. lib.10.epist.25. Timiditatis. lib.
 11. epist. 18. Improprietatis sermonis. lib.
 16. epist.17. Nos exercitij gratia ad imita-
 tionem epist.17.lib.16.adolescentis in scri-
 bendo diligentiam reprehendemus. Par-
 tes illius sunt: Exordium, reprehensione
 amica constas: Confirmatio, in qua eiuf-
 dē institutæ rationes exponuntur: Conclu-
 sio præcisione & adhortatione facta: q̄ ita
 imitatio exprimi effingiq; posse videntur.

I. Video qd agas: rerū cognitiōi dū studes, verborū
 puritatis atq; elegatiæ rationē prorsus nullā habes.

II. Vnde enim illa irrepserunt: ingenij acuitas, et
 in registro noto & nescio quæ verborum monstra
 alia, quæ profectō non in Cicerone legisti, sed ex cu-
 lina aliqua deprompsisti.

III. Simplici, inquires, stylo contentæ sunt episto-
 le: verba amant quotidiana.

IIII. Fateor. At in ipsa etiā simplicitate esse puri-
 tas debet: & quod est quotidianū suā quoq; mundi-
 ciem requirit.

V. Nisi

V. Nisi fortè quia vasis argenteis nō vtimur semper, iccirco sordibus quæ sunt conspurcata vitra placent: aut illuue immundæ propterea gratæ sunt mulieres, q̃ splendido vestitu quotidie non sese ornant.

VI. In illā igitur amabo te, curā incūbe, vt Latinas posthac et Ciceronianas magis abs te literas accipiā.

VII. Nosti domū ad parentes, præceptores, mecenates missas literas testimonia quædam diligentia & profectus in studijs esse.

VIII. Magnam ego meo testimonio tui expectationem apud parentes & quosdam ordinis senatorij viros concitavi.

IX. Fac ergo hi vt intelligant, veritatis non gratia meum istud testimonium extitisse.

X. Ita gratū abundè erga me te declarabis: et quā collectā bonorū doctorūq; virorū iam gratiam habes, non effundes, sed retinebis: honestū etiam, domū aliquādo reuersus, in patria locū consequi poteris.

Quemadmodū verò in laudationibus exēpla conati sumus exercitij gratia proponere laudis personarū, rerum, factorum & dictorū: ita quoq; in iisdem vt reprehensio sit atq; vituperatio instituēda, breuiter ostendemus. Et quidem ad personarū reprehensiones quod attinet, argumētis illæ fiūt quinque potissimū ex locis desumptis. Primò causarū: causa enim absoluta turpitudinis atq; dedecoris est vitium. I.

taque ostendendum: personam aliquam, aut vno, aut pluribus vitiis laborare: ex adiuuantibus quoq; de mala educatione, institutione praua agendū. Alter locus est factorum est, ex quo sententiæ sumendæ sunt, & argumenta vitiorū opera & actiones prauas indicātia. Tertius est adiunctorum, qui suppeditat attributa varia: nationem, patriam, parentes, familiam, & quæ huius sunt generis alia. Quartus consequentium est, in quo considerantur ea, quæ plerunque vitæ sequi turpitudinem ac flagitia solent. Postremus est comparatorum. Maior enim personæ alicuius est vituperatio, si cum alia aliqua & quidem sceleratissima illa conferatur. Collocatio & tractatio talis erit: vt in exordio institutionis reprehensionis causæ indicentur, & sinistris simul occurratur suspicionibus, ne affectibus quid tribuere, aut aliorum delictari reprehensionibus videamur. In parte altera ipsa vituperatio instituetur cum malorū animi per se, tum corporis ac fortunæ propter aliud nimirum κακὸν ὅτιον vsum vitiosum. In tertia & postrema adhortatio seuera, vel etiā acris comminatio adhibebitur. Nos exercitij gratia exemplum tale proponemus.

I. Si per occupationes, quibus districtus nunc te-
neor, domo aliquandiu abesse & ad vos proficisci
potuissem, fecissem sanè illud, nec tam libèter, quàm
necessariò fecissem.

II. Sed quia fieri omnino hoc istud tempore non
potuit, ne tacendo parum meo me officio fungi, aut
tua comprobare delicta atq; errata dicere quis pos-
sit: non intermittam, quin absens te obiurgem, ope-
ramq; dem: vt mea hæc reprehensio sit, vel salutaris
tibi, vel mihi utilis atq; commoda ad conseruandam,
cùm famam secundam apud homines, tum Deum
conscientiam bonam.

III. Audio familiaritate te vti & amicitia cu-
iusdam adolescentis, hominis nequam atq; extreme
improbi.

IIII. Quod quàm sit mihi graue ac molestum,
norunt ij qui mecum viuunt: ego verbis exprimere
satis nequeo.

V. Est sanè in Academijs contrahenda cum alijs
amicitia: neque aut iucundiores, aut firmiores vllæ
ijs esse solent, quæ prima in ætate, & studijs con-
trahuntur.

VI. Sed est in legendis amicis iudicio magno o-
pus. Et si vlla in re locum habere debet illud: delibe-
randum diu, semel quod statuendum, in amicitia ma-
ximè coeunda habere debet.

VII. Verùm tu promiscuè quosuis tibi asciscere,
& numerare, non ponderare amicos videris.

VIII. Quid enim? an quibus sociennus iste tuus parentibus sit ortus ignoras: aut illud nescis, ex illius maioribus neminem nisi improbitate ac sceleribus notum fuisse.

IX. Hinc, ut prouerbio dicitur, *καὶ ὁ κακὸς πατὴρ κακὸν υἱόν*: parentis mali pessimus filius, qui à pueris nihil boni domi vidit, audiuit, didicit.

X. Præceptores quidem habuit optimos: sed eos naso suspendit adunco: disciplinam ferre non potuit: in cauponulis sæpius, quàm vel templis, vel scholis conspici sese passus est: æs alienum grande, insciis parentibus contraxit: in concubiam usque noctem potauit: amoribus operam dedit turpibus: quid dicam amplius? ex omnibus vitijs quasi compositus et conflatus est.

XI. Itaque quis te malus genius ad illius amicitiam atque familiaritatem pertraxerit ignoro: sed doleo interim vehementer.

XII. Seuerè etiam tibi mando: ut in posterum ab illius conuersatione abstineas, eaque in re, et mandati diuini, et Academiae, in qua uiuis, et mei, qui, ut nosti, profectiois istius author tibi extiti, et denique tuæ famæ atque existimationis rationem habeas.

XIII. Sin minus, in grauem, non meam solum, verum etiam mecenatum tuorum, atque adeo bonorum omnium offensionem incurres: poenas quoque eas expectabis, quas non obedientibus minari Dominum nosti.

*Adhuc et
factorum vitu-
perationes.*

In factis vituperandis cause, effecta, adiuncta & comparata potissimum valent. So-

let

let enim factum aliquod reprehendi: quia turpe & inhonestum: quia cū damno vel publico, vel priuato coniunctum: quia difficile, ac periculosum: quia rarū, inusitatū, à nullo antè, aut paucis, iisque improbis susceptum. Vtile autem in eiusmodi factorum vituperatione Aristotelis est præceptum, qui monet, vt factis vitiorum nomina imponamus, & μεταχρησασθῶν transfiguratione quadā vtamur. Tractatio atq; collocatio ita instituenda: vt in exordio cum dolore quodam atque indignatione descriptionis susceptæ causæ indicetur: parte altera factum ipsum reprehēdatur atq; exaggeretur: tertia occurratur iis quę purgandi causa adferri posse videntur: postrema, adhortatio, aut territatio adhibeatur. Exemplum tale esse poterit.

I. *Etsi perinuitus faciam, te vt reprehendam: & si quisquam alius à vituperationibus abhorream: tamen amicitie nostræ fides ac religio requirit: vt vituperare hoc te tempore minimè verear.*

II. *Quid enim per Deum immortalem agis, aut quid tandem cogitas?*

III. *Nemo à vobis ad nos venit (veniunt aut pluri) quin de tua auaritia ac tyrannide conquerratur: idem multorum bonorum ad nos perscriptæ literæ confirmant.*

IIII. Miseros homines exactiōibus vexas : nō-
ua singulis propè mensibus tributa excogitas : etiam
leuiculis atque minutulis delictis multas constituis
grauissimas : imò eò quoq; improbitatis & audaciæ
deuenis, vt quæ tibi, aut tuis arrident, palàm eripere
alijs minimè dubites.

V. Quæ res sanè facit : vt præ magno dolore,
quid ad te scribam, non reperiam.

VI. Tiberius Imperator pastoris boni esse dixit,
tondere, non deglubere pecus : & Alexander ille Ma-
gnus olitorem odisse sese eum affirmauit, qui herbas
radicitus extirpet.

VII. Patres appellantur Magistratus : populi
vocantur Pastores.

VIII. Tu verò (erumpat enim vox libera) tu in-
quàm lupum non pastorem agis : subditorum mise-
rorum, & iam propter annonæ caritatem grauent
ac diurnam, ære oppressorum alieno, sudorem at-
que sanguinem exugis.

IX. Habuisti tua in familia viros, non tam pru-
dentia aut fortitudinis, quàm iusticiæ atq; continen-
tiæ laude insignes : & ne longius abeamus, patrem,
antiquæ fidei ac religionis exemplum.

X. Qui profectò non auri argentiq; maiorem,
quàm pietatis & iusticiæ rationē habuit : aut satius
esse duxit, opes atq; diuitias magnas corradere, q̃ no-
men post se bonum relinquere.

XI. Tu verò, modò nummorum acervos maxi-
mos

mos exstruas, quid de te aut cogitet Deus, aut sentiant, ac loquantur homines, susq; deq; ferre videris.

XII. Equidem tributa exigere: imponere vectigalia: imperare alia, non impium aut turpe esse iudico.

XIII. At nulla flagitante necessitate hoc facere: subditos ita expilare, vt ad familiam alendam nihil ipsis relinquatur: id omni à pietate, iusticia, honestate alienum duco.

XIIII. Exempla quoque tum vetusta, tum recentia, & adhuc propè spirantia satis testantur eos qui abradendæ à popello misello pecuniolæ rationes excogitarunt nouas, & ex aliorum ruinis sua sunt exedificare conati: & perdidisse alios, & tandem cum Deo, tum hominibus inuisos factos perissee miserè.

XV. Verum hanc in sententiam plura opinor, cognati ac propinqui tui ad te perscribent, quibus obtemperabis.

XVI. Simul etiam liberam hanc meam reprehensionem, æqui boniq; consules, memor illius: amicorum vulnera, non vulnera, sed oscula.

In dictis verò atq; sentiis reprehendendis inuentio ita instituenda: vt ostendamus esse eas hominis, aut obscuri, aut indocti, aut imprudentis. Deinde intelligi facile non posse. Tum esse absurdas, impias, perniciosas generi humano. Tracta-

*Dictorum
& sententiarum
reprehensiones.*

tio quoq; & collocatio absoluetur: principio à scribēdi occasione sumpto: dicti aut sententiæ expositione: ἀνὰ συνδῆ refutatione: conclusione vel reprehensione, vel συνδωξῇ reiectione atq; præcisione constante. Nos exercitij causa Menandri illud dictum, χρόνῳ πάντα γίγνεται tractabimus.

I. Scribis vehemēter tibi Menandri illud dictum placere: χρόνῳ πάντα γίγνεται, tempore omnia fiunt & producuntur.

II. Ego verò, dum paulò, vti debēo, illud considerò diligentius, vt falsum atq; absurdum reprehendendum maximè esse reperio.

III. Quid enim absurdum magis quàm rerū omnium, & generationem & perfectionem tribuere ei, quod omnia destruit, perdit, conficit?

IIII. Nihil sapientia est ac scientia pulchrius aut præstantius: eam qui sunt consecuti, non reliquos modò homines longo post se intervallo relinquere, verùm etiam à dijs ipsis quàm proximè abesse videntur.

V. Hanc verò res nulla alia quàm tempus perdit: quod ingenij vires imminuit, & duas illas studiorum pestes, obliuionem scilicet & dubitationem inducit.

VI. Sensibus deinde totiꝫ corpori quid nisi tempus interitum adfert?

VII. Oculi in senectute caligant, & stelle lucidissimæ

disimæ densissimis quasi nubibus obteguntur: aures obsurdescent: manus, quæ corpus custodiunt, tremere incipiunt: crura, quibus idem nititur, sub pondere vacillant.

VIII. In ea autem quæ à fortuna manant, atque proficiscuntur, an non vim suā atq; tyrannidem tempus exercet: dum facultatibus homines exuit: dum quos terra profert fructus conterit & corrumpit: dum præclarorum virorum memoriam obliuione extinguit?

IX. Iam verò rei literariæ quantam idem tempus cladem intulerit, quis ignorat?

X. Quære Aristotelis plus quàm quingentos libros, qui à doctis numerantur: nusquam apparebunt: quære rerum gestarum scriptores, quorū suis in scriptis mentionem Cicero facit: non reperies.

XI. In tempore porrò corruptis deprauatisq; locis emendandis quàm viri doctissimi clarissimiq; sunt hodie, & quàm hac in re de literis merentur præclare?

XII. Ad Imperia verò & Respubl. conferre me si vellem, Deum immortalem quàm mihi metuendū esset, ne in orationem integram epistola excresceret.

XIII. Vbi doctæ illæ & literis literatisq; hominibus affluentes Athenæ? vbi nobilis & rebus bellicis celeberrima Lacedæmoniorum Respublica? vbi æmula laudis Romanæ Carthago? nōne his omnibus tempus solam ruinam atq; interitum attulit?

XIIII. Vbi aureum illud caput: vbi pectus argenteum: vbi venter æneus: vbi Babyloniorum, Persarum, Macedonū imperia olim florentissima? prostrata iam atq; euerſa iacent.

XV. Quin &

Deficiunt validi longæuo tempore tauri,

Et quondam pulcer, qui modò turpis equus.

Fraſta diu rabidi compeſcitur ira leonis,

Lentaq; per ſenium Caſſia tigris erit.

Ipsa etiam veniens conſumet ſaxa vetuſtas,

Et nullum eſt, quod non tempore cedat opus.

XVI. Sed nimirum ineptus ego, qui temporis iniurias complecti omnes, & quidem epiſtolis complecti conor.

XVII. Et adductæ iam rationes: & quæ noſtros in oculos incurrunt quotidie, ſatis teſtantur: falſam atq; abſurdam Menandri hanc ſententiam, verã contra illam Sophoclis eſſe:

Πάντ' ὁ μέγας χρόνος μαρτύνει τε καὶ φλέγει.

Reliquæ adhuc rerum ſunt reprehentiones, quæ vt rectè inſtituantur argumenta ſumenda erunt ex cauſis, effectis & adiunctis: & docendum reprehendi eas meritò debere: propterea quòd turpes ac inhonestæ: quòd laboris, difficultatis, moleſtiæ plurimum: parum, aut nihil vtilitatis habeant. Atque hæc ita tractabuntur: vt principium à præſcribendi cauſa atque

occa-

occasione ducatur : ipsa subsequatur reprehensio, nō nudè, sed argumentosè instituta: concludatur adhortatione, atque illud quæatur: ut parui facere, atque contemnere amicus incipiat, quod in amore antè deliciisq̃ue habuit. Nos artem militarem exercitij gratia vituperabimus: & authores nobili cuidam adolescenti erimus, ne huic sese dedat. Sententiæ breues atque nudæ tales esse poterunt.

I. Nihil multis hinc ab annis accidisse mihi acerbius memini, eò quòd nuper audiui, te in dies in studijs remissionẽ fieri, deq̃ vitæ genere literario cum militari commutando cogitare.

II. Quia enim ab ineunte ætate vnicè te amaui: author quoque nobilissimo D. parenti extiti, ut ad Academijs te ablegaret: non possum non dolere: subito te, vel iuuenili quadam temeritate, vel improborum quorundam vuculis persuasum studijs valedicere, & quidem tale vitæ genus sectari velle, quod, siue honestatem quis spectet: siue iucunditatem quærat: siue propositã vtilitatem habeat, probari nullo modo potest.

III. Etenim, ut missis nunc alijs, ea solùm, quæ te tuiq̃ ordinis homines propius attingunt, breuiter indicem, quid nobili nato loco esse turpius potest, quàm mercenarium fieri: libertatem cum seruitute commutare: ex aliorum cruore quæstum

facere: pietati omni renunciare?

IIII. Neq; enim, vt ille ait, in castris malus est quisquam, nisi is, qui mali nihil agit.

V. Neq; etiam temerè illud quod à Poeta dictum, ferè in prouerbium hodie abiit:

Nulla fides pietasq; viris qui castra sequuntur,
Venalesq; manus: ibi fas vbi maxima merces.

VI. Ab honestate verò ad voluptatem atq; delectationem si te conuertas, ecquam obsecro in castris reperies?

VII. Sub dio iacere, excubias etiam agere milites: imbres, niues, aestum, frigus perferre coguntur: assueti vino bono & generoso aqua sitim restinguere necesse habent: pro symphonia suauissima, bombardarum tonitrua, armorum crepitus, clamores, eiulatus, lamenta audiunt: sæpè pane duro, aut pomis caducis famem depellunt.

VIII. At commoda, inquires, homines excitāt vt castra sequantur.

IX. Egregia sanè commoda, cūm domum secum milites mancos ac debiles artus: insignem vulneribus vultum: paupertatem, vlcera, morbos varios referunt.

X. Sed esto, onusti coronatis redeunt milites: q̄ obsecro diuturnus illarum diuitiarum esse vsus potest, quæ à misellis rusticulis, aut alijs innocentibus sunt abrasæ?

XI. Et hoc in more habere milites nonnullos videmus.

denius, ut si quam in bello pecuniolam collegerint, ne rubiginem fortè illa obducat, illicò hospitibus committant.

XII. Itaque etiam atque etiam te hortor: ut omni abiecta cogitatione militiæ studia tua persequaris, quæ & voluptates veras ac diuturnas habent: & deniq; bona ea adferunt, quæ nec eripi, nec surripi possunt.

XIII. Loco natus es nobili, quem maximè virtus atque doctrina ornat: principem habes, & literatum ipsum, & summum literatorum patronum: parentes tibi Deus est largitus, qui suppeditare tibi sumptus, & volunt & possunt: nō ingenium deest: non alia ad capeffenda studia necessaria desiderātur.

XIIII. Tuum igitur erit considerare potius, quid Deo, quid parentibus, quid cognatis & amicis debeas: quàm alij suadeant homines, non ad quietem atq; otium, sed bella nati.





RATIONE CONTEXEN- DARVM EPI- STOLARVM

Pars III.

*Iudicialis generis: & primò Accusatorias,
seu Expostulatorias Episto-
las continens.*



NDICATIS breuiter iis, quæ
in deliberatiui atq; demon-
stratiui generis considerata
epistolis videntur, ordo re-
quirat, de illis vt agatur, quæ
ad iudiciale genus referuntur: cuiusmodi
sunt accusatoriæ, seu expostulatoriæ, que-
rulæ, minatoriæ, exprobratoriæ: & quæ
ad easdē responsiones instituuntur. Nam
& harum vsus esse magnus solet: cùm, aut
alios accusamus: aut ingratis beneficio-
rum exprobramus obliuionē: aut de in-
digna

digna nostra fortuna, vel inimicorum iniuriis conquerimur: aut pœnas improbis minamur: aut nos purgamus, & nostram partim, partim amicorum famam atq; existimationem contra eos defendimus, qui calumniis & criminationibus falsis, detrahere eidem aliquid conantur. Ad expostulatorias ergo *μεμνηνῆς* epistolas quod attinet: ita illæ vocantur, in quibus, vel cum amicis de neglecto officio: vel illata iniuria atq; cõtumelia cum inimicis expostulamus. Ut autem rectè in his inuentio instituat, considerandum est, sit nec ne illud factum, de quo cū amico expostulare volumus: deinde eiusmodi ne sit, ut obiurgationem atq; expostulationem mereatur. Cum negare factum posse videtur is, ad quem scribimus: argumenta ex causis, adiunctis, testimoniis ducenda erunt: atque inde faciendi aliquid, cū voluntatem, tū facultatē adfuisse: factum quoq; ostendendum est. Cum verò non quidem negari factum prorsus: at aliquā interim, vel extenuationem, vel purgationem admittere posse videtur: adferenda ea, quæ illud ipsum exaggerant dignumq; reprehensione atq; expostulatione docet: quia scilicet cōtra pietatem, leges, vel diuinas

Expostulatoriæ epistolæ.

Probantes expostulationum sententia.

vel humanas, mores bonos, consuetudinem, promissa & facta commissum: neq; aut casu, aut errore, aut necessitate, sed data opera atq; studio commissum: & commissum contra eum, qui vir sit bonus, nō de aliis meritis malè, ob ætatem, doctrinam, prudētiam, auctoritatem colendus: & commissum ab eo qui facere hoc minimè debebat: ἀντιθέσει deniq; acceptorum & neglectorum officiorum contentione facta illud ipsum exaggerandum. Ad πᾶν

*Sententia ex
postulationis
πᾶν καὶ
mouentes.*

verò animorum motus quod attinet, tres huius generis in epistolis potissimum excitandi sunt: odiū, metus, pudor, seu verecūdia, operaq; dāda, vt pudore suffundatur is, ad quem scribimus: odisse sua vitia, à pœna denique metuere sibi incipiat. Vt modestè quoq; non superbè, iracundè, asperè, minaciter accusare atq; expostulare videamur, sententiæ adhibendæ ἠδικοὶ καὶ συστατικοὶ erunt ad mores indicandos amabiles, & asperitatem atque vehementiam ipsius expostulationis mitigandam accommodatæ. Cuiusmodi sunt: primum ἐδυσπικαὶ querulæ: cum de nostra fortuna conquerimur, & simul, dolere nos ex animo

*Sententiæ ἠδικοὶ
conci-
liantes.*

nimo ostendimus : contra honestatem, pietatem, amicitiam ab amico commissum aliquid : malè etiam sentiendi & loquendi occasionem aliis datam esse. Deinde μετασπικαί : cum facti culpam remouemus à persona, transferimus in alios, atque ita quodammodo amicum excusamus. Tertio προσποιήσεις ἀνάγκης necessitas simulationes : cum ostendimus grauatiè admodum obiurgatione nos atque expostulatione vti : cogi autem necessitate & amici improbitate ac iniuria.

Quartò ἀξιώσεις petitiones : cum rogamus amicum, in bonam partem expostulationem illam vt accipiat. Quintò, σώπων ὑπαλλαγαί personarum commutationes : cum non, vt ex nobis, sed aliis aliquid adferimus. Sextò, συστάσεις commendationes atque laudationes eorum, quibus cum expostulamus : maximè si prepositæ illæ expostulationibus fuerint. Septimò ἀποδιώσεις ἢ ἀποσιωπήσεις præcisiones & reiectiones : cum abrumpimus expostulationem : & vel ad alios remittimus eum, quò cum expostulamus : vel grauatiè admodum accusationes nos instituere ostendimus. Octauò, ἀνακοινώσεις

communicationes: cum suo ipsius testimonio eum ad quem scribimus conuincimus. Nono, *καὶ* vota atq; preces, quibus mētem iis ad quos scribimus, meliorem precamur. Decimò, integritatis & candoris professiones: cū vt nostra, & natura, & amicitia postulat, liberè nos atq; apertè agere ostendimus. Postremò *καὶ* pollicitationes ac delationes, amoris, studij, officij, quæ positæ in fine, paulò asperius atq; acerbius dicta, leniunt atq; mitigant. Collocatio autem ita in huius generis epistolis instituitur: vt in exordio sit: vel querela & obiurgatio ex abrupto facta. lib. 3. epist. 6. lib. 5. epist. 1. Vel occasionis & causarum institutę scriptionis expositio. lib. 5. epist. 5. 7. li. 7. epist. 23. Pars altera propositio ipsam *μεμνημένη* obiurgationem atq; expositationem cōtineat. lib. 5. epist. 5. 7. Tertia eiusdem rationes, cū docentes tūm amplificantes complectatur, petitas à contentione atq; comparatione acceptorum & neglectorum officiorum. lib. 3. epist. 6. lib. 5. epist. 5. Factis & meritis præclaris. lib. 3. epist. 6. lib. 5. epist. 1. 5. 7. personę cui iniuria infertur dignitate. lib. 3. epist. 6. lib. 5. epist. 1. pollicitationibus multis atque magnis. lib. 3. epist. 6.

Testi-

*Collocatio ex
postulatoria
rum episto-
larum.*

Testimoniis & iudiciis aliorū. lib. 3. epist. 6. lib. 5. epist. 5. 7. effectu & occasione maleuolorum data calumniis. lib. 3. epist. 6. inutili seu superuacuo. lib. 7. epist. 23. postrema, conclusio absoluitur: aut *μετ' ἑπὶ* adhortatione, ne hoc iterum faciat amicus. li. 16. epist. 25. inimicus quàm amicus esse malit. lib. 5. epist. 5. aut *ἀξιώσει* petitione, ut quod neglectum compēset amicus, vel, quod perperam factum, corrigat. lib. 3. epist. 6. lib. 5. epist. 7. lib. 7. epist. 23. Aut *ἀπειλή* comminatione. lib. 5. epist. 1. 5. Aut accusationis & expositulationis mitigatione, & *ὑποχέσει* delatione officij. lib. 3. epist. 6. Reperiuntur verò eiusmodi ex-

Materia ex-
postulatio-
num.

postulationum materię Ciceronis in epistolis familiaribus varię. Expositulationes de negligentia in scribendo. lib. 16. epist. 25. cōgressu vitato. lib. 3. epist. 16. *Ἀχα-*
εῖσια non relata gratia. lib. 5. epist. 5. intermissa nostra commédatione atq; promotione. lib. 5. epist. 7. Neglecto precio ac delectu in emptione rerum. lib. 7. epist. 23. duriusculè tractatis & oppugnatis amicis. lib. 5. epist. 1. In epistolis quoq; ad Atticū huius generis exempla esse poterunt. lib. 3. epist. 25. in qua Cicero leniter cum Attico expostulat, quod eo maximè tempore

*Imitatio ex-
postulatoria
epistola.*

discefferit, quo illius opus auxilio habue-
rit. Et lib. 8. epist. 18. in qua Domitij Pom-
peius cum in scribendo, tum coniungen-
dis copiis officium desiderat. Et lib. 11. epist.
19. in qua Cicero de literarum, non modo
infrequentia, verum etiam breuitate cum
Antonio expostulat. Nos 5. lib. 5. fam. imi-
tari conabimur, in qua ἀχαιστὰς Antoniū
Cicero accusat. Partes illius sunt: Exor-
dium in quo causas Cicero exponit, qui-
bus adductus ad Antonium nunc scribat.
Propositio, expostulationem, sed conten-
tione factam cōtinet, ut eò scilicet acrior
sit & vehementior. Tertia ἀνένσις amplifi-
catio est. Non enim nudè quæ sint ab An-
tonio commissa ingratè exponuntur: ve-
rum, cum bonorū virorum testimoniis,
tum acceptorum & neglectorum benefi-
ciorum collatione amplificantur. Quarta
& postrema conclusio adhortatione &
comminatione absolvitur. Quæ nos imi-
tari de ἀχαιστῶν cum amico expostulabi-
mus hoc modo.

I. Etsi constitueram nullas ad te prorsus dare li-
teras: quod valere apud te parum eas scirem: tamen
cum ad te viri aliquot proficiscerentur boni: & v-
triusque nostrum amantißimi atq; cupidißimi, ali-
quid ad te scribendum mihi esse sum arbitratus.

II. Ego

II. Ego si quæ tua in me desiderarem officia non, opinor, malè facerem: aut in bonorum virorum reprehensionem incurrerem.

III. Quæ enim cunq; à bono veroq; expectari amico possunt: ea pro virili præstita à me tibi esse memini.

IIII. Nihil profectò tuis me commodis atque honoribus habuisse antiquius, tui norunt amici ac propinqui: gratiam quam mihi retuleris, ipse scis.

V. Sed quid de gratia ego nunc scribo, cum etiam maleficiis mea te compensare beneficia ex multis iam audierim?

VI. Nolo enim scribere compertum hoc me exploratumq; habere, ne in idem leuitatis crimen incidam, quod in te mecum multi viri boni reprehendunt.

VII. Quæ verò sint illa, quæ ad me amici detulerunt, literis hisce non committam: ex aliis cognosces, quibus æquè atq; mihi auditu illa grauiamolestaq; extiterunt.

VIII. Quam tui ego amans extiterim semper: quàm de studiis tuis senserim præclare: quàm ad hæc eadem prouehenda, promptus semper paratusq; fuerim, non amici modò & qui sanguinis te attingunt communione, sciunt: sed alij quoque, & quidem Senatorij ordinis viri testes mihi erunt.

IX. Quàm tu interim erga me fueris gratus, & his & aliis pluribus cognitum est.

X. Iam enim peruulgata res est, inq; omnium ore versatur; & tu ipse existimare poteris, si tua quedam in me, cùm dicta tum facta in memoriam redigere volueris.

XI. Quæ tua causa hætenus feci: primum opinionione quadam tuarum virtutū: deinde amore: tum constantia adductus feci.

XII. Sed quia eiusdem esse dementiæ aiunt, & in vndis marinis sementem facere: & in hominem ingratum beneficium conferre; non committam, ut vel tibi, vel aliis insanire videar.

XIII. Interim illud tibi Plautinum occurrat velim: improbus est homo, qui beneficium scit sumere, & reddere nescit.

XIIII. Ista ad te nunc cur scribam: ex iis qui hæc meas tibi literas tradunt, cognoscere poteris.

XV. Quos etiam ita tibi commendo: ut, quam vltro facturum te omnia confido, tamen precibus meis abs te hoc contendam: ut si quid amoris in me tui adhuc est reliquum, illud omne in viris hisce optimis nostriq; amantiſſimis ostendas, atq; ita eos tractes, ut domum reuersi apud me gratias age-

De ratione
respondendi re tibi queant.
aliorum lite
ris accusato-
ris seu expo-
sitatoris.

Hoc ergo ferè modo Ciceroniana secu-
ri vestigia expostulatorias instituere epi-
stolas poterimus. Quemadmodum verò
cum

cum aliis, vel de neglecto officio, vel illata iniuria sæpè expostulamus: ita necesse quoq; non rarò habemus: vt ad aliorum expostulationes atque obiurgationes respondeamus, & defensione ac purgatione utamur. Nemo enim tam probus, aut etiam felix atq; fortunatus est, qui nõ aliquando propter obrectatorũ calumnias, vel ætatis & iudicii imbecillitatem, vel aliorum corruptelas reprehendatur. Vbi erecti est & liberalis ingenij: non tacere; non rumorem negligere: non parui aliorum expostulationes atq; obiurgationes facere: sed modestè sese ac verecundè excusare, & quæ sunt allata refellere. Ad inuentionem ergo quod attinet: quia non vna est & eadem defendendi sese atq; excusandi ratio, neq; ex iisdem ducenda locis argumenta: sed quadripartita potissimum hîc instituenda cõsideratio erit: aut enim id quod obiicitur negatur: aut vt rectè factum defenditur: aut extenuatur: aut deniq; ad confessionem atq; deprecationem fit simplicem refugium. Cum id, de quo expostulatio instituitur, negare volumus: tribus maximè vtendum locis erit: causarum, adiunctorum, testimoniorum. Et quidè ex causis negandũ: voluisse

*Argumenta
in respondendo
obseruanda.*

illud nos facere, quod in nobis alij reprehendunt: quia nō potuerimus odisse amicum, aut eiusdē obliuisci: quia nemo sit, odio eum qui prosequatur, vel etiam nos instiget, vr hoc aut illud maleficium committamus: exiguam vtilitatem, vel nullā potius, imò maius damnū atq; incommodum, q̄ emolumentum percepturos nos inde fuisse. Deinde ex adiūctis, & temporis, loci, personarū, instrumentorū consideratione ostendendum, neq; temporis nos satis, neq; locum opportunū, neq; occasiones rei gerēdæ alias habuisse: ita vitā hactenus nostram instituisse, vt nulla improbitatis, nequitiae, odij, malevolentiae: benevolentiae, morū, probitatis, vitę sanctimonie plurima in nobis deprehēsa vestigia fuerint. Tum ex testimoniorū loco planum faciendū optimorū nos virorum euincere testimoniis posse: nihil tale à nobis dictum factumve esse vnquā. Aut, si testimonia desint, non admittenda temerē ab aliis quæ dicuntur, nō fidem rumusculis habendam: præsertim si capite illi aucthoreq; caruerint: cogitandum etiam id, quod præclare Poëta scribit:

Οἷος ὃ Διόδοῳσι πάρεται ταχὺ:

Ηῦτοι πονηρὸς αὐτὸς ἐστὶ τῶς τῶσας

Ηῦ παντάπῃσι παιδαγωγὸς γνώμῃς ἔχθρ.

Iam

Iam verò secundo loco, cum nō negare aliquid, sed vt benè recteq; factum defendere placet: indicandum primò ex causis erit: honestum, iustum, æquum esse id, q; in nobis reprehenditur: coniunctum etiā cū vtilitate, vel publica, vel priuata illius, nobiscum qui ex postulat. Deinde de promendæ leges: iudicia doctorū atq; prudentum proferenda: sententiæ & auctoritates sacræ scripturę, philosophorum, poëtarū, aliorum producendæ. Comparatorū tertio locus adhibēdus, & exemplis vtendū propterea quod exemplis, quę fiunt, rectè fieri iudicantur, maximè si hominum illa probatorum, & nōnulla præditorum auctoritate extiterint. Quoties autē id quod nobis obiicitur, purgandum & nō simpliciter vt rectè factum, sed vtcunq; excusandum est: ex causis & adiunctis argumenta ducenda, & ostendendū ex illis erit, commissum aliquid aut imprudētia, aut casu, aut necessitate, aut fortuna aduersa: non consultò, nō odio aliquo, vel maleuolentia, nō nocendi studio, non alia quadā de causa. Ex his impedimēta quoq; colligenda & difficultates, quę nobis obstiterint, quò minus ea, q̄ erant faciēda præstaremus: cuiusmodi attributa sunt personarū, tem-

porum, locorū, instrumentorū. Postremo cum ita res sese habent, ut nulla elabendi aut excusandi adferri ratio queat: ad delicti confessionē & veniæ deprecationem confugiendū. Quæ tñ ipsa quoq; non nudè in epistolis ponenda: sed rationes adiunctas habere debet: ita quidē, ut ex adiunctis, & temporis, personarū, loci, rerū consideratione doceatur: lapsos nos esse ætate, imprudentia, errore: nunquam tale quid antè perpetrasse: iam quoq; emendationem polliceri: duci pœnitentia: ipsum deniq; delictum, eius generis non videri, ut tam acrem atq; vehementem expostulationem mereatur. Ostendatur ex causis: iustum, æquum, & honestū esse, ut imprudentia atq; errore lapsis detur venia: maxime si ignosci sibi petāt atq; meliora deinceps pmittant. Locus tractetur cōmunis, de hominis conditione. Verbi gratia: angelorum esse labi nunquā: labi & non surgere diabolorū; & labi & surgere hominum: nihil gravius esse q̄ ita errantē deserere: ut se reuocare nequeat: penè, quod Seneca ait, innocentē esse eum, quem peccasse pœniteat. Ex cōparatis deniq; exempla proferantur eorum, quibus simili in causa vel etiam maiori data venia fuerit,
& ab

& ab iisdem qui nobiscum iam expostulant. Vbi maximè Dei exemplum mouet, qui offensus grauissimè, tñ misso filio hominibus ignouit: & adhuc benefacit quotidie. Ad motum verò animorū quod attinet: quia expostulationes, odium, iram & indignationē habent, opera danda ut contrariis affectib. motus illi tollantur: & exciterur hīc primū commiseratio, q̄ oritur cum innocens aliquis, probatisq; præditus moribus, aliorū conuitiis verberatur aut proscinditur calumniis. Deinde amor & beneuolentia, quę virtute maximè atq; beneuolentia conciliatur: si ostendatur scil. alienos semper nos eo à vitio fuisse, q̄ nobis obiicitur: cōmoda etiā amici prouehere, impedire atq; auertere damna stuiduisse. Tum metus non solum infamię & dedecoris, verū etiā damni ac detrimenti: propterea quòd, & ut leues malè apud bonos viros audiunt, & non rarò se suosq; perdunt, qui nimis faciles atq; patulas calumniatoribus aures præbent: quemadmodum Alexandro hoc magno, Tiberio, Cambisi, Dionysio Tyranno aliisq; accidisse historici referunt. Postremo odiū & inuidia ipsis calumniatoribus atq; delatoribus cōflanda, qui societati ciuili no-

παρηγορησέ
αὐτὰς
τὰ
γυμνασια.

*Ad conciliantia argu-
menta.*

cere maximè solent. In cōciliando deniq;
illud curandū, vt non ridere aut contem-
nere, sed magnifacere amici ex postulationem
videamur, ideoq; sentētiæ vsurpādē,
q̄ pudorem & verecundiā declarant: q̄ do-
lorem ac tristitiā, indicant: execrationem
contineant & detestationē eius q̄ obiici-
tur: laudem deniq; atq; commēdationem
complectuntur illorū apud quos purgare
nos volumus: q̄ ab æquitate, prudentia, iu-
stitia, mansuetudine, clementia ducetur.
Ac propterea locum hīc maximè habent
admirationes, detestationes, imprecationes,
indignationes, pollicitationes & his
similia alia, quibus & excusatio fit mora-
ta & venia facilè impetratur. Interdū etiā
accusatio est acerbitalis in respondendo
mutua instituenda, & culpa in eius, q̄ no-
biscum p̄ literas ex postulauit, morositatē
aut iniquitatem transferēda. Collocatio
autē atq; tractatio talis erit: vt prima pars
exordiū, constet: aut significatione dolo-
ris ex accusatione & reprehensione amici
percepta. lib. 2. epist. 1. Aut occasione scri-
bendi. lib. 10. epist. 34. Aut reprehensione
institutæ ex postulationis. li. 7. epi. 27. Aut
excusatione silentij & infrequētiae litera-
rum. lib. 7. epist. 13. lib. 10. epist. 31. Aut obre-
stationē

statione. lib. 10. epist. 35. Aut execratione. li. 11. epist. 21. Pars altera cōtentio argumēta cōplectatur, q̄ vsurpari in respondendo antē ostēdimus: & habent vel ἀρνησις inficiationem atq; negationē facti simplicē. lib. 2. epist. 1. lib. 7. epist. 27. lib. 10. epist. 34. lib. 12. epist. 18. vel μετασυσσις remotionem & translationē culpæ in personas alias li. 2. epist. 1. lib. 10. epist. 35. lib. 15. epist. 17. ipsum accusatorē. lib. 15. epist. 17. ignorātiā. l. 7. epist. 13. Necessitatem. li. 10. epist. 31. & 34. Fortunam. lib. 10. epist. 34. Occupationes multas & varias. lib. 12. epist. 18. Vel ἀνάλυσις defensionem absolutā. li. 10. epist. 8. 31. 34. 35. Pars tertia cōclusio absoluat: ὑποθέσει eorum quæ requirere amicus videtur pollicitatione. lib. 2. epist. 1. Aut testificatione amoris & beneuolētiæ. li. 3. epist. 7. lib. 10. epist. 31. Aut παραμυθία mitigatione & excusatione acerbitalis in respōdendo adhibet. lib. 7. epist. 27. Aut ἀξιώσει petitione, vt in bonā partē q̄ factū amicus interpretetur: suspicionibus depositis optima quæq; sibi de nobis polliceat: nō temerē fidē adhibeat iis q̄ deformādi gratia à maleuolis adferuntur: sed Agesilaū & Alexandrum secutus, purā & obstructam absenti quoq; aurem relinquat, nec minus eorum

qui reprehendunt alios, q̄ qui reprehenduntur, vitam atq; mores consideret. lib.

*Materiæ re-
sponſionũ ad
epiſt. expo-
ſtulatorias.*

10. epist. 34. 35. Sunt autem responſionum eiusemodi res & materiæ Ciceronis in epist. familiar. variæ. Responſio ad expoſtulationẽ de infrequentia & raritate literarum. lib. 2. epist. 1. li. 7. epist. 13. li. 12. epist. 18. lib. 15. epist. 17. De non præstitis officiis. li. 7. epist. 27. De mora in repub. defendenda li. 10. ep. 8. De patrociniõ & defensione improborũ ac ſeditioſorũ. lib. 10. epist. 31. 34. 35. Nos exercitij gratia. lib. 2. epi. 1. imitari ex parte conabimur, in qua Curioni ſeſe Cicero purgat: à quo ob literarũ raritatẽ accusatus & reprehensus fuerat. Nam & hodie fieri illud crebrò ſolet, vt propter ſilentiũ diuturnũ accusationes atq; expoſtulationes cũ amicis inſtituantur. Partes epistolę illius tres ſunt. Exordiũ ſignificatiõẽ factũ doloris ex accusatiõẽ amici percepti. Excusatio & purgatio ἀπὸ τῆς negatione partim, partim μετὰ τὴν ἀπομαρτυρίαν remotiõẽ facta. Præciſio & reiectio excusationis plixioris pollicitatio officij in ſcribẽdo. Quę imitãdo effingere poterimus hoc modo.

*Imitationis
exempla.*

I. Eſſi doleo, ob literarum me raritatem atq; infrequentiam accusari, tamen non tam hoc mihi graue moleſtumq; extitit, quàm gratũ cognoscere, memoriam adhuc te mei tenere.

II. Idq;

II. Idq; eò fuit mihi gratius, quòd de quo expositionem mecum institueras, in eo culpa me vacare omni scirem.

III. Ego tuæ familiæ splendorem, vti debui, magni feci semper: teipsum ob doctrinam singularem, auctoritatem summam, incredibilem humanitatem, egregias virtutes alias, colui: propter plurima maximaq; beneficia, non patroni modò, verùm etiam parentis loco habui.

IIII. Eadem adhuc mea est voluntas, et erit, quandiu lucis huius frui vsura contigerit: neque illa vel temporis diuturnitate, vel locorum interuallis, vel re vlla alia immutabitur.

V. Qua de re, quia propter silentium subdubitare videris, quæso æquum te præbeas: neq; suspiciones meq; dignas parum aut concipies ipse, aut suscitatas ab alijs foueas atq; confirmes.

VI. Literas tu meas requiris. Equidem quoties fuit, cui rectè tutoq; eas dare possem: sine illis ad te ire neminem sum passus.

VII. Sed non notum illud mihi semper esse potest: quando ad vos quisq; proficiscatur.

VIII. Deinde non, opinor ignoras, cuiusmodi esse tabellarij nostri soleant, qui ad scribendum spacium concedunt nullum: petasati accedunt: aut ad portam à comitibus, aut domi à suis, vel alijs à quibus ablegati, expectari sese clamitant: vt saltem literas sese petiisse, affirmare queant: nisi etiam inaurati

fuerint, easdem vel ei qui primò sese offert, tradunt, vel in proximum flumen proijciunt.

IX. Huc accedit, quòd eo ego sum ingenio præditus, vt non temerè literas scribam, nisi quid offeratur, quòd aut me scribere, aut eos, ad quos scribo, scire necesse sit: præsertim si docti illi, aut publicis districti negotijs fuerint.

X. Quamquam, cùm quoties ad me scripseris, cogito, non sanè video, quomodo meam in scribendo reprehendere negligentiam possis.

XI. Bis aut ter ad summum, easq; admodum breues literas à te accepi: vt, vel hoc nomine, æquum te mihi facilemq; futurum minimè dubitem.

XII. Sed vt vt sit: quia istud officij genus non displicere tibi video: operam dabo sedulò, vt scribendo te expleam: & vel cum argumento, vel sine argumento literas ad te mittam.

Ita ergo leniter & modestè ad aliorum accusationes atq; expostulationes respondere poterimus. Quòd si verò paulò respondere liberius, & dentatà, quod aiunt, instituere purgationem placuerit, exemplo esse nobis. lib. 7. epi. 27. poterit, in qua Balbo cuidam Cicero responderet, & iniuste ab eodem sese accusari ostendit. Partes epistolæ sunt: Exordium reprehensione institutę expostulationis constans. Refutatio obiectorum criminum. Conclusio, quæ

quæ adhibitæ in reprehendendo acerbitatis mitigationem atque excusationem continet. Hanc igitur imitati amico respondebimus, qui de ingratitude & iniuriis nostris expostulationē per literas instituit ad hunc ferè modum.

I. Miror cur per literas mecum expostules: & quidē ita expostules acerbè: cū nec habeas, de quo verè accusare me possis: nec si haberes, ita mecum agere debebas.

II. Quid enim est quòd tantam tibi in nasum bilem conciuuit?

III. Tuæ, inquis, fortunæ author solus extiti: fōre, ais, breui, vt tuo rursus auxilio consilióque indigeam: multa addis alia, quæ tamen nemo, aut perquam pauci credunt, quia longè rem sese habere aliter norunt.

IIII. Sed sint sanè, quia ita vis, tua in me promerita, neq; nulla: neq; parua: qua obsecro in re ingratum me es aut immemorem expertus? quid est, quod non, quantum quidem per tenuitatem fieri meam potuit, abundè tibi sit concessum?

V. Negas audere me in promouendis ijs, quos charos acceptosq; habes, offendere alios.

VI. Quasi verò non rogatus vltro sese quis sine impudētiæ suspicione inferre queat: aut maior eiusmodi in rebus gratiæ atq; amicitiae, quàm publicæ utilitatis ratio habenda sit.

VII. Nihil ego iam ad reliqua accusationis tuæ capita respondeo. Te ipsum quaeso paulisper collige: locum non affectibus, sed rationi & consilio relinque: superioris temporis memoria acta recole: audi amicos & propinquos tuos: & quàm iustè honestèq; me accuses, facile intelliges.

VIII. Sed nimirum hoc me natum sydere video: ut in vitæ meæ cursum licet obscurū, veluti scopum aliquem coniectos oculos maleuoli habeant.

IX. Quibus tamē, aut aures accommodare, aut fidem habere temerè, alienum ab amicitia: contrarium pietati: repugnans grauitati est.

X. Quòd si certare cum istis hominibus criminationibus vellem: nā haberem quæ illis & verè obijcerem.

XI. Verū hic Gelo mihi ille apud Herodotum placet, qui monet, ne conuitijs, quasi in symbolo congestis, respondeamus.

XII. Probatur & Socrates, qui ab amico admonitus ut calumniatori responderet, num, inquit, asinus te si calcitraret, calce eum rursus percuteres?

XIII. Et sanè hac ipsa in responsione, libenter me tibi facilem præbuissem, si paulò tu mecū humanius egisses.

XIIII. Neq; enim de te ego vnquam nisi summo cum honore loquutus sum: neq; in optatis quicquàm habui magis, quàm ut meam tibi fidem, gratique animi memoriam probare possem.

XV. Neq;

XV. Neq; reprehendi vnquam quæ gessiſti: ſed quæ ſcripſiſti nuper, laudare omnia non potui.

XVI. Si enim vera fuerunt ea, quæ tu mihi aliquando tribuiſti: cur nunc ita exagitas? Si falſa, quid tibi quæſo debeo?

XVII. Itaque æquiorẽ deinceps te mihi exhibebis.

XVIII. Quod ſi verò aliorum obtreſtationibus irritatus renunciare planè mihi amicitiam volueris; officiũ mei beneuolentiæq; fretus conſcientia, non ſanè multum laborabo: idq; Agamemnonis uſurpabo:
καὶ ἐμολίμην καὶ ἄλλοι, μάλιστα δὲ μνηστῆρα Ἰδῆς.

Si poſtremò etiam ad amici reſpondere purgationem neceſſe fuerit, exemplo nobis lib. 4. epiſt. 4. eſſe poterit, in qua Cicero Sulpitio literarum excuſanti raritatem & ſilentium reſpondet: atque ita reſpondet, vt purgationem partim admittat, partim improbet, ac reiiciat. Sententiæ hunc ad modum breuiter inſtituẽtur.

I. Accipio excuſationem tuam, qua es uſus, cur rarius ad me hætenus ſcripſeris: ſed propterea accipio, quòd non negligentia quadam, aut amicitie noſtræ obliuione, ſed tabellariorum cùm penuria, tum negligentia atque improbitate factum illud eſſe ſcribis.

II. Illam autem excuſationis tuæ partem, qua nõ facile ad doctos & publicis diſtinctos negotijs lite-

*De ratione
reſpondendi
ad aliorum
purgationes.*

ras te dare inanes affirmas, nec agnosco, nec probō.

III. An quicquam obsecro, vel summis grauiissimisq; in occupationibus, accidere mihi posse iucundius existimas literis ab amicis missis, quas ego, dum lego, ipsos mihi compellare videor.

IIII. Possuntne verò inanes atque ieiunæ ab eo literæ expectari: qui ab ingenio est præclare instructus: probè paratus à doctrina: viris literatis ac prudentibus familiaris: in vrbe deniq; ea nunc viuit, in qua præter studia multa quotidie notatu relatuq; digna & audit, & videt?

V. Sed subodorari me existimo, quid anxium te maximè sollicitumq; reddat.

VI. Nihil nisi perfectum ingenio: politum doctrina: elaboratum industria, scribi à te oportere existimas.

VII. Non equidem istud improbo. Sed esse etiam negligentiam quandam diligentem nosti, quæ nō ingrata esse viris doctis solet.

VIII. Neque ad amicos literas dum exaramus, cura est & solitudine magna opus: cum etiam ipse Cicero quodam in loco in Epistolis, plebeio sese cum amicis agere sermone fateatur.

IX. Itaq; eius, quod discedens mihi recepisti memor, quod tandem cumque in solum venerit, ad me perscribes.

X. Neq; ob dignitatis & fortunarū, nescio quam accessionem, alium me esse factum, existimabis.

De Querulis & Indignatoriis
Epistolis.

QVerulæ & indignatoriæ epistolæ, ὀ-
^{δυνται} *δυνται* appellatæ à Græcis, sunt, in
 quibus, vel de nostris, vel nostrorum, vel
 Reipublicæ miseriis aduersaque fortuna
 querelâ instituimus: & aut in nos ipsos,
 aut aduersariorum improbitatem ac ma-
 litiam, aut alia, culpâ conferimus. Est au- *Utilitas que*
 tem epistolarum hoc genus non minus *rularum e-*
 frequens & vsitatum, quàm superius pro- *pistolarum.*
 ximum: propterea quòd sæpè non solum
 de aliorum in nos nostrosq; iniuriis con-
 queri, verùm etiam in miseras ac calami-
 tates, nostra culpa delapsi, querimoniam
 instituere, necesse habemus: vbi cauendũ,
 ne dolenter, molliter & indecorè conque- *Argumenta*
 ramur: aut in nugis, quod aiunt, Tragœ- *in querelis*
 dias agamus. Sunt autem argumenta hîc *vsurpanda.*
 sumenda ex quatuor locis: causis, adiun-
 ctis, comparatis, testimoniis. Et quidem
 causis tum efficiētibus, tum finalibus con-
 sideratis, ostendendum, meritò nos dole-
 re, queri, lamentari: quòd perpetratum sit
 aliquid & commissum contra leges, mo-
 res, æquum ac bonum: & sit commissum:
 non errore, non casu, non fortuna aduer-

sa, non necessitate, quæ, si non omnino, saltem aliqua ex parte excusat: sed data opera, consulto, improbitate, odio, invidia: vel etiam nostra culpa, bonitate, credulitate: quæ omnia ad efficientem & impellentem causam referuntur. In finalibus verò indicandum damnum & detrimentum, quod nostris infertur opibus, vitæ, famæ, existimationi, quæ etiam vita ipsa charior esse debet. Ex adiunctis porro circumstantiæ petendæ: personarum, loci, temporis, modi, ipsarum rerum, quæ ad amplificandum ponderis momentiq; plurimum habere videntur: atq; planum faciendum: offendi lædiq; eos, quorum chara & accepta esse salus atque incolumitas debeat: & lædi ab iis, de quibus multis nominibus benè sint præclareque meriti: & lædi eo potissimum tempore, quo varia atque magna immineant pericula: amicorum maximè præsidia requirantur: & lædi loco eo, quo minimè cōueniebat: & lædi nō vulgariter, sed nouo quodam, & raro, & inusitato contumeliæ genere.

Argumenta Collatione etiam facta, & allatis aliorum
in iudiciis iudiciis, aut rumorib⁹ sparsis illud ipsum,
sentia. quo de querela instituitur, exaggerandū.
 Motus autem hisce in Epistolis denominantur

nantur maximè: primùm misericordia, excitata commemoratione incòmodorum, quæ ἀξίως præter meritum, non propter improbitatem, aut scèlera aliqua sint data. Deinde odium, quod significatione, vel turpitudinis & dedecoris, vel damni concitatur, quo scilicet is, de quo conquerimur, nos aut nostros afficiat. Tum metus, qui malorum quadam oritur communionè: quoties ostendimus ea, quæ nobis acciderunt, etiam aliis contingere posse, nisi hominum petulantia atque improbitas coerceatur. Parum enim leuiterque aliena nos mala atq; incommoda tangūt, nisi ad nos quoq; aliqua pertinere ex parte ostendatur. Ad ἥθη verò quod attinet, danda in scribendo opera est sedulo, ne φιλαίποι καὶ μεμψιμοῖροι; ad querelas atq; accusationes aliorum esse pròni videamur. Quo vitio senes laborare Aristot. docet, propter animi angustiam: malorum metum: & quia omnis fragili in corpore odiosa esse offensio còsuevit. Talis autem declinatur suspicio rum, cùm ipsæ querelæ mitigantur, ac leniuntur: vel προσωπίσει ἀνάγκης necessitatis simulatione: vel προσωπεύων ἀλλαγῇ personæ commutatione, cùm non nos conqueri, sed alios ostendimus,

*Argumenta
ἡδυνά conciliantia.*

*Collocatio
querularum
epistolarum.*

quorum iudicia & querelæ non omnino
contemnendæ: vel ἀποστολῆς præcisione
longioris conquestionis: vel significatio-
ne firmitatis & constantiæ in rebus ad-
uersis: vel denique ἐκ νότου voto, vt aliquan-
do fortuna vti meliore liceat. Horum ve-
rò ita collocatio instituitur: vt prima pars
Exordium constet, vel querela & indigna-
tione. lib. 8. epist. 12. lib. 10. epist. 1. lib. 12. e-
pist. 3. lib. 16. epist. 11. lib. 14. epist. 3. 18. Vel
laude ac commendatione constantiæ &
fidei eorum, ad quos scribimus. lib. 12. e-
pist. 2. lib. 14. epist. 1. Vel excusatione rari-
tatis, tarditatis, aut breuitatis literarum.
lib. 9. epist. 11. lib. 14. epist. 2. 4. Vel causis &
occasione institutæ scriptionis. lib. 10. e-
pist. 33. lib. 11. epist. 12. lib. 14. epi. 11. 16. Pars
altera propositio, vel querelam ipsam cō-
rinet. lib. 14. epist. 1. Vel adhortationem.
lib. 10. epist. 1. Pars tertia Confirmatio in-
stitutæ querelæ rationes, & eorum quæ
excitare eandem posse videtur, amplificati-
onem complectitur, petitā: aut ex adiun-
ctis & circumstantiis personarū. lib. 8. ep.
12. lib. 10. ep. 33. lib. 12. ep. 3. lib. 14. ep. 1. 2. 3. 11.
Loci. lib. 7. ep. 28. lib. 10. ep. 1. lib. 14. epist. 1.
Modi. lib. 6. ep. 7. lib. 8. ep. 12. lib. 10. ep. 1. 12.
lib. 12. ep. 3. lib. 14. ep. 2. Rei. lib. 12. ep. 3. lib.
14. epist.

14. epist. 1. 2. Aut causis. lib. 5. epist. 9. lib. 7.
 epist. 28. lib. 10. epist. 23. lib. 14. epist. 1. 2. 3. 11.
 Aut comparatis. lib. 6. epist. 7. lib. 10. epi. 1.
 Aut testimoniis, iudicio, querelis homi-
 num & rumoribus variis. lib. 11. epist. 12.
 Postrema conclusio absoluitur, vel exclam-
 matione in rei indignitatem. lib. 12. epist.
 3. Vel pollicitatione fidei ac beneuolen-
 tiæ. lib. 12. epist. 2. Vel excusatione breui-
 tatis literarum. lib. 9. epist. 11. Vel testifica-
 tione amoris, beneuolentiæ, studij. lib. 10.
 epist. 23. 33. lib. 14. epist. 3. 4. Vel repetitio-
 ne doloris & mœroris nostri. lib. 10. epist.
 33. lib. 14. epist. 16. Vel *μετάνοια* adhortatio-
 ne, vt prouideatur, ne quæ esse iustæ que-
 relæ, aut reprehensiones possint. lib. 11. e-
 pist. 12. lib. 12. epist. 2. 3. 8. Nostras ob iniu-
 rias æquè atq; suas doleat easdemque vl-
 ciscatur amicus. lib. 8. epist. 12. Nobis in a-
 more mutuo respondeat. lib. 9. epist. 11.
 lib. 11. epist. 10. Valetudinis curam gerat di-
 ligentem. lib. 14. epist. 9. lib. 16. epist. 11. Sæ-
 pè ad nos scribat. lib. 14. epist. 1. 2. 3. 18. Sunt *Materiæ que*
 autem res & materiæ, de quibus querelæ *rularum epi-*
 instituuntur Ciceronis in Epistolis, mul- *stolarum.*
 tæ atque variæ. Querelæ de exilio. lib. 14.
 epist. 1. 2. 3. 4. Aduersâ liberorum valetudi-
 ne. lib. 14. epist. 9. 18. Obitu eorundè. lib. 9.

epist. 11. Fortuna misera & indigna. lib. 5.
epist. 9. lib. 14. epist. 11. Ingratitudine ho-
minum. lib. 8. epist. 12. lib. 14. epist. 16. Of-
fensione magnorum & potentum. lib. 6.
epist. 7. Reipublicæ statu misero ac pertur-
bato. lib. 7. epist. 28. lib. 12. epist. 4. Tyran-
nide, crudelitate, & immoderata poten-
tia. lib. 10. epist. 1. lib. 12. epist. 2. 3. 9. Renō-
uato bello. lib. 12. epist. 8. 9. Rei bene cōtra
hostes gerēde neglecta occasione. lib. 11. e-
pist. 12. lib. 12. epist. 8. 9. Sunt huius generis
etiam in Epistolis ad Atticum exempla
aliqua egregia, maximè lib. 11. quas tem-
pore exilij sui Cicero scripsit, & in quibus
statum suum miserabilem deplorat: eius-
dem quoque culpam, partim in aduersa-
riorum improbitatem, partim credulita-
tem suam nimiam transfert. Deinde lib.
3. epist. 4. ubi Cicero de proscriptione sua
conqueritur: & 6. eiusdem, in qua ægrè
hoc admodum molesteq; fert, quod sum-
mis suis in doloribus ac miseriis Tarenti
Atticum non viderit: nec eius vti consilio
potuerit: & 26. in qua lamentari sese me-
ritò scribit, propterea quòd periisse sese
funditus intelligat: & lib. 7. epist. 8. ubi de
Pompeij in gerendo bello negligentia,
querela instituitur: & 15. eiusdem, in qua
apud

apud Pompeium conquestione Cicero vitur, quòd planè interceptus ab hostibus videatur. Huc etià epistola ad Octaviu scripta pertinet: licet non Ciceronis illa, sed declamatoris alicuius esse videatur. Nos exercitij gratia duo exempla proponemus: & Ciceroniana secuti vestigia ostendemus, primùm quo pacto de fortuna nostra aduersa, & calamitate apud parentes aut amicos: deinde aliorum vitiis atque improbitate apud alios querela instituenda. Prioris generis exemplum nobis suppeditat lib. 14. famil. epist. 3. in qua primùm à querela Cicero orditur. Deinde calamitates atque miseras suas mirè exaggerat. Tum ad varia literarum vxoris capita respondet. Postremò ad scribèdum eandè hortatur. Hanc imitari poterimus, quoties apud parètes aut cognatos de periculis & miseriis nostris conqueri necesse habemus hoc modo.

*Imitationis
exempla.*

I. Accepi tuas & propinquorum meorum literas, quas ego lachrymis prope deleui.

II. Conficior enim ac ferè contabesco mœrore, optatissimè ac dulcissimè pater: nec mea me magis aduersa affligit fortuna: quam tuus nostrorumq; dolor excruciat.

III. Et quidem hoc te sum miserior, qui tamè esse

miserrimus videris, quòd mihi ipsi non alijs impu-
tanda culpa est.

IIII. Mei fuit officij, vel intempestiuam & peri-
culosam peregrinationem hoc tempore intermit-
tere: vel cautius eandem instituere: videre denique
cui fiderem.

V. Propter hoc factū, & dolore & pudore con-
ficio. Dolore, quod summi mœroris ac tristitiæ tibi
author sum: pudore, quòd tibi parenti optimo, a-
micis itidem & cognatis fidelissimis minimè ob-
temperaui.

VI. Mihi sanè ante oculos omnium vestrum mœ-
ror versatur: maximè verò tua me ætas affligit, quæ
iam ingrauescens atq; inclinata fulciri à me atq; re-
creari debebat.

VII. Spes verò salutis per quam monstratur exi-
gua: cū turbarum tumultus, belli plena sint nunc
omnia: animi magis quàm vnquam antè exacerbati.

VIII. Faciam tamen ea quæ iubes: ijs etiam gra-
tias agam, quibus salutem meam curæ cordiq; exti-
tisse scribis.

IX. Quòd verò addis, te, si aliter obtineri res ne-
queat, ad me venturum: non profectò video, quomo-
do fieri illud tutò commodeq; queat.

X. Est iter nō benè solū longum, verū etiam
periculosum, tēque domi manere, & deprecatorias
à principibus & alijs impetrare literas, multò mihi
vtilius erit,

XI. Eas

XI. Bas si fuero nactus, nō dubitō, quin breui ad vos rediturus sim.

XII. Sin autem: sed plura nō scribam, ne te molestum iam, proh dolor, antè satis, magis excruciem.

XIII. Ex primis verò, vel ad summum secundis literis, quid spei sit reliquum, intelligere potero.

XIIII. Itaq; primo quoq; tempore ad me, optatissime ac suauissime parens scribes: & ex me omnes nostros salutabis, quibus, quo minus scribam, incredibilis dolor facit.

XV. Et hæ ipse lituræ, quas meis in literis deprehendis, lachrymis factæ, tristitiæ meæ testes esse poterunt.

Posterioris generis exemplum erit lib. 11. epistol. 12. in qua Cicero apud Calsium de rei benè cōtra Antonium gerendæ, neglecta occasione, conqueritur: sed modeste & personæ facta cōmutatione: ne Calsium offendat. Absoluitur ea primū Exordio, quòd institutæ querelæ causas & occasiones continet. Deinde querela ipsa, admodū artificiosè recte q; facta: cū non se Cicero in Bruto aut Calsio aliquid desiderare: sed populū rumusculis quibusdam alium fieri quotidie, & de Calsij atq; Bruti conqueri timiditate ac negligentia scribit. Postremò conclusionē *νεοτερον* adhortatoria, ne quid committant, vt iu-

stè institui querelæ videantur. Hanc ergo imitati epistolam de rei benè gerendæ neglecta occasione apud amicum queremur hoc modo.

I. Plures ego iam diuersis ex locis, sed eiusdem propè argumenti accepi literas.

II. Ex tua verò epistola, & ex sermone illius, qui eam mihi tradidit, non modò non sedatos extinctosque tumultus, verùm renouatos planè video.

III. Neq; dubium mihi est vllū, quin pro singulari tua prudētia ipse intelligas, si respirare & colligere sese hostes coeperint, præclara illa in miseros oppressosq; tyrānide promerita, sint interitura omnia.

IIII. Ita enim, & rumore, & literis nunciabatur, paucos adhuc, atq; eos quidem inermes, opprimi deleriq; potuisse antè facile, quàm aut sese colligerent, aut armis cæterisq; rebus instruerent.

V. Quòd si autem ea nunc illorum est conditio, vt, quemadmodum ex amico tuo audiebam, sine periculo magno resisti ipsis amplius nequeat, iam maius opinor, quàm vnquam ante metuendum periculum videtur: longeq; fuisset satius, arma cōtra ipsos nunquam sumere.

VI. Itaque & multorum iam sunt animi mutati: nonnulli etiam queruntur, quòd aut auaritia, aut ebrietate impediti, optimas occasiones neglexeritis: neq; eam celeritatem adhibueritis, quæ eiusmodi requiri in rebus solet.

VII. Om-

VII. Omnino hæc populi esse natura consuevit: vt leuiter laudet & reprehendat: cōfidat ac metuat, vtq; ventis agitata vnda, rumusculis motus in transuersum rapiatur.

VIII. Sua etiam in iis maximè libertate abutatur, quorum opera atque laboribus eandem est consecutus.

IX. Sed & idem, vt quodam in loco politicus optimus Cicero scribit, magister est maximus.

X. Itaq; eius iudicium non vsq; adeò contemnendum: verum opera danda est: ne quæ ab illo iuste moueri querelæ possint.

XI. Quid in aliis hætenus populus desiderarit, te cogitare malo, quàm me apertè scribere.

Hunc igitur in modum querelæ, cū de nostris miseriis & calamitatibus, tū verò aliorum vitiis institui poterunt. *Argumenta in respondendo ad aliorū querelas obseruanda.* Restat de respondendi via ac ratione vt agatur. Quemadmodum enim necessariū est, vt conquestionibus atq; lamentationibus apud amicos vtamur: inq; illorum quasi sinus dolores nostros fundamus: ita quoque methodus tenenda, qua ad aliorum querelas cōmodè respōdendum sit. Neq; tamē de hac ipsa prolixè vt agatur, necessarium esse videtur; cum eadem propè hīc sit respondendi ratio, quæ expostulationum fuit. Velenim simpliciter negatur

*Argumenta
in respōden-
do ad aliorū
querelas ob
seruanda.*

id, de quo nobiscum amicus conqueritur: vel in rem, aut personā aliam culpa transfertur: vel illud ipsum, vt rectè, iustè, honestèq; factum, defenditur: vel ad confessionem nudam atq; veniē deprecationē confugitur. Itaq; ex iisdem erunt locis argumenta hīc sumēda, quos adhibendos esse monuimus in respōsionibus ad aliorum exostulationes institutis: ita quidē, vt in negatione simplici causæ impellentes ac finales: in adiunctis circumstatiæ rerum, personarū, locorum, temporū considerentur: in defensione legitima adhibeantur; causæ, testimonia, exempla etiā eorū, qui idē, sine tñ querela aut reprehensione vlla fecerint: in ~~mutacione~~ culpa transferatur in ipsum q de nobis queritur, aut personas alias, aut necessitatē, fortunā aduersam, ignorantia, imprudentia, locū, etiā tēpus, & his similes circumstantias alias: in deprecatione confugiatur ad ingenuā confessionē, poenitentia, delicti cōditionem, hominū imbecillitatē, cōmendationē cū nostrā, tū eius ad quē scribimus: exempla deniq; illorum, qui similibus vel etiā grauiorib. in delictis sint veniā consecuti. Nō dissimilis quoq; hīc animorū, cūm conciliandorū, tūm mouēdorū instituēda ratio erit.

De miseriis verò & calamitatib. suis querimoniã amicus cum instituit, ea quæ de cõsolatoriis epistolis attulimus, adhiberi poterunt. Partes huius generis responsionum potissimũ sunt quatuor: prima Exordium cõstans, vel significatione doloris, ex amici querelis percepti. lib. 3. epist. 10. Vel excusatione breuitatis literarum. li. 3. epi. 7. Vel occasione & causa institutæ purgationis. lib. 3. epist. 8. li. 11. epist. 27. Vel reprehensione eius ad quem scribimus. li. 5. epist. 20. Vel laude & commemoratione amoris atq; beneuolentiæ amici. lib. 7. e. 24. li. 11. epist. 13 pars altera propositio est quæ habet: aut *ὑπόχρησις* pollicitationem purgationis. li. 3. epist. 7. li. 7. epist. 24. li. 11. epist. 13. Aut *ἀρνήσις* inficiationẽ eius quod obiicitur nudam atq; simplicem. lib. 11. e. pist. 27. Aut obtestationem grauem, & declarationem studij, officij, beneuolentiæ. lib. 3. epist. 10. Aut difficultatis in respondendo significationem. lib. 3. epist. 8. pars tertia cõtentio, purgationem ipsam complectitur factam, vel *ἀρνήσις* negatione. lib. 3. epist. 7. 8. 10. Vel *μετασάσις* causæ remotione in ignorantiam. li. 3. epist. 10. personas alias. lib. 3. epist. 7. 10. lib. 7. epist. 24. lib. 11. epist. 13. 27. Ipsum qui de nobis conqueri-

*Collocatio in
respondendo
observanda.*

tur. li. 3. epist. 8. lib. 5. epist. 20. Locum. lib. 3. epist. 7. Tempus. lib. 3. epist. 7. lib. 7. epist. 24. Instrumenta. lib. 11. epist. 13. Vel ἀντιλήψεις defensione absoluta. lib. 3. epist. 7. 8. lib. 5. epist. 20. lib. 11. epist. 27. Pars quarta & postrema conclusio absoluitur: aut ἀποχρηστικῶς delatione beneuolentię, studij, officij nostri. lib. 3. epist. 7. 10. lib. 11. epist. 13. Aut excusatione & mitigatione libertatis, vel acerbitatis in respondendo. lib. 3. epist. 7. lib. 5. epist. 20. Aut calumniatorum & maleuolorum reprehensione. lib. 7. epist. 24. Aut ἀπολογία adhortatione, vt excusationē nostram admittat amicus. lib. 11. epist. 27. Vel non sinistras suspiciones concipiat, & calumniis credat. li. 3. epist. 10. Vel scribat ad nos sæpè. lib. 3. epist. 8. Sunt autem quę huius generis familiaribus in epist. Ciceronis reperiuntur, res & materiæ variæ. Responsiones ad querelas de non exhibitō honore. lib. 3. epist. 7. Legatione impedita. lib. 3. epist. 8. 10. Contracta cum inimico affinitate. li. 3. epist. 10. Rationibus fide & diligentia bona non relatis. lib. 5. epist. 20. Amici defensione neglecta. lib. 7. epistol. 25. Omisissis occasionibus rei præclarè contra hostes gerendæ. lib. 11. epist. 13. Mentione parum honorifica, & reprehensione

Materia responsionum ad querulas epistolas.

sione officiorum aliis præstitorum. lib. 11. epist. 27. Qam nos postremā exercitij causa imitari conabimur: q̄a pulcherrima est & artificiosissima: hoc etiā tempore ad vsum trāsferri cōmodè potest, propterea q̄ sæpè accidit, vt contra amicos nostros p̄tulisse aliquid dicamur, q̄ illorum famæ atq; existimationi præclarè obstare videtur. Tractatio epistolę illius cōstat, primū exordio, quo purgationis institutæ occasio indicatur: beneuolentię etiā conciliandæ ergō, amoris causa plurimæ recensentur: Deinde q̄positione ipsius excusationis, ἀρνήσεις negatione facta. Tum contentione in qua & querelarū causę exponuntur: & earundē subiūgitur purgatio ἀρνήσεις partim negatione: partim ἀντιλήψεις qualitate absoluta facta. Postremò conclusione, q̄ obliquā adhortationē & petitionem habet, ne suspensiones cōcipiat sinistras, aut fidem calumniis adhibeat. His nos retentis partibus amico respōdebimus, q̄ conquestus est nos in colloquio quodam parum de se locutos honestè fuisse: quædam etiam actiones improbasse hoc modo.

*Imitationis
exempla.*

I. Nondum affirmare possum, plus ne voluptatis & lætitiæ, an doloris atq; tristitiæ communis nostri amici aduentus mihi attulerit.

II. Cum enim Argentinam benè vesp̃eri ex peregrinatione longa rediisset : ad me, cum adhuc de via languere videretur, venit.

III. Quem cum pro more interrogarem, ecquid noui ille secum afferret, commodè ne valeres : quo aliorum essent amicorum res loco : tuam ad me querelam detulit.

IIII. De qua breuissimè respondere conabor, si pauca quædam præposuero.

V. Cum pueritiæ memoriam vltimam recordor, te antiquiorem amicum neminem reperio.

VI. Sed nolo ego vetustate amicitiam nostram, sed mutua potius beneuolentia metiri : cum illa communis esse queat multis, hæc vero paucorum atque vera, veræ constantisq; amicitia causa sit.

VII. Amore te sum complexus, quo die te noui, meq; abs te vicissim amari sum arbitratus.

VIII. Tua deinde peregrinatio eaq; satis longa ac diuturna, genus præterea vitæ diuersum, consuetudinem quidem nostram & familiaritatem diremerunt : at animorum atque voluntatum diuellere coniunctionem non potuerunt.

IX. Neq; enim tu solum me beneuolentia singulari es prosecutus : verum etiam tua commendatione effecisti, vt ij, qui authoritate atq; potentia valent, & me diligere, & in suis haberent.

X. Deinde recēti adhuc in memoria habeo : vt ex itinere domum meam veneris : vt horas bene multas
suauis-

suauissimis colloquiis tuis mecum consumpseris: vt ad ea studia excitaris, in quibus nunc versor: vt munus atque officium, quo fungor, mihi compararis.

XI. Quorsum verò inquires, hæc tam altè repetita amicitia? ecquid beneficiorum ista sibi vult commemoratio?

XII. Vt intelligas mirari me, & mirari vehementer, te, cui hæc nota sunt omnia, credere potuisse, quicquam de te parum commodè atque honorificè, aut sensisse me aut locutum esse.

XIII. Præter enim illa, quæ modò recensui, & manifesta, testata, illustria: etiam alia sunt minus aperta, quæ ad constanter te amandū me impellunt: ego verò verbis assequi vix possum: fides in amicitia, morū amabilitas, candor, integritas, humanitas, benè de omnibus merèdi prona propensaq; volūtas.

XIIII. Itaq; ad querelas nunc tuas reuertor.

XV. Ego te in amicorum gratiam fecisse aliquid, quod in bonorum virorum incurrere reprehensionem posset: primò non credidi: deinde si credidissem, non profectò sine causa, istud abs te fuisse factum arbitrarer.

XVI. Sed nimirum tua & virtus eximia, & natura præstans & bona alia, quibus longo post te intervallo plurimos alios, relinquis, faciunt, vt quicquid, vel dicas, vel facias animaduertatur ab omnibus: inuidia autē & maleuolentia quorundā durius, quàm sunt à te facta, accipiantur & proferantur.

XVII. Nosti enim, vt alia nunc mittam, illud & viri, & Poetæ optimi:

Obuia res odiis, quanquam liberrima virtus,

Et benè qui meruit, præmia rarus habet.

Inuidia premitur, quem nulla infamia taxat,

Et cui iura fauent, vis inimica nocet.

XVIII. Et vt eos qui in sole ambulant vmbra comitatur: ita foelicitatis comes inuidia est: quæ tamen, si, vt præclare Cicero scribit, virtute fuerit parata, gloria, non inuidia putanda est.

XIX. Equidem si tale quid de te audio, tam illud defendere atq; excusare soleo, quàm meam scio famam & existimationè à te cõtra maleuolos defendi.

XX. Defensio autem ita à me instituitur, vt vel liquido negem ea, quæ de te sparguntur: vel non sine graui causa, aut etiam rectè iusteq; facta contendam.

XXI. Sed te interim hominem prudentem non fugit in vtramque hîc partem de tuo disputari officio posse.

XXII. Vel in eam, qua ego vti soleo, laudandum te, non reprehendendum esse, quòd amicos officiis prosequaris, cum amicitia illud sit proprium, facere quæ bono esse amicis videntur.

XXIII. Vel in eam, qua alij contendunt, honestatem & iustitiam amicitia esse anteponendam, primamq; hanc in eadem legem requiri: vt neque rogemus ab amicis res turpes: neq; rogati faciamus.

XXIII. Ex

XXIII. Ex hac sententiarum collatione velim ad te ea quoq; esse perscripta quæ pro te dixi.

XXV. Neminem enim fore existimo, qui hoc affirmare verè possit quicquam in medium me unquam protulisse, quod tuæ detrahere aliquid famæ atq; existimationi præclaræ queat.

XXVI. Itaq; gratiam amico nostro habeo, qui de tuis querelis certio rem me reddidit, & author harum literarum extitit.

XXVII. Quibus si fidem habueris, erit quod mihi gratulor, pluris te purgationem hanc meam, quam maleuolorum calumnias facere.

XXVIII. Sin minus, omnis me humanitatis, officij, fidei expertem iudicabis.

XXIX. Quod & nostra ab amicitia alienum: & te indignum; & verò mihi tam est graue futurum, quam quod grauissimum.

Quod si verò quis aliorum respondere exculationibus ac purgationibus velit, elegans exemplum lib. ii. epist. 28. reperiet, in qua Ciceroni Matius respondet. Partes illius sunt quatuor: Exordium, in quo de Ciceronis amore atq; beneuolentia sibi Matius gloriatur eundemque laudat, quod non temerè aliorum querelis fidem adhibuerit. Propositio, quæ responsionis atq; refutationis πρόχειρον pollicitationem habet. Refutatio ipsa, ἀντήρως φα

*Responsionis
ad aliorum
excusationes
exemplum.*

Et rectè enim sese Matius Cæsaris, utpote viri de se & aliis non malè meriti, deplorassem mortem ostendit. Conclusio gratiarum actione constans & laude Trebatij, quæ querelam ad Ciceronem detulerat. Quia ergo artificiosa hæc atque erudita est epistola, eam imitati superioribus proximis literis excusatoriis respondebimus hoc modo:

I. Magna me tuæ literæ letitia ac voluptate affecerunt: quòd ex iis, quàm esses in me animatus præclarè, cognoui.

II. Etsi enim de eo dubitare ego hætenus, nec potui, nec debui: tamen quia in aliis quantum possint calumniæ, eram expertus, non parum metui, ne, quæ aliorum à me voluntates abalienarunt conuitia, te quoq; mutarent.

III. Quod quia factum nō esse reipsa iam comperio, mihi sanè gaudeo: tibi gratias ago maximas.

IIII. Interim tamen breuiter, quæ mihi sunt vitio data, exponam: & quod antè fecisse te intelligo, ad hæc eadem respondere paucis conabor.

V. Nota enim mihi sunt ex amicorum cum literis tum relatu ea, quæ criminandi causa mihi à maleuolis nonnullis obiiciuntur.

VI. Vitio mihi datur, quod in prouehendis amicorum commodis sim nimius: quòd fortunam illorum aduersam iniquè ferā: quod honestatis minorè,
quam

quam vel amicitie, vel necessitudinis, vel utilitatis quoque rationem habeam.

VII. Quasi verò amicorum ego actiones parum honestas unquam probarim: aut si bonam quorundam colligere gratiam: aut de opibus cumulandis sollicitus esse voluissem: non alia, & quidem longè meliores iam dudum mihi oblatae occasiones fuerint.

VIII. Rem meam familiarem, non augeri, sed diminui eiusmodi amicorum defensionibus si affirmarem, nihil profectò à veritate alienum dicerem.

IX. Odium verò quàm in me acerbum cōcitem, vel hominum querelæ istæ graues satis ostendunt.

X. Et nimirum eò superbiæ nonnulli descendunt: ut, quod etiam servis liberum esse solet, eorum me misérias atque calamitates deplorare nolint, quos priuatas illi ob causas odisse semel creperunt.

XI. At laterem, quod aiunt, hi lauant: nullius apud me, vel autoritas, vel potentia tanta erit, quæ ab officio me & humanitate auocet.

XII. Verum maior honestatis, quàm amicitiae inquiunt ratio habenda. Esto. At quid verè sit honestum, etiam atque etiam considerandum esse censeo.

XIII. Eius me perquam studiosum extitisse semper, nisi antea acta mea vita ostenderit, verbis ut eum eam non laborabo.

XIIII. Nulla mihi cū improbis cōmunio fuit &

familiaritas, tum, cum ætas errorem excusare meum posset.

XV. Neq; nunc igitur meipsum retexam, aut ingenium mutabo.

XVI. Neque ego quicquam facio aliud, nisi quod amicorum casus acerbos doleo: existimationem sartam quod aiunt, tectamq; conseruare cupio.

XVII. Nec si quid facerem aliud, illud ipsum negarem, aut occultarem: ne cui & in peccando malus, & leuis in dissimulando viderer.

XVIII. Negotia si quæ amicorum curauì alia, priuata fuerunt, neque petentibus denegari potuerunt.

XIX. Veni, id quod malcuolos maxime carpere video, sæpe ad amicos salutandi gratia.

XX. Sed quæ hæc obsecro superbia est, alios prorsus suum ad nutum viuere; compellationibus, colloquiis; conuersationibus interdicare velle eorum, quos odio illi prosequuntur.

XXI. Sed non dubito, quin, aut vitæ meæ modestia satis in posterum contra rumores falsos sit valitura: aut etiam ij qui ita deformare iam me conantur, mei similes amicos expetituri.

XXII. Interim pro præstitis humanitatis officiis gratias tibi ago: vt & amico nostro, quod de querelis certiozem te reddidit, atq; effecit, vt patronum atq; defensorem innocentia mea inueniret.

De Comminatoriis Epistolis.

COMminatoriæ ἀπειλητικαὶ epistolę sũt
 in quibus minas denũciamus, & me-
 tum atq; terrorem incutimus iis, qui aut
 facinus aliquod improbum commiserũt:
 aut nisi prohibeantur commissuri viden-
 tur. Et est hoc quoque epistolarum genus
 longẽ vtilissimum, propterea quod effre-
 nata improbitas, temeritas, audacia alia
 coerceri compesciq; ratione non potest,
 nisi metus iniiciatur, & pœnarum insti-
 tuatur denunciatio. Itaque vsurpari illud
 poterit, à Theologis, magistratu, præce-
 ptoribus, parentibus, maximè verò iis
 qui in principum, aut Rerumpub. cancel-
 lis viuunt, & ad subditos vel alios literas
 scribere minaces necesse habent. Sunt au-
 tem sententiæ hĩc adhibendæ, quæ animi
 iustam commotionem atque iram decla-
 rant, & factum ipsum, ob quod minæ in-
 stituuntur, exaggerant & amplificant:
 eæq; tũ ex causis, tũ adiunctis peten-
 dæ. Nam & rei turpitudine, damnum, ini-
 quitas dolorem concitat atque ad minas
 compellit: & contumeliæ, maledicta, im-
 peditiones studiorum, laborum, volun-
 tatum, honorũ, & id genus alia, amplifi-

*Sententiæ
 comminato-
 riarum epi-
 stolarum.*

*Sententiæ
αὐτοκρατορῶν
mouentes.*

*Sententiæ
ἡδονῶν mo-
rata & con-
ciliantes.*

cantur notatione, vel personæ, partim no-
stræ, quæ est læsa, partim eius, cui nos suc-
centemur ac minamur: vel ἔργου modi a-
gendi: vel χρόνου temporis: vel aliarum cir-
cumstantiarum. Ad motus verò quod at-
tinet, quia apud improbos imprudentes,
& audaces hoc usurpari genus epistola-
rum solet: contraria hîc erunt remedia
adhibenda, & audaciæ atque confidentiæ
terror atq; motus iniiciendus, qui excita-
tur ἀποδοκιμασίᾳ significatione ac denun-
ciatione malorum cùm aliorum, tùm eo-
rum quæ nos perdunt aut dolore afficiunt:
& sunt vicina ac propinqua, non remota:
& eiusmodi, vt vel nunquam, vel sum-
ma emendari atq; sarciri cum difficultate
queant. Sed neque tertium sententiarum
genus, ἡδονῶν moratum & concilians est
omittendum, verum opera danda, vt in
comminatione ἐμείνῃ æquitas & mode-
ratio adhibeatur: ne veteratoriè agere, sed
summa eius adduci improbitate atq; im-
pudentia videamur, cui pœnas denuncia-
mus. Discrimen enim vt in aliis: ita hac
quoq; re inter poëtas est & oratores. Poë-
tæ in minimis rebus sæpè grauissimis cō-
minationibus atq; execrationibus vtun-
tur, qualis illa est Catulli:

Non

Non equidē dubito, quin primū inimica bonorū

Lingua execta auido sit data Vulturio.

Effossos oculos vocat atro gutture coruus,

Intestina canes : cætera membra lupi.

At qui epistolas scribunt comminatorias, moderationem adhibent : & nec leui molliq; brachio cum improbis agunt : nec etiam nimis iisdem irascuntur & comminantur.

Collocatio verò & tractatio ita instituitur : vt in exordio crimē ipsum cum querela & indignatione proponatur : parte altera illud amplificetur atque exaggeretur : postrema, *vsq; ad finem* adhortatione, aut reprehensione & comminatione acri absoluator. De exemplis porrò &

rebus ac materiis, quæ in comminatoriis eiuscemodi epistolis tractantur, seorsim

vt agamus, necesse minimè habemus, pro-

pterea quod ex reprehensoriis, expostu-

latoriis, querulis illæ sumi possunt, quæ

ita à Cicerone institui solent, vt territa-

tiones & comminationes in fine habeāt.

Sunt etiam egregiæ multæ huius generis

epistolę in iis, quas Leonis pontificis no-

mine ad diuersos Bembus scripsit : vt

tamen etiam hīc imitatio aliqua propo-

natur. lib. 5. epist. 1. deligemus, in qua Ci-

ceroni Metellus ob fratrem iniuria affe-

*Imitationis
exemplum.*

Etum minatur & quidē in exordio ipsum factum cum indignatione ac querela proponit. Post profert ea quæ ab iniuria atq; contumelia auocare meritò Ciceronem debuissent, & factum amplificant. Postremo eidem minatur, ac leuitatem atq; inconstantiam obiicit. Hanc igitur secuti magistratus nomine pœnas non obediētib; subditis denunciabimus hoc modo.

I. Existimarem, pro debita magistratui reuerentia, nostraq; verè paterna in vos bencuolentia ac clementia, neq; nostrum apud vos edictum ludibrio habitum iri: neq; quos plenīs ad vos cum mandatis ablegaueramus, ita spretos contemptosq; fore.

II. Quos si parum ipsum legationis ius, quod sanctum apud omnes inuiolatumq; fuit semper, defendebat, vel magistratus authoritas, & ius illud iurandum, quo deuincti nobis obligatiq; estis subleuare debebat.

III. Nunc videmus illos contumelia, & quidem insigni affectos: mandata simul edictaq; nostra rīderi ac contemni; noua quædam & inusitata tentari ab iis, qui summam hætenus pietatis & obsequentiæ laudem habuerunt.

IIII. Quæ quoniam nec iure vllō: nec ratione bona: nec maiorum vestrorum exemplo fiunt: non erit mirandum si breui vos pœnitebit.

V. Quod

V. Quod enim nostri esse muneris atq; officij videtur, faciemus, & quam legatis nostris intulistis iniuriã, ea qua par est seueritate vlciscemur, itaq; vos puniemus, vt reuerẽter deinceps submisseeq; vos gere discatis: exemplo deniq; sitis alijs, ne quid superbe atq; seditiosè contra magistratus suos moliantur.

Iam verò si cui etiam respondere ad minaces eiusmodi epistolas placeat: egregium exemplũ lib. 5. epist. 2. & lib. 11. epist. 3. reperiet: in quarum illa Metello Cicerone: hac, Brutus & Cassius Antonio respondent: atque ita respondent, vt pluris se patrie libertatem, quàm Antonij, vel minas, vel gratiam facere ostendant. Itaque imitari eandem conabimur. Partes illius tres sunt. Prima Exordium, ἐπαναλήψις repetitione constans argumenti literarum Antonij. Altera ἀναστροφὴ refutatio est, in qua Brutus & Cassius Antonij minas iniustas esse, & non à sese vsque adeò metui indicant. Postrema conclusio admodum ἰδιωτικῶς morata est, & adhortatione atq; voto, facta. Nam & Antonium hortantur, ne quid contra Rempublicam tentet. Et simul Deos rogare sese affirmant, ne consilia, quæ tractet vel ipsi Antonio, vel Reipublicæ sint perniciofa. Sententiæ tales esse poterunt.

*Responsionis
ad querulas
epistolas ex-
emplum.*

I. Legi tuas literas superbas admodum & minaces, minimeq; aut homine literato, aut amico dignas.

II. Nihil ego unquā à me dictum factū me-
mini, quod esset contra, vel rem, vel existimationem
tuam.

III. Neq; etiam miraturum te arbitratus sum, si
amicus & amicus non novus, sed vetus ac probatus,
liberè, candidè, apertè de ijs te cōmoneretur, quæ
ad salutem tuam & famam pertinere videntur.

IIII. Quòd si agrè molesteq; fers, ausum istud
me facere, etiam mihi concede, ut doleam atq; indi-
gner, te adeò malè ac sinistrè amicorum admonitio-
nes interpretari.

V. Nam de sermonibus nescio quibus tuum in no-
men emissis, quod te questum esse inficiaris: tibi sa-
nè credo: sed tamen fecisse me illud nego, & con-
stanter nego.

VI. Interim te miror, cū hæc reticueris, non po-
tuisse affectus tuos reprimere, aut cohibere iracun-
diam, quin mihi de literis nuper ad te datis obijceres.

VII. Illud verò quonam sit accipiendum modo,
cogita: non licere cui, honestatis gratia, liberè per
literas amicum monere, castigare, reprehendere,
quin illicò malè audiat & poenā expectare cogatur.

VIII. Quia scilicet ventis nunc vteris admo-
dum secundis, & ad voluntatem fluunt omnia: quia
potentiā vales: quia multorum collectam gratiam
habes: quia opibus polles ac diuitijs: iccirco cristas
erigis:

erigis: transuerso amicos humero despicis: admonitiones atq; castigationes ferre minimè potes.

IX. Sed ista omnia ego non curo.

X. Neq; enim conuenit ad delicta amicorum tacere, aut clausis oculis in aliorum gratiam ab honestate & iusticia deflectere: aut denique ea probare, quæ nemo laudare vir bonus potest.

XI. Neq; minantis apud liberos, cordatos, prudentes authoritas esse magna, aut potest, aut debet, cum, vt trito dici prouerbio solet, minis nemo moriatur: nec, nisi pueri ac stulti moueantur.

XII. Ego in te ita sum animatus, vt non temerè ad vllas inimicitias aut simultates vocare te velim: magis etiam magisq; inclarescere cupiam.

XIII. Sed interim Periclem secutus: *μὴ δὲ τῷ βῶμτι φίλον ἔμμεν*, plurisque honestatem ac virtutem, quàm vel tuam, vel cuiusquã alterius amicitiam atq; gratiam aestimo.

XIIII. Tu etiam atq; etiam videbis, quid agas, diligenterq; cogitabis, cuiusmodi exitus fuerint eorum, qui eadem, quæ tu, tentarunt.

XV. Deum ego Opt. Max. rogo, vt consilia, & tibi, & alijs, Rei denique publicæ toti salutaria tibi suppeditet.

Ad hunc igitur modum Ciceroniana vestigia secuti, minacibus aliorum respondere literis poterimus: ita quidem, vt neque causam nostram negligamus, neque

modestiae ac verecundiae fines transgre-
diamur. Quòd enim ad praecepta attiner,
non seorsim hìc & sigillatim de iis agere
necessarium ducimus, cùm quæ in expo-
stulationum & querelarum obseruanda
esse respõsionibus, ostendimus, etiam hìc
sint adhibèda. Itaq; his missis ad aliud, &
postremũ epistolarũ genus aggrediemur.

DE
R A T I O N E
C O N T E X E N -
D A R V M E P I -
S T O L A R V M
Pars III.

*Familiaris, seu extraordinarij generis,
& primò Nunciatorias Epi-
stolas continens.*



BSOLVTIS iis epistolis, quæ
ad tria causarum pertinent ge-
nera, reliquum adhuc quartum
& postremum est genus fami-
liare,

liare, seu extraordinarium: ad quod nunciantes, iocosæ, prædicentes futura, ænigmaticæ, didascalicæ referri posse videntur. Nunciatoriis verò epistolis propterea primus est locus concedendus, quòd hæ omnium vſitatiffimæ sunt: cùm nemo tam sit inops ab amicis, à propinquis nudus, ab hominum consortio & familiaritate remotus, qui non de iis quæ acciderunt, certiores reddere alios interdum necesse habeat. A natura quoque insitum hoc esse videtur omnibus, vt nouis rebus delectentur. Ac tametsi epistolæ tales faciles omnino, atque eiusmodi esse putentur, vt vel præceptione, vel obseruatione, vel imitatione nulla egeant: tamen cùm earum, quæ literis exponuntur, magna esse varietas soleat: utilis cùm primis, imò necessarium est, vt & hîc μέθοδος & atq; via certa teneatur, & cùm alia, tum verò obscuritas maximè ac confusio vitentur. Sumuntur autem hîc sententiæ ex tribus potissimùm locis: adiunctis, testimoniis, comparatis. Et quidem ad adiuncta quod attinet: attributa illa & circumstancias suppeditant: temporis, loci, personarum, modi, consiliorum, causarum, factorum, quæ in huius generis epistolis diligenter ob-

*Nunciatoriæ
ἐπὶ πρῶτον
καὶ ἐπιστολæ.*

*Sententiæ in
nunciatoriis
ἐπιστολῶν
obseruandæ.*

*Sententia
παρρησιαί
mouentes.*

*Sententia ἡ-
δύται μόρα-
τα & conci-
liantes.*

seruandæ. Testimonia tum adhiberi so-
lent, cum scribendum aliquid est nobis,
quod nouum, incredibile, atque inusita-
tum esse videtur. Comparata autem exag-
gerandi & amplificandi gratia interdum
vsurpantur, quoties scilicet nō nudè tan-
tū ac simpliciter negotium aliquod ex-
ponendum, verū etiam, comparatione
cum aliis facta, eiusdem honestas, vel tur-
pitudine: damnum vel commodum osten-
dendum est. Motus verò in his, pro diuer-
sitate rerum, de quibus scribitur, variè est
instituendus, & excitandus vel misericor-
diæ, in aduersa, partim nostra, partim a-
liorum fortuna: vel iræ, odij, indignatio-
nis: cum res exponitur indigna, iniqua, a-
trox: vel amoris aut lætitiæ, quando quæ
nunciantur grata, læta, iucunda sunt. Ut
contra τὸ ὀρέσθαι quoque & ἡθὺ nihil hīc
agatur: opera danda est primū, ne, quod
prouerbio dici solet, ab ouo vsque ad ma-
la res exponantur, & altius, quā oportet,
repetantur. Deinde, ut περιγὰς curiosi-
tatis declinetur suspicio, atque institutæ
scriptionis rationes ac causæ reddantur,
desumptæ ab officio nostro: à rei necessi-
tate utilitate, honestate, iucunditate & vo-
luptate. Collocatio verò atque tractatio
tribus

tribus partibus absolvitur, quarū prima *Collocatio nunciatoria-
rum episto-
larum.*
est Exordium constans, vel institutæ scri-
ptionis occasione & causis. lib. 3. epist. 5.
lib. 7. epist. 33. lib. 9. epist. 6. lib. 10. epist. 15.
lib. 11. epist. 8. lib. 16. epist. 21. Vel expositio-
ne rei. lib. 1. epist. 2. 4. 5. lib. 7. epist. 5. lib. 10.
epist. 30. lib. 12. epist. 11. lib. 14. epist. 5. lib. 16.
epist. 9. Vel excusatione silentij, aut rari-
tatis literarum. lib. 1. epist. 7. lib. 14. epist. 6.
Vel laude cōsiliij, instituti, facti amici. lib.
7. epist. 1. 28. Vel nostri officij & diligentiae
commédatione. lib. 5. epist. 6. lib. 12. epist.
25. vel *αεγλήψει* occupatione atq; insinua-
tione in re aliqua tristi. lib. 4. epist. 12. vel
σποδιώσει reiectione. lib. 2. epist. 5. Pars al-
tera est narratio, quæ *ἀπαγγελίαν* nunciatio-
nem atq; expositionem continet, factam
notatione circumstantiarum: Loci. lib. 1.
epist. 1. 4. lib. 3. epist. 5. lib. 4. epist. 12. lib. 7.
epist. 30. lib. 9. epist. 6. lib. 10. epi. 15. 30. lib.
11. epist. 10. 14. lib. 12. epist. 25. lib. 16. epist. 9.
Temporis. lib. 1. epist. 1. lib. 4. epi. 12. lib. 5.
epist. 6. lib. 7. epist. 3. lib. 11. epist. 10. lib. 16.
epist. 9. Personarum. lib. 1. epist. 1. 2. 4. 5. 7. 8.
lib. 4. epist. 12. lib. 7. epist. 1. lib. 8. epistol. 14.
lib. 9. epist. 6. lib. 10. epist. 1. 15. 30. lib. 16. epi.
21. Modi. lib. 4. epist. 12. lib. 7. epist. 1. 30. lib.
10. epist. 30. lib. 11. epist. 10. lib. 12. epistol. 25.

lib.14.epist.5. lib.16.epi.21. Consiliorum:
 lib.3.epist.5.lib.4.epist.12. lib.7.epist.3.33.
 lib.8.epist.14. lib.9.epist.6. lib.10.epist.15.
 lib.11.epist.14. lib.16.epist.21. Caſarum.
 lib.1.epist.1.2. lib.2.epist.28. lib.4.epist.12.
 lib.5.epist.6.lib.6.epist.18.lib.7.epist.3.26.
 28.33.lib.10.epist.15. lib.16.epist.21. Facto-
 rum. lib.1.epist.1.2.lib.4.epist.12.lib.7.epi.
 3. lib.10.epist.15. lib.12.epist.25. Testimo-
 niis quoque. lib.6.epist.18. Et compara-
 tis.lib.4.epist.12. lib.7.epist.1.30.lib.8.epi.
 14. Pars tertia conclusio absoluitur aut ἐ-
 ξιῶσιν petitione: vt amicus nos expectet,
 vel conueniat certo in loco. lib.3. epist.5.
 lib.7. epist.4. obuiam nobis prodeat. lib.
 14. epist.5. mittat ad nos aliquem. lib. 16.
 epist.21. rescribat quàm primū.lib.7.epist.
 3.33. lib.10. epist.1. de rebus nouis certio-
 res nos faciat.lib.15.epi.25. defendat con-
 tra alios nos, vel amicos. lib.11.epistol.10.
 lib.12 epist.11.25 Aut οὐρανὸν ἀδhortatio-
 ne: vt Deo pro recuperata valetudine a-
 gantur gratiæ.lib.14.epist.7. cura geratur
 valetudinis. lib.16.epist.9. bona de rebus
 spes concipiatur.lib.1.epist.5. Aut exposi-
 tione caſarum institutæ iſcriptionis. lib.
 7 epistol.13 Aut pollicitatione studij &
 promptæ voluntatis. lib. 1. epist.1.2.4.7.8.
 lib.8.

lib.8.epist.10.lib.9.epist.6.lib.10.epi.8.15.
 lib.12.epist.25. Aut eiusdē commemora-
 tione.lib.4.epist.12. Aut consilij & insti-
 tuti nostri significatione.lib.7.epi.26.Aut
 reprehensione amici ob silentium & rari-
 tatem literarum.lib.7.epist.26. Aut ἀνακε-
 φαλαῖωσι dictorum repetitione.lib.1.epist.
 1.lib.7.epist.28. Aut excusatione prolixita-
 tis literarū.lib.9.epist.6. Aut præcisio-
 ne & reiectione.lib.7.epist.30. Aut exte-
 nuatione modesta officiorum ac studio-
 rum.lib.1.epist.4.Reperiuntur verò Cice-
 ronis in Epist.fam. materiæ nunciatoria-
 rum literarum variæ. De nuptiis libero-
 rum.lib.2.epist.14.Profectione & itinere.
 lib.3.epist.5.lib.7.epist.4.lib.14.epist.5.7.
 lib.16.epist.9.Mansione in vrbe.lib.6.epi.
 18. Emptione.lib.5.epi.6. Venditione.lib.
 14.epist.7. Vitæ ratione tempore belli in-
 stituta.lib.7.epist.3.lib.9.epist.6.lib.10.e-
 pist.15.lib.12.epist.25.Valerudine aduersā.
 lib.7.epist.26.Studiis.lib.7.epist.28.33.lib.
 9.epist.6.lib.16.epist.21. Colloquiis habi-
 tis cum viris magnis.lib.11.epist.1. Rebus
 à nobis gestis.lib.11.epist.10.lib.12.epi.11.
 Amici causa in Senatu acta.lib.1.epist.1.2.
 4.5.7.Nece indigna ac miserabili.lib.4.e-
 pist.12. Discordia magnorum virorū.lib.

*Imitatio nū-
ciatoriae epi-
stolae, de reb.
instituta pri-
uatis, sed a-
liis.*

8. epist. 15. Statu Reipub. perturbato. lib. 7. epist. 30. Bello. lib. 6. epist. 18. lib. 11. epi. 14. Ludis & spectaculis. lib. 7. epist. 1. Prelio & conflictu lib. 10. epist. 30. Nos imitationis exempla tria proponemus: & quidē nunciationis institutae de rebus priuatis, sed aliorum esse poterit, lib. 4. epist. 12. in qua S. Sulpitius Ciceroni de cæde M. Marcelli scribit. Partes illius tres sunt: Principium, insinuatione atq; occupatione factum propter materiam auditu parū iucundam ac lætam. Pars ipsa est ἐπαγγελία rei expositio, facta attributis, seu circumstantiis: temporis, loci, causarū, personarum, modi. Tertia & postrema pars cōclusio commemorationem habet officiorum Marcello demortuo præstitorum. Hanc ergo imitati epistolam parentem de filij morte certiorrem faciemus hoc modo.

I. Etsi scio, vir clarissime, minimè iucundum me tibi nuncium allaturum: tamen, quoniam ita placuit ei, cuius imperio ac voluntati meritò nos nostraque omnia subijcere debemus, visum est faciendum quoquo modo res sese haberet, certiorum te reddere.

II. Ad decimum Calendis Augusti Basileam ex Italia quum venirem, filium tuum conueni, cumque diem ibi consumpsi, ut cum eo aliisque meis popularibus essem.

III. Post-

II. Postero die cū ab eo digressus essem, hoc consilio ut in Galliam irem, atque reliquam profectiōem absoluerem, ille, uti aiebat, rectā iturus in Italiam erat.

III. Paucos verò post dies, cū Argentinæ comites quosdam expectarem, familiarium quidam ad me venit, mihiq; nuntiavit, filium tuum cum magnis itineribus Patauium cogitaret, in ardentissimam febrim incidisse, ita quidem, ut de vita periclitari videatur.

III. Quo sanè nuncio, uti debui, perculsus sum vehementer, intermissaq; profectiōe instituta, statim ad eum profectus sum.

V. Cū non longē eo ab oppido, in quo propter morbum ille substiterat, abessem: quidam cum literis mihi obuiam venit, in quibus perscriptū erat, diem suum filium tuum obiisse.

VI. Itaq; relictis medicamentis, quæ mecum sumptis, ad oppidum illud perrexi, proq; ea copia, quæ esse eo in loco poterat, funus ei satis honestum faciendum curavi.

VII. Intra oppidum in templo locum sepulture ut darent, à Magistratu impetrare non potui: quòd religione impediri sese, neq; etiam peregrinis concedi illud dicerent.

VIII. Quod pròximū ergo fuit, extra oppidum locū in polyandrio et cœmiterio commodum selegi: monumentū etiam aliquod faciendum locavi.

IX. Ita, quæ quidem inter peregrinos præstare officia filio tuo potui, pro communi patria & amicitia veteri, de mortuo præstare conatus sum.

X. Tu casum hunc acerbum animo magno, & ut eum qui CHRISTO nomen dedit, feres.

XI. Etsi enim orbari filio, & filio unico, & filio obsequente sit luctuosum: per quam etiam graue illud, inter peregrinos, non domi eo orbari.

XII. Tamen sacris Literis edoctus, Domini esse terram omnemq; eius plenitudinem nosti: scis vndique in cælum tantundem viæ pijs animabus restare: neq; istud ignoras: repetisse à te filium, qui ad tempus saltem fruendum eum tibi concesserat.

XIII. Ipsius deniq; filij te mouere pietas debet, ut pacato omnino sedatoq; animo casum hunc feras, qui, ut ex illis audiui, qui morienti ei adsuerunt, in fractè, inq; ardenti filij Dei inuocatione ex hominibus abiit.

XIIII. Sed hæc & alia ex eo qui hæc ad te perfert literas, copiosius intelliges: cui ut fidem habeas etiam atq; etiam rogo.

*Imitatio nū-
ciatoris epi-
stolæ, institu-
ta de rebus
priuatis, sed
nostris, non
alienis.*

Ad hunc igitur modum Ciceroniana vestigia secuti de rebus priuatis, sed aliorum, nō nostris, certiores reddere amicos poterimus. Quod si de nostris agere placuerit, exemplū egregium est lib. 16. epist. 21. in qua Cicero filius ad Tironē de suis studiis, præceptoribus, exercitationibus, amicis

amicis & familiaribus scribit: ostendit etiam in eo totum sese futurum, ut & neglecta hastenus sarciat, & bene Athenis tempus collocet. Partes illius tres sunt: Exordium, in quo scribendi occasionem, & quàm sibi gratiæ, cum parentis, tum Tironis extiterint literæ Cicero indicat. Pars altera narratio est, in qua primum vitam suam priorem idem detestatur, & emendationem promittit: deinde prolixè de studiis atq; exercitationibus suis scribit. Pars tertia conclusio petitione absoluitur. Petit enim à Tirone, ut librarium aliquem Græcum sibi mittat, ne in exscribendis hypomnematis nimium operæ ac temporis consumere cogatur. Hanc ergo imitati epistolam domum ad præceptores aut amicos de nostris studiis, lectionibus, exercitationibus, recreationibus scribemus hoc modo.

I. *Cum literas ego vestras, Præceptor observande, expectarem quotidie, hisce diebus serò illæ quidem, optatò tamen venerunt.*

II. *Ad summam enim lætitiā, quam ex humanissimi charissimiq; parentis mei epistola percepi, magnus tuis ex literis gaudij cumulus accessit, ex quibus intellexi, & excusationem apud te meam locum inuenisse, & curam te mei minimè abieciisse.*

III. Iucunda tibi atq; optata esse ea, quæ de me domum ab alijs scribuntur, minimè dubito: operantur quoq; dabo, enitar, perficiam deniq; ut, Deo conatus meos iuuante, nascens hæc de meis studijs ac moribus opinio præclara in dies magis magisque confirmetur.

IIII. Quare quòd laudum mearum buccinatorum te fore scribis, mihi gaudeo: tibi, uti debeo, gratias ago: ut etiam firmo illud constantiq; facias animo, etiam atq; etiam rogo.

V. Neque enim verbis satis exprimere possum, quanto me dolore ac cruciatu superioris temporis errata afficiant, quamq; non modò à factis, verum etiam memoria animus nunc abhorreat.

VI. Iam demum miser in memoriam reuoco, & agnosco ea, quæ discedenti mihi dixisti: multis magnisq; obnoxiam periculis adolescentiam, maxime eam esse, quæ studiorum gratia ad Academias ablegatur: insidias illi tendi plurimas: ad corrumpendum parata, cum alia, tum exempla esse eorum, qui non re, sed nomine tantum sunt studiosi: nec ornât, sed deformant Scholas in quibus viuunt.

VII. Et ut seriò rem me agere intelligas, paucis vite atq; studiorum meorum rationem accipe.

VIII. Nihil ego præpropere atq; intempestiua ad altiora studia festinatione perniciosius esse adolescentibus ex te sæpè audiui: memini & dicti adhuc Platonici, quo uti crebrò es solitus: nimium festinando

nando serius ad finem peruenire homines.

IX. Itaq; iuris atq; legum ita Professores audio: vt ea interim non negligam, quibus vel ad humanitatem informari adolescentes solent, vel ad superiores, vti vocant, facultates fit aditus.

X. Et philosophiæ partem eam, quæ de vita ac moribus, re etiam publica est tradita diligenter disco: & historiarum mihi commendatam lectionem habeo: & his Dialecticorum præcepta adiungo: ita quidem, vt memor sim eius quod apud Platonem Calicles monet, ad vsum, non contemplationem, aut cognitionem nudam studia referenda esse.

XI. Quoniam etiam sine eloquentia inanis omnino atque infrugifera esse rerum cognitio solet: quæ in Cicerone explicantur non solum diligenter, assiduò, constanter audio: verum etiam scribendo dicendoq; ad vsum transferre conor.

XII. Atq; in his omnibus Plinij illud considero: legendi semper: audiendi non itidem occasio erit: & quod Cicero quodam in loco scribit: ζῶντις πάντες μὲν ζῶντες ἐνέχουσιν.

XIII. Ad multos Magistros, & priuatas lectiones, quod attinet, ita eas instituo: vt antelucanas horas primas preces & sacra Biblia obtineant, obtemperans mandato illi Filij Dei: Quærite primum Regnum Dei & iusticiam eius.

XIIII. Hæc subsequitur, quæ ad eloquentiam parandam summè necessaria, styli exercitatio: &

præceptoribus meis, matutinis instituenda horis videtur, propterea quòd meridianæ aut æstu feruent, aut saturatos ventriculos reperiunt: vespertinæ vero propter defatigationem ac lassitudinem languidum stylum reddunt.

XV. Reliquas horas Professorum lectiones publicæ occupant, ad quas tamen nunquam accedo, nisi antè, & explicata repetierim: & sæpè diligenterq; locum legerim eum, qui in Schola explicandus est.

XVI. Horã eam, quæ prandium antecedit, corporis exercitio, & vel deambulationibus modicis, vel pilæ ludo tribuo: atq; ita, nõ quidem famem obsono, aut ad cibum me præparo, qui, vt nosti, tenuis, non lautus esse in Scholis consuevit: sed valetudini partim consulere, partim ad capeffenda studia alacriorem reddere animum cupio.

XVII. Magnum enim crudorum humorum copiam accumulare, & scabiem, morbum ordini Scholastico admodum familiarem, accersere eos sibi Medici nostri affirmant, qui statim à cibo sumpto corporis exercitia instituunt.

XVIII. Et quia eodem tempore ad studia redire perniciosum quoq; ijdem iudicant: prius quàm po meridianæ in Schola inchoentur lectiones, aut testudine me oblecto: aut paulisper meridior: aut contubernalium & familiarium colloquijs me reficio.

XIX. Vtor enim σοφίῳις & σωλῶις adolescentibus, non loco modò honesto natis, verùm etiam doctis,

doctis, atque reipsa, non nomine tenus studiosis, & præceptoribus meis cum primis gratis & acceptis : quibus cum de studiis aliisq; rebus iucundè vtiliterq; colloquor.

XX. Professores quoq; non rarò accedo : atque inde verum esse experior illud, quod quadam in epistola Seneca scribit : nullam rem magis honesta induere dubiosq; & in prauum inclinātes ad rectum reuocare, quā bonorum virorum cōversationem : frequenter audiri atque aspici paulatim in pectora descendere præceptiq; vim obtinere : esse deniq; aliquid, quod ex magno viro, vel tacente, quis discat.

XXI. Familiaritati & amicitiae quorundam ego renunciaui, propterea quod διαφφνδλω pater scripserat, vt eos missos facerem : ne mea hæc in re tergiuersatio aliquam ei suspicionem moueret.

XXII. Tandem non statim à coena, sed vnius ad minimum horæ spatium interposito, & recreatiunculis adhibitis honestis, in cubiculum me cum consero, antequam quieti me ac somno dedam, memor illius :

Non prius in dulcem declinat lumina somnum

Omnia quā longi reputauerit acta diei.

quid eo die audierim, legerim, viderim cogito.

XXIII. Et vt boni patresfamilias accepti atq; expensi habere tabulas solent : ita ephemerides ego & volumina habeo, in quæ obseruatu digna refero.

XXIIII. Tandem sacrorum bibliorum lectione piisq; ad Deum votis diem claudio.

XXV. Habes vitæ ac studiorū meorum rationē, à qua non ante recedere constitui, q̄ vel à te, vel alijs viris doctis melior mihi cōmodiorq; indicata fuerit.

XXVI. Te commodè adhuc cum familia tota valere: florere gratia & authoritate: emere hortos, ædes, prædia, vehementer gaudeo: feliciterq; cum hæc, tum alia omnia euenire tibi cupio.

XXVII. Cum etiam quod præterea scribam non habeā, ipsaq; vt vides, charta deficere me incipiat, vnicum hoc tantum peto; vt, quod facis, absentem me tuo dignum amore atq; patrocínio iudices: literis quoq; meis, satis quidem verborum, at parum ingenij doctrinæq; habentibus ignoscas.

*Imitatio nū-
ciatorie epi-
stolæ institu-
tæ de rebus
publicis.*

Ita non incommodè ad Ciceronis imitationem de studiis & rebus nostris priuatis institui nunciatio poterit. Restat rerū publicarum expositionis exemplum vt proferamus, cuius egregium, lib. 2. epist. 5. suppeditat, in qua curionem Cicero de Reipub. statu certiore facit. Partes illius tres sunt. Exordium, in quo, quia non satis videbatur tutum de publicis rebus scribere, reiectione expositionis Cicero vtitur. Narratio, in qua rectè & occultè miserabilem idem Reipubl. statum exponit, ita etiā debilitata omnia ac prope extincta esse affirmat: vt dubitet, vtrum, cum venerit Curio, habiturus sit quod curet.

Con-

Conclusio *ωε* *επ* *η* adhortatione facta: vt ea paret, meditetur, cogitet, quæ necessaria iis qui miseris temporibus, ac perditis moribus opē ferre Rebuspub. cupiunt. Hanc ergo imitati ad adolescentem, studiorum gratia peregrinantem, de patriæ statu miserabili scribemus hoc modo.

I. Petis à me, vt de patriæ tuo statu certiorcm meis te literis reddam.

II. Facerem equidem hoc lubenter, si sine periculo fieri illud posse viderem.

III. Sed profecto eo sese modo res nunc habent omnes, vt ne epistola quidem narrare tibi, ne dum nunciis atq; tabellariis committere audeam: qui quā sint rimarum, vt ille ait, pleni, maximè vbi vino incaluerint, factiq; fuerint hilaruli, multi sæpe, non sine suo damno experiuntur.

IIII. Hoc vnum accipe: etsi, quod prouerbio dicitur, patriæ fumus igni sit alieno luculentior, eaq; viro bono nihil esse possit iucundius: tamen, quod à tua iam abes, tibi verè *ε* ex animo gratulor.

V. Neq; enim ea vides vel audis, quæ nos, qui adsumus, videre *ε* audire quotidie non sine magno dolore cogimur.

VI. Deinde eo in loco res esse tuas, nec obscuro, nec vario ad nos sermone perfertur: vt vix meliori esse posse videantur.

VII. Quod enim ita vitæ tuæ studiorumq; rationē

instituis : ut iucundus sit condiscipulis : gratus præceptoribus : acceptus iis quorum tecto mensaq; uteris : spe tui magna omnes imples eos, qui de ingeniis iudicare aliquid possunt : in felicitatis, crede mihi, haud postrema parte reponendum est.

VIII. Ut autem nunc patriæ tuæ est status, vehementer profecto metuo, ne si domum aliquando veneris, non dignum aliquem ingenio, doctrina, virtute locum inuenias.

IX. Omnia enim extincta propè nunc iacent : silent leges : exulat iustitia : disciplina collapsa est : literæ earundemq; cultores nullo, aut perquam exiguo, sunt numero.

X. Verùm & hæc nescio rectè ne tutoq; satis sint literis credita.

XI. Itaq; ex aliis plura te audire, quam meis cognoscere literulis malo.

XII. Tu tamen hac de causa, nihil interim de diligentia in studiis remittes : sed ea parabis, mediteris, cogitabis, quibus instructos paratosq; eos esse oportet, qui miseris hisce ac ferè conclamatis temporibus opis aliquid atq; auxilij Reipubl. Christianæ ferre cupiunt.

XIII. Et si fortè locus tibi in patria nullus contingerit, de eo Poetæ cogitabis :

Omne solum forti patria est, ut piscibus æquor :

Et volucris vacuo quicquid in orbe patet.

Iam verò ad rationem respondendi aliorum

liorum literis nunciatoriis quod attinet, *De ratione*
 etsi varietas hîc magna reperiatur, ideoq; *respondendi*
 certa aliqua via & μέθοδος *ad aliorum* tradi commo-
 dè posse non videatur: tamen adhibita di- *literas nun-*
 ligenti apud Ciceronem *παρρησίῃ* obser- *ciatorias.*
 uatione, etiam hoc in genere epistola-
 rum cuiusmodi, cum sententiæ, tum tra-
 ctationes vsurpandæ apparebit. Primum *Sententia re*
 enim ostendendum: quo apud nos loco *sponsorum*
 sit nunciatio: quo nos illa modo affece- *ad literas nū-*
 rit: atq; rei illius ratio habenda, quæ per *ciatorias.*
 literas nunciatur: ita quidem, vt, si grauis
 ea atq; atrox extiterit ira, odium, indigna-
 tio: si, vel nobis, vel nostris, vel Reipubl.
 aduersa, misericordia: si iucunda, læta,
 grata, *χαρὰ* gaudium, lætitia voluptas in-
 dicetur. Deinde, quoniam motus isti non
 nudè tantum exponendi, verum etiam
 rationes eorundè adferendæ sunt: ex cau-
 sarum loco sententiæ ducendæ, quibus rei
 expositiæ honestas aut turpitudine: commo-
 dum aut detrimentum: iucunditas, aut
 molestia ostendatur. Ex adiunctis tertio,
 modi, loci, temporis, personarum alia-
 rumq; circumstatiarum consideratio pe-
 tenda. Postremo ex loco comparatorum
 collocatio depromenda, planumq; facien-
 dum, cur magis quàm alij ex re illa, quæ

nunciatur vel letitiam & voluptatem, vel
dolorem & tristitiam percipere debeamus. Conciliandi quoq; hîc minimè ratio negligenda, sed instituenda ea : vel collaudatione amici, cuius in scribendo gratum nobis esse officium ostendemus : vel gratiarum actione, & *ποχῆς* pollicitatione similis officij : vel significatione animi moderati & causæ, lætitiæ, aut tristitiæ ex re nunciata perceptæ. Collocatio talis erit, vt prima pars exordium cōstet : *ἐπαί-
νω* laude & commendatione prudentiæ, humanitatis, suauitatis literarum amici. lib. 2. epist. 13. 15. lib. 7. epist. 28. Aut *ἐπαναλή-
ψις* repetitione breui eorum quæ ab amico scripta. li. 9. epist. 15. lib. 11. epist. 24. Aut gratiarum actione. lib. 14. epist. 8. Pars altera propositio *ἐπαινοῦ* laudationem & *δοχῆς* approbationem habebit eius quod nunciatur. lib. 9. epist. 5. Vel reprehensionem atque improbationem. lib. 2. epist. 8. vel obtestationem. lib. 8. epist. 16. Pars tertia rationes complectetur, sumptas à causis. lib. 2. epistola 8. lib. 7. epistola 15. 28. lib. 9. epistola 15. lib. 11. epistola 24. Aut adiunctis & circumstantiis : modi. lib. 2. epistola 15. lib. 14. epist. 8. Loci. lib. 7. epist. 28. Temporis ibid. Factorum. lib. 2. epist. 13.

Con-

*Collocatio
& tractatio
sententiarum.*

Consiliorum ibid. Aut comparatis. lib. 7.
 epist. 28. lib. 11. epist. 24. Pars quarta & po-
 strema conclusio absoluetur: *ἐπεὶ* pol-
 litatione aduentus. lib. 2. epist. 15. auxi-
 lij. lib. 11. epist. 24. Vel nostræ voluntatis
 declaratione. libro 2. epistola 13. libro 9.
 epistola 15. Vel *ἀξιώσει* petitione: vt post-
 hac, si quid acciderit noui certiores nos
 amicus reddat. libro 14. epistola 8. Sunt
 autem talium responsionum variæ Cice-
 ronis in epistolis famil. *Materiæ re-
spon-
sionum
ad epistolas
nūciatorias.*
 siones ad nunciationes de rebus vrbanis.
 libro secundo, epistola octaua. Supplica-
 tione. lib. 2. epist. 15. Amicitia ac familiari-
 tate certorum. lib. 2. epist. 13. lib. 7. epist. 15.
 Ratione belli tempore instituta. lib. 7. e-
 pist. 29. lib. 8. epist. 16. Valetudine. lib. 9.
 epist. 15. lib. 16. epist. 12. Auxiliis belli tem-
 pore paratis. libro vndecimo, epistola 24.
 Literis ab amico missis. lib. 14. epistola 8.
 Reipublicæ statu perturbato. lib. 7. epist.
 28. Est & egregia Bruti ad Ciceronem epi-
 stola quarta, responsio ad nunciatoriam
 de victoria ab hostibus reportata, quam
 exprimere conabimur, vbi imitationis
 exemplum, in respōdendo aliorum nun-
 ciationibus, de rebus institutis priuatis,
 proposuerimus. Sumemus autem lib. 7.

*Imitatio re-
sponsionis ad
epistolas nū-
ciatorias de
rebus priua-
tis institutas*

epist. 15. in qua Cicero Trebatio respon-
det, qui de rebus suis priuatis eum certio-
rem fecerat, & inter alia scripserat: liben-
ter se cum Cæsare esse, in familiaritatem
quoq; C. Matij homini doctissimi venis-
se. Partes illius tres sunt. Exordium, amo-
ris ac beneuolentiæ significatione con-
stans. Narratio, in qua exponit Cicero
quomodo lectis Trebatij literis affectus
fuerit. Conclusio ~~μεν~~ ^{μεν} ~~Επὶ~~ ^{Επὶ} adhortatione fa-
cta, vt magnorum virorum gratiam ac fa-
uorem retinere idem studeat. Hanc ergo
imitati ad amicum in academia aliqua
degentem scribemus, eiusque nunciato-
riæ epistolæ respondebimus hoc modo.

I. Vide, obsecro, quanto te amore complectar,
quamq; ea in re querulus planè ~~εἰ~~ ^{εἰ} ~~μεν~~ ^{μεν} ~~ἴμεις~~ ^{ἴμεις} ~~οἱ~~ ^{οἱ} ~~σοῖς~~ ^{σοῖς} ~~σιν~~ ^{σιν} sim.

II. Aegrè ante molesteq; ferebam, te perinuitum
à patria abesse, ~~εἰ~~ ^{εἰ} ~~in~~ ⁱⁿ ~~Academiis~~ ^{Academiis} ~~viuere~~ ^{viuere}: nunc tua
me absentia vexat.

III. Caue enim credas, iucundum hoc mihi au-
ditu extitisse, commendatione te mea, qua aditum ti-
bi ad viros doctos patefacere sum conatus, non vsq;
adeo delectari: sed, quod de Israelitis sacræ literæ
referunt, domum semper cogitare.

IIII. Nunc illud rursus me pungit, quod liben-
ter te esse in Academia, nec de patria cogitare am-
plius scribis.

V. Sed

V. Sed tamen hoc ego ferre malo, quàm te hîc nobiscum viuere, neq; consequi ea posse, ad quæ pleno te cursu contendere iam audio.

VI. Quod verò in clarissimorum doctissimorumq; virorum familiaritatem iam venisti, dici non potest, quanta me illud letitia ac voluptate afficiat.

VII. Principibus, inquit ille, placuisse viris, non infima laus est.

VIII. Et hac de causa Romanos, homines prudentissimos, legimus filios suos doctorum ac præstantium virorum vti consuetudine voluisse: vt eorum, non tam sermone erudito, quàm exemplis informarentur: niterentur consiliis: præsentia, à sceleribus & peccatis deterrentur.

IX. Itaq; operam da sedulo, ne quam apud tantos viros collectam iam gratiam atq; beneuolentiam habes, aut negligentia in studiis, aut dissolutione in vita ac moribus effundas.

X. Nihil, crede mihi, ex ista profectione reportare domum poteris, quod, vel iucundius nobis, vel tibi honorificum atq; vtile magis futurum sit.

Vt verò etiam responsionis, ad publicarum rerum nunciationes, imitatio instituat, 4. Bruti sumemus, in qua Ciceronis ille nunciatoriæ epistolæ de victoria ab Antonio reportata, respondet. Est enim egregia illa epistola & præcepta continet pulcherrima, de adhibenda mode-

Imitatio responsionis ad epistolas nunciatorias de publicis rebus institutas.

ratione, cum in victoriis, tum honoribus eorum, qui præclare in Rempub. animatis de eadem quoq; non malè meriti videntur. Partes illius quatuor sunt. Exordium, ἐπαναλήψις repetitione, literarum factum, & significatione lætitiæ ex iisdem perceptæ. Propositio ἑπαιγοῦ collaudationē atq; approbationem habens eius, quod nunciatur. Confirmatio, in qua Brutus moderatè vtendum victoria, nec etiam nimium tribuendum Augusto ostendit: simul etiā contra eos sese defendit, à quibus, vt nimium lenis reprehendebatur. Conclusio, quæ rerum quarundam priuatarum significatione absoluitur. Hæc igitur ἀντιγραφήν epistolam imitari conabimur hoc modo.

I. Quanta sim lætitia affectus cognitis rebus ducum & militum nostrorum, tibi iudicare facilius, quàm mihi scribere est.

II. Cum alia ex animi euenisse sententia gaudeo: tum quod sociorum eruptio ad reportandam victoriam adiumento maximo fuit.

III. Quod vero de atroci pœna eorum scribis, qui in prælio sunt capti, si, quod ego sentiam, scire cupis: moderatè victoria vtendum: eos quos occidere res non coegit, nec crudeliter tractandos, nec etiam dissolutè remittendos, sed in potestate retinendos vestra existimo, ne quid moliri cōtra vos queat.

IIII. Quan-

IIII. Quantopere Atheniensibus in Aeginenses, Scioneos, Samios deuictos seuitia nocuerit: quàm propter crudelitatem in Plataenses & Thassæos puniti fuerint Spartani atrociter, historiæ testantur.

V. Neq; recentia, ac propè adhuc spirantia mihi exēpla deessent; nisi iam ante nota ea tibi esse scirē.

VI. Vt & illa, quæ de recipiendis in gratiam iis, qui agnito suo errore ad nostram misericordiam confugiunt, in sacris literis leguntur.

VII. Mea quidem opinione multò ad eorum, qui à vobis sunt abalienati, conciliandos animos conseruandamq; quietem ac tràquillitatem publicam esset accommodatius: miserorum vos fortunam non insectari, quàm nimium iis tribuere, qui semel bene, fortiter, feliciter rem gesserunt.

VIII. De me vt loquar, ingenuè fateor: vehementer me metuere: ne altius ascēdisse sese vestri duces putent, quã inde, pace iam facta, descensuri sint.

IX. Tum demum quoq; & patriæ meæ gratulabor, & prudentiam laudabo vestram, cum non hoste modo, verum etiam conducto milite liberatos vos esse, ducesq; vestros stipendiis contentos domum rediisse audiero.

De Denunciatoriis Epistolis.

Denunciatoriæ epistolæ, quæ ἀγγελλοῦμαι appellantur à Græcis, sunt, in quibus quasi futura prædicimus, deq; iis, quæ imminere videtur, certiores amicos red-

*Sententię in
denunciato-
riis epistolis
obseruandę.*

dimus. Quam proximè igitur ad superius proximum epistolarum genus hoc accedit: ab eodem tamè differt, quod ibi præterita exponuntur: hîc verò, quæ futura indicantur. Et si autem, vt lib. epistolarum famil. 6. epist. 4. Cicero scribit, de futuris rebus semper difficile est dicere: tamen interdum coniectura possumus propius accedere, cum eiusmodi res est, cuius exitus prouideri queat. Et idem lib. 6. epist. epist. 6. futura se denunciare affirmat, non ex Astrologia, sed politica doctrina, vfu, experientia, rerum ac temporum conditione. Nec nos quidem, inquit, nostra diuinationo fallit, quam tùm sapientissimorũ virorum monumentis atq; præceptis plurimoq; doctrinæ studio: tùm magno etiã vfu tractandæ Reip. magnaq; nostrorum temporum varietate consecuti sumus: cui quidem diuinationi hoc plus cõfidimus, q̃ ea nos nihil tam obscuris rebus tamq; perturbatis vnquã omnino fefellit. Itaq; sententiæ in hoc epistolarum genere sumentur, primum ex adiunctis, & circumstantiis personarũ, loci, temporis, modi, causarum. Deinde testimoniis, & iudicio hominum cõmuni, rumoribus qui sparguntur: nostris etiam superioribus prædictis.

ētis. Tum comparatis & exemplis aliorū.
 Sed quia hominis parū prudentis, aut mo- *Sentētia de-*
 desti esse videtur, de futuris velle scribere, *nunciatio-*
 ἣ ἐν γένεσσι, vt ille ait, sunt Dei: opera quoq; *num ἡδιστα*
 danda est, ne temerè ac stultè, sed moratè *moratὰ &*
 atq; decorè agere videamur. Fit autē hoc *conciliantes.*
 quatuor potissimum modis. primo gene-
 re orationis: si scilicet non ἀπλῶς simplici-
 ter & asseuerando, sed aut ἐποθέσει condi-
 tione, aut ἐνδοιάσει dubitatione quadam de
 futuris scribamur. Secundo δευπεία miti-
 gatione vel ante vel post adhibita, eadem
 que ostendamus, non nos affirmare hīc
 quicquam, sed coniecturis solum quibus-
 dam niti. Tertiò μετασάσει τῆς αἰτίας causæ re-
 motione: cum affirmamus, non temerè
 hīc nos aliquid asserere, sed nostras con-
 iecturas scribere, vel ab amico rogatos,
 vel etiam quod existimemus eundem do-
 lore impeditum de illis cogitare minimè
 posse. Postremò ὁχρῶ voto & precatōe: si
 adiiciamus: futura in Dei Opt. Max. sita
 esse manu: eundem nos rogare: vt vates
 vanos atq; falsos nos esse velit. Verū ne- *Sentētia*
 que motus hīc erunt negligendi, sed duo *πυθηνικὰ*
 potissimum excitandi: metus, & spes seu *motuētes.*
 confidentia. Non enim propterea futura
 denūciantur, vt de iis certior solum ami

*Collocatio de
nūciatoria-
rum episto-
larum.*

cus reddatur: verum ut, vel bene speret ac
confidat, rerum bonarum prædictione:
vel contra metuat, denunciatione malo-
rum & periculorum, quæ propè adesse, &
non ad alios tantum, sed ad ipsum quoq;
pertinere amicum videantur. Collocatio
atque tractatio constat, primum exordio,
quod habet vel silentij excusationem. li.
6. epist. 6. vel benevolentiae atq; studij de-
clarationem. lib. 6. epist. 5. vel scribendi oc-
casionem. lib. 6. epist. 4. Deinde narratio-
ne, quæ expositionem complectitur τῶν
ἐκθεσσομένων πραγμάτων rerum quæ euenturæ
sunt, at non nudam atq; simplicē, sed con-
tinentem ea, quæ verisimilem denuncia-
tionem & προειρησιμὸν vaticinationē red-
dunt. Cuiusmodi sunt attributa & circū-
stantiæ: personarū. lib. 6. epist. 4. 5. 6. Tem-
porum. lib. 6. epist. 5. 6. Locorum. ibid. Re-
rum. lib. 6. epist. 4. Causarum. ibid. Secun-
dò testimonia & iudicia hominum. lib. 6.
epist. 4. 5. 6. postremò exempla nostra vel
aliorum. lib. 6. epist. 6. Pars tertia & postre-
ma conclusio absoluitur: aut adhortatio-
ne ad animi magnitudinem. lib. 6. epist. 4.
Aut officiorum atq; studiorū delatione.
lib. 6. epist. 5. 6. Aut præcisione & prolixi-
tatis excusatione. lib. 6. epist. 4. Sunt autē
res

res ac materiæ, quæ in denunciatoriis epistolis apud Cic. reperiuntur. Prædictio & denūciatio de belli ciuilibus exitu. li. 6. e. 4. *Materia denunciatoria rum epistolarum.*

Reditu in patriam. l. 6. e. 5. 6. Maximè verò huius generis exēpla egregia epistolæ ad Atticum suppeditât, in quibus Cic. Reip. tempore periculoso, de reb. grauissimis cum Attico egit: nec gesta solū exposuit, verum etiā futura prædixit. Talis lib. 8. epistola est 11. in qua de Cæsare & Pópeio Cic. scribit, quid vterq; spectet: q̄ inde sint in Repub. euentura mala exponit: causā etiā cur illud scribat, reddit. Et eiusdem 21. vbi signis ac testimoniis tū à Cæsare, tū Pompeio metuenda nō pauca indicat. Et lib. 9. epist. 2. in qua Cicero ostendit quæ nam sibi mala & incōmoda reformidanda, siue Pompeium securus, siue in Cæsaris pfectus castra fuerit, siue otium petierit. Et li. 14. epist. 9. in qua de periculis vrbi metuēdis Cicero agit. Et eiusdem 24. vbi bellū idem prædicit. Nos exercitij causa, li. 8. ad Att. 21. imitari conabimur ppter ea q̄ præ cæteris elegans illa est, & malorum Reip. impendentium ἀειρήσις denunciationem habet. Partes illius tres sunt: principiū αἰτιολογικόν, in quo causas Cic. reddit, cur & breuius, & non sua, sed librarij ma-

Imitatio denunciatorig epistolæ.

nu scribat. Narratio, futurorum malorum
 πρόρρησις prædictionem continens, confir-
 matam, partim municipaliū testimoniis,
 partim circumstantiis. Conclusio χετλια-
 σική indignatione facta. Hanc ergo imitati
 epistolam de malis & incommodis futu-
 ris certiorē reddemus amicū hoc modo.

I. Inualetudinis meæ signum tibi sit, aliena ma-
 nus, eademq; breuitatis causa: etsi, verum vt fatear,
 etiam quod scribam, non iam occurrat.

II. Auide tabellarios expectamus quotidie: με-
 τρώες nos suspensos atq; anxios reddunt rumores
 qui sparguntur: licet capite adhuc illi careant, non-
 nullis quoq; facti videantur raudiusculi.

III. De futuris verò rebus etsi perquam difficile
 sit aliquid affirmare: tamen paucula ad te nunc scri-
 bam: idq; non temeritate quadam, sed rationibus,
 non opinor, vsq; adeo contemnendis, adductus.

IIII. Populum πολυκέφαλον θνητόν, multorum
 capitum belluam veterum quidam appellat: Cicero
 inconstantia, varietate, & crebra, tanquam tempe-
 statū ita sentētiarū laborare cōmutatione queritur.

V. Itaq; vehementer metuo, ne ei, qui primò for-
 tē sese offerat, exercitui adiungat: atque ita non se
 modo suosq; perdat: verum etiam eandem secum in
 calamitatem alios pertrahat.

VI. Si vrbes aliquot & arces dux occupauerit,
 pacis spes dubia erit: sin tempestiue alter exercitum
 trans-

transportarit: pestiferum atque luctuosum nos bellum habituros intelligo.

VII. Sed vidēsne quàm cauti, vigilantes, & in omnes occasiones intenti sint homines?

VIII. Si paulò mitius atque clementius dux ille quosdam tractarit: si nihil cuiquam ademerit: iam expedita erunt, & aperta ei omnia: diligetur maxime ab ijs, quibus inuisus antè fuit.

IX. Multus hac de re cum multis mihi sermo est: de re nulla nisi agris, villulis, nummulis suis solliciti sunt: pedibus alia trahi omnia facile sinunt.

X. Iam etiam eos, in quibus auxilij præsidijq; spem fixam ac locatam habebant, nunc metuunt: quos oderant & timebant, in amore habent: ferunt in oculis: in cælum vsq; laudibus euehunt.

XI. Hæc dum fiunt, ad futura prædicenda, non somnijs, non alitis volatu, aut oscinis est cantu opus.

XII. Apud Comicum quidam de oppido munito interrogatus, illud munitum probè sibi videri, respondet, in quo incolæ benè sint morati: perfidia, perculatus, auaritia exulent: hæc nisi absuerint, ne centuplicem quidem murum ad res seruandas sufficere affirmat.

XIII. Et oraculis diuinis edocti, nouimus quænam sint illa, quæ Rerum publicarum atq; Imperiorum præcedere ruinam soleant.

XIIII. Itaque rogandus est Deus Optimus Maximus, vt Ecclesiæ ac innocentum misereatur: mo-

nendi ij, quorum res agitur, vt posthabitis omnibus alijs, quæ pacis sunt quærant.

De Aenigmaticis Epistolis.

*Aenigmati-
carum Epi-
stolarum v-
tilitas.*

A Enigmaticæ epistolæ appellantur, in quibus aliud scribimus: aliud verò intelligimus. Videtur autè vitiosum hoc esse epistolarum genus, propterea quòd non præstat id, cuius gratia epistolæ inuentæ: neq; absenti amico ita mentis sensa cogitataque explicat, vt, quid velimus, intelligere ille queat. Sed & suas, easque minimè contemnèdas vtilitates istud habet: modò rectè & artificiosè adhibeatur. Primum enim ad docendum accommodatæ sunt epistolæ ænigmaticæ: quia hominis animum acutè, nec sine voluptate erudiant: & vt in Sole iter faciètibz gratæ iucundæque esse vmbrae solent: ita in Epistolis conscribendis suam obscuritas interdum laudem inuenit: modò ingenij & doctrine tincta notis fuerit. Deinde necessitas sæpè nos cogit, vt obscure ac rectè, non apertè atque perspicuè ea in epistolis exponamus, quæ cum aliquo coniuncta periculo esse videntur. Hinc illud Ciceronis lib. 2. ad Atticum, epist. 19. Scripsi ad te hæc mehercule timidè. Posthac si perfide-

perfidem habebō cui dem, scribam planè omnia: aut si obscurè scribam, tu tamè intelliges. In his epistolis me Lælium, te Furium faciam: cætera erunt ἐν αἰνιγμασί. Et in sequenti 20. De Republica breuiter ad te scribam: iam enim charta ipsa ne nos prodāt, pertimesco. Itaque post hæc, si erunt mihi plura ad te scribenda, ἀλλήλοισι obscurabo. Constare autem ænigmaticæ epistolæ sententiis debent, non simplicibus, sed iis, quas βαδεις Græci, profundas appellant, quia reconditæ sunt, & varium sensum adferunt: aliud verbis indicant, aliud re ipsa complectuntur: non deniq; nisi ab ingeniosis, acutis, doctis intelligi possunt. Et adhibendæ sunt translationes atque allegoriæ crebræ: & vocabula, quæ ambiguum atque incertam significationem adferunt. Poetarum quoque fabulæ & sententiæ: aut aliorum acuta & obscura dicta assumenda: quemadmodum Ciceronem videmus in epistolis ad Atticū, multa epitheta Homerica: collationes personarum, quibus suos dynastas cum Homericis heroibus confert: versus quoque integros vsurpare. Verū opera hīc quoque danda: vt parcè, non continuò ænigmatica adhibeantur: & adhibeātur tum,

*Sententiæ in
ænigmaticis
epistolis ad-
hibendæ.*

cùm vel necessitas, propter periculum flagitat, vel, propter eruditionem & acumẽ, voluptas atque delectatio requirit. Deinde tractatio ita instituẽda, vt natiua, propria, aperta, aut præponantur, aut subiungantur, aut immisceantur: atq; ita ab iis epistolæ separentur, in quibus proprium

*Collocatio
& tractatio
sententiarũ.*

ac perspicuum nihil reperiri solet. De collocatione verò seorsim vt agamus, necesse minimè habemus. Quoniam enim plerunque ænigmaticis vtimur tum, cùm de rebus certis certiore reddere amicum volumus, eadem hîc collocatione est, ac tractatione vtendum, quẽ in nunciatoriis

*Materia æ-
nigmatica-
rum episto-
larum.*

epistolis notata fuit. Sunt autem materiẽ huius generis epistolarum paucẽ in familiaribus: multæ ac variæ in iis, quas ad Atticum Cicero scripsit, hominem doctum & amicum intimum: & tempore scripsit Reipublicæ admodum periculoso. Vt lib. 1. epist. 15. vbi rectè Cicero de adulterio agit cuiusdam Cai cum Luculli vxore, & illum quidem Paridem, hunc Menelaum vocat: & de togula picta Pompeij: & piscatoribus, Lucullo, Hortensio, L. Philippo, qui abiecta Reipublicæ cura, de piscinis suis solliciti erant. lib. 2. epist. 9. vbi de Clodio, Pompeio, Reipublicẽ etiam statu
obscure

obscurè quēdam atq; ænigmaticè scribit:
& Clodij sororem ^{Βοδινίδα} appellat, imitatione Homeri, qui hoc epitheton Iunoni tribuit: & Hierosolymarium Pompeium à captis Hierosolymis: per dynastas Cæsarem ac Crassum: per tritonas delicatulos quosdam intelligit, qui nihil nisi piscinas suas curabant. lib. eod. epist. 21. in qua quo Pompeij res sint in loco indicat obscurè, cū decidisse eum ex astris scribit. Et epist. 23. vbi rursus Pompeium & Clodium notat: & quidem illum Sampsicerrum, hunc pulchellum nuncupat. Præcæteris autem egregiæ sunt, quæ lib. 7. & 8. extant, propterea quòd scriptæ illæ sunt belli ciuilis tempore de Pompeio, Cæsare, & aliis, quos apertè reprehendere minus tutum erat. Itaque obscurè, testè, atq; ænigmaticè eos Cicero perstringit, & qd in illis desideret indicat. Esse & commendatæ lib. 14. epistolæ debēt, quas post Cæsaris necē de Antonio & eius sectatorib⁹ Cicero scripsit: vbi valdè periculosum erat apertè illa vituperare, quæ contra morem atque consuetudinem maiorum in Republica fiebant, ac gerebantur. Sunt huius generis in epistolis familiaribus. lib. 10. epist. 28. & lib. 12. epist. 4. in quibus ob-

*Imitatio æ-
nigmatica
epistolæ.*

scurè Cicero conqueritur, quòd non cum Cæsare vnà quoque Antonius interfectus sit. Nos exercitij causa lib.8.epist.25. & postremam imitari conabimur, in qua Cicero de perturbato Reipublice statu ad Atticum scribit: Pompeium accusat: optimates reprehendit: quòd fugere constituerit, subobscurè indicat. Partes illius tres sunt: Exordium instituti consilij significatione constans. Narratio, in qua & moerorem suum Cicero indicat, & de iis, quæ fiebant, conqueritur. Conclusio præcisione facta, cuius vsus maximè in dolore atque tristitia indicanda. Sententiæ esse tales poterunt.

I. Omnia parata prouisaq; esse videntur, præter iter tutum.

II. Quò enim animus spectat: vocant amici: eò venire propter pericula non audeo.

III. Celeriter verò cedendum mihi esse video: nisi moram neſtendo in hostium venire manus, & extrema quæq; experiri velim.

IIII. Accedunt huc hominum sermones, quibus, vt audio, apud viros bonos innocentem me nonnulli conscindunt: nulla, opinor, de causa alia, quã quòd feram illi secum alunt, cuius non diuturna esse vita solet, nisi nutrimenta aliena commoda suppeditarint.

V. Qui illi sint, scribere non audeo, ne styli pœ-

nas luam. θυμὸς γὰρ μέγας ὅτι διοτρεφέων βασιλῆων.
χόλῳ δ' ἐκ ἀλίδιῳ.

VI. Miræ iam fiunt ἀπαντήσεις: res planè conuer-
sa: colunt & ferè vt Deum aliquem adorant, quem
Vatimiano antè odio prosequébantur.

VII. Sed, vt vt res sese habeant, αἰδέομαι τρώας,
& rectà ad eos proficiscar, quorum meliorem esse
causam video.

VIII. Hostes φελιπίζοισι: argenteis hastis pu-
gnant.

IX. Plura ad te nunc scriberem, nisi dolor me im-
pediret: calamum præterea è manibus excuteret is,
quem nemo videt, nisi qui sua lumina claudit.

De Iocosis & Facetis Epistolis.

IOcosæ, seu facetæ epistolæ nominantur,
in quibus suauiter cū amico iocamur,
eundemque lepore & vrbánitate, aut vo-
luptate atq; delectatione afficere: aut re-
prehendere & accusare: aut admonere of-
ficij conamur. Est enim magna huius ge-
neris epistolarum vis atque vtilitas: & hi-
laritas, vrbánitas, acumē, beneuolentiam
scribenti conciliant: & multa quæ apertè
admonēdi aut castigandi gratia scribi ne-
queunt, iocis eiusmodi commodè pro-
feruntur: eleuantur denique atque dissol-
uuntur non pauca, quæ argumentis fran-

*Facetarum
epistolarum
vtilitas.*

*Sententię fa-
cetarum epi-
stolarum.*

gi ac refutari non possunt. Ac tametsi Cæ-
sar libro de Oratore secundo naturæ, non
artis esse facerías affirmer: tamen & natu-
ra iuuatur bona arte atque obseruatione,
&, quod admodum in iocis difficile, intra
quasi septa & cancellos continetur. Et Ci-
cero quadam ad Voluminium epistola o-
stendit, quibusnam potissimùm ex locis
petendi ioci sint. Pugna, inquit, si me a-
mas, nisi acuta ἀμφιβολία, nisi elegans ὑπερ-
βολή, nisi παράγχαμμα bellum, nisi ridiculum
παρά πρσοδοίαν, nisi cætera quæ sunt in se-
cundo libro de Oratore per Antonij per-
sonam disputata de ridiculis, ἐν τεχνᾷ, & ar-
guta apparebunt, vt sacramento conteni-
das mea non esse. Sumuntur ergo in face-
tis & iocosis epistolis sententiæ, primùm
ex loco notationis: ab ἐτυμολογία, interpre-
tatione atque explicatione vocabuli, ὁμω-
νυμία, verbi ambiguitate, εἰρωνεία, dissimu-
latione, ἀλληγορίαις & translationibus cre-
bris. Deinde ex Adiunctis, & circumstan-
tiis, loci, personarū, temporis, modi, cau-
sarum, quæ occasiones atque causas iocis
præbent. Tertiò Testimoniis & sermoni-
bus partim hominum, partim sententiis
ac dictis præclarorum virorum, in quibus
singularis esse voluptas atq; delectatio so-
ler,

let, Quarto Comparatis, quæ exēpla sup-
 peditant, & narrationes, siue veræ illæ, si-
 ue fictæ atque fabulosæ extiterint. Quem-
 admodum verò sentētiæ tales, decorē mo-
 derateq; adhibitæ, plurimū venustatis &
 delectationis habent: ita si τὸ ἥδαι ac τὸ πρὸς
 decorum negligatur, offendere maximè
 alios: sæpè etiam p iugulum ipsis ire scri-
 ptoribus solent. Verum quoque est quod
 Poeta scribit: risu inepto res nulla ine-
 prior est: nec cuius datū est nasum habē-
 re. Decorum autem illud consistit primò
 in personis, quibus cum iocari volumus:
 ne insignes illæ nimis, aut tales sint, vt si
 contrà scribamus, ipsæ proscribere nos
 possint. Deinde in rebus, quæ iocos & lu-
 dos admittunt. In improbitate enim, aut
 miseriis & calamitatibus facetiæ nō pro-
 bantur. Tertiò in quantitate: ne nimis fre-
 quentes sint, sed parcè atq; moderatè ad-
 hibeantur. Vnde Cicero παραστωπῶσι præci-
 sione plerumq; utitur, & ὀπίδερα πείδι miti-
 gatione: & in fine seria subiungit: causam
 etiam indicat, cur cum amico iocatus fue-
 rit. Postremò in qualitate: ne obscænæ,
 petulantes, improbæ: contra pietatem, ho-
 nestatem, mores bonos, sint facetiæ. Col-
 locatio verò & tractatio tribus partibus

*Sentētiæ fa-
 cetarum epi-
 stolarum ἡ-
 διναι concii-
 liantes & mo-
 uentes.*

*Collocatio et
 tractatio sen-
 tentiarum.*

constat: quarum prima Exordium habet,
 vel lætitiæ & voluptatis ex amici literis
 perceptæ significationem. lib.9. epist.20.
 Vel rei futuræ ἀρρόγισιν denunciationem.
 lib.9.epist.23. Vel beneuolentiæ, amoris,
 studij declarationem. lib.7.epist.7. Vel oc
 casionem institutę scriptionis.lib.7.epist.
 10.11.12.14. Vel accusationem ac reprehen
 sionem amici. lib.9. epist.24. lib.12. epist.
 20. li.15.epi.16. Vel silentij excusationem.
 lib.7.epist.13. Vel prouerbiū commune.
 lib.7.epist.16. Pars altera Narratio, senten
 tias continet facetas & vrbanas, petitas: à
 notatione vocabuli. lib.7.epist.13. Ambi
 guitate.lib.7. epist.11.16.lib.9.epist.24. Iro
 niis.lib.1.epist.10.lib.7.epist.7.10.12.16. Al
 legoriis.lib.7.epist.10. Aut adiunctis & cir
 cumstantiis loci. lib.7. epist.7.10.16. lib.8.
 epist.7. lib.9. epist.26. Personarum. lib.7.
 epi.11.13.16. lib.8.epist.7. lib.9. epist.20.23.
 26. Temporis. lib.9. epist.24. Causarum.
 lib.7 epist.14.18. Modi.lib.7.epi.11.18. lib.
 9.epist.20. Rerum.lib.7.epist.11.12. Aut te
 stimoniis.lib.7.epist.16.lib.9.epist.5. Pars
 tertia & postrema conclusio absolvitur:
 vel ἀπαραισχησι præcisione. lib.7. epist. 10.
 13.14. lib.8.epist.7. lib.12.epist.20. Vel ex
 cusatione, & causarum institutæ scriptio
 nis

*Imitatio io-
cosæ & vr-
banæ episto-
lae.*

imitatio institui posse videtur. Nos exer-
citij gratia lib. 9. epist. 20. imitari conabi-
mur, in qua ad Papirium Pætū Cicero scri-
bit, Epicureum se factum, nec, vt antè, cœ-
nulis mediocribus contentum esse, sed o-
piparis ac lautis delectari. Itaq; eundē hor-
tatur, vt cū famelicum sit & delicatulū
hospitem habiturus, probè culinam in-
struat. Partes illius sunt: Exordium, signi-
ficationē constans lætitiæ ac voluptatis
ex literis Papirij perceptæ. Narratio, in
qua vitæ suæ rationem Cicero exponit,
& facetè admodum atq; urbanè, quàm sit
delicatus ostendit. Conclusio adhorta-
tione facta: ne in tali excipiendo hospite
sumptibus Papirius parcat. Hanc igitur
imitati, festiuè cum amico iocabimur, &
quomodo excipi ab illo tractarique veli-
mus, indicabimus hoc modo.

I. Dupliciter tuæ me literæ delectarunt: & quid
nisi ipse suauiter illis lectis: & quod te intellexi, se-
ueritate deposita Stoicæ, ridere iam posse, & habe-
re hilarius.

II. Illud interim doleo, venire me ad te, vti consti-
tueram, per occupationes nō potuisse. Diutius enim
apud te mansissem, & non hospes, sed contubernalis
tuus factus fuisset.

III. Neq; verò eum nunc me esse existimes, quem

tu aliquando, aut pulmento, aut iusculo, aut lardo, aut minutali conficere es solitus.

IIII. Displicet Hecales cœna; non Pythagorica probatur, terrestris, & oleribus saltem constans; valere etiam Platoniam iubeo: quæ multum fabularum, parum verò cibi habet.

V. Omnis generis cupedias amo: eas ut cōsequar, diligenter, conuiuia aliorum aduentitia, viatica, collatitia, viscerationes etiam obseruo: adeo sæpe inuocatus eaq; in re Apitium & Philoxenum imitor, qui nunquam tristiores fuisse dicuntur, quam cum domi sunt cibum capere coacti.

VI. Quin & integram famem, & ἀδυναμίαν adfero ad lactucam, aut offam, & ad assas vsq; carnes atq; bellaria produco, & cum Hercule mihi aut Pharsaliis, aut Bœotis negotium esse puto.

VII. Quid vis amplius, omni cura atq; cogitatione de studiis aliisq; rebus seriis abiecta in Epicuri me castra contuli, & voluptate vitæ huius metiri felicitatem cepi.

VIII. Itaq; loculos tuos omnes excutias, culinam etiam atque cellam vinariam probè instruas necesse erit: hospitem multi non ioci sed cibi & potus habebis: & qui iam quàm sit suauis atq; iucundum salialem in modum epulari didicit.

IX. Nosti autem opinor, quàm insolenter suam ostentare artem ὀψιμαθῆς soleant.

X. Dediscendæ tibi erunt sportellæ: remouendæ

bubulæ atq; ouillæ carnes : apuæ alburni, aselli arefacti, haleces, siue conditaneæ illæ, siue passæ infumateq; fuerint: perdices iam, phasiani, attagenæ placent : salares, salmones, gouij, troctæ, murænulæ, & nulli barbati sapiunt.

XI. Ne siticulosum quoq; atq; aridum sit conuiuium : vinum apponatur aut fugiens, aut acescens, aut pendulum, aut operarium : generosum & nobile curabis : quod oculis colore : odore naribus : palato sapore placeat : auribus etiã fama cõmendetur

XII. Hæc enim mea nunc est vita : amicos meos crebro saluto : hilare cum illis suauiterq; viuo, caperata atq; rugosa domi relicta frõte : memor illius :

Protinus ante meum quicquid dolet exue limen.

XIII. Reliquum tempus ambulatiunculis, ludis, aut quieti tribuo.

XIIII. Sed operam da : vt, & valeas, & domi reperiaris : ne ego te, vel iacente, vel, quod fieri interdum audio, adesse nolente, bona tua comedim : cum stet sententia, minimè tibi parcere.

Quod si verò etiã laudationis ironicæ habere exemplũ placeat, egregiũ est lib. 7. c. 16, in qua ob sapientiã in belli fugiendis periculis & acquirendis opibus Trebatium Cic. laudat. Partes illius sunt. Exordium, à puerbio ductũ, q in eos vsurpari solet, qui serò & post damnum aliquod sapiunt. Narratio, in qua p iocum Cic. Trebat. cõmendat : interim verò falsè deridet. Hæc nos imitari conabimur hoc modo.

I. Serò

I. Serò sapiunt Phryges, trito de iis sermone dicitur, qui Epimethei, non Promethei sunt: nec nisi damno aliquo affecti sapiunt.

II. Verum tu non serò, sed maturè satis mihi sapere videris.

III. Primū enim in aulā te bonis, q̄ aiunt, auibus contulisti, rebusq̄ tuis præclarè & citò prospexisti.

IIII. Deinde fabulæ alienæ spectator fuisti, & cum castra alij sequeretur, tu domi interea, quasi in hybernis mansisti, neq; loco te moueri passus es.

V. Atq; hoc postremum perquam mihi placet: quia pacis omnino amans: studiosus concordiae: à vi atq; armis alienus esse videris, idq; præclarè intelligis: nihil foris prodesse arma: nisi tui scilicet similes, viri prudentes sint domi, qui suis cōsiliis alios regāt, atq; videant, ne quid detrimenti Respub. patiatur.

VI. Vbiq; sapere ita oportet: in sapientia sola optimum firmissimumq; præsidium est positum.

VII. Ego si tristi domicrenio laborarē: familiari tuo, qui aliquoties iam me inuitauit, obsecut⁹ fuissē.

VIII. Homo bellus planè atq; elegantulus, & dignus esse videtur, qui non in schola inter tristes ac melancholicos, sed vobiscum in aula, atq; cum politis hominibus viuat: præsertim cum in *αὐτὰρ* μάχῃ satis sit fortis ac strenuus.

IX. Qui istinc veniunt, bene te nummatum: sed satis interim superbum esse affirmant, ita vt non facile alicui ad te aditus pateat, nisi cataphractos

aliquos, quibus resistere difficile, secum adduxerit.

X. Sed rectè, & ad authoritatem retinendam accommodatè, facis.

XI. Nosti enim illud vulgare: nimia familiaritas contemptum parit.

XII. Cum etiam nemo eo in loco, in quo nunc degis, te doctior ac sapientior reperiatur, cur ita te velis vilem reddere, non profectò video.

XIII. Sed hæc nostro more inter nos iocati sum⁹.

XIIII. Tu me, quod facis, amore prosequeris: simul etiam illud in memoriã reuocabis: quo quisq; doctior, eò humanior esse debet.

De ratione
respondendi
ad aliorum
iocosas & fa-
cetas literas

Atq; hæc de iocosis & facetis epistolis sint dicta. Quoniam autem non minor est virtus aliorum iocis atq; facetiis respondere, quàm cum aliis festiuè per literas iocari: etiam respondendi tenenda ratio erit, quæ duplex est. Vel enim laudamus aliorum ἀγροπελίαν festiuitatem & vrbanitatem: vel contra improbamus ac reprehendimus. In laude atq; approbatione iis ex locis sumendæ sententiæ erunt, de quibus paulò ante in facetarum epistolarum inuentione dictum fuit. Quæcunq; enim ibi in iocando sententiæ adhibētur: & quo ad ἡθὺς ac decorum obseruantur: eę in respondendo quoq; laudari atq; cōmendari solent. Ψεκτικαὶ verò reprehendentes sententiæ

sentia ex cōtrariis locis ducētur: ita quidem vt ioci ac facetiæ vituperētur, in quibus nihil, vel ambiguitate, vel verbi interpretatione, vel allegoria, vel aliis elegans ac venustum: nihil etiam aptum & decorum deprehēditur. Collocatio deinde in his ita instituetur: vt prima pars exordiū breuem acceptarum literarum ἐπὶ ἀνάληψιν, *Collocatio responsionum ad literas iocosas.* repetitionem habeat: altera narratio altatarum facetiarum, vel laudē atq; approbationem, vel reprehensionē & vituperationem cōtineat: tertia & postrema conclusio petitione, vel adhortatione aliqua seria absoluat. Vtriusque generis, & eius, quo aliorū in scribēdo vrbānitātē laudamus, & quo reprehendimus atq; improbamus, exemplū est egregiū lib. 7. epist. 32. in qua ad volumniū Cicero scribit: & quidem primò eius festiuitatē ac vrbānitātē laudat. Deinde, quia illius nomine dicta quædam circumferebantur insulsa & inepta, quibus quasi notis à suis illa debeāt distinguī, ostendit, partes illius tres sunt. Exordium ab occasione scribendarum literarū sumptum. Narratio, in qua facetiæ partim laudantur, partim vituperantur. Conclusio *μετὰ τὴν* adhortatione facta: vt crebrò scribat Volumnius, & Dolabellam

*Imitatio re-
spōsionis ad
epistolas io-
cosas.*

confirmet. Hanc igitur imitati iocosæ a-
mici epistolę respondebimus hoc modo.

I. Quod prænominē omisso familiariter, vti de-
bebas, ad me scripsisti: dubium me primò reddidit, à
te ne, aut alio aliquo literę illę essent.

II. Postea verò quam legere eam cepi: statim ex
ipsa vrbānitate & festiuitate, qua conditæ illę fue-
runt, intellexi, tuas, non alterius alicuius eas esse.

III. Fuerunt enim omnia faceta, iucunda, festiua:
præ se ingenium acutum, politum, doctum tulerunt:
ἀπὸ πόντος adhibita fuerunt cuncta.

IIII. Thesibæo, crede mihi, more & ἀστυκόλας
ecenare posses: ita tua amabilia sunt grataq; dicta:
faciunt quoq; vti multò magis quàm ante eos impro-
bem, qui ventris solum gratia quæuis in quosuis di-
cteria iaciunt: & dum ridiculi nimium esse volunt:
non nisi propter insulsiatē atq; ineptias ridentur.

V. Ego, vti sæpè ex me audiuiſti, ea maxime dicto-
rum probare genera soleo, quæ sunt: aut ambigui-
tate acuta: aut ἀστυκόλα elegantia: aut bella agno-
minatione: aut quia præter expectationem allata,
ridicula: aut aliis modis, de quibus dicendi disputāt
magistri, concinna, lepida, arguta.

VI. Hec quia tuis in literis reperi: meritò eas
amo: vtq; eius generis ad me plures mittas, etiam
atq; etiam rogo.

VII. Nam de iis, quæ in vrbe iam sunt, quod
quereris, non multum laboro.

VIII. No-

VIII. Nostros nos labores facietis atq; iocis cō-
diamus, & Anacharsidis secuti sentētiam ita πῶς εἶναι
ludere & iocari studeamus, vt πῶς δὲ εἶναι res agere
serias queamus.

IX. De amico vero nostro communi quæ scri-
psisti, etsi essent ridicula, vt sunt reuera, tamen risum
mouere mihi minimè possent.

X. Quid ita inquires? quia cū vnice illum amem,
etiam grauitati studere, & quam sustineat personā,
paulò cogitare diligentius velim.

XI. Neq; enim duo cum dicant faciantve idem:
idem videri solet: & quæ præcelso sunt in loco po-
sita, occultari faciliè nequeunt.

XII. Illud etiam Poetæ placet:

——tunc obseruantior æqui

Fit populus, nec ferre vetat, cum viderit ipsum

Autorem parere sibi——

——nec sic inflectere sensus

Humanos edicta valent, quàm vita regentis.

XIII. Tu occasione data amicè eum hac de re
monebis.

XIIII. Et quia literarum tuarum sermonem
gratum mihi atq; iucundum esse intelligis, sæpius
ad me scribes.

De Didascalicis Epistolis.

Didascalicæ Epistolæ appellantur in
quibus amicum artem, virtutem, aut
rem aliquā aliam docemus. Et est hoc ge-

*Utilitas didascalicarū
epistolarū.*

*Sententia
in didascalis
epistolis
adhibenda.*

*Collocatio didascalicarū
epistolarū.*

nus epistolarum v̄sitatum cum primis inter parentes, præceptores, amicos, qui sæpe eos quos charos habent per literas erudiunt, aut iisdem errorem eximere aliquē conantur. Est autem & inueniendi & collocandi h̄ic ratio facilis atq; expedita: propterea quod finis nobis iste solum est propositus, vt amicū doceamus. Itaq; sententiæ sumendæ erunt, ex notatione, definitione, partibus, causis, effectis, pugnantis. quæ in docendo locum maximè habent. Interim tamē opera danda: vt ἡ ἁπλοῦς & decori ratio non negligatur: Sed ita doceatur: vt non ex ambitione quadam, aut ingenij, vel doctrinæ ostētatione, sed amici rogatu, vel alia aliqua honesta de causa illud fieri videatur. Collocatio & tractatio ita est instituēda: vt initium à narratione fiat, inq; eadem causæ institutæ scriptio- nis indicentur, pars altera propositio ὑπο- θέσει pollicitatione constabit, qua promitemus amico, libenter nos, sed breuiter διδασκαλίαν, quā petierit instituere velle. pars tertia ipsam doctrinam continebit, iis ex locis de quibus modo dictum, petitam: ita quidem vt à nomine & definitione initio facto post ad reliquos locos progressio fiat. pars quarta cōclusio vel petitione, vel

vel adhortatione, vel repetitione absolue-
tur. Nā & causæ institutę διδασκαλίας non-
nunquā repetendæ: & simul amicus mo-
nendus, vt eam sibi commendatā habeat:
aut etiā rogandus: vt paucula atq; tenuia
illa, quæ sunt allata, boni consulere velit.
Ad res verò & materias quod attinet: etsi
puræ apud Ciceronem epist. didascalicæ
non facilè reperiātur, tñ sunt in quibus
breuiter quæstiones ille certas explicat: vt
de Epicureorū dogmate. l. 7. e. 12. In ualetu-
dine & causis morborū. li. 7. e. 26. Oratio-
nis genere. li. 9. e. 21. 22. 26. Nos quia finem
imponere tractatui huic constituimus, e-
xercitij gratia didascalicā epistolā, de ipsa
epistola pponem⁹, & methodū illā sequi
conabimur, q̄ in didascalicis eiusmodi
obseruanda epistolis videtur hoc modo.

*Materia di-
dascalarum
epistolarū.*

I. Petis à me, vt de epistolis ad te quædā perscribā.

II. Etsi verò dubium mihi non sit vllum, quin &
hæc, et alia plura ex præceptorib. tuis audire possis
quotidie: nec multa me scribere sinant occupationes
illæ, quibus districtus nunc distentusq; teneor: tamen
vt ad tua studia prouehenda atq; iuuanda promptū
me paratumq; esse cognoscas: morem tibi geram.

III. Esse à mittendo dictam epistolam, idq; nomē
à Græcis ad Romanos manasse, notius est, quàm vt
probatione longa egeat.

IIII. Definitionē verò eiusdem si requiras, nihil epistola est aliud, quàm colloquium seu sermo ad absentes de re ad alterum eorum pertinente.

V. Ut autem præsentium cum præsentibus non eadem, sed varia esse colloquia consueverunt: ita & epistolarum, quibus cum illis qui absunt, sermonem conferimus, genera multa ac diuersa sunt.

VI. Quæ, ut mea quidem fert opinio, non incommodè tribus dicēdi comprehendendi generibus possunt: ita tamen ut quartum his commune seu familiare adiungatur, quod eas epistolas complectitur, quæ ad tria illa non referri commodè posse videntur.

VII. Rectè verò atq; artificiosè epistolas ut contexamus, τέχνη ars, et dicēdi doctrinæ necessaria cognitio est: et παρατήρησις observatio eorū, quæ in Cic. aliorumq; clarorū virorū epistolis reperiuntur: & μιμήσις imitatio, atq; exercitatio diligēs & assidua.

VIII. Quæ in re iudicio magno est opus.

IX. Non enim rectè feliciterq; illi Ciceronē imitantur, qui phrasēs tantum certas & verborum flosculos colligunt: sed qui totam epistolæ alicuius formam ob oculos sibi constituunt: rei quæ de agitur naturam diligenter considerant & cum illa quam tractare ipsi volunt, conferunt: eandem libere, non serviliter: occultè, nō apertè exprimere conantur: vel ordinis immutatione, vel dilatatione, vel cōtractione, vel aliis modis, quæ κρύψις occultationi inserviunt, & cum à dicendi magistris traduntur, tum in Ciceronis

ronis aliorumq; scriptis deprehenduntur.

X. De vtilitate verò epistolarū qd multa nūc me scribere necesse est: ad te præsertim, q nō legisti modò Ciceronis epistolas diligēter; verū etiā in succū atq; sanguinē conuertere easdē didicisti: ad parentes, præceptores, mecænates, amicos scribis creberrimē?


XI. Si verum est, vt est, quod ad Curionē Cicero scribit, inuentas propterea epistolas esse, vt iis certiores amicos reddamus, si quid eos scire, aut nostra, aut ipsorum intersit: si nihil ferē in rebus reperitur humanis, quod epistolis non committatur: si nihil dulcius & suauius, quā cum eo, qui etiam longē à nobis abest, quasi præsentē posse colloqui nostraq; consilia communicare: si nemo in orationibus conscribendis felix esse potest, nisi in contexendis epistolis diu ante multumq; exercitatus fuerit: quis est, qui non quā longē lateq; earundem sese proferat cū vtilitas, tū oblectatio intelligit?


XII. Habes meam de epistolis sententiam breuiter indicatā: quæ vt spero, tibi quoq; probabitur.

XIII. Sin verò aliud forte visum tibi fuerit, amici tamen fungi me voluisse officio statues, eoq; nomine, quæ sunt allata, grata habebis.

XIIII. Quicquid autem & in hoc genere studij, & aliis institueris: id Deus Opt. Max. vt fortunet, ex animo precor.

F I N I S.





Geo. PERBODY

808

J 9599

1587

c. 1

5042584

95E4

